


9
საქართველოს
საბავშვო
ლიტერატურის
სამსახური


644
1964



ს
ქ
ა
ე
ბ
ვ
გ
დ
ე
ზ
წ
ჩ
ც

1 9 6 4

ბილჯანი



სიღვაძე



9740

შინაარსი

პოეზია

ვასტანგ ჯავახიძე — ლექსები	14
ჯაშრ ბოლქვაძე — ლექსები	26
ირაკლი არაბული — წინაპრებს	48
თენგიზ კაკაუშაძე — ლექსი	49
ალექსანდრე კუშკინი — რუსლანი და ლუდმილა. პოემა. გაგრძელება	50

პროზა

ნოდარ წულეისკირი — ორი უძილო ღამე. მოთხრობა	3
გურამ დოჩანაშვილი — შენ ძმა ხარ ჩემი. მოთხრობა	17
გივი ზომბიჩაიშვილი — გაზაფხული- დან გაზაფხულამდე. რომანი. დასას- რული	29
ემანუილ ფეიბინი — ჯარისკაცა, შვილი ჯარისკაცისა. მოთხრობა	66
თორმას მანი — მძიმე საათი. მოთხრობა	87

9

სექტემბერი

1964

გამომცემლობა
„ლიტერატურა და ხელოვნება“

ლიტერატურულ-მხატვრული და
საზოგადოებრივ-პოლიტიკური
შურნალი

საქართველოს ალკა ც. კ-სა და
მწიგნობართა კავშირის ორგანო

ქრიზიკა და პუბლიცისტიკა

გურამ განაპაზა — ლიტერატურული შენიშვნები. წერილი პირველი	93
ბაბაძე ბაქრაძე — რამდენიმე სიტყვა „უაბახის“ გამო	104
მეზარ კვიციანი — ბლოკი ქარ- თულად	117
თამაზ ებანოიძე — მეცნიერი, მოლ- ვაწე, პოეტი	121
რევაზ ოსეფიანი — ახალი უურ- ნალი	131

ნარკვევი

კოტე ჯავახიშვილი — სამთვალა ჩუ- ბინი	124
---	-----

საორგო

ვახტანგ ერისთავი — მოჭადრაკის მო- გონებანი	134
---	-----

მეცნიერება და გეოგრაფია

დ. ცუპერნიკი — როგორ აღმოაჩინეს ამერიკა	142
--	-----

საგირა და იუმორი

კუპური გოგიაშვილი — იგაგები	154
ყოველი მხრიდან	156

რედაქტორი კონსტანტინე ლორთქიფანიძე

სარედაქციო კოლეგია:

გურამ გვერდწითელი, კარლო კალაძე, როინ მეტრეველი, გურამ ფანჯი-
კიძე (პ/მგ მდივანი), გიორგი ციციშვილი, ვლადიმერ ჭავჭავაძე, ვახტანგ ჭელი-
ძე, სერგი ჭილაია, თამაზ ჭილაძე, ლაშა ჯანაშია.

მონაწილეობა



მოთხრობა

გორგი ქალაქში რწყილივით ჩუ-
მად დადიოდა. გარეუბანში ჰქონ-
და პატარა „ბუნაგი“ (თავის ოთახს ასე
ეძახდა). „ბუნაგში“ ორი მალხაზი ეზრ-
დებოდა. ბიჭებს ხშირ-ხშირად მკლავებს
უსინჯავდა და ამბობდა: დევგმირები
იზრდებიანო. სახელებიც გმირების შეურ-
ჩია: ამირანი და ტარიელი. მუდამ შინ
მიიჩქაროდა. ტახტზე წამოკოტრილდე-
ბოდა და ბიჭებს ეთამაშებოდა. გიორ-
გის შინ ყოფნა ერჩია. გარეთ სხვა იყო,
გარეთ უჭირდა. სამსახურში ბევრი
უფროსი ჰყავდა, შინ კი თვითონ იყო
უფროსი. გიორგის შეეძლო უფროსებ-
თან საერთო ენა გამოენახა, უმც-
როსობას კარგა ხანია შეეგუა. სხვა
რამ აწუხებდა, გულს სხვა რამ უკ-
ლავდა.

თავის ცხოვრებას ასე წარმოიდგენდა:
თითქოს ხელში ეჭირა ბადავით საგვ-
დიდი ფილა, ნელ-ნელა სვამდა, მოდი-
ოდნენ მისი ამხანაგები, ნაცნობები,

უცნობები და ფილაში ნაღველას აწვე-
თებდნენ.

შეიკრიბებოდნენ და მოჰყვებოდნენ
ტრაბახს. ერთი ეტყოდა, რომ წუხელ,
დღეობაში, ოცი ჩაის ჭიქა ღვინო დალია.
მეორე გაიხსენებდა, როგორ დააწვინა
ქორწილში კახელები. მესამე მოყვებოდა,
როგორ გალახა ხუთი კაცი. სხვა კიდევ
ქალების მუსუსი იყო. ყველას რაღაც
ჰქონდა სატრაბახო. ამ დროს გიორგი
ჩუმად იყო. სასაუბრო რომ შემოეღეო-
დათ, გაჩუმებულ გიორგის წაიგდებდნენ
და დასცინოდნენ და დასცინოდნენ: აი,
ძმაო, მსმელი კაციო. ბევრჯერ უფიქ-
რია, მოდი, მეც გავერევი საუბარში,
მაგრამ რა ეთქვა, რით ეტრაბა-
ხა?..

გიორგის უფრო მაშინ უჭირდა, როცა
ამხანაგებთან ერთად ქუჩაში მისეირნობ-
და. ქალს არ გაუშვებდნენ, არ გაეჭო-
რათ, თავხედურად, გამომწვევად არ შეე-
ხედათ.

— შეხედე, გიორგი, ჰა, რას იტყვი! — ეუბნებოდა, დენენ, აჯანჯღარებდნენ და იცი-
ნოდნენ.

— კარგი ქალია... — „რა არის სასაცი-
ლო, მეტი საქმე არა აქვთ?“ — ფიქრობ-
და გუნებში.

დაცინვის ეშინოდა. თქვი რამეო,
ჩააცვივებოდნენ, უნებლიეთ რაღაც წა-
მოცდებოდა და იყო ერთი სიცილ-ხარ-
ხარი.

ერთხელ სუფრასთან ფეხბურთზე ისე-
თი კამათი ატყდა, მთელი კაფე მათ
უყურებდა. სასაუზმოდ იყვნენ ჩასულ-
ნი. იმდენი იყაყანეს და იჩხუბეს, ხეი-
რიანად ვერც კი ისაუბმეს. გიორგი
სულ გაჩუმებული იჯდა. იგი მხოლოდ
მაშინ შენიშნეს მოკამათებმა, როცა
დაწყნარდნენ.

— რა იყო, გიორგი, რას გაჩუმებულ-
ხარ?

გიორგი ამ შეკითხვას მოელოდა და
პასუხიც მზად ჰქონდა:

— რა და, აგერ ჩვენს გვერდით კარ-
გი წიგნი იყიდება, ფული აღარა მაქვს.

ეს იმიტომ თქვა, რომ ფეხბურთზე
ლაყობა მოხეზრდა.

— გიყვარს არა წიგნები, გიორგი? —
ჰკითხა ერთმა.

გიორგი გაშრა. ბიჭებმა ამჯერად
აღარც კი გაიცინეს, ამისთვისაც კი არ
ეცალათ. კამათი განაგრძეს. გიორგი
სუფრასთან ბაიყუშვით იჯდა. უაზროდ
შესცქეროდა დარბაზში აყაყანებულ
ხალხს და თავისი ამირანი აგონდებო-
და. ამიკო მამას წამოწოლილს რომ
დაინახავდა, მაშინვე მკერდზე დაახტე-
ბოდა. ზღაპარი მომიყვებო, — საშველს
არ მისცემდა. გიორგიც დაიწყებდა.

„მამა, მაშინ მე სად ვიყავი?“ — წა-
რამარა ეკითხებოდა ბავშვი.

„— ეს, შვილო, დიდი ხნის წინანდე-
ლი ამბავია“.

„მე სად ვიყავი, სად?“ — გაჟინიან-
დებოდა ამიკო.

„შენ, შვილო, მაშინ ქვეყანაზე გაჩე-
ნილიც არ იყავი“.

„აბა, სად ვიყავი?“ — ჩაფიქრდებო-
და ბავშვი.

„არსად არ იყავი“.

„არსად?.. აბა, რა ვიყავი?“

„არაფერი არ იყავი“.

ამიკოს თანდათან გადაუფლიდა ფიქ-
რი და გაბრაზდებოდა. პატარა ხელის-
გულეებს მამას შიშველ მკერდზე დასც-
ხებდა.

„რატომ ვიყავი არაფერი, რატომ ვი-
ყავი!“

ატირდებოდა და დედასთან გარბოდა.
გიორგი იცინოდა. ძველი ამბის მოყო-
ლა ყოველთვის ასე მთავრდებოდა.

აქედან იწყებოდა გიორგის ფიქრთა
მთელი ჯაჭვი. ბევრი რამის გარკვევა
უძნელდებოდა. „რატომ ვიყავი არაფე-
რი?“, ეკითხებოდა თავისთავს, აგონდე-
ბოდა გაბრაზებული ბავშვი და ელიმე-
ბოდა. შემდეგ „ვიყავის“ სხვადასხვა
დროში გადაიყვანდა და აკვირდებოდა.
ერთი რამ ცხადი იყო, რაღაც უნდა
მოემოქმედა, მაგრამ როგორ? რა გზით?
რატომ თვლიდნენ არაფრად? იქნებ
იმიტომ, რომ სუსტი იყო, ან იქნებ
ზედმეტად წესიერად ცხოვრობდა?

ერთხელ, როცა გამფლანგველებზე ჩა-
მოვარდა ლაპარაკი, გიორგის უცნაური
აზრი აეკვიატა. ბიჭები პაპიროსს ეწეო-
დნენ და საოცარ ამბებს ჰყვებოდნენ.
ახსენეს ვიღაც აფთიაქარი, ტაქსის შო-
ფერი, საკონდიტრო წარმოების უფრო-
სი. ერთი მათ თავგამოდებით იცავდა.

— ვენაცვალე სულში, ვაყვაცია... —

საუბარი თანდათან გართულდა. „რა
არის მთავარი“, „რა გინდა“, „რა უნდა
აკეთო“, — გაისმა აქეთ-იქიდან.

გიორგის თვალები გაუბრწყინდა. შეე-
ცადა საუბარში ჩართულიყო, მაგრამ ვერ
მოახერხა. ბევრი იწყებდა, ვერა და ვერ
ჩაერთო კამათში. მხოლოდღა ის მო-
ახერხა, ერთი მათგანისათვის მხარი დაე-
ჭირა. უეცრად ყველა გაჩუმდა. გიორ-
გის მიაჩერდნენ.

— ქართველი ხარ, ბიჭო!.. — შესძახა
ყველაზე ღონიერმა ბიჭმა, მაღალ-
ოთარმა და ისე მაგრა დაპკრა მხარზე
ხელი, გიორგი კინაღამ ჩაიკეცა. ატყდა
სიცილ-ხარხარი. გიორგი გაწითლდა და
ჩუმად გაიპარა, ეგონა მხარი მოენგრა.
უფრო იმის შერცხვა, რომ ეტკინა. თით-
ქოს გაშლილი ხელი კი არა, მხარზე

რკინის მიძიმე ნაჭერი დაჰკრესო. სამუშაო ოთახში ჩაიკეტა, პერანგი გადაიხსნა, მხარი მოისინჯა. მერე მაგიდას მიუჯდა, თავი ნიდაყვებში ჩარგო და ზღარბივით შეძვრა ფიქრებში.

„მე თუ დამემსგავსა, ტარიელას დაუძახებენ...“

ნეტავ ბაბუას დამესგავსებოდეს... ჰგავს კიდევ ბაბუას...

ისეთი ბოხი ხმა აქვს, გეგონებათ, თხუთმეტი წლის ბიჭია... ასე პატარას ასეთი ბოხი ხმა!..

სალამოს, როცა ეზოში ბავშვები გამოეფინებინან, მარტო მისი ხმა ისმის, დანარჩენები ჭაჭყანებენ, ჭყიბინებენ...

სამსახურიდან დაბრუნებული ვალიკო იძინებს. თუ ტარიელი ეზოში თამაშობს, აბა რა დააძინებს! გადმოდგება მეხუთე სართულიდან და გაანჩხლებული ყვირის:

— ტარიელ, ბიჭო, წადი, იქით ითამაშე!.. რა ხმა აქვს ამ ვირთხას!“

გიორგი ზის თავის ლოჯში, პაპიროსს აბოლებს და ჩუმად იცინის, ზედა სართულისკენ იყურება.

პატარა შემთხვევა რომ არა, იქნებ გიორგის ცხოვრება სხვაგვარად წარმართულიყო.

ერთ მზიან დღეს ოფლში გაღვრილი გიორგი ბაზრიდან სანოვაგით დატვირთული გამოვიდა. ტაქსის რიგში ჩადგა. კარტოფილითა და კომბოსტოთი გატენილ ბადეში წითელი ბოლოკის ერთი კონა არ ეტეოდა, როგორც კი შეირხეოდა ბადე, ბოლოკი ვარდებოდა. გიორგიმ დიდი საზამთრო იქვე ბეტონის მოაჯირზე ფრთხილად შემოდო, ხელი გაინთავისუფლა, აიღო ბოლოკის კონა და ბადეში ჩატენა. საზამთრო ისევ ამოიიღლია და დადგა.

როცა მოაჯირზე ერთი ხუთჯერ შემოდო საზამთრო და განერგილებულმა, გაჯვარებულმა, ბოლოკი მთელი ძალით ჩატენა ბადეში, ტაქსი მოვიდა. შოფრის გვერდით მოიკალათა, ოფლი მოიწმინდა და ისე მშვიდად ამოისუნთქა, გეგონებოდათ, სამოთხეში მიემგზავრებო.

სად იყო და სად არა, გიორგის ტაქსს

მოადგა ლამაზი ქალი. ქალი ისეთი ლამაზი იყო, გიორგიმ თვალი ვერ გაუსწორა.

— საბურთალოსკენ ხომ არ მიბრძანდებით? — იკითხა ქალმა.

— დიას.

— თუ შეიძლება, მეც წამოვალ.

— წამობრძანდით.

ქალიც ბაზრიდან მოდიოდა, მასაც საზამთრო და კარტოფილით გატენილი ბადე ეჭირა ხელში. გიორგი უკან გადაიხარა და კარი გაუღო. როცა ქალი ჩაჯდა, გიორგიმ თვალი მოკრა მაღალ მუხლებს.

შოფერმა მანქანა დაძრა. ჩუმად ისხდნენ. გიორგის ერთი სული ჰქონდა, თუნდაც ერთხელ შეეხედა ქალისათვის. შოფერი ქალს სარკეში უყურებდა. გიორგი პროსპექტს გასცქეროდა... „რა უზრდელედი არიან შოფერები“, — გაიფიქრა მან, თუმცა თვითონაც უნდოდა სარკეში ჩაეხედა.

— იცით რა? — სთქვა ქალმა, — მე აქ ჩამოვალ, ვეძისში მივდივარ.

შოფერმა დაამუხრუჭა. მანქანა ჭრილით გაჩერდა.

— ნუ ჩამოხვალთ, მივიყვანთ, — სთქვა გიორგიმ და ქალს შეხედა.

გიორგიმ დაინახა ცისფერი თვალეზი და მაღალი ყელი.

— შეგაწუხებთ, გზას გაგიმრუდებთ, — განკებ დაიმორცხვა ქალმა.

— არა უშავს...

შოფერმა მანქანა მოატრიალა და უკმაყოფილოდ შეათვალა გიორგი, „ვინ ეხვეწება კავალრობას“...

გიორგი კვლავ მიაშტერდა შარას.

— აი, აქ გამიჩერეთ, — სთქვა ქალმა. გიორგი ქალს მიეშველა.

— თუ ნებას მომცემთ...

— ნუ შეწუხდებით, მსუბუქია.

ქალმა შოფრისთვის ფულის მიცემა მოინდომა. გიორგიმ „როგორ გეკადრებათ“, ისე სთქვა, ქალმა მხოლოდ კეკლუცად გაუღიმა.

შოფერმა გულში ორივეს შეაგინა და

ნოდარ წულეისკირი
ორი უძილო დამე

გაბრაზებულმა მანქანა აამუშავა. გიორგი მანქანაში ჩაჯდა. ვიდრე მანქანა დაიძრებოდა, ქალმა ერთხელ კიდევ გაუღიმა კეკლუსად გიორგის და სადარბაზოში მიიმალა. გიორგის დაავიწყდა ბაზარში წანწალიც, ტაქსის რიგში წვალებაც, ჭირვეული ბოლოკიც, ვიწრო ფესხაცმელებიც და შინ გახარებული დაბრუნდა.

ეს იყო და ეს. მას შემდეგ, როგორც იტყვიან ხოლმე, ბევრმა წყალმა ჩაიარა. გიორგის ცხოვრებაში არაფერი განსაკუთრებული არ მომხდარა, არც არაფერს მოელოდა. აბა, რას იფიქრებდა, თუ იმ ქალს კვლავ შეხვდებოდა!

სამუშაო დღე დამთავრდა. ჩვეულებრივად რუსთაველის პროსპექტზე ერთად გამოვიდნენ გიორგი და მისი თანამშრომლები. მოსიერნობდნენ. და ქვეყნის ამბებს ჰყვებოდნენ.

— ერთი ამბავი ვიცი, დაწვებით, — სთქვა ერთმა.

— რა ამბავი?

ბიჭი გაჩუმდა.

— სთქვი, პა!

ბიჭმა გიორგის შეხედა.

— შენზე მაქვს საიდუმლო ცნობები. სთქვი, რამდენს კისრულობ, თორემ ვიტყვი.

— ვკისრულობ არა, სთქვი!

— კუკიის სასაფლაოზე რომ დაჩალიჩობდი, პა, შე ძველო! მიხვდი? ვთქვა?..

გიორგი შეიშმუნა და გვერდით გაიხედა. მიხვდა, რისი თქმაც უნდოდა ბიჭს; სტუდენტობისას ეპიტაფიებს წერდა. „ნეტავ საიდან გაიგო?“ — გაიფიქრა გიორგიმ და პაპიროსი ამოიღო.

— ნუ გადაგვაცოლდე, გვითხარი, რა იცი! — უთხრა ბიჭს მაღალ-ოთარმა.

— გიორგი პოეტი ყოფილა!

— არ გადამრიო!

— კუკიის სასაფლაოზე რაც წარწერებია, სულ მაგისია!

— ვახ, შენ გენაცვალე!..

— გიორგი, გვითხარი ლექსი!

— რას მერჩით, ბიჭო, რა გინდათ, თქვენი ხნის შვილი მყავს... — თავი მო-

ისაწყლა გიორგიმ, თუმცა ერთ-ერთი წლით თუ იქნებოდა მათზე უფროსი.

— რას ეხვეწებით, მე აგერ არაფერი მთელი მისი შემოქმედება შევისწავლე.

— სთქვი, აბა!

ბიჭმა დაიწყო:

— „ტოკმა დამარტყა თავში და მოვაკლდი ხალხში“.

ყველამ გაიცინა.

— დენს მოუკლავს! ვახა, ხა, ხა! — ახსნა ერთმა.

— მაყალეთ, უკეთესი გითხრათ! „მუხლში გამიჩნდა სარკომა, ვეღარ მოვესწარ აღდგომას“.

კვლავ გადაიხარხარეს. გიორგიც იცინოდა. ხვდებოდა, რომ ახლა ერთადერთი გამოსავალი სიცილი იყო. მოდიოდნენ და იგუდებოდნენ. მაღალ-ოთარი იხვეწებოდა, გაჩუმდით, მეტი აღარ შემიძლიათ.

როცა ოპერის თეატრს გაუსწორდნენ, პროსპექტზე ერთი ლამაზი ქალი გამოჩნდა.

— შეხედეთ, მოდი და გული ნუ გაგისკდება, — ამოიოხრა ერთმა.

— ეპე, დაიწყეს, — გაიფიქრა გიორგიმ.

— ჩჩჩ, მსახიობია, იქნებ გვიცნობს, — გააფრთხილა მეორემ.

— Vera incessu patuit dea, — სთქვა მელოტმა. მან ერთადერთი ლათინური ფრაზა იცოდა და ყველა ქალს წარამარა ეუბნებოდა.

— ქალღმერთი მიხრა-მოხრით გამოიცნეს, — თარგმნა თვითონვე, თუმცა არავის უთხოვია. ბიჭებს ბევრჯერ მოუსმენიათ ეს ფრაზა და ზეპირად იცოდნენ. მელოტს ყველაფერი უნდა აეხსნა.

— მართლაც რომ ქალღმერთია!

— ქმარს გაშორებულა.

უფიქრად გიორგი შეკრთა. ქალი მათ მიუახლოვდა. გიორგიმ იცნო: „ის არის“... გადაწყვიტა, თვალს მოვარიდებ, უხერხულიაო. ქალმა გაუღიმა და საკმაოდ შინაურულად მიეხალმა. გიორგის თავბრუ დაესხა: ამხანაგები ადგილზე გაქვადნენ. ჯერ ქალს გააყოლეს თვალი, მერე გიორგის შეხედეს. პირდა-

ღებულეები ერთმანეთს მიაჩერდნენ და... ჩაბყირდნენ.

წუთია კაცის ცხოვრებაო, — აღბათ ასეთ დროს სთქვა კილაყამ. ცხოვრებაში ყველა ადამიანს აქვს სანუკვარი ერთი წუთი, ჯადოსნური წუთი, თვალის მომჭრელად რომ მოვანათებს და გზას გიჩვენებს.

გიორგის გონებაში ერთ წამს მთელი ქვეყნიერება გადატრიალდა და გადმოტრიალდა, მოასწრო ყველა საიდუმლო ხერხელში ჩაეხედა, ყველა საიდუმლო კუნძულისთვის თვალი შეეცვლო. როცა ქვეყნიერება დალაგდა, გულიანად გაეცინა. უცნაური რამ გადაწყვიტა. ბიჭებს შეხედა, გაოცებულნი რომ მისჩერებოდნენ. თითქოს აქ არაფერიაო, გზა განაგრძო.

— საიდან იცნობ ამ ქალს? — გამოვლენა მაღალ-ოთარი.

— ვიცნობ, რა ვიცი...

გიორგიმ ვითომ ეშმაკურად გაიცინა.

— გაფიცებ ყველაფერს, მითხარი!

— ვერ გიტყვი...

ახლა გიორგი ყოველ სიტყვას აკვირდებოდა, უნებლიეთ ამბობდა ტყუილს და უჭირდა.

— გვანტერესებს, გვითხარი, ქალი ვის არ ყოლია. — განაწყენდა მელოტი. გიორგიმ მაშინვე იგრძნო, როგორ გამოეცვალათ ამხანაგებს კილო. ახლა ისე ელაპარაკებოდნენ, როგორც ტოლს. „ჯერ არ ვიტყვი, უფრო დავანტერესებ“... ვაიფიქრა გიორგიმ. ბიჭები იდგნენ და ეხვეწებოდნენ, გვითხარი, საიდან იცნობო.

— უხერხულია ამაზე ლაპარაკი, — სთქვა ბოლოს გიორგიმ.

— კარგი ერთი, ნუ გააჭირვ საქმე!

— ხომ ხედავთ, ქალებში არ დავდივარ, — დაიწყო გიორგიმ, — ძლივს ერთმა ქალმა ყურადღება მომაქცია, რა სალაპარაკოა!

გიორგიმ ეშმაკურად გაიცინა, — ბიჭებს აგრძნობინა, რომ თუ დააძალებდნენ, მოყვებოდა.

— სად გაიცანი?

— რა კარგი ქალია, ყოჩაღ, ძმავ!

— ო, რა ჩუმჩუმია, ხედავ? — უთხრა ერთმა მეორეს.

— სად გაიცანი? — ჩააცივდა მადლობა.

როცა სხვებიც ჩააცივდნენ, გიორგიმ მთლად მოისაწყლა თავი და აკანკალე-ბულმა თხოვა ბიჭებს, არ დამლუბოთ, არ გამთქვათო. მერე მშვიდად მოყვა, როგორ წაიყვანა ტაქსით, როგორ მიაცილა, უამბო ის, რაც მართლაც შეემთხვა. მხოლოდ ამ შემთხვევას დაუმატა მცირეოდენი ტყუილი: როგორ დაუნისნა ქალმა პაემანი და ღამის პირველ საათზე შინ როგორ წაიყვანა. მერე სიცილით უთხრა ამხანაგებს: თქვენ რომ არაფრად არ მთვლით, მართლა ისე კი არაა საქმეო.

მეორე დღეს სამსახურში კარგ გუნებაზე მივიდა. გიორგის ამბავი ბიჭებმა ყველას გააგებინეს. ატყდა ერთი მითქმამოთქმა, „ჩვენი გიორგი თურმე ულამაზეს ქალებთან დადისო“. მესამე დღეს კიდევ უკეთეს გუნებაზე დადგა გიორგი. გაიკეთა თუ არა ქალებმა ეს ამბავი, ერთ ოთახში მოიყარეს თავი. დიდი ბჭობა გაიმართა.

— ელოკო ისეთი ლამაზია, ისეთი თაყვანისმცემლები ჰყავს, რა ვიცი, როგორ დავიჯერო, — სთქვა ყვითელთმიანმა და ყვითელკაბიანმა.

— არ დაიჯერო, იმიტომაც გადაგენაფსკვა ბედი, — გაეხუმრა ყავისფერთმიანი.

— ნუთუ მართლა ლამაზია? — გულუზრყვილად დაინტერესდა ყველაზე ახალგაზრდა — თვალეში მართლა აქვს რალაც არამიწიერი.

ისინი მოდას აყოლილი, უჭკუო ქალები იყვნენ. ჩვეულებრივად ტრანზახობდნენ იმით, რომ ბევრი თაყვანისმცემლები ჰყავდათ. თავი განათლებულ ადამიანებად მოჰქონდათ და დასცინოდნენ მეციერ ქალებს, ზედა სართულზე რომ მუშაობდნენ. მათ „ჩამორჩენილებს“, „მეშინებს“ ეძახდნენ.

ნოდარ წულეისკირი
ორი უძილო დამე



ამ დიდ შენობაში სხვადასხვა სართულზე სხვადასხვა დაწესებულება იყო. ფართო და გრძელ აივნებზე ათასი ჯურისა და პროფესიის ადამიანი ირეოდა. შეხვდებოდით ინჟინრებს, ენათმეცნიერებს, გეოლოგებს, ჟურნალისტებს. ქერა ჟურნალისტ „არისტოკრატებს“ ყველა იცნობდა. განსაკუთრებით მათი „ლიდერი“, ყვითელთმიანი და ყვითელკაბიანი, თვითონაც ლიბონივით ყვითელი, მაღალი, გამხდარი ქალი, ლულუ იქცევდა ყველას ყურადღებას.

ამაყად, გამომწვევად დადიოდა. მუდამ ჟირაფივით ჰრელი, ისე ღირსეულად იქცეოდა, თითქოს კანონიერად სამჯერ ნაქმარევი არ ყოფილიყოს... მეოთხედ არ თხოვდებოდა იმიტომ, რომ მისი აზრით კულტურული კაცი საქართველოში ცოტა დადიოდა. ბევრს მოგზაურობდა და ახალი მოდა პირდაპირ იმ ქვეყნიდან მოჰქონდა, სადაც ეს მოდა წარმოიშვა. თანამშრომლები, უფრო გამოუცდელი და ახალგაზრდა გოგოები გადარია. ერთს უთხრა, ჯაჭვის ქამარი გიხდებაო. გოგონამ თეთრი ჯაჭვი წელზეც შემოიკრა, ყელზეც შემოიხვია და მაჯებზეც. საცოდავი რამ იყო ის გოგონა, ჯაჭვმა ყელი გაუხება და სიმწრით დაატარებდა.

აბა, ასეთი ქალები გიორგის კაცად ჩათვლიდნენ?

და აი, დადგა დღე, როცა ყვითელთმიანმა, ჯაჭვებიანმა გოგოებმა გიორგის შეხედეს. უტიფრად ჩასცქეროდნენ თვლებში, აკვირდებოდნენ, მართლა ლამაზი მამაკაცი იყო გიორგი თუ არა.

გიორგის რედაქციაში უამრავი საქმე ჰქონდა, ქალებს მხოლოდ გაუღიმებდა და ქაღალდებში ჩარგავდა თავს. როცა პაპიროსის მოსაწევად ან დასასვენებლად აივანზე გამოჩნდებოდა, მაშინ კი ყველას გულთბილად ესაუბრებოდა. ამხანაგები გიორგის აკვირდებოდნენ. როცა ქალ დაეღაპარაკებოდა, დაინტერესებულნი ეკითხებოდნენ:

— რაო, რა უნდოდა გიორგის?

გიორგი ატყობდა, ახლა რაც არ უნდა ეთქვა, ყველაფერს დაუჯერებდნენ, და დაიწყო.

— პაემანი დაფინანსებ?

— ვის, მზიას?

— ჰო, რა მოხდა? ქალი ყველა ქალისაა

მელოტი ცდილობდა აეხსნა ეს ფაქტი და წრიალებდა. ცნობილი ფსიქოლოგების აზრებს იშველიებდა, კაცი ვერ გაიგებდა, რას ამტკიცებდა, რა უნდოდა. რამდენიმეჯერ უცხო სიტყვა „ლიბიდო“ წამოისროლა, — იქვე ახსნა, რა იყო ეს „ლიბიდო“, და როცა საკუთარი თავი დაარწმუნა, რაღაც დაგამტკიცეო, დამშვიდდა.

მაღალ-ოთარს ფაქტის პრაქტიკული მხარე აინტერესებდა. მეორე დღეს გიორგის ჰკითხა:

— რა ჰქენი?

— არაფერი, კინოში ვიყავით.

— გასაგებია.

გიორგის უხაროდა, ბიჭები უკვე უსიტყვოდ რომ „უგებდნენ“: ტყუილის თქმა მაინც ეძნელებოდა. რაკი „საქმე აეწყო“, გიორგი აღარ შეჩერდა. როგორც კი ბიჭები ტრაზახს მოჰყვებოდნენ, გიორგი სხვათაშორის იტყვოდა:

— წუხელ მერისთან ვიყავი...

ყოველთვის ისეთ ქალს შეარჩევდა, ბიჭები შორიდან რომ იცნობდნენ, ლამაზიც რომ იყო და პატიოსანიც, ან ცოტათი „სხვანაირი“. ეს იყო და ეს, მეტს არაფერს ამბობდა. „ზოგი დადგება და ყველაფერს წვრილად მოყვება, გიორგი აბა, ამას როგორ იკადრებს“, — ფიქრობდნენ ბიჭები.

— რომ იცოდეთ, რა კარგი ქალია ლია, — თანამშრომელზეც შეაპარა ერთხელ გიორგიმ. აინტერესებდა, რა მოხდებოდა. აი, რა მოხდა: ყვითელთმიანთა, წითელთმიანთა, ჯაჭვიანთა საკრებულოში ხმა გავარდა, გიორგის ჩვენი ლია მოსწონებიაო. მათ გაეგონათ, გიორგი თბილისში სილამაზით განთქმულ ქალებთან: ელიკოსთან, მზიასთან, მერისთან დადისო. დაიწყო მტკიცება, ლია მათ არ ჩამოუვარდებაო. ლიამ კი მოსვენება დაკარგა. ყოველდღე ელოდებოდა, აი, ახლა მოვა გიორგი ჩემთან და აი, ახლაო. ხალხს რა გამოეპარება, — ხედავდნენ, რომ ლია დღისით, მზისით ეკურკურებოდა გიორ-

გის. გიორგი კი ყურადღებას არ აქცევდა. შეიქნა მითქმა-მოთქმა, გიორგის გარშემო წრიალი, ტრიალი და აი, აღმოჩნდა, რომ გიორგი ლამაზი კაცი ყოფილა. აღმოჩენა ლულუს ეკუთვნოდა. მან შეადგინა სია, დაწესებული ბიდან სამ-სამი ლამაზი მამაკაცის სახელი და გვარი ჩამოწერა და გოგოებს დაურია. ქულები უნდა დაეწერათ ორი ნიშნის მიხედვით: „ვინ არის ყველაზე ლამაზი“, „ვინ გაღელვებს“.

გიორგიმ ყველაზე მეტი ქულა მოაკროვა.

იმ დღეს სამსახურში ისეთი ამბავი ატყდა, განყოფილების გამგებმა რექტორთან იჩივეს, — ლიტმუშაკება და კორექტორები გაგიჟდნენო, რექტორი აიძულეს სასწრაფოდ თათბირი მოეწვია და წესრიგი დაემყარებინა.

როგორც იქნა, დაშოშმინდნენ, დაწყნარდნენ.

გიორგი არ ლეღავდა. საწადელს მიადწია და რაღა მნიშვნელობა ჰქონდა, ქალები რას ილაპარაკებდნენ. ამხანაგებში წილგამართული დადიოდა. ქალებზე სიტყვას რომ ჩამოაგდებდა, ყველა გაჩუმდებოდა. ერთხელ, როცა მაღალ-ოთარმა ჩვეულებრივად დაიწყო ტრახახი, გუშინ ერთი ქალი შემხვდაო, გიორგიმ საუბარი შეაწყვეტინა, ლოყაზე ხელი მოუთათუნა და თვითონ დაიწყო მოყოლა. მაღალ-ოთარმა არაფერი არ სთქვა. ამის შემდეგ ვინ გაბედავდა გიორგისთან ქალზე ლაპარაკს!

გიორგი გაიტაცეს, გიორგი აიტაცეს, ყველა ოთახში, ყველა სართულზე ახსენებდნენ. და აი, ერთ მშვენიერ დღეს ლულუმ გიორგი შინ დაბატყა. ეს ძალიან დიდი ბატივი იყო. ლულუსთან, როგორც თვითონ ამბობდა, „იკრიბებოდა თბილისის ყველაზე ლამაზი, ყველაზე განათლებული, ყველაზე კულტურული ახალგაზრდობა“.

თანამშრომელი ლულუს არასდროს დაუბატყინა. გიორგი იყო პირველი კაცი, ვისაც ეს დიდი ბატივი არგუნა.

იმ საღამოს ყვითელთმიანები, წითელთმიანები და ჯაჭვიანები მოუთმენლად მოელოდნენ გიორგის. უკრავდნენ, ცეკ-

ვავდნენ, მღეროდნენ და კარებში იქტირებოდნენ. ამაოდ მოედრიცათ კისერი. გიორგი არ მოვიდა.

მათ გაკვირვებას საზღვარი არ ჰქონდა. გიორგი არ იყო სუფრის კაცი. დღეობებში, წვეულებებსა და ქორწილებში არ დადიოდა. ღვინის სმა არ შეეძლო, არც უყვარდა. ცეკვა არ იყო და და სიმღერა. ვერც მჭევრმეტყველებით დაიკვივნიდა. მაშ, რისთვის მჯდარიყო სუფრასთან? ადრე გიორგის არავინ პატიყებდა. ახლა პატიყებდნენ, მაგრამ გიორგი არ მიდიოდა. უბრალო შემთხვევით იყო და, — „კოჭლი საცეკვაოდ არ უნდა წავიდეს“.

გიორგის საიდუმლოდ უნდა შეენახათავისი პიროვნება. ადრე, როცა არაფრად თვლიდნენ, არც კი იცოდნენ, გიორგი ვინ იყო, საიდან მოვიდა, რა იყო და, როგორ ოჯახში აღიზარდა. ახლა დაინტერესდნენ, მაგრამ გიორგიმ მათ ყველა მისასვლელი ჩაუკეტა. ახლოს არავინ მიუშვა. მხოლოდ შორიდან უტრიალებდნენ. ისიც ყველას თავაზიანად უდიმოდა და ოდნავ მოწკურული თვალებით შესცქეროდა, თითქოს ადამიანში რაღაცას ეძებსო.

გიორგის უკვე გადავიწყდა თავისი ძველი „შეყვარებულები“ თუ „საყვარლები“. ახლები „გაიჩინა“. ყვებოდა და ყვებოდა სასიყვარულო თავგადასავლებს. ისე დაოსტატდა, ბიჭები ეხვეწებოდნენ, არა ეს მოგვიყვიე და არა ესო.

გავიდა ხანი. კაცმა არ იცის, ვინ სთქვა პირველად, ვის ეკუთვნოდა ახალი აღმოჩენა. თითქოს მთელმა სამსახურმა, ყველა თანამშრომელმა კოლექტიურად აღმოაჩინა, — გიორგი ნიჭიერი კაცი ყოფილა.

ურიგო მუშაკი არ იყო. თავისი საქმე კარგად იცოდა. არ ჭირდებოდა შენიშვნა, გაფრთხილება. ასე იცნობდნენ გიორგის რექტორი, მოადგილე, მდივანი, განყოფილების გამგე. ერთ სარექტორო თათბირზე რეცენზენტმა გი-

ნოდარ წულეისკირი
ორი უძილო ღამე

ორგის პატარა წერილი შეაკო. „ნიჭიერულად დაწერილი“, „ღრმა შინაარსიანი“, „საინტერესო“ უწოდა. რეცენზენტს ლიტმუშაკი აჰყვამ, შემდეგ მეორე წამოდგა, მესამე. „ასეთ წერილებს გიორგი ადრეც წერდა, ალბათ ყურადღებას არ აქცევდნენ“, — გაიფიქრა რედაქტორმა. „რადგან ხალხს მოსწონს, ალბათ საინტერესოა“, — გაიფიქრა რედაქტორის მოადგილემ.

„გიორგი პატროსანი და ჩუმი მუშაკია, კოლექტივი მხარს უჭერს, მეც უნდა დაუჭიროო მხარი, რა მოხდა, თუ წერილს ზედმეტად აქებენ, გიორგი შექების ღირსია“, — დასკვნა რედაქტორმა და თათბირი შეაჯამა.

ამ დღიდან გიორგის ტიტულს „ჟურნალისტი გიორგის“ მიემატა ერთი ძალზე ტკბილი სიტყვა „ნიჭიერი“. ამიერიდან გიორგის ეწოდებოდა: „ნიჭიერი ჟურნალისტი გიორგი“.

გიორგი ამ ახალ აღმოჩენასაც მშვიდად შეხვდა. ჩვეულებრივად დადიოდა სამსახურში. ყველას ერთნაირად, თავაზიანად ექცეოდა. მხოლოდ ერთ უმნიშვნელო ცვლილებას კი შენიშნავდა გამოცდილი კაცის თვალში; გიორგის უფრო ხშირად ნახავდით განყოფილების გამგესთან, რედაქტორის მოადგილესთან, მდივანთან. სამსახურიდან მათთან ერთად გამოდიოდა. მაღალ-ოთართან, მელოტთან და სხვა ბიჭებთან იშვიათად საუბრობდა. მელოტი ცდილობდა ფაქტი აეხსნა, თეორიულად დაესაბუთებინა.

სულ მალე გიორგიმ თავისი ტიტული სხვაგანაც გაიგონა. კინოსურათის დამთავრების შემდეგ უამრავ ხალხთან ერთად დაფიქრებული გამოდიოდა დარბაზიდან. ერთმა კაცმა მეორეს გადაულაპარაკა: „ნიჭიერი ჟურნალისტი გიორგი“.

თითქოს არ გაუგონიაო, ჩუმად გამოვიდა დარბაზიდან და გახარებულმა მოუსვა შინისაკენ. სიხარულს სიხარული დაემატა: ერთხელ გიორგი თავისი სამუშაო ოთახის კარებთან რედაქტორის მოადგილემ შეაჩერა და ყურში უჩურჩ

ჩულა: „ხვალ საღამოს რედაქტორთან ვართ დაბატიყებული“.

ეს უკვე მეტისმეტი იყო. შეიძლება გიორგის გული გასკდომოდა. რედაქციიდან ხუთი კაცი იყო დაბატიყებული და მათ შორის გიორგიც. მთელი ღამე არ ეძინა.

სიბნელეში თვალგახელილი იწვა და სადღეგრძელოებს ამბობდა. ვერა და ვერ შეთხზა რედაქტორის სადღეგრძელო. ღამის ორ საათზე გადაწყვიტა. არ წასულიყო. „კოჭლი საცეკვაოდ არ უნდა წავიდეს“, — უთხრა ერთმა გულმა. მეორე გული შეედავა: „კი მაგრამ, რედაქტორი რას იფიქრებს?“ .. ვერაფრით ვერ მოისაზრა, რას იფიქრებდა რედაქტორი. იტრიალა, იტრიალა და ღამის სამ საათზე დაასკვნა: „უნდა წავიდე“. „მაშინ რედაქტორის სადღეგრძელო მოიფიქრე“.

გიორგიმ დაიწყო: „ბატონებო... საბნის ქვეშ სამარისებურ სიჩუმეში „ბატონებო“ ისე უტიფრად გაისმა, გიორგიმ გაიფიქრა: „არ ვარგა, მეტიჩრული სიტყვაა...“ „ბატიყცემულო სუფრის წვერებო“, — უჩურჩულა საბანს. „ვის მივმართავ? სუფრასთან ვინ იქნება?“ — ჰკითხა თავს, წარმოიდგინა ვინც იქნებოდა, გვარებიც კი დაასახელა, და შერცხვა: სახელგანთქმული მწერლები, მეცნიერები, სახალხო არტისტები... ამ ხალხისთვის უნდა მიემართა გიორგის: „სუფრის წვერებო“. რედაქტორი უსათუოდ გაიფიქრებდა, „ვინ არის, ბიჭო, შენი სუფრის წვერები“...

ღამის ოთხ საათზე გადაწყვიტა არ წასულიყო.

— გიორგი, არ გძინავს? — ჰკითხა ხმამაღლა ცოლმა. გიორგიმ საბნინდან თავი გამოჰყო. ახლა პირველად გაიგონა, რა არხინად ფშვინავდნენ ამიკო და ტარიელი.

— არ მძინავს.
— უსათუოდ უნდა წახვიდე.
— დაიძინე, ქალო, წავალ აბა რას ვიზამ! — ვითომ უდარდელად სთქვა გიორგიმ და კვლავ საბნისქვეშ შეძვრა.
ღამის ხუთ საათზე გადაწყვიტა წასუ-

ლიყო. აღარ ახსოვს, ძილი როდის მოეპარა.

მთელი დღე თავი ტკიოდა და გული ეროდა. ტანჯვა-წვალებით გაიარა დღემ. ტანჯვა-წვალებით დაღამდა. გიორგიმ დაიბანა, დაივარცხნა, გამოეწყო, დიდხანს იტრიალა სარკის წინ, ლასლასით გამოვიდა სახლიდან და გზას გაუდგა.

შევიდა თუ არა რედაქტორის ფართო და ნათელ დარბაზში, მაშინვე იგრძნო, რომ სულ სხვა გარემოში მოხვდა. სრულიად ზედმეტი იყო ნერვიულობა, გაუკვირდა, ყველა ისე თავისუფლად და შინაურულად იქცეოდა. დარბაზი ხალხით იყო სავსე, მართლაც გამოჩენილი მწერლები, მეცნიერები, მსახიობები და საზოგადო მოღვაწენი შეკრებილიყვნენ.

ჩვეულებრივად თამაშობდნენ ნარდს, კარტს, ჩვეულებრივად ჭამდნენ, სვამდნენ, ერთმანეთს ეხუმრებოდნენ, დასცინოდნენ კიდევ. როცა ერთმა სახალხო არტისტმა იხუმრა და ხალხი სიცილით დაწყდა, გიორგიმ გაიფიქრა, „მე არ მომიხდებოდა ასეთი ხუმრობა“.

რედაქტორმა ისე გულთბილად მიიწვია სუფრასთან, ისეთი კარგი ადგილი შეურჩია, კინაღამ იტირა.

დაიწყეს სადღეგრძელოები, ლაპარაკობდნენ მოურიდებლად, თავისუფლად. რედაქტორმაც კი სთქვა ერთი-ორი მხიარული ანეგდოტი. ნამდვილი ღბინი გაიმართა. გიორგიმ ყურები ცქვიტა, კი არ ღაზიანდარობდნენ, დამაფიქრებელ ამბებზე საუბრობდნენ. ყოველ ხუმრობას ჰქონდა აზრი და დანიშნულება. მერე სიმღერა წამოიწყეს. ერთმა მსახიობმა მშვენიერი ლექსი წაიკითხა. გიორგის ვერ წარმოედგინა, დღეს სუფრაზე ვინმე ლექსის წაკითხვას თუ გაზედავდა. არავის დაუცინია, ტაში დაუკრეს. გიორგიმაც დაუკრა ტაში. გახარებული იჯდა. მხოლოდ ეგ იყო, ღვინო ადრე მოეკიდა. არ უნდოდა დათრობა, მაგრამ ღვინო აღარ ინდობდა. იფიქრა, მეტს აღარ დავლევო. თამადამ მაშინვე შენიშნა, გიორგის შერცხვა და სულ-მოუთქმელად გადაკრა ღვინო. იჯდა

ჩუმად, სვამდა, ხან ერთს შესცქეროდა და ხან მეორეს. დათვრა. მხოლოდ ხმაურიღა ესმოდა. ერთმა მეცნიერმა შაკმა გიორგი გვიან შენიშნა და გვერდით მჯდომ ამხანაგს გადაუღაპარაკა:

— შეხედე, ეს კაცი სულ ჩუმად ზის. ორში ერთია, ან ჩვენზე მეტი იცის, ან ვილაცასთან დანიძლევებულია.

გადაიხარხარეს. გიორგის არაფერი გაუგია. როცა შესვენება გამოცხადდა, გიორგი გაიპარა. კი არ გაიპარა, დაადო თავი და წავიდა.

— თავი დაანებეთ, მთვრალია, წავიდეს, — სთქვა რედაქტორმა.

რედაქტორის ვაჟმა ჩააცილა, მანქანა გაუჭირა და ჩასვა.

— ვეძისში, — უთხრა შოფერს, მაშინვე თავი ჩაკიდა და ჩათვლიმა. შოფერი შეშინდა, ვაი თუ ჩაეძინოს და ვერ გავადვიძოო. გიორგი ყოველ ორ წუთში თავს მალლა ასწევდა და ფანჯარაში იცქირებოდა. როცა გააკრვევდა სად იყო, კვლავ ჩაკიდებდა თავს და თვლემდა... მერე კარგა ხანს არ აუწევია თავი. შოფერმა იფიქრა, ახლა კი ნამდვილად ჩაეძინაო, მაგრამ გიორგიმ დამფრთხალმა გაახილა თვალი, — აქ გააჩერო, — შესძახა და ჩამოვიდა. სადარბაზო აღარც კი შეუთვალეირებია, ისე შევიდა, თითქოს აქ ყოველდღე დადიოდა. ეს იყო საოცარი მოგზაურობა. ღამის ორ საათზე გიორგი მიდიოდა ქალთან — ელიკოსთან. სადარბაზო კარგად იყო განათებული. ხუთიოდე საფეხური უნდა აევილო და იქვე, პირველ სართულზე, მარჯვნივ უნდა დაეკაკუნებინა. თვალდახუჭული, თავჩაკიდული იდგა კიბესთან და არ ინძრეოდა. თავს ძალა დაატანა, თვალი გაახილა, კიბე შეათვალეირა, თითქოს ხუთი საფეხურის ავლა ეძნელებდა და ვერ გადაუწყვეტია როგორ მოიქცესო. როდის-როდის შვირბა, კედელს მიეყრდნო, გეგონებოდათ კედელმა უბიძგაო, ცალი ფეხი შედგა საფეხურზე, შეჩერდა, კვლავ

ნოდარ წულეისკირი
ორი უძილო ღამე

უბიძგა კედელმა და მეორე ფეხიც შედგა. უცებ მოწყდა და მოაჯირს გადაეკიდა. მოწმინდა მოაჯირი და კედელიც და, როგორც იქნა, მარჯვნივ დააკაკუნა.

ელიკომ გვიან გაუღო კარი.

— გეძინა? — ჩაილულღულა გიორგიმ და ოთახში ჯიქურ შევიდა. ქალი გაოცდა, აირია, შეშინდა კიდეც, მთვრალ კაცს მოერიდა და კარს ამოეფარა. გიორგიმ ვიწრო გასასვლელი ბარბაცით გაიარა, კოსტუმი გაიხადა, იქვე სკამზე დააგდო, საკინძე შეისხნა, სახეზე ხელი მოისვა, სარკეში ჩაიხედა, მერე სავარძელში ჩაეშვა და თავი ჩაკიდა. დაბნეული ელიკო მეორე ოთახში შევარდა, იქნებ მოვიფიქრო, როგორ მოვიქცეო.

— სადა ხარ, არ მოდიხარ? — დაიძახა უცებ გიორგიმ. ისე იქცეოდა, თითქოს მართლა საყვარელთან ყოფილიყო. ელიკო გვიან შემოვიდა. გიორგის წინ დაბალ ტახტზე დაჯდა და მაღალ მუხლებზე ორივე ხელი შემოიკიდო. ქალი შინ უფრო ლამაზი ჩანდა. ხალათი ღამის პერანგზე გადაეცევა და თეთრი მკერდი მოუჩანდა. გიორგი თავჩაქინდრული იჯდა, ეძინა თუ ფიქრობდა, კაცი ვერ გაიგებდა. „რა მაგარი მთვრალია“, გაიფიქრა ქალმა. ელიკო გიორგის იცნობდა, გაეგონა, რომ ქალების მადეფარი კაცია. სულ არ ახსოვდა, ამ ხუთი-ოდე წლის წინათ ტაქსში რომ შეხვდა. გიორგი ელიკოსთვის მხოლოდ „ნაცნობი სახე“ იყო. „ნაცნობ სახეს“ ესალმებოდა. შემდეგ ქალაქში გაჩნდა ვიღაც გიორგი. ძალზე საინტერესო პიროვნება, ვისთვისაც ღამაზი ქალები ჭკუას კარგავდნენ. ელიკომ მიიკითხ-მოიკითხა და დაადგინა, რომ „ნაცნობი სახე“ გიორგი იყო. ეს იყო და ეს. რას იფიქრებდა, შუალამისას კარზე თუ მოადგებოდა... რა ექნა?... მეზობლებისთვის დაეძახნა?... დაერეკა?..

უეცრად გიორგი წამოდგა. კართან მილასლასდა და... გასაღები გადაატრიალა. ელიკოს მოეჩვენა, რომ ოთახში მები გავარდა. „როგორმე უნდა შევინარჩუნო სიმშვიდე“, — გაიფიქრა ქალმა. გიორგიმ ფარდას ფეხი წამოსდო და ოთახში ისე შემოვარდა, თითქოს

კინწი ჰკრესო. ტახტს მიუახლოვდა და ელიკოს თავზე დაადგა. ქალმა მშვიდად ახედა და მაშინვე შენიშნა, რომ მის წინ იდგა სულ სხვა კაცი, გაწამებული, გატანჯული, სუსტი მხრებით და გრძელი გამხდარი მკლავებით. „ეს არ არის საშიში კაცი, — გაიფიქრა ქალმა. — რასაც აკეთებს, ყველაფერი მოგონილია“.

— რა მოგივიდათ, გიორგი, ასე მაგრად სად დათვერით, დაჯექით, დაისვენეთ, — ელიკომ ფრთხილად მოკიდა ხელი და სავარძელში ჩასვა, — თქვენზე ამბობენ, პატიოსანი, წესიერი კაციაო, — იცრუა ქალმა. — ამ შუალამისას შინ რომ არა ხართ, ვინ იცის, იქნებ თქვენს მეუღლეს არ ძინავს, არ გეცოდებათ?

გიორგის ეგონა, რომ ცივი წყალი გადაასხეს, თითქოს ბნელ საკანში იჯდა და უეცრად გააღეს კარები, თითქოს ვიღაცამ თავისი ნამდვილი სახელი დაუძახა, სულის სიღრმეში ერთ სიშხამ მოჰკრა... გიორგიმ თვალი გაახილა, თავბრუ დაესხა თუ გამოფხიზლდა. სახეზე ხელი მოისვა, თვალები მოისრისა, წამოდგა. სიზმარია თუ ცხადიო, — ტახტს დააჩერდა, დარტყანებული ჯორივით დადგა. მხოლოდ ახლა შენიშნა, რომ ოთახი თვალისმომჭრელად იყო განათებული. სინათლემ საკუთარი თავი აღმოაჩინინა; მიხვდა, იდგა შუა ოთახში და მის წინ, ტახტზე უცხო ქალი იჯდა. მხოლოდ ერთი კითხვა გაუჩნდა. „ნეტავ სადა ვარ?... საბოლოოდ გამოფხიზლდა, ვერაფრით ვერ იაზრა, ოთახიდან საიდან უნდა გასულიყო. გაურკვეველი, შეუცნობი შიში დაეუფლა და ციებზიანივით აკანკალა. უნებლიეთ მოტრიალდა, დაავლო ხელი თავის კოსტუმს, მოწყდა ადგილიდან და სადარბაზოში გულგახეთქილი გამოვარდა.

ელიკომ კეთილად გაიღიმა, გაუხარდა, რომ ყველაფერი მშვიდობიანად დამთავრდა.

დილით გიორგის თავის ოთახში გამოეღვიძა. მაშინვე საბანი თავზე გადა-



იხურა, თავი მოიმძინარა. ამიკო და ტარიელი მაგიდასთან იხდნენ, — დედა ასაუზმებდა. გიორგი იწვა და ფიქრობდა, იხსენებდა წუხანდელ ღამეს: როგორ წამოვიდა რედაქტორის სახლიდან? სად იყო? — არაფერი არ ახსოვდა. მის გონებაში, როგორც ცუდი ფილმის კარგი ეპიზოდი, დარჩენილიყო მხოლოდ ქალი, ისიც ნამდვილი იყო თუ არა, არ იცოდა. ეჩვენებოდა, რომ რაღაც დაკარგა, მაგრამ რა? მთელი დღე იწვალა, იფიქრა, იფიქრა, იფიქრა, ვერას გახდა. სამსახურში არ წავიდა. ცოლი ეჩხუბა, ეჯაჯღანა, — არაფრით არ ადგა. ასე ეგონა, თუ საბანს გადაიხდიდა, მოკვდებოდა ან დამბლა დაეცემოდა. მთელი დღე იწვა საბნის ქვეშ საცოდავად მოკუნტული. მხოლოდ მეორე დღით ადგა. ძალიან გაუკვირდა, როცა არც დამბლა დაეცა

და არც მოკვდა. ოთახში გაიარ-გამოიარა, გარეთ გაიხედა. გაბედა და ჩაში გამოვიდა. სუფთა ჰაერზე დიდხანს ისეირნა. ვერა და ვერ მოისვენა. სამსახურში დააგვიანა. თავის ოთახში ქურდივით შეიპარა. მაშინვე მაგიდას მიუჯდა და წერას შეუდგა. მთელი დღე თავჩაქინდრული იჯდა მაგიდასთან, მაგრამ არაფერი არ დაუწერია, აბოლებდა და ფიქრობდა.

სალამოს შინ ცოლს გამოუცხადა, — გადაღლილი ვარ და უნდა დავისვენო, ქალაქიდან უნდა გავიდეო. ცოლის უთავბოლო შეკითხვებს არ უპასუხა, მუნჯად გამოიწყო ჩემოდანი და ღამის მატარებელს გაჰყვა.

ნოდარ წულეისკირი
ორი უძილო ღამე



პახანგ ჯაპახაძე



ადამიანებს იზიდავს მიწა,
ადამიანებს ეძახის ზეცა, —
ბევრჯერ ზეიმის მიზეზი მისცა
და სასწაულებს ჰპირდება დღესაც.
ადრე შეუკრა ცხოვრებამ წარბი,
მაგრამ უმზეო დღეების მიღმაც
ადამიანი არ იყო ხარბი,
ადამიანი ელოდა დიდხანს.
მზეს გაუსწორა ამაყი მზერა
და თვალი ცისკენ გაურბის მუდამ,
ბევრი რამ მოსწონს,
ბევრი რამ სჯერა,
როდესაც ფეხი მიწაზე უდგას.
აღარ უჯერებს ყოველთვის თვალებს,
თვალებს დახუჭავს
და მაინც ღვიძავს,
არც ისე შორი ყოფილა მთვარე,
არც ისე მძიმე ყოფილა მიწა.




თოვლი მოვიდა — თბილი და წყნარი
და კიდევ უფრო თეთრი და წმინდა,
მაგრამ არავინ გაულო კარი
და მთელი ღამე ქუჩაში იდგა.
გარეთ ეძინა ლოდინით დაღლილს,
თავი მიანდო ლითონის ბოძებს,
ძალიან ადრე ამდგარი ხალხის
ნაფეხურები ეყარა თოვლზე,
და მავთულები გარკვევით ჩანდნენ,
უსმენდნენ თოვლის უცნაურ შრიალს,
ზოგისთვის თოვლი მოვიდა ადრე,
ზოგისთვის თოვლი მოვიდა გვიან;

და ხანძარივით მოედო ირგვლივ,
ცას უბრუნებდა სინათლეს უხვად;
მათთვის ყველაფერს ამზობდა იგი,
რომელთაც დიდი დუმილი უყვართ;
იყო იმათი ერთგული მოძმე
და თავის სიტყვის მორჩილი მონა;
ზოგისთვის თოვლი მოვიდა დროზე,
ზოგისთვის თოვლი არასდროს მოვა...
სახლები ფანჯრებს აღებდნენ


თრთოლვით,

დიდი ქალაქი სუნთქავდა უკეთ
და უხაროდათ პატარებს თოვლი,
რომელიც დიდებს მოსწყინდათ უკვე.




არ დაკარგულან ძვირფასი ხმები,
კვლავ გვეძახიან,
როგორც გვეძახდნენ,
ძვირფასი ხმების ძალით და ნებით
კვლავ ამალდდება სული ზეცამდე;
დავწვავთ გულებში ჩარჩენილ ეკალს,
დავწვავთ თვალეში ჩამდგარ უკუნეთს
და გავიგონებთ ზარების რეკვას,
რომელსაც ზეცა მიწას უბრუნებს;
მზეს დავინახავთ,
ხოლო დანარჩენ

დღეებს დღეები დაგვაფიწყებენ,
შეგვაყვარებენ ღამის დარაჯებს
და მეოცნებე ვარსკვლავთმრიცხველებს...
არ დაკარგულან ძვირფასი ხმები,
კვლავ გვეძახიან,
როგორც გვეძახდნენ,
ძვირფასი ხმების ძალით და ნებით
ისევ მალდდება სული ზეცამდე,
და იფანტება ძველი მირაჟი
და თვალს ახალი სივრცე იტაცება...
მხოლოდ სხეული ჩადის მიწაში,
ძვირფასი ხმები რჩება მიწაზე.




მე ჯერ არ ვიცი ასაკის ფასი,
რადგან ასაკი თვითონ მამართლებს
და უჩვეულო სინათლით ავსებს
ჩემი ცხოვრების დღეებს სანატრელს.

ფიქრი გამირბის, როგორც თოლია,
დრო კი უსიტყვოდ გადის ყოველთვის,
ჩემი მზე ზუსტად ჩემი ტოლია:
წელს შესრულდება ოცდათორმეტის.
წლები განვლილი შეგკარ კონებად
და ვეფერები, როგორც ნარგავებს,
თუმცა პირველი უმანკოება
დაკარგეს, ანდა უკვე კარგავენ.
მე მაინც დავრჩი ერთგული დღემდე
და ისევ ვღელავ, როგორც ვღელავდი,
ხოლო ფერადი წვიმების შემდეგ
ისევ ჩრდილები მიყვარს ფერადი.
ისევ არ ვიცი ასაკის ფასი,
რადგან ასაკი თვითონ მამართლებს
და უჩვეულო სინათლით ავსებს
ჩემი ცხოვრების დღეებს სანატრელს.



ქალაქს არა აქვს ზღვა და... ზღვასავით
ეაღერსება ქალაქს მდინარე,
რომელსაც ერთადერთი ვარსკვლავი
ხან აჩენს და ხან აუჩინარებს.
შუალამისას ფიქრი ანაზღად
აედევნება მაღალ ჩინარებს,
მდინარესავით სტოვებს ქალაქს და
ზღვას უერთდება, როგორც მდინარე.
და მე გავდივარ ოკეანეში,
კარებს მიღებენ დიდი პორტები,
და მენატრება დედის ალერსი.
მიწას რაც უფრო მეტად ვშორდები.
მესალმებიან უცხო ტომები,
შემომძახიან უცნობ სტრიქონებს,
და მე ნელ-ნელა ვეპატრონები
ქვეყნებს, რომლებსაც თვითონ ვიგონებ.
ვეიბერთელა ტერასებიან
ოკეანეებს თავზე ვეფლები...
მაგრამ თანდათან ემსგავსებიან
ქალაქის ნაგებს ჩემი გემები.
აფრთხობს ოდნავი ხელის შეხებაც
ჩემი ოცნების ჩამქრალ ვულკანებს...
და როცა დილა ფანჯრებს შეღებავს.
მე ვუბრუნდები ქალაქს უკანვე.
ისევ შფოთავენ სულში ქარები,
ისევ ეძახის გული ჩინარებს,
და თვალი ისევ ზღვისკენ გამიზრის,
როცა ქალაქში ვხედავ მდინარეს.



მოთხრობა

მანქანამ მარდად ამოიარა აღმართი და ფილიპეს სახლთან შეჩერდა. მანქანის კარი სკოლის დირექტორმა გამოაღო და მოხუცებულ კაცს გაუწოდა ხელი. მოხუცმა ჯიუტად გაუყარა თვალი თვალში იმ კაცს, დახმარებას რომ სთავაზობდა. დიდხანს უყურებდა წარბშეკმუხვნის; ხელგაშვერილმა კაცმა, უხერხულობა რომ დაეფარა, ხალხს მოაგლო თვალი.

მთელი სოფელი შეგროვილიყო ფილიპეს ჭიშკართან. ისინი ხვდებოდნენ ფილიპეს ძმას, დიდ მეცნიერს. ხანშიშესულებს კარგად ახსოვდათ იგი, თუმცა ოცი წლის მანძილზე აღარ ჩამოსულა მეცნიერი იმ სახლში, სადაც დაიბადა. ახალგაზრდები შორიასლო იდგნენ და მოწიწებით შესცქეროდნენ კაცს, ვისი სახელიც ხშირად იხსენიებოდა სოფელში.

სკოლის დირექტორი ისევ ხელგაშვე-

რილი იდგა. მერე სახეზე მორიდება და სიხარული გამოეხატა — მოხუცმა გადმოსვლა დააპირა და მის ხელს დაეყრდნო. ყველა ხედავდა, როგორ გადმოვიდა მანქანიდან იგი, როგორ გაიმართა წელში და ტურების შეტოკებაზე შეეტყყო, რაღაც რომ ეტიკინა. იგი იდგა ხალხის შუაგულში, გამართული, პატარა, თეთრთმიანი კაცი. ყველა მას შეჰყურებდა და ვერავინ შეამჩნია, როგორ გადმოვიდა მანქანიდან მისი ცოლი, ხანშიშესული, ჯერ კიდევ ლამაზი ქალი. მეცნიერი იდგა და ათვალერებდა ცნობისმოყვარე, ოდნავ შეშინებულ სახეებს. იგი უყურებდა თანასოფელებს და, წარბშეკმუხვნის, არც ეტყობოდა, რომ ეამაყებოდა ასეთი მორიდებული ხალხის დანახვა.

- გაემარჯოთ.
- გაუმარჯოს... ბატონ ვარლამს გა-

უმარჯოს... სიცოცხლე და გამარჯვე-
ბა!

— ქუდი დაიხურე, ვარლამ, მზეა, —
უთხრა ცოლმა. ის კი, თითქოს არაფერი
გაეგოს, ისევ ისევ იდგა, მერე ქუდი
მარცხენა ხელში გადაიტანა და მარჯ-
ვენა თავის ძმას ფილიპეს გაუწოდა.

— როგორა ხარ, ფილიპე?

— არა გვიშავს... შენ როგორა ხარ?
ვარლამი უყურებდა ძმას და არ მოს-
წონდა მისი საოცრად მშვიდი და მორ-
ჩილი გამომეტყველება. მერე მეზობ-
ლებს ჩამოართვა ხელი. ფილიპეს ცოლი
სახელოებაკაპიწებული ქალი სახლიდან
გამოვიდა. ჯერ ვარლამს გადაეხვია,
მერე მის ცოლს — მობრძანდით, ბატონო...
მობრძანდით, ქალბატონო მარიკა...

ვარლამმა ახლა ჭიშკარს შეხედა —
„ჰო, გამოუცვლიათ“... მგზავრობისაგან
დაღლილს ესიამოვნა რბილ ბალახზე
გავლა. ნელა აიარა კიბე, აივანზე შეის-
ვენა, მოაჯირს დაეყრდნო და ხალხს
გადახედა. ყველანი აღტაცებით შესცქე-
როდნენ მათს სოფელში დაბადებულ
დიდ მეცნიერს.

— პატარა პურ-მარილი მოვამზა-
დეთ, — მორიდებით სთქვა ფილიპეს
ცოლმა. — ახლა ინებებთ თუ...

— ძალიან დაიღალა, — შეშფოთდა
მარიკა, — ცოტას თუ დაისვენებს, კარგი
იქნება.

— მერე აჯობებს, — სთქვა ვარლამ-
მა, — ცოტათი დავიღალე გზაში.

— კი, ბატონო, როგორც გენებოთ, —
შეწუხდა ქალი, — აქ შებრძანდით, ეს
ოთახი თქვენთვის გავამზადე.

ვარლამი ტახტზე იწვა და მარიკას
დაძინებას ელოდა. ღიმილით შეათვა-
ლიერა კედელზე გაკრული ძველი ხა-
ლიჩა. ხალიჩაზე ხეები და მდინარე იყო
ამოქარგული, ირმები წყალს სვამდნენ.
იქვე, მდელოზე, თვალდაჭყეტილი მა-
ხინჯი ქალი წამოგორებულყო.

მარიკა იწვა და ისეთი კმაყოფილი
გამომეტყველება ჰქონდა, თითქოს ქმრის
ამბებს ჰყვებო. მას ჩვეულებად გადა-
ექცა ვარლამის ქება, თუმცა კარგად

იცოდა, რომ ყველა აფასებდა მის
ქმარს. სხვადასხვა ნაცნობთან სხვადას-
სხვანაირად ახასიათებდა ვარლამს. ზოგს
ეუნებოდა, ჩემი მეუღლე ამჟამად ძნე-
ლად გადასატრეულ პრობლემებზე მუ-
შაობსო, ზოგს კი უბრალოდ ეტყოდა,
ვარლამის მოსაზრება ყოველთვის მარ-
თლებო.

ახლაც იწვა და ისეთი კმაყოფილი
გამომეტყველება ჰქონდა, თითქოს ქმრის
ამბებს ჰყვებო. ვარლამი კი მოუთმენ-
ლად ელოდა მარიკას დაძინებას. მას
ენჭარებოდა აივანზე გასვლა, უნდოდა
ყოველგვარი მოწმის გარეშე დაეთვა-
ლიერებინა ნაცნობი მიდამო. ხუთიოდე
წუთის შემდეგ, როცა ცოლის თანაბარი
ფშვინვა შემოესმა, ვარლამი ფრთხილად
წამოდგა, აივანზე გავიდა და მოაჯირს
ხელისგულებით დაეყრდნო.

იგი უყურებდა ძალიან ნაცნობ მიდა-
მოს და ნელა, მძიმედ აქნევდა თავს —
„ჰო, ეს არის, — ფიქრობდა იგი. — ჰო, ეს
ის სოფელია, სადაც დავიბადე“.

მზე ანათებდა ნაცნობ ბორცვებს და
თვალებს სტკენდა ამ ბორცვების ხას-
ხასა სიმწვანე.

ეზოში ჭა იდგა, კოხტად ამოშენებუ-
ლი. გემრიელი წყალი იცოდა ამ ჭამ.
ვაშლის ხეების ჩრდილი ეფინა ბალახ-
ზე, აქა-იქ ეყარა თივა. „ჰო“, თავს
აქნევდა მეცნიერი, „სწორედ ის ეზოა“.

მერე ვარლამმა სხვენს აპხედა, თვა-
ლი მოავლო იატაკს, ფანჯარას. ჰო, ეს
სწორედ ის სახლი იყო, სადაც დაიბადა
და გაიზარდა. ასეთი სახლი ბევრი
იყო სოფელში. ამ სახლებს აწვიმდა,
აცხუნებდა მზე, სახურავებზე ხტოდა
სეტყვა და ხვავრიელად ათოვდა სახუ-
რავებს. კედლებზე ჩნდებოდა ბზარი,
ტყდებოდა კრამიტი, საძირკველში ჩა-
დიოდა წყალი და წასატყვევად გამზადე-
ბულ სახლს ხალხი შეაკეთებდა ხოლმე,
უფრო ხშირად კი ახალს აგებდა. ბევ-
რი ახალი სახლი იდგა სოფელში, მაგ-
რამ ვარლამი არ უყურებდა მათ. იგი
თვალმოჭუტული შესცქეროდა ძველ,
მაგრამ მაინც ხასხასა ბორცვებს და
ნელა, მძიმედ აქნევდა თავს — „ჰო... ეს
არის... ის სოფელია“.



ახლა, როცა იგი სრულიად მარტო იდგა აივანზე, სოფელში ჩამოსვლის მიზეზი გაიხსენა. ორიოდე დღის წინ, როცა ჩვეულებისამებრ თავის საყვარელ სავარძელში იჯდა და მუშაობდა, მუცელში საშინელი ჩხვლეტა იგრძნო. ტკივილმა ორად მოჰხარა და მუშაობა შეაწყვეტინა. ვარლამი ძლივს მივიდა ტახტთან და წამოწვა. შეეცადა, რაიმეთი გაერთო თავი და ოთახი მოათვალიერა. მიტოვებული წიგნის დანახვა არ ესიამოვნა. თვალი აარიდა და უცებ ქოთანში ჩარგულ რომელიღაც უხეირო მცენარეს წააწყდა. ათვალწუნებით შესცქეროდა იმ უღიმღამო მცენარეს. გაახსენდა მზით გაბრწყინებული მწვანე ბორცვები და ტოტები, უხვად რომ ისხამდნენ ნაყოფს. გაახსენდა უნაყოფო ხეებიც, დიდი ჩრდილი და ძალიან მყუდრო თავშესაფარი რომ ჰქონდათ. მერე აშკარად დაინახა კობხად ნაგები სახლები, სუფთა ეზოები და დაკლაკნილი მდინარე. შუაზე რომ ჰყოფდა ისედაც პატარა სოფელს. გაახსენდა ყოველივე ეს, სოფელში გამგზავრების სურვილმა ააფორიაქა და მეორე დღეს უკვე მატარებელში იჯდა, გაკვირვებულნი ცოლის პირისპირ. თვლემამორეული უგდებდა ყურს ბორბლების დგრაალს და ძალიან ეჩქარებოდა იმ მიდამოს დანახვა, სადაც ახლა ოცნებით იყო.

სალამო ხანს სუფრასთან მიიწვიეს. მაგიდები ეზოში იყო გაშლილი, ორმოცდაათიოდე კაცი მოუთმენლად ელოდა ვარლამს. იგი სარკის წინ იდგა და გამჩხჩხრებულ თმას ივარცხნიდა. ყურადღებით შეათვალა თავი და თეთრი ულვაშები შეისწორა. მერე მარაკასთან ერთად აივანზე გამოვიდა, მძიმედ ჩაიარა კიბე, სუფრასთან მივიდა და სანამ დაჯდებოდა, ფეხზე წამომდგარ ხალხს თვალი მოავლო.

პირველად მისი სადღეგრძელო დალიეს. იგი ყურადღებით უსმენდა აღტაცებულ თანასოფლელებს, ღიმილით ათვალიერებდა ნაცნობებს და უცნობებს. ისინი სადღეგრძელოს დამთავრების შემ-

დეგ ბოლომდე სცლიდნენ ჭიქებს და ფრთხილად ჯდებოდნენ სკამზე. ვარლამი ყურს უგდებდა მათ. იღიმებოდა და ჰკავდა იმ კაცს. „ვისი მოსაზრებაც ყოველთვის მართლდებოდა“. სახეზე აღარ ეტყობოდა ის მკაცრი გამომეტყველება, რაც მას შრომამ და გამოცდილებამ შესძინა.

მარიკა გამხიარულდა. მშვენიერ ხასიათზე დადგა და ძალიან ეგემრიელა საჭმელი.

ყველამ შესვა ვარლამის სადღეგრძელო. სუფრაზე სიჩუმე ჩამოვარდა. ყველას ეუხერხულებოდა ლაპარაკი. მერე მოხუცებმა ძველი სიმღერა სთქვეს. ისინი მღეროდნენ სუსტი, მთრთოლვარე ხმით, მრავალხმიანი სიმღერა კი თანდათან მალლა მიიწვედა და მომღერლებს ძარღვები დაებერათ. ვარლამი უსმენდა მოხუცებს, ყანაში და ვენახში რომ ჰქონდათ გატარებული ნახევარი სიცოცხლე. ახლა ისინი მღეროდნენ თავიანთი სოფელის, დიდი მეცნიერის პატივსაცემად. ფილიპე ბანს ეუბნებოდა და სიმღერის დროსაც კი ინარჩუნებდა მშვიდ გამომეტყველებას. სიმღერა კი ისევ ადიოდა მალლა, მოხუცებმა სული მოითქვეს, ძალა მოიკრიბეს და სიმღერა შნოიანად დაასრულეს.

აღტაცებული ვარლამი ფეხზე წამოდგა და მადლობა გადაუხადა მოხუცებს. ყველა გამხიარულდა, გახარებული უკრავდნენ ტაშს. უცებ გაისმა ღოლის ბრახუნი და ტაში ცეკვის რიტმს აჰყვა. ჩოხებში გამოწყობილი ექვსი ახალგაზრდა ცეკვავდა „შეჯირს“. ახალგაზრდებმა წელი, გამოზომილი მოძრაობით დაიწყეს ცეკვა. აშკარად ეტყობოდათ, როგორ იზოგავდნენ მოზღვაებულ ენერჯას. ისიც ეტყობოდათ, ვარლამის პატივსაცემად რომ ცეკვავდნენ. მერე მოცეკვავენი ეშხში შევიდნენ. უფრო გაბედულად აგუგუნდა დოლი, ახალგაზრდები ცეკვავდნენ თითისწვრებზე, ხტოდნენ ძალიან მალლა და მუხლებზე ეცემოდნენ. ახალგაზრდებს გადაავიწყ-

გურამ დოჩანაშვილი
შენ ძმა ხარ ჩემი

დათ ვარლამი და საერთოდ ყველაფერი, სწრაფად ტრიალებდნენ და მათი ქამრები ძლივს უძლებდა ხანჯლების სიმძიმეს. ვარლამი მოიხიზლა ცეკვით, თვითონაც იგრძნო ენერჯის მოზღვაგება.

ცეკვა დამთავრდა. ვარლამს უეცრად კუხთები მოუდუნდა, სევდა მოაწვა. აღლევებული ხალხი დაწყნარდა, მერე მარიკას სადღეგრძელო შესვეს. ვარლამი უნებურად მოგონებებში ჩაეფლო და გაიხსენა გზა, ამ ეზოდან რომ დაიწყო.

ბავშვობიდანვე გრძნობდა სწორედ იმ ენერჯის მოზღვაგებას, ასეთი თავდავიწყებით რომ აცეკვებდა ამ ახალგაზრდებს და ღრმად მოხუცებულებს ამღერებდა. ვარლამი არ ჰგავდა ძმას, — ფილიპე თავიდანვე მშვიდი და მორჩილი იყო. ენერჯია დაჟინებით ითხოვდა ასპარეზს, ვარლამი ყველაფერში სცდიდა მას და გრძნობდა, რომ ყველაზე მეტად საზრდო გონებას სჭირდებოდა. ყველაფერს დაკვირვება და შესწავლა ესაჭიროებოდა. ყოველ დღეს მოჰქონდა პასუხი მანამდე გამოუცნობ კითხვებზე და მაინც აწვალებდა ვარლამს ეჭვი — „იქნებ ის, რაც სწორი გგონია, არ არის სწორი“. ამ ეჭვით შეპყრობილმა გულმოდგინედ შეისწავლა სკოლის მარტივი სახელმძღვანელოები, წარმატებით დაამთავრა საშუალო სკოლა, სწავლის გასაგრძელებლად ქალაქში წავიდა და ამოიჩრია ყველაზე ზუსტი მეცნიერება — მათემატიკა. სოფელში კი დატოვა მოხუცი დედ-მამა და ძმა — მშვიდი, მორჩილი გამომეტყველების მქონე კაცი. პირველ ხანებში ხშირად ჩამოდიოდა სოფელში. ყოველთვის, როცა რაიმე წარმატებას მიაღწევდა, სოფლისკენ მოუწევდა გული. იქ ყველა ხვდებოდა მისი სიხარულის მიზეზს და გულღიად უცინოდნენ ახალგაზრდა მეცნიერს. ვარლამი ღიმილით ესალმებოდა ნაცნობებს, მდინარეზე მიდიოდა და თევზაობდა, ყურს უგდებდა წისქვილის ხმაურს და საკენკს უყრიდა ქათმებს. მერე, დაღლილი და დაფიქრებული, იმედით შესცქეროდა ხასხასა ბორცვებს და ისევ ქალაქისკენ მიუწევდა გული. სოფელში დამშეული გონება დაჟინებით თხოუ-

ლობდა საზრდოს, ვარლამი ბევრს ხულობდა და წერდა. ხანდახან დასაწყის რებული იჯდა თავის საყვარელ სავარძელში და ჩაჰკირკიტებდა რომელიმე გადაუჭრელ პრობლემას, რაზედაც მის საყვარელ მეცნიერებას — მათემატიკას ჯერ კიდევ ვერ გაეცა პასუხი. მათემატიკას იგი უწოდებდა კაცობრიობის გონებას. სწორედ ამიტომ შეეძლო მთელი დღე და ღამე ეფიქრა და თავის საყვარელ სავარძელში მჯდარიყო. ერთხელ, როცა მოულოდნელად ნათურა გადაიწვა და მუშაობა ვეღარ განაგრძო, ვარლამი ძალიან გულნატკენი დარჩა; მომდევნო დღეებში კი ღიმილით შეპყურებდა გაკაშკაშებულ ნათურას და მოხერხებულად იჯდა თავის სავარძელში. ღამე შეუმჩნევლად გადიოდა. პატარა ნათურის ქოლგიდან სინათლე ეცემოდა ძნელად გასარჩევ ასოებსა და ციფრებს. სიჩუმეს მხოლოდ კალმის სუსტი ფხაჭუნი ან ფურცლის შრიალი არღვევდა. ვარლამი კითხულობდა კოლეგების შრომებს. ისინი ბევრნი იყვნენ და სხვადასხვანაირები — ზოგიერთის მიმართ პატივისცემით იმსჯელებოდა ვარლამი, სხვები გულწრფელ ღიმილს ჰკვირდნენ, ზოგზე ძალიან ბრაზდებოდა. იყვნენ ისეთებიც, ვისიც ვარლამს შურდა. სავარძლიდან აღლევებული დგებოდა და ოთახში ბოლთას სცემდა. მერე მიდიოდა ფანჯარასთან, შესცქეროდა ნათურებით გაჩახახებულ დამეს, უყურებდა მოპირდაპირე სახლის ჩაბნელებულ ფანჯრებს. უყურადღებოდ ათვალეიერებდა ცას და თანდათან ეუფლებოდა მუშაობის წყურვილი. მაგიდას უბრუნდებოდა და ნაფიქრი ქაღალდზე გადაჰქონდა. ამ საქმეს ანდომებდა იგი გრძელ ღამეებს, კითხულობდა და წერდა, ძნელადგასარჩევ ნაწერს ეჭვით დასცქეროდა, მერე ხაზს გადაუსვამდა ხოლმე დაწუნებულ სტრიქონებს. მაგიდას ნიდაყვებით დაეყრდნობოდა ვარლამი, წელში გასწორდებოდა და ისევ ებღაუჭებოდა აზრებს. ხანდახან რომელიმე ძნელ პრობლემასთან ჭიდილის შემდეგ ციფრებითა და ასოებით აპრელებულ ფურცელზე შუბლს დადებდა და



ასე ისვენებდა. „აზრი, — ფიქრობდა ამ დროს ვარლამი — ვევა ფრინველივით დაგტრიალებს თავს, მისი ფრთების შხუილი გესმის და არ შეგიძლია, რომ არ შეიპყრო, არ მოათვინიერო. გინდაც ცოტა ხნით წაუყრუო, მაინც არ მოგეშვება, უნდა დაიმორჩილო, სხვა გზა არ არის. გაიგე?“

ზოგი აზრი ადვილად ნებდებოდა მეცნიერს, პირველი შეტაკებისთანავე მორჩილად გადადიოდა ქალაქის ფურცელზე, ზოგი კი, დიდი, ღონიერი და უკარება მოწინააღმდეგე, საოცრად უძალიანდებოდა, მაგრამ უკიდურესად დაძაბული წუთების დროსაც კი გრძნობდა მეცნიერი, რომ აუცილებლად დაიმორჩილებოდა მას. და როცა დაღლილი და გახარებული ვარლამი ხან შუალამით, ხან გათენებისას პირქვე დაწვებოდა საწოლზე და სიხარულისაგან ვეღარ ახერხებდა დაძინებას, ფიქრობდა, რომ აზრი ჰგავდა დიდ, გარეულ ფრინველს, გააფთრებულ შეხლაში რომ დაიმორჩილა. ბოლოს დაღლილი მეცნიერი იძინებდა.

ნაშუადღევს იღვიძებდა ვარლამი, ქუჩებში უკვე დუღდა ცხოვრება, ხმაურიანი ქუჩები ხალხით იყო სავსე. ჯერ კიდევ ბურანში ესმოდა ეს ყრიაშული მეცნიერს და ყურს უგდებდა, მერე ხალხით იცვამდა ტანსაცმელს და, როგორც ყოველი ახლადგადვიძებული, იმედით შესცქეროდა ყველაფერს, სარკესაც კი. საჩქაროდ წაიხეშებდა და ქუჩაში გავიდოდა. კიბეზე ჩასვლისას უსტივენდა, ან ღიღინებდა ხოლმე. ქუჩა ხალხით იყო სავსე, ვარლამი ინტერესით ათვალიერებდა ყველას, შედიოდა მაღაზიებში, სადაც განსაკუთრებით ბევრი ხალხი ტრიალებდა, ადიოდა მგზავრებით გაჭედით ტროლეიბუსში. ხალხში უზარმაზარი ძალა იგრძნობოდა, თვითველ ადამიანში იგრძნობოდა ძალა. ვარლამი ათვალიერებდა გამგლელებს და ცდილობდა გამოეცნო, თუ რანაირები იყვნენ ისინი. მას სიამოვნებდა ბაზრის ორომტრიალში ყოფნაც და ხალხის ერთად დანახვის სურვილი ხშირად სტადიონზედაც კი მიიყვანდა. სურდა ენახა, როგორ გაეხარდებოდა გოლის გატანა

ამდენ ათას ადამიანს ერთად. მას უნდოდა ხალხის სახეზე დაენახა სიხარული, ადამიანებში ეს უბრალო თამაში რომ იწვევდა. ყველა დაძაბული უყურებდა თამაშს, ვარლამი კი გულშემატკივრებს ადევნებდა თვალს. ისინი ვერც ამჩნევდნენ მის მზერას. უცებ ის კაცი, ვისაც ვარლამი აკვირდებოდა, საოცრად იცვლებოდა. ადღეგებული ვარლამი სხვებსაც უყურებდა, — ყველა ღრიალებდა, ჰაერში ისროდნენ ქუდებს, ხტოდნენ, ერთმანეთს ჰკოცნიდნენ და გაუგებრად გაჰყვიროდნენ რაღაცას. მოგებული თამაშის შემდეგ, როცა ხალხი შინ ნასიამოვნები ბრუნდებოდა, გაოცებული ვარლამი ისეთი დიდი სიხარულის მიზეზს უშედეგოდ ეძებდა იმ თამაშში. სანახევროდ რომ უყურებდა.

დაძაბულ მუშაობაში გადიოდა დღეები. ვარლამი თავის საყვარელ სავარძელში იჯდა და მუშაობდა. ნათურის ქოლგიდან სინათლე ეცემოდა ძნელად გასარჩევ ნაწერებს, სიჩუმეს მხოლოდ კალმისტრის სუსტი ფხაჭუნი არღვევდა. ვარლამი ხელისგულებით ისრესდა დაწითლებულ თვალებს და ნათურას მაინც ღიმილით შესცქეროდა. წელში იმართებოდა და გადაღლილ ხერხემალს ასვენებდა. შუალამით ან გათენებისას სამუშაოს ძლივს შეეღეოდა ხოლმე და თითქმის ყოველი დაძინების წინ ფიქრობდა, რომ აზრი ჰგავდა დიდ, გარეულ, უკარება ფრინველს. ასეთ დაძაბულ მუშაობაში გადიოდა დრო, სანამ რაიმე მნიშვნელოვან წარმატებას მიაღწევდა. მერე ორიოდე დღით ისვენებდა ვარლამი, ძალიან უნდოდა მუშაობის გაგრძელება, მაგრამ თეატრში მიდიოდა. საგარძელში გადაწოლილი სცენას შესცქეროდა, მაგრამ ფიქრობდა მაგიდის უჯრაში შენახულ ქალაქის ფურცლებზე, ერთგულად რომ ინახავდნენ მის ჯერ კიდევ დაუმტკიცებელ მოსაზრებებს. შინ დაფიქრებული ბრუნდებოდა. კიბეზე დინჯად ადიოდა, კარის წინ შეჩერდებოდა ხოლმე და დიდხანს ეძებდა

გურამ დოჩანაშვილი
შენ ძმა ხარ ჩემი

და ჯიბეში გასაღებს. უკულოდ შეექცეოდა ვახშამს, ტახტზე წვებოდა და გაზეთს ათვალიერებდა. მერე გადაშლიდა რომელიმე სათავგადასავლო წიგნს. ნაძალადევი ყურადღებით გადაათვალიერებდა ათიოდე გვერდს, მაგრამ ვეღარ კითხულობდა. ფიქრობდა თავის საქმეზე, ასხენდებოდა გადაუჭრელი პრობლემები და სათავგადასავლო რომანი იატაკზე ეცემოდა. ვარლამი დგებოდა და დაძაბული, მაგრამ გაბედული ნაბიჯით მიდიოდა მაგიდისაკენ (ასე უახლოვდებოდნენ მის სოფელში გასახედნ ცხენებს) და თავის საყვარელ სავარძელში ჯდებოდა.

ასე გადიოდა დრო. მოხუცი მეცნიერის ყოველი მიღწევა კანონზომიერი იყო. იგი გადაეჩნია გრძელი წინადადებებით ლაპარაკსაც. ვარლამის თითო-ორიოდა სიტყვაც კი საკმარისი იყო თანამოსაუბრისათვის, მისი ნათქვამის სისწორეში რომ დარწმუნებულიყო. იშვიათად გამოდიოდა დისპუტებზეც, მხოლოდ ხანდახან ადიოდა კათედრაზე, და თუ ავიდოდა, ხალხმა იცოდა: ეს თეთრთმიანი კაცი სიმართლეს იტყოდა, სიმართლეს, რაც მათთვის ზოგჯერ ძნელი გასაგები იყო.

ყველაზე საპატიო სადღეგრძელო ბოლოსთვის შემოინახეს. თამადამ ბევრი ილაპარაკა, შემდეგ ფეხზე წამოდგა ვარლამი, ადღეგრძელა მშობლიური კუთხე და ცოლის შემოფოთების მიუხედავად, ბოლომდე დასცალა დიდი ჭიქა.

მეორე დღით, ნასაუზმევს, ისტორიის მასწავლებელმა ბავშვები მოიყვანა. მათ ფრთხილად ამოიარეს კიბე. ვარლამი აივანზე გამოვიდა. მოსწავლეებმა ყვავილები და პიპლების კოლექცია მიართვეს. მეცნიერმა რამდენიმე მათგანს თავზე ხელი გადაუსვა და გვარები ჰკითხა. ბიჭებს მოკლე შარვლები ეცვათ და ვარლამი ღიმილით ათვალიერებდა მათ დაკაწრულ ფეხებს. ერთი პატარა ბიჭი ძალიან მოეწონა და ცოლს გადახედა. მარიკამ ბავშვებს გაუღიმა, ოთახში შებრუნდა, ტკბილეული გამოიტანა.

მოსწავლეებმა დაირცხვინეს და მარიკამ თვითონ ჩამოარიგა ტკბილეული. მასწავლებელს არ შესთავაზა, რადგან ბავშვებთან იმხელა კაცის გატოლებას მოერიდა. ბავშვებს უხერხულად ეჭირათ ხელში ნამცხვრები.

— ჩვენ საყვარელ ძია ვარლამს, — უცებ ძალიან ხმამაღლა თქვა ერთმა გოგონამ. მარიკამ გაკვირვებით გადახედა ქმარს. ვარლამსაც გაკვირვება დაეტყო. ბავშვები კი დინტერესდნენ, მათ იცოდნენ, რომ იმ გოგონას საკუთარი ლექსი უნდა წაეკითხა. როცა გოგონამ ხმამაღლა ორიოდ სტრიქონი წარმოსთქვა, ყველაფერი ნათელი გახდა და მარიკამ შვებით გაიღიმა. ვარლამიც იღიმებოდა და ცდილობდა ყურადღებით მოესმინა

გოგონამ დაამთავრა ლექსის კითხვა. მარიკამ ტაში დაუკრა, ბავშვებმაც დაუკრეს ტაში, ვარლამმა გოგონა მოიხმო, ხელი ჩამოართვა და შუბლზე აკოცა. ბავშვი სიამოვნებისაგან წამოწითლდა.

— რომელ კლასში ხარ?

— მეშვიდეში გადავედი.

— ძალიან კარგი, — სთქვა მეცნიერმა, — ყოჩაღ, რომელი საგანი გიყვარს? გოგონამ მხრები აიჩჩია.

— არ იცა?

— ფიზიკა.

— ო! — გაიკვირვა მეცნიერმა, — კარგია, ძალიან კარგი, ყოჩაღ. შენ?

— ფიზიკა, — მაშინვე უპასუხა ბიჭმა.

— შენც? — ისევ გაიკვირვა მეცნიერმა, — ყოჩაღ. შენ?

— ფიზიკა.

ვარლამმა გაიღიმა — კი მაგრამ, ნუთუ ფიზიკის გარდა სხვა საგანი არ გიყვართ?

ბავშვები ჩუმად იყვნენ და ვარლამი ცოლს მიუტრიალდა. — ალბათ კარგი პედაგოგი ჰყავთ.

— უთუოდ, — უპასუხა მარიკამ.

ისტორიის მასწავლებელმა უხერხულობა იგრძნო. მან იცოდა, რომ ბავშვების უმრავლესობას სხვა საგანი, მათ შორის ისტორიაც უყვარდა, მაგრამ მას შემდეგ, რაც მეცნიერმა ფიზიკის მოყვარული მოსწავლე შეაქო, ბავშვები

მოერიდნენ სხვა საგნის ხსენებას. მასწავლებელმა კარგად იცოდა ეს ამბავი, აფორიაქდა და ყველაფრის თქმა მოუნდა, მაგრამ მინც თავი შეიკავა.

— რომელი სწავლობს თქვენში ყველაზე კარგად?

ბავშვები ჩუმად იყვნენ.

— ესენი ფრიადოსნები არიან, — უთხრა ვარლამს მასწავლებელმა, — თქვენთან მხოლოდ ფრიადოსნები წამოვიყვანე.

— ჰო? — მეცნიერს გაეხარდა ამდენი ფრიადოსნის ერთად დანახვა, — აბა, თქვენ იცით, კარგად ისწავლეთ, ბავშვებო.

მარიკამ ისევ ჩამოურიგა მოსწავლეებს ტკბილეული და საათს დახედა. ცოტა ხნით სიჩუმე ჩამოვარდა და მასწავლებელმაც დახედა საათს, — თქვენ ალბათ მოსვენება გჭირდებათ, წავალთ ჩვენ...

— რა გეჩქარებათ, — შეეპატივა მარიკა. — დარჩენილიყავით, რა იქნებოდა.

— კიდევ გამოვივლით. თუ არ შეგაწუხებთ, აუცილებლად გამოვივლით.

— აუცილებლად გამოიარეთ, — სთქვა ვარლამმა, — აბა, თქვენ იცით, კარგად ისწავლეთ, ბავშვებო.

ერთი საათი რჩებოდა დაღამებამდე. ბუნდოვნად უკვე იგრძნობოდა ის ჩუმი სევდა, საღამოს რომ მოჰყვება ხოლმე. ვარლამი აივანზე იდგა და ბორცვებს შესცქეროდა. მზე ჩქარა ჩავიდოდა მთის გადაღმა. მზეს უკვე დაკარგული ჰქონდა ძალა და ბორცვები აღარ ბზინაყდნენ თვალისმომჩრვლად.

ყველაფერს სიმშვიდის იერი დაჰკრავდა. ვარლამი ათვალღერებდა გატრუნულ ხეებს და მიწაში კისრამდე ჩაფლულ ქასს. საკუჭნაოს მილიდან ცისკენ მიიზღაზნებოდა კვამლი, მალე ხეებზე აძვრებოდნენ თვლემამორეული ქათმები. ჩიტების მისუსტებული ჟრიამულიც კი ხაზს უსვამდა სიჩუმეს და ყველაფერს განსაკუთრებული სიმშვიდის იერი დაჰკრავდა.

ეზოში ფილიპე შემოვიდა. მხარზე

თოხი ჰქონდა გადებული. მის დანახვაზე ვარლამმა უფრო იგრძნო სიმშვიდე. ფილიპე ძალიან დაღლილი ჩანდა. მონი კედელზე მიაყუდა და საკუჭნაოსკენ ისე გაემართა, აივანზე გამოსული ძმა არც კი შეუმჩნევია.

ნიავე რომ ნიავია, ისიც კი არ ჰქროდა. ვარლამს ძალიან მოუნდა, როგორმე დაერღვია მისთვის აუტანელი სიმშვიდე და, დაფიქრებულმა, აუჩქარებლად ჩაიარა კიბე. ჯერ კიდევ არ იცოდა, სად მიდიოდა. მერე, როცა ეზო გაიარა, ჰოსკარი გამოაღო და შარავნაზე აღმოჩნდა, მიხვდა, რომ მისთვის აუცილებელი იყო გასეირნება.

მიდიოდა და ყურს უგდებდა კენჭების ხრაჭუნს. გასცდა მეზობლების სახლებს, გზაზე გამომდგარ ხეებს და უხაროდა, რომ აღარ გრძნობდა სიმშვიდეს. აღმართიანი გზა იყო, დაიღალა და მინც სიამოვნებდა სიარული. სოფლის განაპირას ტყე იწყებოდა, გამოქტებულ მიწას აღარ აჩნდა ხეების ჩრდილი. ვარლამი ჯირკვე ჩამოჯდა და გამოვლილ გზას გადახედა.

საღმრთებოდა. ბინდში ჯერ კიდევ მოჩანდა კოხტად ნაშენი სახლები და პატარა მდინარე. მოჩანდა მალალი სიმინდის ყანებიც და შეწამლული ვენახები. ირგვლივ ბორცვები იყო, ვარლამის საყვარელი ბორცვები. სწორედ იქიდან ნელა, მაგრამ ჯიუტად წამოვიდა ბინდი, მოეფინა ყველაფერს, სამაგიეროდ სახლები წავიდნენ გაშავებული ბორცვებისაკენ და მათ ადგილზე მხოლოდ განათებული ფანჯრები დარჩა. სიბნელით გულმოცემული ქრიჭინები ახმაურდნენ. ქარმა ჩამოუარა ხეებს, ოდნავ შეარხია და თითქოს მბჭუტავ ვარსკვლავებსაც შეეხო — ისინი უფრო აციმციმდნენ ცაზე.

აცივდა. მოზუზული ვარლამი ჯირკვე იჯდა და განათებულ ფანჯრებს შესცქეროდა. სოფელი თითქოს ძალიან შორს იყო. ვარლამი იჯდა და არაფერზე არ ფიქრობდა.

გურამ დოჩანაშვილი
შენ ძმა ხარ ჩემი

ქარმა ისევ აახმაურა ფოთლები, ტოტებშუა გაძვრა და ცოტა ხნით ისევ გადაიკარგა. ვარლამი წამოდგა, ღრმად შეისუნთქა ჰაერი და უცებ შიმშილი იგრძნო. სოფლისაკენ გაემართა, სიბნელეში ფრთხილად მიაბიჯებდა და გზაში ყურს აღარ უგდებდა კენჭების ხმაურს, რადგან ძალიან შიოდა.

შეფოთებული მარიკა ჭიშკართან შეეკება.

— სად იყავი, ვარლამ? კინალამ გავგიჟდი... ასე როგორ შეიძლება, სად დაიკარგე?

— არსად, ცოტა გავიარე.

— წამოდი, ვივასშმოთ.

— ვივასშმოთ, — ჩაილაპარაკა ვარლამმა.

საკუჭნაოში ფილიპეს ცოლი სუფრას აწყობდა. ვარლამს გაუღიმა და ჰკითხა — ჩემი კაცი ხომ არ შეგხვედრიათ, ბატონო?

— არა, — გაიკვირვა ვარლამმა. — სად უნდა შემხვედროდა?

— თქვენს საქმენელად წამოვიდა, ალბათ ავცდათ გზაში.

ვარლამმა ცოლს გადახედა.

— მობრძანდით, აკერ, ხელეებს თუ დაიბანთ, პირსახოცი...

მარიკა დამშვიდდა და სუფრა შეათვალღიერა. ვარლამმა საჩქაროდ შეიმშრალა ხელები და სკამზე ჩამოჯდა.

— ა, ბატონო, ახლა ამოვყარე თონიდან.

ვარლამმა ცხელი შოთი გატეხა. ტუჩებზე და დაწვებზე სასიამოვნო ოხშივარი იგრძნო, გემრიელად ჩაჰბიჩა პური.

კარი გაიღო და ფილიპე შემოვიდა. ძალიან გაეხარდა ძმის დანახვა.

— ოჰ, — ჩაილაპარაკა ვარლამმა, — რა ქენი, ვერ მიპოვე?

— ვერა.

— მერე, შინ რაღას ბრუნდებოდი?

ეს აშკარა ხუმრობა იყო და მარიკას ძალიან ესიამოვნა.

— ალბათ სათვალის პოვნა უნდოდა, — სთქვა ფილიპეს ცოლმა, — თქვენი ამბავი გაზეთებში წერია ხოლმე.

ვარლამმა გულთანად გაიცინა — ძალიან მოეწონა რძლის გახუმრება. მა-

რიკა აღტაცებით შესცქეროდა სწამივეს.

— გემრიელი პურია, — სთქვა ვარლამმა — ხომ ასეა, ფილიპე?

— რა უჭირს.

— რამე მიატანე, ვარლამ, — შეახსენა მარიკამ.

ვარლამი პურს დეჭავდა და დაკვირვებით უყურებდა ფილიპეს.

— შენ მოიყვანე?

— რა?

— ეს პური.

— კი, მე მოვიყვანე.

— ძალიან გემრიელია.

ფილიპე ამაყად დააცქერდა სუფრას.

— ერთი ჭიქა გასინჯე, ჩემი დაწული რული ღვინოა.

— ჰა? — ვერ გაიგო ვარლამმა. ეტყობოდა, სხვა რაღაცას ფიქრობდა.

ორიოდე დღის შემდეგ მარიკას მოსწყინდა სოფელში ყოფნა. ვარლამი კი არ აპირებდა აგარაკზე წასვლას და ყურს აღარ უგდებდა ცოლის მორიდებულ საყვედურებს. იგი ფიქრობდა ძმაზე, უთვალთვალებდა ამ საოცრად მშვიდი და მორჩილი გამომეტყველების ადამიანს და ცდილობდა წარმოედგინა, როგორ ცხოვრობდა ფილიპე, რას აკეთებდა იგი იმ დროს, როდესაც თვითონ საყვარელ სავარძელში იჯდა და მუშაობდა, ან ქუჩებში დადიოდა. ერთხელ იგი ყანაში წაჰყვა ფილიპეს და მოხერხებულად მოკალათდა დიდი ხის ჩრდილში.

ჰო, სწორედ ეს მშვიდი და მორჩილი გამომეტყველების კაცი იღვიძებდა გარიჟრაჟზე, ხალისით იბანდა პირს, საკუჭნაოდან გამოჰქონდა ბარი, თოხი და დიდხანს ულესავდა პირს. მერე იარაღებს მხარზე გაიდებდა, საუზმეს ილღინაში ამოიჩრიდა და მიდიოდა ვენახში ან ყანაში. გზაში შემხვედრ თანასოფლელებს დინჯად ესალმებოდა, ვენახში შედიოდა და საუზმეს ჩრდილში ხეზე ჩამოკიდებდა, თოხს მკერდზე მიიყუდებდა ხოლმე, აიკაპიწებდა სახელოებს და მშვიდად ათვალღიერებდა ცას, უყურებდა უწყინარ და საავდრო ღრუბლებს,

მერე თოხს მოიმარჯვებდა და აუჩქარებლად იწყებდა მუშაობას. თოხი მორჩილად და დინჯად აფხვიერებდა ბელტებს. სარცველა ბალახი ჭკნებოდა და ნეშომპალად იქცეოდა. ხანდახან, როცა თოხის მკვეთრი ფხაჭუნის ისმოდა, ფილიპე უკმაყოფილოდ დასცქეროდა მიწაში ჩაფლულ მოზრდილ ქვას, იხრებოდა და თითებით ებლაუჭებოდა, მერე მძლავრად იქნევდა ხელებს და ქვა ყრუ ხმაურით ეცემოდა ვენახის განაპირას. თოხი ისევ აფხვიერებდა მიწას, დრო გადიოდა, მზე შემოჯდებოდა მთაზე, ცვარი შრებოდა, შრებოდა ნესტიანი გაქვინითი ბელტებიც და მოთოხნილი მიწის სუნს ღრმად ისუნთქავდა ფილიპე. ძალიან ნაცნობი და მძაფრი, სასიამოვნო სუნი ჰქონდა მიწას. ფილიპე ხანდახან შეჩერდებოდა, წელში იმართებოდა და დაღლილ ხერხემალს ასვენებდა, თითებით იწმენდა ოფლს და ისუნთქავდა მკვეთრი, სასიამოვნო სურნელით გაქვინითი ჰაერს. მზე ცის შუაგულისაკენ მიიწევდა, წელში მოხრილი კაცი ისევ მუშაობდა, შიშველი ფეხებით გაფხვიერებული მიწის სივრცის გრძობდა, კეფაზე კი დაუნდობლად აცხუნებდა მზე. იგი თავზე ცხვირსახოცს წაიკრავდა ხოლმე და მუშაობდა, სანამ სიცხე აუტანელი გახდებოდა. მერე ისვენებდა დიდი ხის ჩრდილში, სადაც ახლა ვარლამი იჯდა, და ძმაზე ფიქრობდა... საუზმეს ქაღალდზე გაშლიდა და მადიანად ილუკმებოდა, შემდეგ, საოცრად მოწყურებული, თუნჯს პირზე მოიყუდებდა და მთელი სხეული გრძობდა სასიამოვნო სივრცის. ხელის ზურგით იწმენდა დასველებულ ნიკაპს და ხის ჩრდილში წვებოდა. ერთ საათს გულალმა იწვა, მუშაობით, საუზმით და ფართოფოთლება ხის ჩრდილით დამძიმებული, თვალმოჭუტული იწვა და მშვიდად ელოდა დახარჯული ძაღლის ადღგენას. იგი ისვენებდა და თან ფიქრობდა ცოლზე, ბოლო ხანებში თავის ტკივილი რომ აწუხებდა, ფიქ-

რობდა შვილზე და შვილიშვილებზე ახსენებოდა ყურძნის ჯერ კიდევ მცხატებზე, მწვანე მარცვლები და ფიქრობდა მზეზე, სიტკბოთი რომ ააგებდა ამ მარცვლებს, თვალწინ ედგა გვალვისაგან დანაოჭებული მიწა და ფიქრობდა წვიმაზე, მაღამოსავით რომ წამოვიდოდა ციდან. მალე ისევ მუშაობა მოუნდებოდა დასვენებულ სხეულს, თოხი ისევ გულმოდგინედ აფხვიერებდა შუადღის სიცხისაგან გამაგრებულ ბელტებს. ნათოხარში ჭიკყელები იკლაკნებოდნენ და მათ დანახვაზე ფილიპეს არ მოსდიოდა უსიამოვნო ფიქრები. ის მუშაობდა დინჯად, აუჩქარებლად, და მისი დანახვისას თითქოს უფრო ნათლად გრძობდით შემოდგომას, — წითელი და ყვითელი ფერებით სავსე წელიწადის დროს, როდესაც ყველაფერი მწიფდება, ყველაფერი ბერდება თუ იზადება, ვერც გაიგებ. ვარლამი უყურებდა ძმას და ფიქრობდა მწიფე, დამძიმებულ ნაყოფზე. მან იგრძნო გვერდებზეწითლებული ვაშლების გემო, ქარვისფერი ყურძნის სიტკბო და ახლადგამომცხვარი პურის სურნელება. მერე მას გაახსენდა ზამთარი, გაახსენდა გაშიშვლებული ვენახი, ხეები და ახლა ეს მწიფე ნაყოფი სასწაულს ჰგავდა.

ვარლამი წამოდგა და საჩქაროდ გაემართა ძმისაკენ. საოცრად აღელვებული, ფილიპეს წინ შეჩერდა, გაუღიმა... ახლა იგი აღარ ჰგავდა იმ კაცს, ურთულეს პრობლემებზე რომ მუშაობდა. ახლა იგი ჰგავდა უბრალო ადამიანს, თავყანისმცემელს იმ შემოქმედისა, ვისაც შეეძლო ერთგული შრომით მოეხდინა ჩვეულებრივი და მინც უადრესად საჭირო სასწაული.

ვარლამი იდგა და თოხზე მკერდით დაყრდნობილ კაცს აღტაცებით შესცქეროდა, ის კი გაოცებული შეჰყურებდა ძმას.

გურამ დოჩანაშვილი
შენ ძმა ხარ ჩემი





ტენი ქუჩის მთელი ქუჩები

...თუნდაც სხვა მხარე. ხედავთ პოეტს როგორ სდევნიან, შეხედეთ, მხეცი რამდენს ახრჩობს, აწვალებს, ბორკავს, თუმცა ამგვარად შებორკილი ხალხს ურჩევნია მაინც თავისი ფედერიკო გარსია ლორკა.

გალაკტიონ ტაბიძე


ესაანეთს

რად დაიყენე ურჩხული მცველად,
რატომ მიენდე საშიშარ ეტუკანს,
რატომ აჩნისარ მწუხარე ცრემლად
და სისხლის ლაქად მსოფლიოს რუკას?

თავისუფლება რად დაინისლე,
მგელს რად მიუგდე ობოლი შველი,
რატომ დაღვარე შვილების სისხლი,
რატომ განდევნე შენ ღმერთი შენი?


რატომ არ გესმის, მონობას ნაძრახს
სახელოვანი რომ სჯობს ბრძოლები,
რამ დაგამუნჯა, რამ დაგიძაძა
უძლიერესი შუქი გონების?

ძლევა იცოდი, დღეს ხარ ძლეული,
აღსდექ, სიკვდილი ან გამარჯვება!
აღსდექ, სამშობლოვ, ჩემი რვეულიც
ბრძოლის ცეცხლოვან დრომად
დაგრჩება!




მუხის ფესვები, ჩემს საფლავში შემოჭრილები,
ამ შემოდგომის გულდასაწყვეტ ფოთოლცვენაში
გაუმქლავნებენ მუხის ტოტებს, ეტყვიან მუხას,
რომ ჩემგან მარტო ჩონჩხი დარჩა, ეტყვიან მუხას.

როს ფეხშიშველა გაზაფხულის გრილი წვიმები
ჩამომიტანენ აშბავს შენი კარგადყოფნისა,
დამიბრუნდება მე სხეული, სული და სუნთქვა,
შევისხამ ხორცს და შეფოთილი მუხის შრიალი
გაგახარებს და ჩემს სიცოცხლეს გაგახსენებს შენ.



შემაძლებინე გამომტვრევა კუბოს ფიცრების,
როცა უშენოდ მე მიწაშიც კი ველარ გავძლებ,
ჩვილი ბალახის ფესვებად და სუნთქვად ვიქცევი
და ყვავილებად შემოგზვდები, ძვირფასო, გზაზე,
გზაზე, შენსკენ რომ მოაქანებს ბედნიერებას.

იმ ყვავილების სურნელებად შემოვალ შენში
და აგიჩქარებ მწუხრი გულის ნაღვლიან ფეთქვას,
მერე ვიტირებ განშორების იდუმალ შიშით
და ცხელ ცრემლებად გადმოვსკდები თვალთაგან შენთა,
იმ ცხელ ცრემლებად, სიხარულში რომ დაგვევრება.



ბრენადა

მოსყიდული ტყვიით ვკვდები,
ზეიმობენ ჩემი მტრები..
და ისევ შენ მენატრები
უკანასკნელ მონატრებით.

☆
ზაურ ბოლქვაძე ☆ ბარსია ლორკას მონოლოგები ☆

შენზე ვფიქრობ გატაცებით,
შენ გელი და შენ გეძახი,
შენი გზები და ტაძრები
თუ ხედავენ ჩემს სისხლს, დაღვრილს?


ყვითლდებიან მანდ ფოთლები
უცნაური გაყვითლებით;
ნუთუ აღარ გაგონდები,
ნუთუ ჩემთვის არ ინთები?

ახლა მწუხრი გეფინება,
ბნელში ქრება გალავანი
და გატკობენ შენ ფრინველთა
მშვენიერი გალობანი.

იკარგება დღის ნათელი,
მეც ვქრები და ვიკარგები
და ჩამავალ მზის კანდელის
ელვარებით ვიქარგები.

შენ არა და არ გამოჩნდი,
მომიგზავნე სიმარტოვე
და სისხლიან სალამოში
სამუდამოდ მიმატოვე.

მოსყიდული ტყვიით ვკვდები,
ზეიმობენ ჩემი მტრები....
უკვე აღარ მენატრები,
მოკვდა წუთი მონატრების.



თქვენ როგორც გინდათ, ისე ჩათვალეთ,
ისე იფიქრეთ, ისე გამოთქვით...
სიკვდილის შიშით მე არ ვკანკალებ,
მჯერა ზეიმის და მზის ამოსვლის.

მარადიულის მჯერა სიცოცხლის,
მწამს უკვდავება ლექსის სტრიქონის;
მშობელ მიწისთვის იქაც ვილოცებ,
იქაც ვიფიქრებ, როგორც ვფიქრობდი.

როგორც გინდოდეთ, ისე დაწერეთ,
როგორც გინდოდეთ, ისე დახატეთ.
მე თქვენ გარწმუნებთ, მე თქვენ გაჯერებთ, —
რომ გათენდება, განა დალამდა!





თავი მითხუთმება

მწუხარებისა და ბედნიერების ღამე

ღალიმ თვალი გაახილა. კედელზე ჩამოკიდებულ სურათს მზის მკრთალი სხივები ელიცლიცება. სურათიდან ვიღაც ჭადარათმიანი ქალი დასცქერის. გოცებულმა თვალები მოიფშვნიტა. ვერ გაარკვია სად იყო, ან აქ როგორ გაჩნდა. უცბად გულზე რაღაც მოაწვა, სუნთქვა შეეკრა. რომ არ წამომჯდარიყო, დაიხრჩობოდა. წამოჯდომისას საბანი ჩამოუცურდა, გამოფხიზლდა. გვერდით ვიღაცის ფშვინვა შემოესმა. მიიხედა, მეორე საწოლზე ოთარს ეძინა.

ხელი მკერდზე მიიჭირა, აკანკალდა. მხოლოდ ახლა მიხვდა, რომ ოთართან იყო. ჯერ ადგომა და წასვლა გადაწყვიტა, მაგრამ სად წაესვლებოდა? ცრემ-

ლი მოაწვა, თავი ბალიშში ჩარგო და მწარედ აქვითინდა. დიდხანს ტიროდა ასე, შემდეგ თანდათანობით დამშვიდდა. სუნთქვაშეკრული, გაუნძრევლად იწვა და ფიქრობდა. ყველაზე მეტად ამ დილით ოთართან შეხვედრისა ეშინოდა. წუხანდელი ღამის ბევრი არაფერი ახსოვს. მხოლოდ ის ახსოვს, თუ როგორ შეხვდა ოთარს რუსთაველის ძეგლთან, როგორ ჩასვა მან მანქანაში და აქ მოიყვანა. შემდეგ ყველაფერი თავისთავად მოხდა, გულწრფელად მინებდა ლალი ვაჟის ალერსს, მაგრამ ამ დილით წუხანდელ სირცხვილს როგორ დაუხვდეს? როგორ უნდა შეხედოს ოთარს, რა უნდა უთხრას მას?

გვერდით საწოლი შეინძრა. ეტყობოდა, ოთარსაც გაღვიძებოდა.

დასასრული. იხ. „ციცქარი“, № 7, 8.

— ჩემო გულჩიორა! — აღერისანად უთხრა მან ლალის და თავზე ხელი გადაუსვა. ლალიმ თვალი მილულა. გული გამალებით უცემდა. ოთარი გადმოიწია, შუბლი და თვალები დაუყოვნა, შემდეგ წამოდგა და პირის დასაბანად სააბაზანო ოთახში გავიდა.

— შენც ადექი! — უთხრა წასვლისას ლალის.

როგორღაც ყველაფერი ჩვეულებრივად მოხდა. ნამდვილად მისი ბედია ოთარი, უსიტყვოდ ესმის მას ლალის გულისნადები. ლალიმ სასწრაფოდ ჩაიცვა, საწოლები გაასწორა.

— მე წავალ, რამეს მოვიტან. შინ ყურძნისა და პურის მეტი არაფერი გვაქვს.

— რა საჭიროა, გვეყოფა, — როგორც იქნა, ხმა ამოიღო ლალიმ.

სუფრა ოთარმა გააწყო.

— დღეს მე ვიდიასახლისებ, — ხუმრობით უთხრა მან ლალის, — ხვალისა კი ინებე და ოჯახს მიხედე.

ლალის გაეღიმა.

— აი, ასე, — გაეხარდა ოთარს, — თორემ ვიფიქრე, ჩემს პატარა ცოლს სიცილი დაავიწყდა-მეთქი. მართლა, თქვენებს წუხელვე დავურეკე, რომ არ შეშინებოდათ.

ლალიმ თავი დაუქნია, კარგი გიქნიაო.

— ახლა კი სუფრასთან მობრძანდი, ჩემო გულჩიორა!

ლალის მოშინებოდა, ოთარიც მადიანად ილუკმებოდა. აქებდა თავის ნახელავს, საქები კი არა ჰქონდა რა. ასე მადიანად ლალის არასოდეს უსაუბრია. რა გემრიელი იყო ყურძენი და პური, მათი პირველი საქორწინო საუზმე. შემდეგ ოთახის დალაგებას შეუდგნენ. ოთარმა ცოცხს ხელი მოჰკიდა, ლალიმ არ დაანება. თუ აქამდე მორცხვობდა, ახლა გაუთამამდა.

ერთი ოთახი აქვს ოთარს, დიდი და მზიანი. სახელოსნოც ისაა, საწოლიც და სასადილოც. ოთახი საესეა თიხის ქანდაკებებით; უმთავრესად ქალების ქანდაკებები სჭარბობს. არ მოეწონა ეს ქალები ლალის.

ოთარის სამუშაო დაზგაზე ტილოდა დაფარებული დიდი საგანი დევს. დაზგასთან შეჩერდა, ოთარს გადასხედს ოთარმა ტილო მოაშორა — ეს საგანი ლამაზი ქვა აღმოჩნდა. ჩანდა, ოთარს მასზე ემოშავა, კონტურები უკვე გამოეკვეთა.

— ეს ჩემი გულჩიორა იქნება, — სთქვა ოთარმა და ქვას ხელი გადაუსვა.

ვიღაცამ კარზე დააკაკუნა.

ოთარი კარის გასაღებად გაეშურა. ლალი შეკრთა, ვინ უნდა იყოს, რას იტყვიან, მარტო რომ ნახონ ოთართან? გაეღიმა, განა ახლა სულ ერთი არაა, რაც არ უნდა სთქვან?!

— ლალი, — მზიარულად დაიძახა ოთარმა, — ნახე, ვინ გვესტუმრა! მობრძანდით, მობრძანდით!

კართან არანჩა, ნუნუ და კეკელია იდგნენ. ლალის მტერის საწმენდი ჩვარი ხელიდან გაუვარდა.

— ამზის გასაგებად მოვედით, — აფუსფუსდა ნუნუ, — ამ დღით გვითხრეს, არ დავიჯერეთ.

ქალები შეშფოთებულნი შემოვიდნენ, მაგრამ ოთახში მყუდროება და სიწყნარე რომ დახვდათ, უცბად დამშვიდდნენ.

— მე ახლავე გიახლებით. ლალი, სტუმრები არ მომიწყინო, — ოთარმა ჩანთას ხელი დაავლო და კიბეზე დაეშვა.

— მიხვდა, რომ შენთან მარტო დარჩნა გვინდოდა, — სთქვა ნუნუმ.

— აბა, გულახდილად გვითხარი ყველაფერი, — უთხრა კეკელიამ.

— რა უნდა გითხრათ? — ალუღლულდა ლალი.

არანჩამ გულში ჩაიკრა ლალი. ერთ ხანს დუმდნენ.

— ჩემი ბედი ეს ყოფილა! — ძლივს ამოიღო ხმა ლალიმ.

— მზიარულად შეგვეგება სიძე-ბატონი, არც ლალი ჩანს დიდად დამწუხრებული, — გაეცინა ნუნუს.

— ასე ჩუმად რატომ გამოიპარე? — შეეკითხა არანჩა.

ლალიმ თავი ჩაღუნა.

— ჰო, ჰო, ჰო, რა ამბავი აქვთ თქვენებს? ო, მაგათი სინსლა გაწყდეს!



ქალემა ბინა დაათვლიერეს, ყველ-
გან შეიხედეს. შემდეგ გადაწყვიტეს,
ავეჯისთვის ადგილი შეეცვალათ, უფრო
მოხერხებულად დაედგათ. დიდხანს იკა-
მათეს, მაგრამ დალაგებას რომ მორჩ-
ნენ, ოთახი უფრო დიდი და ნათელი
გამოჩნდა. ქალების ქანდაკებები არც
მათ მოეწონათ, მაგრამ ხელი მანც
არ ახლეს. ლალის ურჩიეს, თანდათან,
შეუმჩნევლად მოეშორებინა აქაურობი-
სათვის.

ოთარიც მოვიდა. სანოვაგე და ღვინო
მოიტანა. ყველანი სახელდახელოდ გაშ-
ლილ სუფრას მიუსხდნენ. პირველად
ახალგაზრდების სადღევრძელო შესვეს.
ყველაზე მეტი კეკელიამ ილაპარაკა,
ქართული ოჯახის ტრადიციები გაიხ-
სენა.

არანჩამ ოთარს მიმართა:

— შეილო, ეს გოგო მარტოა ამქვე-
ნად, არ აწყენინო, შენს იქით გზა არ
აქვს. ახლა შენ ამისთვის ყველაფერს
ხარ!

ლალის ხმა ვერ ამოაღებინეს. დარცხ-
ვენილი იჯდა, მაგრამ გულში სიხარუ-
ლი ჩადგომოდა. ახლა უკვე ოჯახის
დიასახლისი იყო. უფროსი ქალები თა-
ნატოლებივით ექცეოდნენ. წუხანდელი
ღამე თითქოს ბურუსში დაინთქა, სიხა-
რულმა ფრთები შეასხა. თავს ისე
გრძნობდა, თითქოს დიდი ხანია აქ ყო-
ფილიყოს, ამ გარემოს შერგეული და
შეგუებული.

ქალები დიდხანს არ დარჩენილან.
ხელცარიელნი მოვიდნენ, ამიტომ მო-
ლოცვაც შემდეგისათვის გადადეს. წას-
ვლისას ორივენი გადაჰკოცნეს, ბედნი-
ერება და სიამტკბილობა უსურვეს.

თავი მეთექვსმეტი

გზები

თითქმის თვეა, რაც ლალი ოთარის
ცოლია, შეეჩვია ახალ ცხოვრებას და
ეს თვეც სიზმარივით გაქრა. ლალი
დიასახლისობს, ოთარი მუშაობს, ბევრს
მუშაობს, ლალის აქანდაკებს. ქანდაკე-
ბისათვის სახელიც შერჩეული აქვს —
გულჩიორა.

ლალი შინიდან იშვიათად გამოდის.
ბაზარში თუ წავა სანოვაგისათვის,
ესაა და ეს. კერძების კეთებას დეიდას-
თან შეეჩვია, არ უჭირს, მაგრამ ყვე-
ლაზე გემრიელი საჭმელი მისთვის
მანც ყურძენი და პურია. რაც არ უნდა
მამძღრები იყვნენ, ყურძენს მტევანს
რომ აიღებენ, უთუოდ პურიც უნდა
მიატანონ.

არავინ აწუხებთ. ზოგჯერ არანჩა
თუ შემოივლის ცოტა ხნით. სოფიო და
ნათელა ჯერ კიდევ მწყარალად არიან.
არც სულხანი გამოჩენილა. ძია გიორგი
კი ხშირად მოდის. არც არავინ უნდა
ლალის, დილდილობით ოთარი მუშაობს,
შემდეგ საქმეებზე მიდის. ათას ადგი-
ლას უნდა მივიდეს. ხან მხატვართა
კავშირშია, ხან — სალონში. ყველაფერს

დევნა უნდა, თავისთავად არაფერი მო-
დის. ერთი ორჯერ თეატრში იყვნენ, ეს
იყო და ეს.

ახლაც ოთარს ლალი ფანჯარასთან
დაუსვამს. სამი საათია, შეუსვენებლივ
მუშაობს.

— დავიღალე, ოთარ!

— ცოტა კიდევ მოითმინე, — ამშვი-
დებს ოთარი, შემდეგ მასთან მიდის და
ჰკოცნის, — ახლა ხომ გაგიარა დალღი-
ლობამ?

ორივენი იცინიან. ლალი კვლავ გა-
უნძრევლად ზის; ოთარი მუშაობს.

— ადამიანი არა ხარ, ასე რატომ
მტანჯავ?

— ხომ იცი, ჩემო გულჩიორა, ხე-
ლოვნება მსხვერპლს მოითხოვს, —
დინჯად პასუხობს ოთარი.

— მერე რაღა მე ამირჩიე მსხვერ-
პლად?

— ო, რა სულელი ხარ, — იცინის
ოთარი.

გვიგო გოგინაიშვილი
გაზაფხულიდან გაზაფხულამდე

— აბა რა, — არ ეშვება ლალი. — რაღა მე შემომჩინდი?

ოთარი ლალისთან მიდის, მის თავს მკერდზე იკრავს და ეალერსება:

— იმიტომ რომ, კარგი გოგო ხარ, საყვარელი! შენ ახალი ძალა შემმატე, რწმენა ჩამინერგე.

— განა ამის შესახებ ასე ხმამაღლა ლაპარაკობენ? — ჩურჩულით ეკითხება ლალი.

ოთარი იატაკზე, მის ფერხით ეწყობა და თავს მუხლებზე უდებს.

— ვინმე გვისმენს, თუ?

— არა, — აღელვებით ამბობს ლალი და ვაჟის შავ თმას თითებით ეალერსება, — მე ჩვენი ბედნიერებისა მეშინია. რატომ მემართება ასე?.. გავიღვიძებ, ჯერ გაოგნებული ვარ, შემდეგ კი, გამოვერკვევი და საშინელი შიში მიპყრობს.

— ასე იცის დიდმა სიყვარულმა, — იცინის ოთარი.

ლალი იბუტება:

— ნუ დამცინი!

— მართალს არ ვამბობ, თუ? — არ ეშვება ოთარი, — აბა, ის ვინ იყო, გამთენიისას რუსთაველის ძეგლთან რომ გამომცხადა!

— იმ დღეს ნუ მიხსენებ, — წყრომით ეუბნება ლალი, — ჩემს ჭკუაზე აღარ ვიყავი, არც ვიცოდი, რას ვაკეთებდი.

— შეგაცდინე, არა? — ღიმილს ვერ იკაფებს ოთარი.

— ნუ ხუმრობ! — უწყრება ლალი და მკაცრად მიმართავს, — ასეთ ლაპარაკს თავი დაანებე. თუ მუშაობ, იმუშავე! თუ არა, დამეხსენი!

ოთარი კვლავ საქმეს შეუდგა. ერთ ხანს სიჩუმე იდგა, ოთახში მხოლოდ საჭრეთელის ხმა ისმოდა.

ლალი თავის ფიქრებს მიჰყვა:

— რამდენი ხანია, სულხანი არ შემხვედრია, — სთქვა მან.

ოთარმა აღმაცერად გადახედა ცოლს.

— კიდევ უყვარხარ?

ლალი გაცხარდა:

— სულხანზე ასე ნუ ლაპარაკობ. შენ არ იცი, რა ვაჟია!

— ამასწინათ აკადემიაში შევედი, თვლი ამარიდა.

— ნეტავი როგორ სწავლობს?

— ჯერ არაფერი იტქმის, აი, რომ დაამთავრებს, მაშინ ვნახოთ, გამოვა მისგან ნამდვილი მოქანდაკე, თუ არა.

— გამოვა, სულხანი ნიჭიერი ვაჟია!

— ბავშვობაში ყველანი ნიჭიერები ვართ, — სთქვა ოთარმა, — დამოუკიდებლად რომ დაიწყებ მუშაობას, მაშინ არის საქმე.

ოთარი ერთ ხანს შეჩერდა, ნამუშევარი თვლით გაზომა, შემდეგ განაგრძო:

— აი, მე მოქანდაკე ვარ. დიდი ხანია დამოუკიდებლად ვმუშაობ, მაგრამ გულახდილად გეტყვი, ჯერ არც ერთი ღირსშესანიშნავი ნაწარმოები არ მიქმნია.

— ასე ძნელია საკუთარი გზის გამოხატვა?

ოთარი დიდხანს იყო ჩუმად, შემდეგ, თითქოს თავის თავს ესაუბრებო, დაიწყო:

— გზები მრავალგვარია, ჩემო გულჩიორა. ზოგი გზა იოლია, ფულის მოსახვეჭელი, ზოგი კი ძნელად სავალი. გგონია, პირველად მე გავკვალეო და გულდამშვიდებული რომ მიდიხარ, უცბად დაინახავ, თურმე სხვის ნავალზე გივლია. ზოგი გზა ხევში გადაგჩნდება, ზოგი — უფსკრულში, საიდანაც ვერასოდეს ამოხვალ. მწვერვალებისაკენ მიმავალი გზა კი ერთადერთია და სწორედ მას სჭირდება ძიება.

ოთარმა მუშაობას თავი მიაწება, როდენის „მარადიული გაზაფხულის“ ასლი აიღო და ცივ მარმარილოს ხელი საფუთად გადაუსვა.

— აი, ესაა ჭეშმარიტი გზა!

— დაიცადეთ, ბატონო მოქანდაკე, — მხიარულად შემოჰკრა ტაში ლალიმ, — აი, დაამთავრებთ თქვენს ახალ ქანდაკებას. რა ერქმევა, გამახსენეთ!

— გულჩიორა.

— გულჩიორა, არა უშავს რა, — კვლავ მხიარულად განაგრძო ლალიმ, — აი, დაამთავრებთ ახალ ქანდაკებას და სახელმომხვეჭილი მოქანდაკე გახდებით.

— გეყოფა, ლალიკო.

ლალის ბევრი დრო რჩება, აღარც იცის, რით შეავსოს დღე. ოთარმა მუშაობა მიატოვა, აღარ აქანდაკებს „გულჩიორას“. წინათ ამოსუნთქვის საშუალებასაც არ აძლევდა ლალის, ახლა კი ხელი ჩაიქნია, არაფერი გამომდისო. სადღაც არტიკლში დაიწყო მუშაობა, არც ამბობს სად. შინ გვიან მოდის, უფრო ხშირად ნასვამია. წუხელ სულ არ მოსულა. ამ დღით დარეკა, სამსახურში ვარო. ხმა ჩახლექილი აქვს, ალბათ მთელი ღამე სვამდა.

ლალი ოთახში ვერ გაჩერდა და ნელი ნაბიჯით გაჰყვა ქუჩას. რა მოუვიდა, ნეტავი, ოთარს? რამ გამოცვალა ასე? არა სჯერა, ოთარს მუშაობა არ შეეძლოს. მაშ, რად მიაჩნება ყველაფერს თავი, რად გაურბის, რად არ მუშაობს? ნუთუ ლალის აქაც უმტყუნა ბედმა! როგორ მოიქცეს, რა მოიმოქმედოს? ფიქრებმა მოჰქანცა. ვაკის პარკში შევიდა. დიდი შადრევნის ახლოს ჩამოჯდა. ტყვიასავით მიძიმე ღრუბლები დასწოლია ქალაქს. ქარი არა ქრის, მაგრამ შიშველი, ფოთლებშემოძარცული ხეები ოდნავ მაინც ირხვევიან.

რა ბედნიერი იყო ლალი, ფრთებშემართული ლაღად დაფრინავდა. უდარდელი ბავშვობა იქ, ოჩამჩირეში დარჩა. ახლა კი ცხოვრებამ თავის ზვირთებში ჩაითრია, ვინ იცის, წინ კიდევ რა ელის!

უცბად ვიღაცამ გაუბედავად მოხვია ხელი. ლალი შემობრუნდა და მოულოდნელობისაგან შეჰყვირა:

— ნათელა!

ერთმანეთს გადაეხვივნენ. ერთ ხანს ასე იდგნენ და ტიროდნენ.

— შენთან მოვედი, — სლუკუნით უთხრა ნათელამ, — დაგინახე, აქეთ რომ წამოხვედი და გამოგყევი. აქ მარტოკა რისთვის მოსულხარ?

— ისე, სუფთა ჰაერზე გამოვედი.

— მიჯავრდები?

— აღარც კი მახსოვს. მომენატრეთ, მოსვლა მინდოდა, ვერ გავბედი.

— განა მამამ არაფერი გითხრა?

— უნდოდა ჩემი წამოყვანა, მაგრამ რატომღაც აქამდე ვერ მოვედი.

— დედას ძალიან ენატრები.

— მართლა? — გაეხარდა ლალის, — აღარ მიწყრება?

— არა, ერთ ხანს მართლაც გაბრაზებული იყო, შენი სახელის ხსენებაც არ უნდოდა, ახლა კი გული მოუბრუნდა. ხომ იცი, ცხოვრებისაგან გატანჯული ქალია. მამა ძალზე კეთილია, მაგრამ ვერ შეუქმნა ისეთი პირობები, დედა რომ ოცნებობდა. არც მე გამოვადექი. ოთხი წელია, უმადლეს სასწავლებელში ვაბარებ გამოცდებს და ოთხჯერვე ჩავიჭერი. ახლა რა, ჩემი ტოლები ექიმები, მასწავლებლები და ინჟინრები არიან, მე კი...

— ნათელა, — აცრემლდა ლალი, — ჩემო ნათელა! ამქვეყნად თქვენს გარდა ვინ მყავს?

— როგორა ხარ, ლალი, კმაყოფილი ხარ შენი ბედით? — ფრთხილად შეაპარა ნათელამ.

ლალემ არაფერი უპასუხა.

— იცი, ლალი, უნდა მოხვიდე, დედა ძალიან სწუხს.

— მოვალ, — ჩურჩულით მიუგო ლალემ, — აუცილებლად მოვალ; აქამდეც უნდა მოვსულიყავი, მხოლოდ ცოტა ხანს მაცალეთ.

ნათელას გაეხარდა, თვალები აუციმციმდა.

— კარგი გოგო ხარ, ლალი. არ მინდა, რომ ჩვენზე გულში წყენა შეინახო!

— ახლა შენი ამბებიც მითხარი, ნათელა.

— რა გითხრა? ჩემს ცხოვრებაში არაფერი შეცვლილა, ისევ მდივანად ვმუშაობ. ხან გულსუნდას წავეჩხუბები, ხან დაროს, მაგრამ მაინც ერთად ვართ.

— პირადი ამბები?

— ეჰ, სადაა, — თვალი დაენისლა ნა-

გვი გოგინაიშვილი
გაზაფხულიდან გაზაფხულამდე



თელას, — ჩემი ხნის გოგოები დიდი ხანია ოჯახს მოეკიდნენ, შვილებს ზრდიან. რომ წამოვიჩიტეთ, ისეთი ვიყავი, ამბობდნენ, ნათელა ყველაზე ადრე გათხოვდებო. ჩემი ამხანაგები ყველანი გათხოვდნენ, მე კი გულსუნდასა და დაროს შევაბერდი.

— თავს ნუ ისაწყლებ, რა დროს შენი სიბერეა!

— გულს მიმშვიდებ, არა? სიყვარულით ალბათ ვეღარავის შევიყვარებ. ისე გათხოვება კი არ მინდა.

— დაიცადე, გამოჩნდება შენი ბედიც.

— ეჰ, ლალიკო, ცხოვრებისაგან აღარაფერს მოველი.

ასე გულახდილად არასოდეს ულაპარაკია ნათელას. გარეგნულად მხიარული გოგო, გულში თურმე რამდენ ნალევლს ატარებს!

ერთ ხანს არც ერთს ხმა არ ამოუღია.

— მე მალაპარაკებ, შენ კი გაჩუმე-

ბული ხარ, — სთქვა ბოლოს ნათელამ სთქვი რამე!

— რა გითხრა, — გულახდილად უპასუხა ლალიმ, — ცხოვრობ, ჯერ მეც ვერ გავრკვეულვარ, ცუდია ყველაფერი ეს, თუ კარგი.

— ცუდს შენთან რა ხელი აქვს, ლალი! უეცრად ძლიერმა ქარმა დაუბერა და მოსაუბრეთ სახეში ხის ხმელი ფოთლები შეაყარა.

— აცივდა, შინ წავიდეთ, — უთხრა ლალიმ ნათელას.

— არა, მეჩქარება.

— აკი შენთან მოვდიოდით?

— ხომ გნახე, შემდეგ შემოვივლი. მკერავთან მიმეჩქარება. იცი, რა კაბას ვიკერავ!

ხელგადახვეულები გამოვიდნენ პარკიდან. ნათელა ტროლიბუსში ჩაჯდა. წასვლისას ხელი დაუქნია ლალის, კოცნა გაუგზავნა.

თავი მეთორმეტე

დაშმითავრებელი ქანდაკება

ლალი შეიშმუნა. თვალი გაახილა. საათს დახედა, ათი შესრულებულა. ოთარი ტანგაუხდელი დივანზე იწვა. ღვინისა და უძილობის გამო სახე დაღმეჭოდა. წუხელაც უზომოდ მთვრალი მოვიდა, ვერაფრით ვერ გაიხადა ტანსაცმელი. დივანზე მიეგდო, მთელი დამე შფოთავდა და ბორგავდა. გაუპარსავი იყო. წინათ კოხტაობა უყვარდა, ახლა ყველაფერს თავი მიაანება. აშლილი თმები შუბლზე ჩამოყროდა, მძიმედ სუნთქავდა.

ლალიმ ხალათი გადაიკვა და ოთართან მივიდა.

— ოთარ, ოთარ! — ფრთხილად შეანჯღრია, მაგრამ ვერ გააღვიძა.

— ოთარ, სამსახურში გაგვიანდება. როგორც იქნა, ოთარმა თვალი გაახილა, მაგრამ უმალვე დახუჭა.

— ოთარ, გაიღვიძე! — არ ეშვებოდა ლალი.

— რა იყო? — წაიბურტყუნა ოთარმა და უაზროდ შეაჩერდა ლალის.

— ოთარ, ადექი!

— რატომ?

— ათი საათია.

— რას ლაპარაკობ?! — შეჰყვირა ოთარმა, ძლივს ასწია თავი, წამოდგა და ოთახიდან ბარბაცით გავიდა.

— წუხელ ისეთი მთვრალი მოხვედი, ვერაფრით ლოგინში ვერ დაგაწვინე. — საყვედური დაადევნა ლალიმ.

ოთარმა არაფერი უპასუხა, პირის ბანას რომ მორჩა, ოთახში შემობრუნდა, შუბლზე ჩამოყრილი თმა გადაივარცხნა.

— სად იყავი? — შეეკითხა ლალი.

— მეგობრები შემხვდნენ, — ჩახლენილი ხმით მიუჯო ოთარმა.

— მერე?

— რესტორანში შევედით, ჩემი დამარცხებისა და უნიჭობისა დავლიეთ.

— გაწყენს ამდენი ღვინო! ესეც არ იყოს, სამსახურში არაფერს გეტყვიან, ყოველდღე რომ აგვიანებ?

— ჩემს საქმეს ის მოხუცი გააკეთებს. მოასწრებს...



— რა იქნებოდა, ის მოხუცი მოგეყვანა?

— რა საჭიროა! — ხელი ჩაიქნია ოთარმა.

— გავიცნობდი.

— არ მინდა! — ყრუდ სთქვა ოთარმა და ხალათზე დაიხედა, — ხედავ, ღილი ამწყვეტია.

— დაიცადე, ახლავე დაგიკერებ.

ლალიმ ნემსი და ძაფი აიღო. პატარა კოლოფში ღილი მოძებნა.

— ყოველდღე შთვრალი მოდიხარ.

— ჰო, კარგი, კარგი.

— ეჰ, ოთარ, — ამოიკენესა ლალიმ.

ოთარმა თავზე ხელი გადაუსვა.

— შენ ძალიან კარგი გოგო ხარ, ლალი. მე კი აბა რა ვარ? — დაუმთავრებელ ქანდაკებასთან მივიდა, დიდხანს უყურა. — ხედავ, ვერ შევქელი მისი დამთავრება, ასეთი ბედის ვყოფილვარ.

— მაგას რატომ ამბობ? — შეწუხდა ლალი. — კიდევ სცადე, უფრო მეტი იმუშავე. რა გიშლის ხელს, რომ არ მუშაობ.

— მე შენ ძალიან მიყვარხარ, ლალი, — კითხვა აიცილა ოთარმა.

— გიყვარდი, — ცრემლნარევი ხმით მიუგო ლალიმ.

— შენი სახით მკურნალს ვეძებდი, მაგრამ...

— მაგრამ რა? სთქვი, რისი თქმაც გინდა.

— არა, — ხელი ჩაიქნია ოთარმა და კარისაკენ წავიდა, — ვერასოდეს ვერ დავამთავრებ ამ ქანდაკებას.

— ერთხელ კიდევ სცადე, ოთარ, სცადე, იმუშავე.

— შეჩქარება, — დაფაცურდა ოთარი, — დამაგვიანდა.

— ოთარ, — წინ გადაუდგა ლალი, — გული ცუდს მეუბნება. თუ რაიმე სათქმელი გაქვს, მითხარი, ნუღარ მტანჯავ; ხომ იცი, ამქვეყნად შენს მეტი არავინა მყავს.

ვიდაცამ ზარი დარეკა. ოთარმა კარი გააღო. ოთახში გიორგი შემოვიდა.

— აქა მშვიდობა! — მხიარულად შესძახა მან.

— ძია გიორგი! — სიყვარულით შეეკება ლალი.

— გამარჯობა, ძია გიორგი! — გაიღიმა ოთარმაც, — ბოდიშს ვიხდი, სამსახურში მაგვიანდებო. ლალიცო, აბა, შენ იცი, როგორ დახვდები ჩვენს საყვარელ ძია გიორგის.

ლალი დაფაცურდა.

— იცით, როგორ გამახარეთ, ძია გიორგი! წინათ უფრო ხშირად მოდიოდით, ახლა რად დამივიწყეთ?

— ეჰ, ლალიცო, ცუდი ყოფილა სიბერე, ხან დეიდაშენია ავად, ხან კიდევ მე.

— დეიდა ავადაა?

— ჰო, ცოტა შეუძლოდაა. შენ როგორღა ცხოვრობ?

— რა მიჭირს...

— თვალები ჩაშავებული გაქვს. რაშია საქმე?

— მე თვითონ არ ვიცი, რა ამბავია ჩემს თავს, ძია გიორგი, — ჩურჩულით სთქვა ლალიმ.

— რას ამბობ, ოთარი ცუდად გექცევა?

— აბა, როგორ ვითხრათ, როგორ ავიხსნათ!

— უნდა მოხვიდე, ლალი, ნახო დეიდაშენი, ქალი ქალს უფრო გაუგებს, დაგარიგებს.

— ნათელას შევპირდი, მინდოდა მოსვლა, მოვალ კიდევ, მაგრამ ახლა ეს ძნელია ჩემთვის! — სთქვა ლალიმ და სამზარეულოს მიაშურა.

კერძი გააცხელა, სუფრა გააწყო. ღვინო გამოიტანა.

— მობრძანდით, — მოიპატიჟა სტუმარი.

გიორგის შეპატიჟება არც უნდოდა, გემრიელად შეექცეოდა საქმელს. ლალისაც მაღა გაეხსნა: კერძი გადმოიღო, ღვინოც დააყოლა.

— კარგი გოგო ხარ, ლალი, ნეტავ ჩემი შვილი იყო!

— რად გინდევართ, — ხელი ჩაიქნია ლალიმ, — მე ყველგან უბედურება მიმაქვს, ალბათ ასეთია ჩემი ბედი!..

— მეორედ არა სთქვა ეს, — დატუქსა

გვი გოგიჩაიშვილი
გაზაფხულიდან გაზაფხულამდე

გიორგიმ, ჭიქა ღვინით აავსო, — შენ გაგიმარჯოს, ლალი.

უცბად ზარმა დაიწვრიალა, ვილაც გაბმით, ნერვიულად რეკავდა.

— ნახე, თუ ოთარი არ იყოს! — სთქვა გიორგიმ და ჭიქა გამოცალა.

ლალიმ კარი გააღო.

დერეფანში ოცდაათიოდე წლის უცნობი ქალი იდგა. ოდნავ კეხიანი ცხვირი და საოცრად შავი თვალები ჰქონდა. ტუჩები მაგრად მოეკუმა, სახეგამეხებულ იდგა და ცნობისმოყვარეობით ათვალეერებდა დიასახლისს. ლალიმ მის მზერას ვერ გაუძლო და თავი დახარა.

— შეიძლება? — ხმამაღლა იკითხა უცნობმა.

— მობრძანდით! — ჩურჩულით მიუგო ლალიმ და ოთახში შეუძღვა.

გიორგი წამოდგა. ახალმოსული შეკრთა, უნებლიეთ კართან შეჩერდა.

— უკაცრავად! — ბოდიში მოიხადა მან.

— დაბრძანდით, ქალბატონო, და გვეწვიეთ! — მიმართა მას გიორგიმ.

— გმადლობთ! — მიუგო ქალმა.

გიორგიმ ლალის თვალით ანიშნა, ვინ არისო. ლალიმ მხრები აიჩეჩა.

უხერხული სიჩუმე ჩამოვარდა. დუმილი ლალიმ დაარღვია.

— ვინ გნებავთ?

— მე თქვენთან მოვედი, ლალი! — სთქვა უცნობმა.

ლალი გაოცდა.

— თქვენ განა მიცნობთ?

უცნობი კვლავ დაქინებით დააცქერდა ლალის. თავით ფეხებამდე შეათვალიერა. ლალი შეკრთა.

— დიახ, — მიუგო ქალმა და გიორგის გადახედა, — მაგრამ...

— მე წავალ, — სთქვა გიორგიმ.

— რატომ? — ჩურჩულით ჩაილაპარაკა ლალიმ, — ეს ჩემი ბიძაა.

— გიორგი გარდაფხაძე! — წარუდგა ქალს გიორგი და ხელი გაუწოდა.

უცნობი შეყოყმანდა, მაგრამ მინც ჩამოართვა გიორგის ხელი.

— ბრძანდებოდეთ, — მიმართა მან გიორგის, — სხვა დროს შემოვივლი.

გიორგი მიხვდა, რომ ამ ქალს ლალისთან მართო დარჩენა სურდა.

— არა, ქალბატონო, მე მინც წუთით შემოვირბინე. ნახვამდის, ჩემო ოქრო, — დაემშვიდობა გიორგი ლალის. — გამაგრდი, გინახულებ. ბოდიშს ვიხდი, ბატონო!

გიორგი გავიდა. გასვლისას ლალის თვალით რაღაც ანიშნა. ლალი ვერ მიუხვდა სათქმელს.

ქალმა ოთახში გაიარ-გამოიარა, შემდეგ მაგიდასთან მივიდა, საფერფლე აიღო.

— ახალი საფერფლე შეგიძენიათ.

ლალი შედგა, ტანში ყრუანტილმა დაუარა.

— თქვენ... თქვენ ვინ ბრძანდებით? — ძლივს წაილულლულა მან.

ქალი ლალის ყურადღებას არ აქცევდა, ოთახს ათვალიერებდა. ახლა კარადაზე შემოდგმულ ფინჯანს მოჰკრა თვალი.

— ესეც ახალია, საწოლებისთვისაც ადგილი შეგიცვლიათ, — დაუმთავრებელ ქანდაკებასთან დიდხანს იდგა. — მაშ, ეს არის „გულჩიორა“? ამის გამო იყო, რომ... — იქვე დაჯდა, ცალი ხელი ქანდაკებას დაადო და კვლავ ლალის დააცქერდა, — დაჯექი!

ლალი ერთ ადგილზე გაშეშებულიყო და დუმდა.

— რა ლამაზი სახე გაქვს! ეს რომ გამოექანდაკებინა...

— საიდან, საიდან იცით? — კი არ სთქვა, ამოიხრიალა ლალიმ.

— ნუ ღელავ, უნდა მძულდე, ნამღვილად კი მეცოდები!

— ვინა ხართ? — იკითხა ათრთოლებულმა ლალიმ.

— კარგი, მიგდე ყური, — ხმა შეეცვალა ქალს, ხელჩანთა გახსნა, სურათი ამოიღო და ლალის გაუწოდა.

— აბა, ამ სურათს დახედე!

ლალიმ მისდაუნებურად გამოართვა სურათი, მაგრამ თვალთ დაუბნელდა და ვერაფერი გაარჩია.

— კარვად დააცქერდი! — განაგრძო უცნობმა, — ნუთუ ამ ბიჭუნას სახე, თვალები, აი, ეს შავი, სქელი წარბები,

პატარა ხალი არავის გაგონებს? იცი, რა კარგი ბიჭუნაა, როგორ უყვარს მამამისი? ეს ერთი ხანია, ავადმყოფობს, ახლა ექიმები ყველაფერს უკრძალავენ. — ქალს ცრემლი მოერიო.

ლალის გულმა უთხრა, რომ მის თავს რაღაც უბედურება იყო. გაოგნებული შესტკეროდა უცნობ სტუმარს.

„ასე ხმამალა რად ლაპარაკობს, ან ჩემგან რა უნდა?“ — ფიქრობდა იგი.

— ავადმყოფი ბიჭუნა მამას ელოდება. ვიცით, უმტკივნეულოდ არ მოხდება ეს, მაგრამ ბავშვის სიცოცხლე ამ მსხვერპლს მოითხოვს. ჩემთვის არა გთხოვ, — უცბად მოტყდა ქალი, — ბავშვს, ბავშვს დაუბრუნე მამა!

ლალი წაბარბაცდა:

— მამა! — ცივად შეპკივლა, ფეხები მოიკეცა და გონმიხდილი იქვე, იატაკზე დაეცა.

ქალი დაიბნა.

— ოთარ, შენ გქონდეს ჩვენი ცოდვა! — წამოიძახა მან.

დაიხარა, ლალის წამოყენება სცადა, ვერ შეძლო. მაგიდაზე ჭიქას დაწვდა, გონმიხდილ ქალს წყლით საფეთქლები დაუზიდა, შემდეგ ტელეფონთან მივიარდა და ნომერი აკრიფა.

— სასწრაფო დახმარებაა?

ამ დროს ვიღაცამ ზარი დარეკა:

— დაიცადეთ! — ჩასძახა ყურმილში, მილაკი მაგიდაზე მიაგდო და კარი გააღო.

ოთახში გიორგი, სოფიო და არანჩა შემოვიდნენ.

— მომეშველეთ!

— რა მოუვიდა? — იკივლა სოფიომ. სამივენი იატაკზე გაშოტილ ლალის მიცვივდნენ.

— ალო! ალო! — ისმოდა ყურმილში.

— გული წაუვიდა, ვერ მოგაბრუნე, — სთქვა უცნობმა ქალმა.

„რა აყვირებს ამ ქალს?“ — გაიფიქრა გიორგიმ.

— გიგი, მომეშველე! — დაუძახა სოფიომ.

ლალი ასწიეს, საწოლზე დააწვინეს. უცნობი ქალი გასასვლელისკენ გაემართა.

— ძია გიორგი, — უთხრა არანჩამ, ეს ქალი არსად გაუშვა!

გიორგი მერის წინ გადაუდგა.

— გამიშვით — ხმადაბლა სთქვა მერიმ.

— ქალბატონო, — მრისხანედ ხელი ასწია გიორგიმ, — ჯერჯერობით აქედან ვერსად წახვალთ!

— ლალი, ლალიკო, შვილო! — ჩასძახოდა ლალის თვალცრემლიანი სოფიო, შუბლსა და ლოყებს უსრესდა, წყალს აპკურებდა.

— გონს მოდის, — დაიძახა არანჩამ.

ლალიმ ნელ-ნელა გაახილა თვალი. თანდათან გონს მოეგო, უცბე სოფიო დაინახა, წამოხტა და ქვითინით გულში ჩაეკონა.

— დეიდა, მიშველე!

— დამშვიდდი, ლალი, რა მოგივიდა, მოგიკედეს დეიდაშენი!

— რა მოხდა? — შეეკითხა არანჩა.

ლალიმ მხოლოდ ახლა დაინახა არანჩა. მასაც გადაეხვია.

— ვინ არის ეს ქალი?

ლალიმ თავი ასწია, დიდხანს უყურა უცნობ ქალს. ქალმა თვალი ვერ გაუსწორა, წელან თამამად შემოვიდა, ახლა კი წელში მოხრილი იდგა.

— არ გაფუშვით, რა ვიცი, ვინ არის...

ლალიმ გიორგის ხელით ანიშნა, ნუ შეჩერებო.

გიორგიმ გზა მისცა, ქალი სწრაფად გავიდა.

— ვინ იყო? — კვლავ შეეკითხა არანჩა.

ლალიმ თავზე ხელი მოისვა და ძლივს ამოიღულულა:

— ოთარის ცოლია, შვილიც ჰყოლიათ, გულით ავადმყოფი ბავშვიანო.

ყველანი გაშეშდნენ. სამარისებური სიჩუმე ჩამოწვა.

— ო, მაგათი სინსლა გაწყდეს! — წამოიძახა არანჩამ.

— რა მეშველება, დეიდა, — აქვითინდა ლალი, — რა მეშველება?!

— მოგიკედეს დეიდა! — ტიროდა სოფიო.

გიგი გოგიჩაიშვილი
გაზაფხულიდან გაზაფხულამდე

არანჩამ თავზე ხელი გადაუსვა.

— გამაგრდი, ლალი. მე, უპატრონო, უცხო არ დავიკარგე ჩვენთან და შენ რისა გეშინიან, — დაამშვიდა არანჩამ.

სოფიო გონს მოეგო და წამოდგა.

— ახლავე შენ ბარგს თავი მოუყარე და ჩემთან წამოდი, — მტკიცედ უთხრა ლალის.

თავი მიცხრამებ

ნატოც მოვიდა

ლალის მარტოკა არ ტოვებენ. რიგ-რიგობით მოდიან მასთან. სამწუხარო შემთხვევამ მეზობლებიც შეარიგა, ერთ-მანეთს დაუახლოვა. დეიდა სოფიო სულ გამოიცვალა. თვალეში შესცქერის ლალის, ყოველ მის სურვილს უსიტყვოდ იკებს. თავს ევლება, ბავშვივით უვლის, ანებივრებს. რამდენადაც წინათ მკაცრი და კაპასი იყო, იმდენად ახლა დამყოლი და ალერსიანია.

თითქოს პირი ჰქონდეთ შეკრული, ოთარს არავინ ახსენებს. მხოლოდ ერთხელ მიიღეს მისგან წერილი. მაპატიეო, თხოვდა ლალის. ლალიმ წერილზე არ უპასუხა.

დღეს არანჩაა მასთან. დეიდა, გიორგი და ნათელა სოფელში, გიორგის ნათესავის დაკრძალვაზე არიან წასულნი.

არანჩა ესპანეთის ამბებს უყვება. თუ დაიწყო ესპანეთზე ლაპარაკი, ისედაც ფართო თვალეები უფრო გაუფართოვდება, სახეზე ალმური მოედება და ველარაფრით გააჩერებ.

ვიდაცამ ზარი დარეკა. ლალი შეკრთა. არანჩა წამოდგა, კარი გააღო. ოთახში წაბლისფერთმიანი ქალიშვილი შემოვიდა, ლალისთან მივიდა, გადაეხვია.

— ლალი, ძვირფასო!

— ნატო!

— ჩემი ბრალია, — ცრემლი მოერია ნატოს, — მე ხომ ახლა კომკავშირის რაიკომში ვმუშაობ. აქამდე უნდა მოვსულიყავი, უნდა მენახე. ხუთი თვეა, კრებას არ დასწრებობარ, მაშასადამე, უნდა გაგვერკვია, რაში იყო საქმე. იმ მეღვინეებსაც შავი დღე დავაყარე, — ისე გულდაჯერებით ლაპარაკობდა, თითქოს მართლაც შეეძლო ლალის ცხოვრებაში რაიმეს შეცვლა.

— ნატო, გაიცანი, ეს დეიდა არანჩაა. ნატომ არანჩას ხელი ჩამოართვა და შემდეგ კვლავ ლალის მიუბრუნდა:

— ჩემს რაიონში ყოფილხარ აღრიცხვაზე. ამასწინათ შემთხვევით შენს პირად ბარათს წავაწყდი.

— მაშ, ბარათმა გაპოვინა ჩემი თავი? — გაელიმა ლალის.

— სად მიმაგრებულხარ, — უსაყვედურა ნატომ, — ღვინის ქარხანაში რა გინდოდა?

— ასე მითხრეს, ბინასთან ახლოს არისო. ამასწინათ მოვიდნენ მეღვინეები, მისაყვედურეს, კრებებს რატომ არ ესწრებიო.

— მითხრეს, მითხრეს! დარცხენილები იყვნენ. ბინა გამოვიცვლია, დიდხანს გეძებეს თურმე. მეზობლისაგან შეუტყვეიათ შენი ამბავი. ადრე ვერ იკითხეს? ამბობენ, ნატო ავიაო. მოდი და ნუ იქნები ავი! აქ ადამიანს თავისი დარდი ახრჩობს, ისინი კი საყვედურობენ, კრებებს რად არ ესწრებიო, მაგრამ მერწმუნე, კარგი ახალგაზრდები არიან. სულ თავში იცემდნენ ხელს, ეს რა მოგვივიდაო. მოდი, გულახდილად ვილაპარაკოთ, ცოტა შენი ბრალიცაა.

• უცბად ნატო არანჩას თვალებს წააწყდა და შეჩერდა. მიხვდა, იმას არ ამბობდა, რასაც გული უკარანახებდა. არანჩას თვალეებიც ამას საყვედურობდნენ, რა დროს ეგებებიაო. ნირწამხდარი წამოდგა, ლალის გვერდით მიუჯდა, ხელი მოხვია და გულში ჩაიკრა.

— მოკლედ, გამაგრდი! აქ არა ვართ?! — შემდეგ თითქოს რაღაც მოაგონდაო, ისევ არანჩას შეხვდა.

— როგორ სთქვი, ამ დეიდას რა ჰქვიაო?

— არანჩა, — გაეღიმა ლალის, — ეს-
პანელია.

— რას ლაპარაკობ! — წამოხტა ნა-
ტომ, — მერე ქართული საიდან იცის?

— ჩვენი რძალია, ქმარი ქართველი
ჰყავს, — უპასუხა ლალიმ.

არანჩამ სუფრა გააწყო და გოგონები
მიიწვია.

— ჰო, სულ დამავიწყდა, — სტკვა ნა-
ტომ, — ნამცხვარი მოვიტანე, ჩემი ნა-
ხელავია. აბა, გასინჯეთ, მე მგონია, ვერ
დამიწუნებთ.

ერთ ხანს უხმოდ სვამდნენ ჩაის. ნა-
ტოს ნამცხვარი მოეწონათ.

— იცით, რა მოვიფიქრე? — უცბად
წამოხტა ნატომ, — ბედი გქონია, დეიდა
არანჩა რომ აქ დამხვდა. მე მგონია,
უარს ვერ ეტყვის.

— ვინ ვერ ეტყვის უარს, ადამიანუ-
რად გავგაგებინე! — უთხრა ლალიმ.

— ყური მიგდე, — ხელები მოიფშე-
ნიტა ნატომ, — საქმე შემდეგშია: ლალი
უნდა სამსახურში მოვაწყო, ადგილს,
რასაკვირველია, გამოვნახავთ, მაგრამ
მე სულ სხვა რამ მინდა. პროფესორი
თუხარელი ხომ გავიგონიათ?

არანჩას გაეღიმა.

— თუხარელი ვის არ გაუგონია!

— მის საავადმყოფოში მოხვედრა
ძალზე ძნელია. არადა, ლალისათვის
ამაზე უკეთესს ვერაფერს მოვიფიქრებთ.
ის საავადმყოფო ჩემს რაიონშია. მათი
კომკავშირის კომიტეტის მდივანს ვუთ-
ხარი — ორივე ხელი გაასავსავა, პრო-
ფესორი ახალბედა ექთანს არავითარ
შემთხვევაში არ მიიღებსო. დეიდა არან-
ჩა, თქვენ რომ მისულიყავით, იქნებ
უარი არ ეთქვა.

— ჩემი თხოვნით თუ საქმე გაკეთ-
დება, მივალ, — მყისვე დაეთანხმა არანჩა.

— ეშველება, ეშველება, — დაბეჯი-
თებით სტკვა ნატომ, — ესპანელ ქალს
უარს როგორ ეტყვის, საღამოს შვიდი-
დან ცხრა საათამდე აქვს მიღება.

— ძალიან კარგი, ხვალვე წავალ.

ნატომ ლალის ხელი მოხვია, დაატ-
რიალა.

— ოჰ, ნეტავი კარგად დამთავრდეს
ეს საქმე!

— მე ისეთი ბედი მაქვს... — ჩაი-
ლულულა ლალიმ.

— გამხიარულდი, თავი მალა ასწიე,
რას ჰქვია ბედი! ბედი ჩვენს ხელთაა, —
დატუქსა იგი ნატომ.

თავი მოვიდა

პროფესორი და ბასპი ძალი

მედიცინის მეცნიერებათა დოქტორის,
აკადემიკოს ივანე თუხარელის მისაღები
ოთახი მუდამ ხალხითაა სავსე. საიდან
არ მოდიან ავადმყოფები ამ სახელგან-
თქმულ დასტაქართან. თუხარელს დღე-
ში ორი საათი აქვს მათთვის დათმობი-
ლი. ამ ხნის განმავლობაში ათი ავად-
მყოფის მიღებას ასწრებს. ეს იციან
მომსვლელებმა, ამიტომ თავიდანვე ათი
კაცი ჩაეწირება, თუხარელს თანაშემწე
არ ჰყავს, ამიტომ წესრიგს თვით ავად-
მყოფები იცავენ. პროფესორი თუხარე-
ლი საბჭოთა კავშირის უმაღლესი საბ-
ჭოს დეპუტატია. ერთ დღეს თავის ამო-
მრჩეველებს უთმობს, იმ დღეს ავად-
მყოფებს არ ღებულობს. ამასაც შეეჩვიე-
ნენ მომსვლელები. პროფესორი დღისით

თავის საავადმყოფოშია. თუ საოპერა-
ციო დღე აქვს, სამ საათამდე იქ არის.
არადა, თორმეტ საათამდე ამთავრებს
პალატების შემოვლას. წუთით არა აქვს
მოცლა: ესწრება კოლეგიის სხდომებს,
ლექციებს, სესიებს. მსოფლიოს ქირურგ-
თა არც ერთი კონგრესი მისი მონაწი-
ლეობის გარეშე არ ჩატარებულა.

მაგრამ წლებსაც თავისი გააქვს.
დღეს განსაკუთრებით გადაიღალა თუ-
ხარელი. მძიმე ოპერაცია გააკეთა,
ძლივს გამოსტაცა ავადმყოფი სიკვ-
დილს. ყოველ შემთხვევაში ჯერჯერო-
ბით ყველაფერი რიგზეა. ეს-ესაა დაუ-

გვი გოგიჩაიშვილი
გაზაფხულიდან გაზაფხულამდე

რეკეს, ავადმყოფი თავს კარგად გრძნობსო.

დღეს სპორტის სასახლეში ქართველ კალათბურთელებს გადამწყვეტი შეხვედრა აქვთ. მედიცინის შემდეგ ყველაზე მეტად სპორტი იტაცებს თუხარელს. არა, ამდამ ვერ წავა, მაგრამ ტელევიზორით მაინც ნახავს. ნეტავ რა ანგარიშია, ჩვენები იგებენ თუ აგებენ? პაპიროსი ამოიღო. ერთადერთ რამ, რასაც ვერ შეეღია, ეს თამბაქოა. იცის, მასზე უკეთ ვინ იცის, რომ თამბაქო ჯანმრთელობისათვის ძალზე მავნებელია. თუხარელმა კაზინეტის კარი გამოაღო და მოსაცდელ ოთახში გამოვიდა. მის შემოსვლაზე კუთხეში მჯდომი ქალი წამოდგა. პროფესორი გაოცებული შედგა. არ ახსოვს, მიღების საათების დამთავრების შემდეგ ამ ოთახში ვინმე დახვედროდეს.

— ბოდიში, პროფესორო, — რაღაც უცნაური აქცენტით სთქვა ქალმა, — თქვენს განრიგს არ დავარღვევდი, აუცილებელი და სასწრაფო საქმე რომ არ მქონდეს.

თუხარელმა დაკვირვებით შეათვალიერა უცნობი. ვერ მიხვდა, რა ეროვნებისა უნდა ყოფილიყო. ცნობისმოყვარეობამ სძლია.

— დაბრძანდით! — უთხრა მან ქალს. ქალი დაჯდა.

— არ ვიცი, როგორ დავიწყო, — ენის ბორძიკით სთქვა მან, — თქვენთან ერთი ობოლი ქალიშვილის ბედმა მომიყვანა.

თუხარელი გულდასმით უსმენდა. ნეტავ რა ეროვნებისაა ეს შავგვრემანი ქალი, ქართველი არ არის, არც რუსსა ჰგავს, არც სომეხს. მაშ ვინ უნდა იყოს?

— ესპანელი ვახლავართ, — სთქვა არანჩამ.

პროფესორი ახალგაზრდობაში ესპანურით იყო გატაცებული. გაჭირვებით შეეძლო ლაპარაკი. ახლაც არ დააყოვნა და ესპანურად შეეკითხა:

— მერედა, ესპანელი ქალი აქ საიდან მოხვდი?

არანჩა მოულოდნელობისაგან დაიბნა. ყველაფერს მოელოდა, მაგრამ პროფე-

სორი თუ ესპანურად დაუწყებდა ლაპარაკს, ეს აღარ ეგონა. გაეხარდა ესპანურადვე მიუგო:

— დიდი ხნის ამბავია, ბავშვები ჩამოგვიყვანეს, ფაშისტებს გამოვექეციო.

— რომელი კუთხიდან ხარ?

— ბასკი ვარ! — მიუგო არანჩამ.

— ბასკი? — თუხარელი ბასკებისა და ქართველების ნათესაობაზე ელაპარაკა არანჩას. მერე რატომღაც ჰემინგუეი გაიხსენა, ნიკო მარის შრომებიც არ დაივიწყა.

— ბასკური თუ იცი?

— გადამავიწყდა, — უპასუხა არანჩამ, — მოსკოვის საბავშვო სახლში რომ ვიყავით, დოლორეს იზარური და ხოსე დიასი მოდიოდნენ ხშირად ჩვენთან. დოლორესიც ხომ ბასკია. ბასკებს ერთად შეგვეყრიდა და გვესაუბრებოდა.

— სამი წლის წინათ ბილბაოში ვიყავი, ქირურგების საერთაშორისო კონგრესზე მიმიწვიეს, — თქვა თუხარელმა.

— რას ლაპარაკობთ? — აღტაცება ვერ დაფარა არანჩამ, — მეც ხომ ბილბაოდან ვარ!

— შესანიშნავი ქალაქია, — განაგრძო თუხარელმა, — ყველაზე მეტად ამ ქალაქის თავზე წამოყუდებულმა მთის სახელწოდებამ გამაოცა.

— არჩანდა! — წამოიძახა არანჩამ, — არჩანდა!

— დიახ, დიახ, არჩანდა! ქალაქში რომ ჩავედით ღრუბლიანი დღე იყო და მთა ჯანდით იყო დაფარული. არჩანდა! ნუთუ ამ სიტყვას რაიმე საერთო აქვს ქართულთან?

— მე ბაკოში გიზრდებოდი, ბიძასთან, ეს სოფელი ბილბაოსა და სანტანდერს შუაა, — არანჩა უცბად დადუმდა. პროფესორთან ასეთი გულახდილი ლაპარაკისა შერცხვა. განა ამისათვის მოვიდა? რამდენი ხანია აქ ზის და ჯერ ლალის შესახებ სიტყვაც არ დაუძრავს.

თუხარელმა ცერად შეხედა კედლის საათს.

არანჩამ მოსვლის მიზეზი აუხსნა. განსაკუთრებულმა მდგომარეობამ გააბედვინა მისი შეწუხება. ობოლი ქალიშვილია, წელს სამედიცინო ინსტიტუტ-



ში აბარებდა მისაღებ გამოცდებს. ერთი ქულა დააკლდა. შემდეგ მოულოდნელად გათხოვდა. ქმარს სხვა ცოლ-შვილი აღმოაჩნდა, იცის პროფესორმა ახალგაზრდობის შეცდომები. ახლა ისეთ დღეშია გოგო, მისი ცოდვით ხეც ატირდება. მისთვის ერთადერთი გამოსავალი სამსახურია. იქნებ მიიღოს პროფესორმა საავადმყოფოში. რა თქმა უნდა, ეს ძნელია, მაგრამ იმედი აქვს, უარს არ ეტყვის.

- თუხარელი შეყოყმანდა.
- მერედა, რა ადგილი უნდა გამოვუნახო იმ ქალიშვილს?
- სამედიცინო ტექნიკუმი აქვს დამთავრებული.
- უმუშავნია სადმე?
- არა...
- რა გქნა,— წამოდგა თუხარელი, —

ჩემს საავადმყოფოში გამოუცდელ ადამიანებს არ ვამუშავებ, მაგრამ რადგან ბასკი ქალი გაისარჯა, ვფიქრობ, რამეს მოვახერხებ.

- არანჩა გახარებული წამობტა:
- რა გქნა, მადლობა რითი გადაგიხალოთ?
- ხვალ დილით ათის ნახევარზე საავადმყოფოში მოდით და ის გოგონაც მოიყვანეთ.
- გმადლობთ, პროფესორო, — დაემშვიდობა არანჩა და თვალზე მომდგარი სისხარულის ცრემლი რომ დაეყარა, ოთახიდან სასწრაფოდ გავიდა.
- „ვერც ამალამ დავწერ ქურნალისთვის წერილს“, — გაიფიქრა თუხარელმა, მაგრამ სინანული არ უგრძვნია. ამ ბასკ ქალთან საუბარი მეტად საინტერესო იყო.

თავი ოცდამეერთე

თუხარელის საავადმყოფო

არანჩა და ლალი დილის ცხრა საათზე მოვიდნენ საავადმყოფოში. პროფესორი ჯერ არ ჩანდა. ზუსტად ათის ნახევარზე საკუთარი ავტომანქანით მოვიდა. მანქანას თვითონ მართავდა. ეზოში დააყენა, ცოტა ხნის შემდეგ არანჩასთან დარაჯი მივიდა, პროფესორი გათხოვით, უთხრა.

არანჩამ ლალი შეათვალეირა, თმა შეუსწორა, აბა, შენ იციო, უთხრა.

გულის კანკალით შეაღო ლალიმ პროფესორის კაბინეტის კარი.

— ო, ბასკის ქალო, გამარჯობა, — გულდიად მიესალმა არანჩას თუხარელი, — აბა, გამაცანი შენი პროტექცე.

თუხარელმა თავით ფეხებამდე შეათვალეირა ლალი. ეტყობოდა, ძალიან მოეწონა, თვალები აუციმციმდა.

- ვერავინ შემაცდენდა, — ღიმილით სთქვა მან, — ამ ბასკმა ქალმა კი მაიძულა ჩემი პრინციპებისათვის მეღალატნა. შენი გვარი?
- ავალიშვილი, — ძლივს ამოიღო ხმა ლალიმ.
- დაიცა, გეთაყვა, — შუბლი მოის-

რისა თუხარელმა, — ერთი მოწაფე მყავდა, ავალიშვილი... ჰო, გამახსენდა, ლუარსაბ ავალიშვილი.

- მამაჩემი იყო, — გაეხარდა ლალის.
- კარგი ექიმი იყო, — ხელები მოიფშვინტა თუხარელმა. — მახსოვს, წინადადება მივეცი, ჩემთან დაეწყო მუშაობა, მეუღლის გამო არ ისურვა, თბილისის ჰავა წყენსო. დედაშენის გარდაცვალების შემდეგ განვაახლეთ მიწერ-მოწერა, მაგრამ არ დასცალდა საბრალოს. რა მოუვიდა?

ლალის თვალზე ცრემლი მოადგა.

— გული ჰქონდა დაავადებული, — ჩაილულულა მან.

— გული! გული! — გაიმეორა თუხარელმა, — ვერ იქნა, ვერ დავძლიეთ. დრო კია, თუმცა მე მაინც ვიმედოვნებ, ავალიშვილის ქალო, მე და შენ გაერთიანებული ძალით ავღვგით პირისაგან მიწისა გულის ავადმყოფობას. ასეა, ხომ? — მიუბრუნდა იგი არანჩას.

გივი გოგინაიშვილი
გაზაფხულიდან გაზაფხულამდე

— თუ თქვენ მოინდომებთ, — ღიმილით მიუგო არანჩამ.

— უნდა მოვიინდომოთ. სად დაამთავრე ტექნიკუმი

— ოჩამჩირეში. მამას ძალიან უნდოდა ექიმი ვყოფილიყავი.

— იქნები კიდევ ექიმი! რადგან ჩემთან მოხვდი, ნუ გეფიქრება, ნემსის გაკეთება მაინც თუ იცი?

— დიახ, — დაიბნა ლალი.

— არ ვიცი, როგორ გამოვხატო ჩემი მადლობა, — დაიწყო არანჩამ, მაგრამ თუხარელს მისთვის ყურადღება არ მიუქცევია.

— ნახვამდის, ბასკის ქალო! — პროფესორმა ქალები წინ გაუშვა, არანჩას აჩვენა საით წასულიყო. ლალის ხელი მოჰკიდა, გარდერობთან მიიყვანა, თეთრი ხალათი აარჩია, ჩააცვა და დარბაზისაკენ გაუძღვა.

ყოველ დღით, სანამ შემოგლას დაიწყებდეს, თუხარელს თხუთმეტწუთიანი თათბირი აქვს ხოლმე. ამ თათბირზე ყველაფერს ასწრებს, ყველას დავალებას აძლევს, გუშინდელ შენიშვნებსაც არ ივიწყებს, ამოწმებს.

თუხარელის საავადმყოფოში მისვლა დიდი პატივია ყველასათვის. უყვარს, როცა ძველი თანამშრომელი მიდის, არც ახლებს ღებულობს ხალისით, მაგრამ თუ მიიღო, საკუთარ თავზე შეტად ენდობა. ერთი კია, თუ გული აიყარა, მორჩა, ღვიძლი ძმაც რომ იყოს, აღარ შეურიგდება.

თათბირზე ლალის გამოჩენამ ყველა გააკვირვა. თათბირის შემდეგ თუხარელმა ლალი კანცელარიაში მიიყვანა.

— დომენტი, — უთხრა თავის მოადგილეს, — ეს ქალიშვილი დღესვე გააფორმე, ექთანია. — შემდეგ ლალის მიუბრუნდა, — მესამე პალატაში იმუშავებ. მეორე სართულზეა, ჩემი სახელით მიდი ილია ვაშაძესთან, უთხარი ავადმყოფები ჩაგაბაროს.

ლალი ილია ვაშაძესთან მივიდა. ილიას კარგა ხანს ეჭირა ლალის ხელი ხელში. ხელი ოფლიანი ჰქონდა. შემდეგ წინ წაუძღვა და ახალი ექთანი მესამე პალატაში შეიყვანა.

— ესეც თქვენი პალატა!

თავი ოცდამეორე

მძიმე ავადმყოფი

ლალი დღეს საღამოსაა მორიგე. ორი დღე ისვენებდა. მოვიდა თუ არა, მაშინვე მიხვდა, რომ საავადმყოფოში მძიმე ავადმყოფი იყო. ერთი თვეა, რაც მუშაობა დაიწყო და მეორე შემთხვევაა ასეთი. თუხარელიც აქვია, დერეფანში ბოლთას სცემს და ნერვიულად ეწევა პაპიროსს.

წინათ აუცილებლად შეამჩნევდა ლალის, გაეზუმრებოდა, ახლა ყურადღებაც არ მიუქცევია მისთვის. თანამშრომლებიც ფეხაკრფით დადიან.

ლალიმ სასწრაფოდ ჩაიცვა თეთრი ხალათი და მესამე პალატას მიაშურა. ხუთი წუთიც არ გასულა, თუხარელმა კარი შეაღო და ცივად უთხრა:

— გამომყვი!

თუხარელი ფართო ნაბიჯით მიდიოდა,

ლალი სირბილით მიჰყვებოდა უკან. თან ფიქრობდა, ხომ არაფერი დავაშავე, ასე მწყრალად რომ შემხვდა პროფესორი. პროფესორი თუხარელი მეცამეტე პალატასთან შეჩერდა. ეს პალატა მძიმე ავადმყოფებისთვის იყო განკუთვნილი. როგორც წესი, იქ მხოლოდ ერთი ავადმყოფი იწვა.

თუხარელმა კარი გააღო.

— შემოდი! — უბრძანა მან ლალის და ჩურჩულით განაგრძო: გულის ოპერაცია გავუკეთეთ. ახლახან მოვიდა გონს, არავის იკარებს. სამი ექთანი გააგდო. არადა, ახლა ნერვიულობა მისთვის დამლუპველია.

საწოლზე ათიოდე წლის ბიჭუნა იწვა. თავთან ექთანი ედგა. თუხარელმა ექთანს თვალით ანიშნა, გადიო და თვი-

თონ მიუჯდა ავადმყოფს. ბიჭუნა გაუნძრევლად იწვა, სახე საოცრად გაფითრებოდა, სუნთქვა უჭირდა. მან თვალი გაახილა და მოსულებს დააქცერდა.

— აჩიკო, — ტკბილად უთხრა თუხარელმა, — აი, შენი ახალი მომგლეღი. ნახე რა კარგი დეიდაა!

— „დეიდა!“ — ეუცხოვა ლალის, მისთვის ასე ჯერ არავის მიუშართავს.

ბიჭუნა კოპებშეკრული უყურებდა ლალის. შემდეგ წარბი გახსნა, ბავშვს სუსტმა ღიმილმა გადაურბინა, მაგრამ მაშინვე თვალი დახუჭა და გაფითრდა.

— კოფენი! — ბრძანა თუხარელმა.

გამობარშული ნემსი თავდახურულ კოლოფში იდო. თუხარელმა ბიჭუნას ხელი დაუჭირა. ლალიმ ნემსი გაუკეთა, ბავშვს ტკივილი არც უგრძენია. სამიოდე წუთი უხმოდ იყვნენ, ბიჭუნა თანდათანობით გამოცოცხლდა, თვალი გაახილა, ლალის შეხედა და კვლავ ოდნავ გაიღიმა.

— გემოვნება გქონია, — გაეხუმრა თუხარელი, — სამი ექთანნი დამიწუნე, დეიდა ლალის კი ვერ დამიწუნებ.

— გული, — ამოიხრიალა ბიჭუნამ.

— ეგ ჩემზე იყოს, — ანუგეშა თუხარელმა, — შენ მხოლოდ ლალი დეიდას დაუჯერე, მალე ჩიტვით წამოვახტუნებ!

— დედა!

— ჯერ დამაცადე, რომ მომჯობინდები, დედასაც ნახავ.

ბავშვმა კვლავ ლალის შეხედა.

— მოდი, მოეფერე! — ხმადაბლა უთხრა თუხარელმა ლალის.

ლალი საწოლზე ჩამოჯდა, ბიჭუნას უსიცოცხლო ხელი ხელში აიღო.

— მეძინება! — სთქვა ბავშვმა და თვალი მიღულა.

თუხარელმა ლალის ანიშნა, გავიდეთო. დერეფანში დადგნენ. კარი ღიად დატოვეს, თუხარელმა პაპიროსი ამოიღო.

— ეგებ დაგიძახოს, — უთხრა პროფესორმა, ასანთი აანთო და გააბოლა, — ძალიან მძიმე ავადმყოფია. ოპერაცია დამაკმაყოფილებლად გადაიტანა. ბავშვია, დედას ვერ დავაყენებ თავზე, ხომ

იცი ჩვენი წესი. თანაც დედა მოსავლელი ვაგვიხდება. საწოლი აქვე გააშლენი. დღე და ღამე აქ ყოფნა მოგიწევს. გეტყვი რა უნდა გააკეთო. ღამის სამი საათიც რომ იყოს, თუ დაგჭირდეს, დამირეკე. — თავზე ხელი გადაუსვა და ჩუმად უთხრა. — თუ ეს ბიჭუნა ვერ გადავარჩინებ, მე და შენ მედიცინაზე ხელი უნდა ავიღოთ. ნუ გეშინია, მორიგი ექიმი გვერდით გეყოლება, მთელი საავადმყოფო გაფრთხილებულია, მარტო არ დაგტოვებთ. ნემსი მუდამ მზად გქონდეს. თუ ვაგიჭირდეს, დარეკე და ექიმი შენთან გაჩნდება. ჯერჯერობით ნემსს უიმისოდ ნუ გაუკეთებ, შემდეგ შეიჩვევი და თვითონ მიხვდები ყველაფერს. აბა, შენ იცი, მარტოკას ნუ დატოვებ.

ლალი პალატისაკენ გაემართა.

— ჰო, მართლა, — შეაჩერა თუხარელმა, — დედამისი მოგაკითხავს, ალბათ ახლაც აქაა, მოსაცდელში. არ შემოუშვა, ეს გაართულებს ბავშვის მდგომარეობას. ტკბილად ელაპარაკე იმ ქალს! წასვლისას მეც ვნახავ, ვანუგეშებ, ვეტყვი, რომ ბავშვი შეგეჩვია. შენი კი დამირეკე, ნუ მოგერიდება!

ლალი პალატაში შევიდა. საწოლთან ჩამოჯდა. ბიჭუნას ეძინა, მაგრამ ძილიც მოუსვენარი ჰქონდა, შფოთავდა, ღროდაღრო თითქოს სუნთქვაც ეკვროდა.

— დედა! — ოდნავ გასაგონად დაიჩურჩულა ბავშვმა.

ლალიმ თავზე ხელი გადაუსვა. ბიჭუნამ თვალი გაახილა, იცნო ლალი, გაიღიმა, პალატაში მორიგე ექიმი ილია ვაშაძე შემოვიდა. არ უყვარს ეს კაცი ლალის. ისეთი მსუნაგი თვალებით უცქერის, ისე თამამად ხვევს ხელს, რომ ლალი ერიდება მასთან მარტო დარჩენას.

ილიამ ბავშვს მაჯა გაუსინჯა.

— არა უშვავს რა! — ჩურჩულით ჩაილაპარაკა მან, შემდეგ ლალის გადახედა და თვალი ჩაუკრა.

გივი გოგინაშვილი
განაფხულიდან განაფხულამდე



პალატაში ფეხაკრეფით შემოვიდა სა-
ნიტარი და ილიას მიმართა:

— გთხოვენ.

— ვინ არის? — უკმეხად იკითხა ექიმ-
მა.

— ამ ბიჭის დედა.

— გააწყალა გული!

— მე ვნახავ, — წამოდგა ლალი.

— როგორც გსურთ. აქ მე დავრჩები.
ის ქალი ტირილს დაიწყებს, ყურადღე-
ბას ნუ მიაქცევთ. შვილის ნახვას მოგთ-
ხოვთ, კატეგორიულად უარი უთხარით.
თუმცა განა რამეს შეასმენ, ერთი და
იგივე ათასჯერ უნდა გაიმეოროს კაცმა.

„ტკბილად ელაპარაკე, — გაახსენდა
ლალის თუხარელის სიტყვები, — დედა,
გულდათუთქული დედა“.

მოსაცდელი ოთახის კუთხეში ვიღაც
ქალი იჯდა. ლალი მიუახლოვდა, შეხედა
და იქვე გაქვავდა.

— თქვენ! — ძლივს ამოიხრიალა ქალ-
მა.

ლალის წინ ოთარის ცოლი, მერი,
იღბა.

— ვაიმე, შვილო! — ამოიგმინა მერიმ,
ქვითინი წასკდა და მოცელილივით სკამ-
ზე დაეცა.

ლალი ხმას არ იღებდა, ვერც წასვლა
გადაეწყვიტა, ვერც დარჩენა. გული
მძაფრად უცემდა. ცოტა ხანს რომ ასე
გაგრძელებულიყო, კოფეინის ნემსი თვით
მას დასჭირდებოდა.

პირველად მერი მოვიდა გონს, ქვითი-
ნი შეიკავა, წამოდგა.

— თქვენ ხართ ის ექთანნი, პროფესო-
რი რომ მელაპარაკა?

— დიახ.

— არა! არა! არა! — წამოიყვირა
ქალმა, მაგრამ თავს სძლია და დაჩუმ-
და.

მხოლოდ ახლა შეამჩნია ლალიმ, ეს
ქალი იქ, მასთან რომ იყო, ზედმეტად
ხმამაღლა ლაპარაკობდა, ახლა კი დარდ-
სა და ვარამს ხმაც წაერთმია მისთვის.

— რა გნებავთ? — მტკიცედ უთხრა
მან, — ავადმყოფი ბავშვი მელოდე-
ბა.

— ჰო, ჰო, — დაიბნა მერი, — როგორ
არის?

— სძინავს.

— მოუკვდეს დედა! — ამოიკენდა მერი,
რიმ, — მაჩვენეთ.

— პროფესორმა ხომ გითხრათ?..

— შემობრალეთ, დედა ვარ.

— ნუ გეშინიათ, პროფესორი მკურ-
ნალობს, წუთითაც არ სცილდება.

— რა ვქნა, როგორ მოვიქცე?

ლალიმ წარბი შეიკრა. არაფერი უთ-
ხრა.

უცხად კარი გაიღო და ვიღაცა შემო-
ვიდა. მერი შეერთა, ლალის იქით არ
გაუხედია, მაგრამ მიხვდა, რომ ეს ოთა-
რი იყო. აღარაფერი უთქვამს, ოთახი-
დან გავიდა და კარი მიიხურა. ზურგს
უკან მერის ქვითინი მოესმა.

ბიჭუნას ისევე ეძინა. ილიამ გაკვირ-
ვებით შეხედა ლალის.

— რა მოგივიდათ, ადამიანის ფერი
არ გაღვეთ? მაჩვენეთ თქვენი მაჯა. —
თითქოს მაჯას უსინჯავსო, ოფლიანი ხე-
ლი მოუჭირა. შემდეგ მკლავეზედაც
ააყოლა კოტიტა თითები. ლალიმ ხელი
გამოგლიჯა.

— ახლავე აქედან მიბრძანდით, —
მკაცრად უთხრა მან და საკუთარი ხმა
ვეღარც კი იცნო, — ახლავე, თორემ
პროფესორს დაფურეკავ!

— ჰო, კარგი, კარგი. — დაფაცურდა
ილია, — ხუმრობაც არ იცით, — და სას-
წრაფოდ გავიდა.

ლალიმ ქვითინი ვერ შეიკავა. მხრები
უთრთოდა, დიდხანს ტიროდა. შემდეგ
თანდათან დამშვიდდა, საწოლთან მივი-
და და ბიჭუნას დააცქერდა.

ბიჭუნა ბორბავდა, ხან თვალს გაახელ-
და, ხან ისევე დახუჭავდა. დიდხანს დაჰ-
ყურებდა მას ლალი. ბავშვი საოცრად
ჰკავდა მამას. ბიჭუნა შეიშმუნა, ტკივი-
ლისაგან სახე დაედმიწა. ლალი გამოერ-
კვა, ღილაკს ხელი დააჭირა. ცოტა ხნის
შემდეგ პალატაში ილია ვაშაძე შემო-
ვიდა, ავადმყოფს დახედა.

— ჩქარა კოფეინი, — დაიჩურჩულა
მან.

წამალმა დამშვიდა ბავშვი, თვალი
გაახილა, ჯერ ლალის შეხედა, შემდეგ
ილიას დააცქერდა:



— ეს ძია არ მინდა!
 — წავა! — დაამწვიდა ლალიმ და ილიას თვალით ანიშნა, გადითო, — მე კი შენთან დავრჩები, სულ აქ ვიქნები.

— დედა! — დაიკვნესა ბიჭუნამ. დედა! ლალი შუბლზე ეამბორა ბავშვს. — ნუ გეშინია, მალე ნახავ დედას, — ჩურჩულით უთხრა მან.

თავი ოცდამესამე

ახალი გულჩიორა

სალამო ხანია. ლალი დივანზე ზის, მწარე ფიქრებს მისცემია.

დღეს ლალის დაბადების დღეა და მამის გარდაცვალების წლისთავი. რამდენი რამ შეიცვალა ამ ერთ წელიწადში. ბავშვი იყო, ქალი გახდა, უზრუნველად ცხოვრობდა და ახლა თავად დაადგა დიდი ცხოვრების გზას.

დღეს გამოწერეს საავადმყოფოდან ოთარის შვილი. ბავშვს ჯერ ათი წელიც არ შესრულებია და უკვე რამდენჯერმე პირისპირ ებრძოდა სიკვდილს. მოიქანცა ლალი, დღისით ავადმყოფს ართობდა, ღამეები არ ეძინა. ბიჭუნა, როგორც კი ოდნავ მოიკეთა და ლაპარაკი შეძლო, სულ მამაზე ესაუბრებოდა ლალის. უამბობდა, როგორ უყვარს მამა, როგორ მოსტაცა იგი ამასწინათ ერთმა აღქაჯმა, როგორ ტიროდნენ ის და დედა, და როდესაც ცუდად გახდა, მხოლოდ მაშინ მოვიდა მასთან მამიკო.

ბავშვის წასაყვანად დედა მოვიდა, ოთარი არ გამოჩენილა. ვერ შეეღია პატარა ბიჭი დეიდა ლალის. დაუსრულებლად კოცნიდა, მაგრამ გარეთ ხომ დედიკო ელოდებოდა. შინ კიდევ მამა დახვდებოდა. იმ პირობით წავა, დეიდა ლალი თუ ინახულებს. თუ არადა, თვითონ მოძენის მას, დიდია უკვე, თბილისში არ დაიკარგება.

ლალი პალატიდან არ გამოსულა. საქმე მოიმიზეზა, ფანჯრიდან უყურებდა, როგორ გადაჭრა დედა-შვილმა ქუჩა. ბიჭუნას კისერი მოედრიცა მაღლა ყურებით.

ახლა ფანჯარასთან იჯდა ლალი. არავის გახსენებია მისი დაბადების დღე, ძალიან კარგი, არცა აქვს ამის თავი.

უცბად ზარი დარეკეს. ლალიმ შუქი აანთო, კარი გამოაღო. კართან თუხარელი იდგა. ხელში რაღაც შეკვრა ეჭირა.

— შეიძლება?
 ლალი გონს მოეგო.
 — მობრძანდით, ბატონო პროფესორო, მობრძანდით! — სთქვა მან, თან ცალი თვალი ოთახს მოაეღო, ხომ ყველაფერი რიგზეაო.

— მე მეგონა, აქ ზეიმი იყო, მარტო-კა კი ხარ. განა დღეს შენი დაბადების დღე არ არის? — და ლალის გაოცებულ მზერა რომ შეამჩნია, ღიმილით დაუმატა, — შენი ანკეტის მიხედვით, ამ ცხრამეტი წლის წინათ უნდა იყო დაბადებული.

ლალის თვალზე ცრემლი მოადგა.
 — დიახ, — ჩაილაპარაკა მან და პროფესორს პალტო ჩამოართვა.

თუხარელი სკამზე დაჯდა, შეკვრა იქვე, მაგიდაზე დადო.

— ვიფიქრე, მივულოცავ დაბადების დღეს, ცოტა ხანს ვიმხიარულებ ახალგაზრდებთან-მეთქი. შენ კი მხიარულების ნაცვლად მოგიწყენია.

— დღეს, ბატონო პროფესორო, მამაჩემის გარდაცვალების წლისთავია.

— ჰოო, აი თურმე რაში ყოფილა საქმე. რა ვქნათ, შვილო, მშობლები უნდა დაიხოცონ. სამწუხარო ის არის, ახალგაზრდა კაცი რომ მოკვდება, თორემ მე ერთ ათ წელიწადში მიქელ-გაბრიელმა რომ მომიკითხოს, გული არავის დაწყდება.

— რას ბრძანებთ!

გივი გოგიჩაიშვილი
 გასაფხულიდან გასაფხულამდე

თუხარელმა მაგიდაზე გადაშლილ წიგნს დახედა.

— გამოცდებისთვის ემზადები?

— დიახ, თუ რამე გამომივიდა.

— სექტემბერში გაგანთავისუფლებ, — ხუმრობით უთხრა მან, — შენი მუშაობით კმაყოფილი ვარ, მაგრამ მინც გაგანთავისუფლებ. ასე რომ, ავალიშვილის ქალო, შენთვის ერთადერთი გამოსავალი უმაღლესში შესვლაა. არადა, წასულია შენი საქმე! მართლა, გეთაყვა, მითხარი, იმ ბასკმა ქალმა რა ქნა, მიიღო ბინა?

— გუშინწინ გადავიდა. საბურთალოში მისცეს ოროთახიანი ბინა. თქვენი ნახვა უნდოდა.

— ჩემი? რისთვის?

— მადლობა უნდა ვუთხრაო.

— კარგი ქალია! — თავისთვის ჩაილაპარაკა თუხარელმა, — გადაეცი, ასე იოლად ვერ წამივა, ბასკური კერძები და ესპანური სიმღერები მასზეა ვალად.

ლალი დაფაცურდა, ტკბილეული გამოიტანა, სადღაც კონიაკიც ჰქონდა დეიდას გადანახული.

— შენი სადღეგრძელო იყოს, — ჭიქა აავსო თუხარელმა, — იდღეგრძელე, იზედნიერე! ნეტავი ახლა ცხრამეტისა გამხადა!

— რად გინდათ! — გულუბრყვილოდ წამოსცდა ლალის.

თუხარელმა გადაიხარხარა.

— აი, ჩემსავით სამოცდახუთს რომ გადააცილებ, მაშინ მიხვდები! გულახდილად ვეტყვი, მომწონს შენი თავდაჭერილობა, საქმისადმი სიყვარული. ჩადუნელის ბიჭუნა თუ გადავარჩინეთ, ამაში შენც დიდი ამაგი მიგიძღვის.

— რას ბრძანებთ, — გაწითლდა ლალი.

— არა, არა, ეს ასეა. ასე პატარას ამდენი გამძლეობა საიდან გაქვს?

— ბატონო პროფესორო, — ფრთხილად შეეკითხა ლალი, — იმ ბიჭუნას საშიში აღარაფერი ელის?

— ამასწინათ ჩემთან მისი მშობლები იყვნენ. გავაფრთხილე, არაფერი აწყენინონ, უბრალოდ გაწყრომასაც უნდა ერიდონ. ყოველ შემთხვევაში, პირველ ხანებში მინც. გული ისეთი რამ არის...

აი, მე ჩემი ცხოვრების თითქმის ორი მესამედი გულის შესწავლას შევადგინე და, უნდა გითხრა, ჯერ კიდევ ბევრი რამ გაურკვეველია ჩემთვის.

თუხარელმა საათს დახედა.

— ახლა კი წავალ.

— გმადლობთ ყურადღებისათვის, ბატონო პროფესორო.

თუხარელი წამოდგა.

— ამ ნობათმა არ გაგაკვირვოს, — შეკვრაზე მიუთითა, — ყურძენია. ჩემი ხელით დაკრეფილი და შენახული. აგერ, გაზაფხულამდე მოაღწია. თუ გინდა, მისი შენახვის საიდუმლოებასაც გასწავლი. ეს უფრო იოლია, ვიდრე გულის მკურნალობა. ესეც ჩემი წიგნია, მოგიტანე, თუ დაგაინტერესოს, წაიკითხე. აბა, კარგად იყავი!

თუხარელი გავიდა.

გულში სითბო ჩაუდგა ლალის. რა გულისხმიერია ეს ადამიანი, მუდამ მოუცვლელმა კაცმა დრო გამონახა, რომ თანამშრომელთან მისულიყო, დაბადების დღე მიელოცა.

თუხარელის ნობათი გახსნა. დამარცვლული ყურძენი გადმოცვივდა, პურის ყუა მოტეხა, ყურძენი დააყოლა. ვერ შეჭამა, ემწარა.

ვიღაცამ კარზე დააკაკუნა.

ლალიმ კარი გააღო.

— სულო! — სიხარულით შეჰყვირა მან.

სულხანს ქალაქური იერი დასტყობოდა. ვიწრო შარვალი და წვეტიანი შავი ფეხსაცმელი ეცვა, თმაც წესიერად ჰქონდა გადავარცხნილი. მანაც ქალაქში გახვეული რაღაც ნივთი მოიტანა, მაგიდაზე დადო.

— გამარჯობა, ლალი! — ძლივს ამოიღო ხმა სულხანმა.

— ასე უნდა? სულ დამივიწყე.

— რა გქნა!

— კაცმა არ უნდა შემოგიშვას, მაგრამ როგორ გაგაგდო.

სულხანმა გაწყობილ სუფრას დაადგათვალა.

— აქ ვინმე იყო?

— ჩემი პროფესორი.

— ვინ პროფესორი?

— შენ არც კი იცი, რომ მე თუხა-რელთან ვმუშაობ.

— ვიცი, ლალი, ყველაფერი ვიცი.
— იცი და მაინც არ მოხვედი!

სულხანი დუმდა.
— როგორ მიდის შენი საქმე?

— რა უჭირს, ვსწავლობ.
— შენი პირადი საქმე?

— პირადი? — შეყოყმანდა სულხანი, — არა მაქვს პირადი ცხოვრება, ლალი. არც ვეძებ, თორემ აქამდე მოგნახავდი ვინმეს.

— მაშინ მე უნდა ჩავერიო, თორემ დარჩები ასე, მარტოხელა.

— ნეტავი შენ ეგ არ გეთქვა...
ლალი მიუხვდა, აიღეწა.

— არა გრცხვენია? — საყვედურით უთხრა მან.

— მაპატიე, ლალი, არ მინდოდა...

— არც უნდა მითხრა, შენ ხომ ჩემი ძმა ხარ.

— ძმა! — ამოიოხრა სულხანმა.

— ჰო, სულო, ძმა ხარ, ერთგული ძმა. ეს გული კი... — სათქმელი ვეღარ დაამთავრა, სახე ხელებში ჩარგო, აქვითინდა.

— ლალი, — ხელი მოჰკიდა სულხანმა, — ჩემო ლალი!

სულხანს ხელი უკანკალებდა, ცრემლი ახრჩობდა, საცაა ისიც ატირდებოდა.

ლალიმ მისი ხელი არ მოიშორა. თანდათან დამშვიდდა.

— ეს ხელი ჩემი მეგობრის ხელია, ხომ შემძლია ვენდო მას? ასე სჯობია — გული კი მკვდარია, სულო, არ გაცოცხლდება.

— გაცოცხლდება, ლალი.

— ეს რა მოგიტანია? — შეკვრაზე მიუთითა ლალიმ.

— ნახე!

სულხანმა ქალაღი მოაშორა. ლალიმ გაცოცხლებსაგან პირი დააღო. მის წინ პატარა ქანდაკება იყო, სწორედ ისეთი, ოთარმა რომ დაიწყო და ვერ დაამთავრა.

— გულჩიორა! — წამოიძახა მან.

— რა სთქვი?
— არაფერი.
— ლალი დავარქვი.
— არა, სულო, მოდი ამას გულჩიორა ერქვას.

— როგორც გინდოდეს, ლალი. იგი შენია, დავარქვი, რაც გსურს.

ვიღაცამ შემოსასვლელი კარის ზარი ნერვიულად დარეკა.

— ვინ უნდა იყოს?
ლალიმ კარი გააღო.

ოთახში ოთარი შემოვიდა. სამივენი შეკრთნენ.

— მე წავალ, — სთქვა სულხანმა.

— არა, დარჩი! — თითქმის უბრძანა ლალიმ.

ოთარი კართან იდგა, მძიმედ სუნთქავდა.

— ლალი! — გაბზარული ხმით დაიწყო მან, — მაღლობის სათქმელად მოვედი, — უცბად ქანდაკებას მოჰკრა თვალი და აღელვებისაგან ხმა ჩაუწყდა, — გულჩიორა!

მივიდა. დიდხანს უყურა. მძიმე სიჩუმე დადგა.

— წადი, ოთარ! — ჩურჩულით უთხრა ლალიმ. — სადაცაა, ჩვენები მოვლენ.

— ჰო, ჰო, უნდა წავიდე. ან რად მოვედი! — ძლივს ჩაისუნთქა ჰაერი, — მე წლების განმავლობაში ვერაფერი შევექმენი, ამან კი ასე იოლად... უნდა წავიდე.

— ჰო, წადი და ნუღარ მოხვალ.

— მშვიდობით! — სთქვა ოთარმა და ოთახიდან თავჩაქინდრული გავიდა. სულხანიც წასასვლელად მოემზადა.

— შენ დარჩი, სულო, — ძლივს ამოიღო ხმა ლალიმ. — მარტო ნუ დამტოვებ.

— გივი გოგიჩაიშვილი

გაზაფხულიდან გაზაფხულამდე



ირაკლი არაბული

წინაპარუბს

ისევ წამოვალ თქვენდა საძებრად,
ისევ არაგვის გზებს დაფუყვები,
ნისლეებში, როგორც ჯიხვის ყანწები,
ისევ აჩენენ წვერს ტიუხები.

ისევ წამოვალ გზებით ვიწროთი,
წინ გაიშლება ჭალა მურყანთა;
ცხენს მოვახტები, როგორც ვიცოდი,
როგორც წინაპარს ჩემსას უყვარდა.

ისევ წამოვალ თქვენს ნაკვალევზე
ჩემი ულაყის ნალთა წკრიალით.
სისხლის წვიმებმა ვერ გადარეცხეს
აქ ჩემი კვალი ათასწლიანი.

ისევ წამოვალ თქვენად მოხილვად,
გულს რომ გაყრიათ მიწა აყალო.
წამოიხედეთ, მთანიც მოხრილან,
წინაპრის აჩრდილს რომ ეთაყვანონ.

წამოვალ მთაში, წამოვალ, რად არ
მოეძებნო თქვენი ნატერფალები
და მიწას, რომლის ტრფიალიც
გწვავდათ,
მეც ჩემი მკერდით დავეფარები.



თენგიზ კაკუშაძე



ღამის ბნელი სივრცე ხეებს ატივტივებს,
ო, რარიგად ბნელა, ვნატრობ მთვარის
სხივებს...


ჭადრის ბებერ ხესთან ხმას არ იღებს წყალი,
ახლა შარავზაა ჩემს წინ მკრთალზე
მკრთალი.

ხმა გამეცი მაინც, ბნელში მდგარო ოდავ,
თორემ მართო ვარ და გული შემიღონდა.

ან შენ მითხარ რამე, ხეო თმაგაშლილო,
ან შენ, ყორის ხავსო, ქალის თმაზე თბილო.

ო, უნაღვლო შიშო, როგორ მომინდები
მკრთალი ჭიშკრებით და სველი კოპიტებით,

მთვარის ლოდინით და გულის ხშირი ცემით,
ვარსკვლავების შუქით განათებულ გზებით.





პოემა

მეორე სიმღერა

მოტოფიალენო შუღლის და ომის,
ველარასოდეს ვერ მორიგდებით.
მტრობით მთვრალეები ერთმანეთს ზომავთ
და მხრებს იმძიმებთ მკაცრი დიდებით.
და თუ ქვეყანას ისევ აშეშებს
თქვენი ზეიმის ხმა შემზარავი,
მანც არა გყავთ ხელისშემშლელი,
გულიც არ წყდება თქვენზე არავის.
თქვენ კი, პარნასის მთების არწივნო,
რომლებმაც კალმით შეცვალეთ შუბი,
ეცადეთ ხალხი არ გააცინოთ
გაუთავებელ შფოთით და ჩხუბით.
თქვენ კი, მიჯნურნო, კარგად გახსოვდეთ,
რომ ბრაზი დიდი ცოდვაა თქვენთვის.
იცხოვრეთ მშვიდად და არასოდეს
არ მოუღეროთ ერთმანეთს კეტი.
და ვისაც ბედი არგუნებს ბოლოს
ტურფა ასულის გულს და სინაზეს, —
ის მშვენიერი იქნება მხოლოდ,
ყველაფრისა და ყველას ჯინაზე.

ბრმა წინათგრძნობით გაოგნებული
როგდაი ნელა მისდევდა ბილიკს.

ტყეში დუმილი ადგა მეფური,
ხეებს ეძინათ ხანგრძლივი ძილით.
ის კი ღრმა ფიქრებს მისდევდა ისევ,
კვლავ მრისხანება ეხატა პირზე.
უსისინებდა ბოროტი სული
და აყოლილი უცნაურ სურვილს
მიბუტბუტებდა თავისთვის ასე:
„მოგკლავ!... ყველაფერს დავამხო გზაზე...
რუსლან!.. ჩემს ძალას გაიგებ მალე...
ცრემლით დაითხრის ლამაზი თვალებს...“
და რაკი აჰყვა ზრახვას საშინელს,
შემოაბრუნა ცხენიც მაშინვე.

ამასობაში ჩვენს მამაც ფარლავს
ერთი პირობა ეძინა უკვე
და ახლა გზისთვის იკრებდა ძალას,
ზედიზედ ნთქავდა ვეება ლუკმებს.
წყაროსთან იჯდა და წყლის ხმაურზე
შეიქცეოდა მშვიდად საუზმეს.
უცებ, რას ხედავს: ვიღაცა მისკენ
ცხენს მოაგეღვებს. და ფარლავს მყისვე
თავზარი დასცა უცხო მხედარმა.
დასთმო აბჯარიც და პურ-მარილიც,
ცხენი გააკრა მიწას ქარივით,
გაკურცხლა უკანმოუხედავად.
მაგრამ ფეხდაფეხ მოყვება ისიც
და მოღრიალებს, როგორც ნასვამი:
„თუ გავხდი შენთან შეხვედრის ღირსი,
წაგაგდებინებ თავს გოგრასავით.“
უცნობი ფარლავს მოსძახის ასე
და მან როგდაი შეიცნო ხმაზე.
და მთლად გაფუჭდა, საბრალო, მაშინ,
სიკვდილის სუსხი გაუჯდა ტანში.
ასე კურდღელი გაურბის მწვევარს,
თავის ყველაზე საშინელ მდევარს.
ზურგზე დაიწყობს, საწყალი, ყურებს
და მწვევარს ტყეში ნაკვალევს ურევს.
მზე იყო უკვე საკმაოდ ცხელი
და სადაც თოვლი იდო აქამდე,
იქ გამდნარ თოვლის მღვრიე ნაკადებს
გადაესერათ ხრამებით ველი.
ქურანაც ხრამთან შეჩერდა წუთით,
ქარს მოუქნია თამამი კული,
ერთხელ გაღეჭა რკინის აღვირი
და გადაფრინდა ხრამზე, დაღლილი.
ხოლო მშიშარა მხედარი ხრამში
თავქვე ჩაეშვა ჩაშლილ ხიდივით
და საბოლოოდ დარწმუნდა მაშინ,
რომ გარდუვალი იყო სიკვდილი.

★
კლემასანდრ კუშპინი
★
რუსლანი და ლუდმილა

ხრამთან მოავდო როგდაიმ ცხენი,
მახვილიანი აღმართა ხელი,
„მოკვდი, ლაჩარო!“ — შესძახა მჭახედ
და რა იხილა ფარლავის სახე,
ჩამოუვარდა ხელი თავისით,
უცებ წაუხდა ბრძოლის ხალისი
და ამ საოცარ სურათის მნახველს
მთლად დაედრიჯა სიბრაზით სახე.
გაოცებული და რისხვით სავსე
კვლავ გაიტყუა იგი მინდორმა,
გულზე სკდებოდა, მაგრამ თვითონაც
ეცინებოდა საკუთარ თავზე.
მერე ის მთასთან დედაბერს შეხვდა,
ნაომარს ყველა ქართან და მეხთან.
გზა მოეჭამა მას თავის წილი
და ახლა სული ეჭირა კბილით.
სიბერის კუზით მიწამდე მოხრილს
ხელში ეკავა ცახცახა ჯოხი, —
ჩრდილოეთისკენ მიმართა იგი
და სთქვა ჩიფჩიფით: „ეძიე იქით“.
ხოლო როგდაი აღელდა ისევ
და ხიფათისკენ გავარდა მყისვე.

ისევ ხრამშია ფარლავი ამ დროს,
არ ელის საშველს და ვეღარც ნატრობს.
ტალახში წევს და ფიქრობს თავისთვის:
„რა მემართება, სად ვარ, არ ვიცი...
ნუთუ კვლავ მხრებზე მაზია თავი?
სად გაქრა ჩემი მეტოქე, ავი?“
და ამ ფიქრებით დაღლილს და სავსეს
უცებ ვიღაცა წაადგა თავზე.
„ადექ, ჭაბუკო, — სთქვა დედაბერმა, —
უკვე მშვიდობის ქარმა დაბერა.
ჰა, ჩამომართვი შენი მერანი,
ხელს ვეღარ გახლებს ახლა ვერავინ.“

ხოხვით ამოძვრა ფარლავი მაღლა,
მაგრამ საკმაოდ ფრთხილობდა ახლაც.
ტალახზე მუცლის დატოვა კვალი,
გარემოს მორცხვად მოავლო თვალი,
კვლავ დაუბრუნდა ახალგაზრდობა
და გაუგზავნა უფალს მაღლობა.
„მერწმუნე, — ისევ სთქვა დედაბერმა, —
ჭკვიანურია ლუდმილას ძებნა,
მაგრამ მე და შენ არა გვაქვს ნება,
ვერც შევძლებთ ასე მაღლა აფრენას.
სახიფათოა გზებზე წანწალიც,
საკუთარ თავზეც ხომ გაქვს ნასწავლი,
ამიტომ კარგად დამიგდე ყური,

გადაივიწყე დროებით წყლული
და შინისაკენ გაბრუნდი უმალ,
შენს ტკბილ მამულში მოყურდი ჩემად,
სხვა ნურაფერი ნუ გეფიქრება,
ლუდმილაც მალე ჩვენი იქნება.“

სიტქა და მაშინვე უკვალოდ გაქრა.
ჩვენი ფარლავი გაოცდა, მაგრამ
წინდახედულად მოიქცა ისევ:
შეეშვა თავის მგზავრობის მიზეზს,
დასთმო ცხოვრება ხიფათით სავსე
და სანატრელი თავადის ქალიც
გადაივიწყა გულწრფელად, წამსვე
და ოცნებაში შეავლო თვალი
თავის მამულის დიდებულ მუხნარს,
ჩიტებით სავსეს, მშვიდსა და უღრანს.

ამასობაში რუსლანი ისევ
შეუსვენებლად თავის გზას მისდევს
და შეჩვეული ფიქრებით ელტვის
ამ შორი გზების ერთადერთ წერტილს.
თან ამბობს: „ნუთუ წყლულს ვერ შევუხვევ
ჩემი დაღლილი სულის მეუღლეს?
ნუთუ ვერ ვიგრძნობ შენს ნათელ მზერას,
ნუთუ ვერასდროს დამიტკბობ სმენას?
იქნებ გრძნეულის მუდმივი ტყვე ხარ
და ველარ გნახავ, ველარ და ველარ.
იქნებ იქ დაჰკნეს შენი ქალობა,
იქნებ იქ შეწყდეს შენი გალობა,
იქნებ მეტოქემ მომასწროს მოსვლა,
ძვირფასო, იქნებ ყველაზე შორს ვარ?
არა და არა!... ჯერ მიჭრის თვალი
და ხელთ მიბყრია ერთგული ხმალი.“

ერთხელ ჩვენს რაინდს, სალამო ჟამზე,
მდინარის პირას მიჰყავდა ცხენი.
დუმდა მიდამო ჩრდილებით სავსე,
ცაც ძველებურად ვერ იყო ვრცელი.
გაიზუზუნა ისარმა უცებ,
გამოაცალა სიჩუმეს ფუძე.
და საომარი აბჯრის ზრიალით
ვიღაც მხედარი გამოჩნდა ველზე.
ხელში ეჭირა შუბი ფრთიანი
და ცხენს ფერდებში აჭერდა დეზებს.
„შესდექო!“ — რუსლანს შესძახა მჭახედ.
ვერ გაარჩია რუსლანმა სახე.
ხმალზე დაიდო ძლიერი ხელი
და მოაბრუნა სტუმრისკენ ცხენი.
ის კი ყვიროდა: „ხომ დაგეწიე!“

★
ლუდმილა
და
რუსლანი
★
კუშპინი
ალექსანდრე

სად არ ვიყავი, სად არ გეძიე.
 ბევრი მწუსხარე წუთები ვთვალე
 და ბევრი დღე და ღამე ვასწორე.
 ახლა კი მიწას გაგაკრავ მალე
 და იქ ეძებე შენი საცოლელე.“
 რუსლანი უცებ ათრთოლდა ბრაზით:
 მაშინვე იცნო მომხდლური ხმაზე.

ჩემო მკითხველო, ის რაინდები
 ცოტა ხანს მარტო დავტოვოთ ასე.
 შენც დაგეღალა კითხვისგან თვალი
 და საათებიც სწრაფად მიქრიან,
 მაგრამ საბრალო თავადის ქალზე
 დიდი ხანია არ გვიფიქრია.

მე მოგიყევი, თუ იმ ბნელ ღამით,
 როდესაც ერთი წამით ინათა,
 ნაზი ლუდმილა, ვით ფოთლის ჩქამი,
 წყვედიადში როგორ გაუჩინარდა.
 როცა გრძნეულმა საბრალო ქალი
 წმინდა სარეცელს მოწყვიტა ძალით
 და გახვეულმა ნისლში და კვამლში
 თავის საზარელ მთებს მიაშურა,
 ლუდმილამ გრძნობა დაკარგა მაშინ,
 გრძნეულს მიაღო თავი ბავშვურად
 და წამის მერე ნაზი ასული,
 ათრთოლებული და ფერწასული
 და მოწყვეტილი ქმარსა და მიწას,
 უკვე გრძნეულის ციხეში იწვა.

ვიდრე ამ ამბავს ლექსად დავწერდი,
 ერთხელ სურათი ვნახე ასეთი:
 მხდალი საქათმის მამამთავარი
 და სულთანით ამპარტავენი,
 დედალს დასდევდა ჩემი მამალი.
 თავის სანატრელს დასდევდა მზეში,
 მოიგდო კიდეც ვნებიან ფრთებში
 და სწორედ ამ დროს გამოჩნდა ქორი,
 თურმე ჩვენს ეზოს ზვერაგდა შორით.
 და ქათმის ძვლებზე კლანჭის მღესავი
 დააცხრა საწყალ მსხვერპლს ელვასავით.
 მერე კი ისევ შეკრა კამარა
 და საკუთარი ბედის ამარა
 ცაში აღმოჩნდა უცებ დედალი.
 და ამ საზარელ დღის შემხედვარი
 სულ უშედეგოდ სწუხდა მამალიც,
 უმწეო მოდგმის შთამომავალი.
 და სიმწრის ოფლით მთლად გალუმბული
 ქარმა წაიღო ჭრელი ბუმბულიც.

უგრძნობლად იწვა თავადის ქალი,
ვერ გაახილა ვერაფრით თვალი,
ვერ მოიბრუნა ვერაფრით გონი,
ჩაბნელებული წყვდიადის ბოლით.
დილამდე იწვა საბრალო ასე,
დილით კი გონზე მოეგო ისევ
და გაურკვეველ წუხილით საესეს
გადაუარა სინათლემ პირზე.
და სიზმრებიდან გამოქცეული,
ქმრისკენ მიიწევს ნაზი სხეულით.
სულს სასურველი წყურვილი უგსებს,
„სად ხარ?“ — ჩურჩულებს და გული უცემს,
მაგრამ შიშისგან ქვავდება უცემს:
ვერ ცნობს დარბაზის ჭერსა და ფუძეს,
სხვაა საწოლიც და სასთუმალიც...
და ამ უცნაურ სახლის სტუმარი
თვალებს აცეცებს გაოცებული.
ირგვლივ სიმდიდრე ბრწყინავს მეფური:
საწოლზე ყრია ყურთბალიშები,
მოხატულები უცხო ნიშნებით
და იაგუნდით მოჭედილ კართან
კიდა ნაზი ბუმბულის ფარდა.
და სასაკმეველ თასების წყება
საკუთარ ბოლში ჩნდება და ქრება...
მაგრამ, მკითხველო, თუ მომცემ ნებას,
ამ მდიდრულ სურათს დავუსვამ წერტილს.
ან რა ფასი აქვს სიმდიდრეს ჩვენთვის,
თუ მეგობარი აღარ გვყავს გვერდით.

☆
ალექსანდრე კუშინი
☆
რუსულად და ლუმილად

ხოლო ღამაზი ქალწული ჩვენი,
იდუმალ ტყეთა შემკრთალი შველი,
ყველა სახობო სიმღერის ღირსი
და ყველა სულის თრთოლვა და რხევა, —
ჩაცმული იყო იმ ღამეს ისე,
ვით ჩვენი დიდი ბებია ევა.
თვალმშვენიერი და საამური,
ჩაცმული იყო, როგორც ამური,
ჩაცმული იყო, როგორც ბუნება
და აჭარბებდა ყველა ცდუნებას.
ასე იცვამდა ხალხი ოდიოვან
და ნუ გამიგებს ვინმე ხუმრობად,
თუკი მე მართლა მწყინს, რომ მოდიდან
მთლად გამოდევნეს ეს ჩაცმულობა.
უცებ თავადის ქალის წინაშე,
როგორც ჯადოსნურ სარკის მინაზე,
გამოჩნდა სამი ნაზი ასული,
პირმშვენიერი და თმადაწნული.
სამივე ჯობდა სიტურფით ყვავილს,

სამივემ მდაბლად დაუკრა თავი.
მერე კი ერთმა, ნიაგზე ჩუმად,
უცხო ქვეყნიდან მოფრენილ სტუმარს,
ოქროს დაღალი დაუწნა უმალ
და მიწიერი სინათლით სავსეს
ლალის გვირგვინი დაადგა თავზე.
მერე ეახლა მეორე ქალი,
ვერ გაუსწორა იმანაც თვალი,
ლაჟვარდისფერი მიართვა კაბა
და მიეტმასნა ქსოვილი ხარბად
სიმშვენიერეს ცათა შესაფერს.
თხელი მანდილი მოაქვს მესამეს,
აუტანია მანდილიც ვნებას
და შემკრთალ მკერდზე ცახცახით წვება.
ხოლო ქოშები, მონების მსგავსად,
ყველაზე უფრო დიდ საოცრებას,
ყველაზე უფრო მტანჯველ ოცნებას, —
ლუდმილას ფეხებს კოცნიან ნაზად.
და სანამ რთავენ ლუდმილას ასე,
ვიღაცა მღერის მხიარულ ხმაზე,
მაგრამ ვერაფრით ვერ აღწევს მიზანს,
რადგან ლუდმილას არც კაბა უნდა,
არც იაგუნდის თუ მარჯნის გუნდა
და არც მძივები ძვირფასი ქვისა.
მაცდური სარკეც ამაოდ ხატავს
მის სილამაზეს და მორთულობას,
მანც არ ჰყვება იგი ცდუნებას,
არავინ არ სურს სიკვდილის გარდა.
ვინც ამ საქმეში ჩახედულია,
დამეთანხმება, ალბათ, სრულიად,
რომ მართლა ცუდად ყოფილა საქმე,
თუკი ასეთმა ლამაზმა ქალმა,
თუნდაც ამხელა წუხილით მთვრალმა,
ასე გულცივად გადადო სარკე.

აი, ლუდმილა კვლავ მარტო დარჩა.
არ იცის რა ქნას, საშველი არ ჩანს.
სად არის, ნეტავ, ან რას მოეღის,
დუმილს მოუცავს ირგვლივ ყოველი.
სარკმლიდან თეთრი მინდორი ჩანდა,
ქვეყანა თოვლში ჩაძირულს ჰგავდა
და მოსაწყენად ერთფეროვანი
წყვედიადში თვლემდნენ მთები კლდოვანი.
არ ცახცახებდა კერიის კვამლი,
არ ეტყობოდა თოვლს კაცის კვალი,
არც მონადირის თამამი ბუკი
არ ღრიალებდა გარინდულ მთებში.
მხოლოდ ხანდახან, დადლილი ქარი,
სიჩუმითა და სიცივით მთვრალი,

გადაირბენდა მინდორზე ხვნივით.
აეშლებოდა თოვლს თეთრი ბეწვი,
აღმოსდებოდა ოხვრა ხეობას
და გაძარცული ტყე ირხეოდა
დასალიერთან ჭაღარა ზეცის.

კვლავ აიფარა ხელები თვალზე
შეშინებულმა ლუდმილამ წამსვე
და მიაშურა გარინდულ კარებს,
დე, ყველაფერი დამთავრდეს ბარემ!
კარი სიმღერით გაიღო უმაღ
და დიდებული წალკოტი სტუმარს
შემოეხვია მწვანე რტოებით,
სავსე სინათლით და მყუდროებით.
უფრო მდიდრული და უფრო ვრცელი,
ვიდრე არმიდას ბალები ძველი,
უფრო ლამაზი, სავსე და ლაღი,
ვიდრე თავრიდის თავადის ბაღი.
ხასხასებს მოლი ჯერ ხელუხლები
და შრიალებენ მშვიდი მუხები,
მზეზე ბრჭყვიალებს პალმა და დაფნა,
ბორგავს ჭაღარი და როგორც აფრა,
მიუშვერია ქარისთვის ტოტი
და ფორთოხალი, ვით ოქროს ზოდი,
მწვანე ფოთლებში მაცდურად ელავს
და გაზაფხულის სილაღით დელავს
ვრცელი ჭაღაკიც, ბორცვიც და მოლიც
და ყვავილების ფერადი ბოლი
მშვიდად ირხევა მაისის ქარში.
სივრცეს ედება ფოთლების ტაში.
ხმას უკანკალებს გრძნობა დიადი
და ათრთოლებულ რტოთა წყვდიადში
თავის სიყვარულს გალობს ბულბული.
და შადრევნები მშვიდი დუდუნით
ებჯინებიან ღრუბლებს კისრებით
და ბრჭყვიალებენ მარად ფხიზლები.
განბანილები გრილი შხეფებით,
შადრევნის ირგვლივ დგანან კერპები.
თვით ფიდიუსიც, ვისი სახელიც
ბრწყინავს ყველაზე მყარი დიდებით,
გაოცდებოდა მათი მნახველი
და ჩაქინდრავდა თავს მორიდებით.
მარმარილოზე ბორგავს ჩანჩქერი
და თვალჩაუწვდომ უფსკრულს ჩასცქერის
და მარგალიტის ნათელი შხეფით
იტვირთებიან მდუმარე ქვები.
ჩრდილში ფეთქავენ, როგორც გულები,
რულმორეული ნაკადულები
და ყოველ მხარეს გაფანტულები

★
ლუდმილა
და
რუსლანი
★
კუშბინი
და
ალექსანდრე

გამგეულს უხმობენ ფანჩატურები
და მოცურავენ მწვანე აფრებით
სიგრილის მყუდრო თავშესაფრები.
დაქრის ნიაფი ნაზი და თბილი,
ირგვლივ დუმილი მეფობს უჩვევი
და აწყდებიან ვარდის ბუჩქები
ალმასის სილით მოფენილ ბილიკს.
მაგრამ ზღაპრულად მდიდარი ბაღი
უფერულდება ლუდმილას თვალში
და ყვავილებით დატვირთულ ქარში
მიყვება სულის იღუმალ ძახილს.
ამაზრუნია სიმდიდრე მისთვის,
ვერ შეუხედავს საბრალოს მზისთვის,
არც ფოთლის ესმის და აღარც ჩიტის
და მიდის ასე, მიდის და მიდის.
სახეზე დასდის ცრემლები მწარე.
საით წავიდეს ან რომელ მხარეს
და მწუხარებით მოღრუბლულ თვალებს
უგულო ცისკენ აღაპყრობს ხოლმე.
უცებ მიადგა ბობოქარ მორეცს.
მორეცზე იდო მაღალი ხიდი.
ლუდმილამ ტუჩზე მიიდო თითი,
თითქოს განზრახვა გაუჩნდა უცებ.
აჩქარდა. გულიც ხმამაღლა უცემს.
ხიდის ქვეშ ქვებზე იმსხვრევა წყალი.
წყალს გადაპყურებს საბრალო ქალიც,
თავის დახრჩობას აპირებს ალბათ,
თავბრუ ეხვევა და სუნთქავს ხარბად
და გულზე მჯიღებს ქვითინით იცემს.
ბოლოს კი... გზაზე გამოდის ისევ.

გამოელთა ლუდმილას ძალა,
დიდხანს ირბინა საბრალომ მზეზე.
მოთენთა სიცხემ და აღარც მალავს,
„დროაო!“ — ამბობს და ჩეროს ეძებს.
ჩამოჯდა კიდევ. არ ჩანს არავინ.
და უცებ ჩრდილი დაეცა თავზე
და აღიმართა დიდი კარავი
შრიალითა და სიგრილით სავსე.
წინ გაეშალა სუფრა მდიდრული,
მზეზე გაბრწყინდა ბროლის ფიალა
და უჩინარმა ქნარმა მიდამო
ათასნაირად ააწყკრიალა.
გაოცდა ჩვენი თავადის ქალი,
მდიდრულმა სუფრამ მოსტაცა თვალი,
მაგრამ ცდუნება დასძლია უმალ
და გაიფიქრა თავისთვის ჩუმად:
„თუკი სასურველს ვერაფერს ვხედავ,
თავი რიდასთვის ვიცოცხლო ნეტავ?

წყეული იყოს გრძნეულის ვნება,
რამაც ჩამაგდო ამ მტანჯველ ცეცხლში.
ლუდმილას მხოლოდ სიკვდილი შეცვლის,
მტკიცეა მისი გულიც და ნებაც.
რაში მჭირდება მე ეს კარავი,
ან ეს სიმღერა გულის მზარავი.
დე, ეს სადილიც ქცეულა შხამად.“
გაიფიქრა და... შეუდგა ჭამას.

ადგა თუ არა თავადის ქალი,
კარავიც, სუფრაც და ტკბილი ქნარიც
მაშინვე გაქრა... და ძველებურად
ისევ დადუმდა ბალი მეფურად.
ლუდმილა ბაღში მარტოა ისევ,
ჩიტების ბოლო სიმღერას ისმენს,
ნაზი ჭალების ცქერით ერთობა,
დავიწყებია კარგიც და ავიც.
და აი, მთვარეც! ღამის დედოფალს
ღრუბლიდან ფრთხილად გამოყავს ნავი.
გამოარღვია წყვილიანი მთვარემ
და ბორცვზე მიდო ბრჭყვიალა თავი.
უკვე ლუდმილაც ძლივს ახელს თვალებს,
გამოლევია ძალ-ღონე ყვავილს.
და უცებ იგი ვიდაცის ხელმა
მალლა ასწია, ნელა და ნელა,
და მართლა დაღლილ ყვავილის მსგავსად
სასახლისაკენ წაიღო ნაზად.
და აი, უკვე სასახლეც ბრწყინავს
და ის საწოლზე ეშვება ფრთხილად,
ხოლო საწოლი ცრემლის და დარდის
მოფენილია საღამოს ვარდით.
ისევ გამოჩნდა სამი ასულიც,
თვალმშვენიერი და თმადანწული,
და ამ ჯადოსნურ სასახლის სტუმარს
ძვირფასი კაბა გახადეს უმაღ.
ოღონდ ამ ენაწართმეულ ქალებს,
სევდიო. დაღლილებს და ბედზე მწყვრლებს,
უჩირადნებდა თვალს სიბრალოლი
და თანაგრძნობის სხივი მალული.
ლუდმილა ღამის პერანგში დარჩა
და მიეხუტა ბალიშის ფარჩას.
ქალებმაც თავი დაუკრეს უმაღ
და გაიკეტეს კარები ჩუმად.
მაგრამ ლუდმილას დაუფრთხა ძილი,
კვლავ წამოადგა წუხილის ჩრდილი.
მთლად გაეყინა შიშით ხელები,
მართლაც არავინ არ ჰყავს მშველელი.
უფრო დაძაბა თვალიც და სმენაც,
იკავებს სუნთქვას და გულის ცემას

★ ლუდმილა და რუსუანი ★ კალმასანდრ პუშკინი ★

და მოლოდინით დაბნეულ თვალებს
ველარ აშორებს საზარელ კარებს.
და აი, მართლაც გაიღო კარი,
გამოჩნდა მკაცრი ზანგების ჯარი,
მოაბიჯებენ და როგორც ძღვენი
ბალიშით მოაქვთ ჭადარა წვერი.
კუზით მოხრილი და ერთი მუჭა,
ბალიშს ამაყად მოყვება ჯუჯა.
მშვენიერ ტყვისკენ მოდის და ჩქარობს
გონჯი და ჩია და კრუხის პალო.
მასვე ეკუთვნის ეს დიდი წვერი.
ტყვესთან საამურ შეხვედრას ელის
და განსაცდელი სიამით სავეს
წოწოლა ქუდი ახურავს თავზე.
აი, სარეცელს მიაპყრო თვალი,
მაგრამ წამოხტა თავადის ქალი
და დაიკივლა ისეთი ძალით,
რომ მსახურების ზვიადი ჯარი
დამფრთხალ ჯოგივით არიგ-დარია.
და თვით გრძნეულიც, ქალიპარია,
უკვე გაქცევას ცდილობს და ხენემის,
მაგრამ გაება საკუთარ წვერში
და დაახეთქა იატაკს კეფა,
ხოლო ზანგების წყება და წყება
მრისხანე ბატონს ფეხებით თელავს,
გაოგნებულა შიშისგან ყველა.
დარბიან, კედლებს ეხეთქებიან,
ძირს ეცემიან და ძლივს დგებიან.
ბოლოს შიშისგან მთლად დაღუული,
ჯუჯა ბატონის უშნო სხეული
შავ ილღიებში ამოიჩარეს,
გადააჭარბეს ქარის სიჩქარეს,
მიაწყდნენ ვერცხლით მოჭედილ კარებს
და გამოცვივდნენ ღრიალით გარეთ.
შიშმა ყველანი გააუნდილა,
ქუდი კი ხელში შერჩა ლუდმილას.

ჩვენ კი რაინდებს მივხედოთ ახლა,
ხომ გახსოვთ, როგორ შეხვდნენ ისინი?
უკვე ბნელოდა და სადღაც ახლოს
ისმოდა მხოლოდ ტალღის სიცილი.
არლოვსკი, ფანქარს მოკიდე ხელი
და ხელჩართული ბრძოლა დახატე.
ცხენების ფეხქვეშ ბობოქრობს ველი,
გაგრძელებულა ბრძოლა აქამდე.
გადაუყრიათ უკვე შუბლები,
დაკოყრებიან ბრაზით შუბლები.
აბჯრებზე ელავს ოფლი და სისხლი
და ეწურებათ გულები რისხვით.


გადამსხვრეულან ხმლებიც ვადაში
და ამ მრისხანე ბრძოლის ლადარში
მთლად დაბზარულან მძიმე ფარები.
და ერთმანეთზე გადახვეულნი
ახლა ერთმანეთს ჭამენ თვალებით.
შეერთებია სხეულს სხეული,
გადაჭდობია ხელებს ხელები.
მტვერში ცქმუტავენ ფიცხი ცხენები,
დაჭიმულია ძარღვი და კუნთი.
წელიწადივით გრძელდება წუთი.
მეტოქის მკერდზე ცახცახებს მკერდი.
დღეს გადაწყდება ორივეს ბედი.
ერთ-ერთმა, მისი კეთილმყოფელი,
აქ უნდა დასთმოს წუთისოფელი.
და აი, ჩვენმა რაინდმა მაშინ
მეტოქეს ხელი ჩაჭიდა მხარში
და ააგლიჯა უნაგირს ძალით
და გალახული ხორცი და ძვალი
გადაისროლა ღრიალა ხრამში.
„მოკვდიო!“ — თანაც ჩასძახა ასე
მისდამი შურით და ღვარძლით საგესეს.

ჩემო მკითხველო, შენც მიხვდი ალბათ,
ვინ იყო ჩემი რუსლანის მსხვერპლი,
ვინ შეუერთდა წყვილადს და ზლაპარს,
ვინ დაიფარა მტვრითა და ფერფლით.
როგდაი იყო, მკითხველო, იგი,
შეუპოვარი და შლეგი ჯიქი.
ხიფათისა და სისხლის მძებნელი,
ნამდვილ მემომარს როგორც შეჭფერის.
კიეველების დიდი ნუგეში
ასე დამთავრდა სიჭაბუკეში.
მან დიდხანს ძებნა რუსლანის კვალი,
გზადაგზა დიდხანს აცეცა თვალი,
მაგრამ ჭიდილი შურის და რისხვის
საბედისწერო აღმოჩნდა მისთვის.
ხრამში ბორგავდა მდინარის წყალი,
ხოლო იმ წყალში ცხოვრობდა ალი
და მან მიიღო როგდაის გვამი,
კოცნით მოწმინდა შუბლიდან შლამი,
გამოაფხიზლა წყალთა სიცივით
და ჩაითრია ფსკერზე სიცილით.
და ამის მერეც, ძალიან ხშირად,
ხალხი შიშისგან ვერ ჭამდა სადილს,
თუ გაივლიდა მდინარის პირას
უზარმაზარი რაინდის ლანდი.

☆ კლემასანდრ კუმბინი ☆ რუსლანი და ლუდმილა ☆

თარგმნა ოთარ ჭილაძემ

გავრძელება იქნება



ე. ფეიგინის მოთხრობა „ჯარისკაცი, შვილი ჯარისკაცისა“ პირველად გამოქვეყნდა ჟურნალ „მოლოდინა გვარდიისში“. შემდეგ ცალკე წიგნად გამოცა „უოენიზატმა“ (მოსკოვი). წიგნმა მკითხველთა დიდი მოწონება დაიმსახურა. იგი ითარგმნა და გამოიცა სახალხო საბავშვო წიგნების რედაქციის მიერ. რატოღაც ქვეყნებში. ვფიქრობთ, ქართველი მკითხველი ინტერესით წაიკითხავს ე. ფეიგინის ამ ნაწარმოებს.

Простим угрюмство — разве это
Сокрытый двигатель его?
Он весь — дитя добра и света,
Он весь — свободы торжество!
Александр Блок

თავი პირველი

1

მანც რა მრავალფეროვანია შემოდგომა! მას ყველგან თავისი შნო და ლაზნატი აქვს. ჩვენებურ, სამხრეთულ შემოდგომას ხომ ვერაფერი ვერ შეედრება. მთებში მას თავისი განუყოფელი ფერები ახლავს.

შემოდგომამ ტყეები მეწამული ცეცხლის ენებით დადავა, საცალფეხო ბილიკები თოვლით ამოქოლა, ზაფხულში ხახვამშრალი მდინარეები გამოაცოცხლა, მთისპირა ბაღებში ჩამოყრილ ფოთლებს ბზრიალ-ტრიალი აუყენა, სუსხიანმა ქარმაც დაუბერა და ცარგვალი ტყვიისფერმა ღრუბლებმა დაფარა.

ხანდახან ამინდიც ჭირვეულობდა და ავდებოდა, მაგრამ მანც მშვენიერი იყო ამ მთებში ჩამომდგარი მიზეზიანი და თავგუნება შემოდგომა, განსაკუთრებით კი ამ დილით, ორი დღის გადაუღებელი წვიმის შემდეგ. ერთბაშად როდი გამოიღარა. ჯერ იყო და სეტყვა წამოუშინა, ზედ თოვლჭყაბი მოაყოლა, მერე, თითქოს ვიღაცამ უბრძანაო, ძლიერმა ქარმა დაუბერა, თითქოს ჩამოქუფრულ ცას სუსტი ნაკერი უპოვაო, ღრუბელი ნაკუწ-ნაკუწ დახლიჩა, მერე ერთი მწყემსივით შემოუძახა და დაქსაქსული ღრუბლების ფარა სტვენა-სტვენით საზღვარზე გადარეკა. საზღვარი კი აქედან სულ ახლოს იყო. რაღაც ოცდაათი-ორმოცი კილომეტრი გვაშორებდა არც თუ ისე

მეგობრულ სახელმწიფოს. ღრუბლებმა საზღვარზე ჯიქურ გადაინავარდეს. მათ არც სერპანტინის გზები დასჭირვებია და არც დახლართული ბილიკები.

კაცი თუ ამ სურათს პირველად ხედავდა, შეიძლება მოსჩვენებოდა, რომ უცებ გაშიშვლდა რომელიღაც წინათორიული ოკეანის ფსკერი და ამღვრეული ქაფიდან ნელ-ნელა ამოიწვრა ახალშობილი ხმელეთი. პირველად სუფთა, ნათელი ცისაკენ გოლიათი მთის თეთრად მოგარაყებული მწვერვალი აღიმართა. კაცს გაგიკვირდებოდა, ახალშობილმა მთამ როდის მოასწრო გაჭაღარაგებაო! მერე შვის თვალისმომჭრელ შუქზე გალუმბული კლდეები და ბუჩქები ამოტივტივდა. ხეები ჯერ თითო-თითოდ გამოჩნდა, მერე ქაფიდან ტყემაც ამოყვინთა, ხანგრძლივი ბანაობის შემდეგ ტანი შეიბურტყა და წვიმის ციმციმა წვეთები მიწაზე მოაფრქვია.

ქარმა თავისი ვალი მოიხადა და ჩადა. ირგვლივ ყველაფერი გალამაზდა და გაცისკროვნდა. ისეთი სიმშვიდე გამეფდა, თითქოს ქარიშხალს ჯერაც არ ენავარდოს, თითქოს ელვასაც არ გაეკრას, თითქოს მთიდან მოწყვეტილი ზვავის გრუხუნს არემარე ერთხელაც არ გაეყრუებინოს, თითქოს აქ დასაბამიდან ასეთი იდუმალი სიჩუმე სუფევდა.

ამ დიდებულ სურათს მანც აკლდა რაღაც, სულ პატარა, სულ უმნიშვნელო



რამ. ცოდვა იქნებოდა დაუმთავრებელი დარჩენილიყო ეს მშვენიერი სურათი.

და აი, კვამლის ვიწრო ჭავლმა ცისკენ გზა გაიკვლია. სწორედ ეს აკლდა აქაურობას. ნაცრისფერი კვამლის მთრთოლვარე სვეტი ზედგამოჭრილი იყო ამ სურათისათვის. თითქოს ვიღაცის უჩინარმა კეთილმა ხელმა ცისკიდურს მიახატა ასევე კეთილი, წყნარი და მშვიდობიანი კვამლი, თუმცა იგი სამხედრო საველე სამზარეულოს მილიდან ამოდიოდა.

პატარა სამზარეულო ხშირ ბუჩქნარში მიემალათ, როგორც ეს სამხედრო სალაშქრო სამზარეულოს შეფერის გვერდით ნაკადული მორაკრაკებდა. სამზარეულოს მილიდან სურნელოვანი კვამლი ამოდიოდა. ღუმელში ცეცხლი მხიარულად გიზგიზებდა და ქვაბებში მდურარე წყალს ჩუხჩუხი გაჰქონდა.

2

მზარეულ შაქირ მურთაზოვს გათლილი კარტოფილის გორა დაეყენებინა და ახლა კომბოსტოს კეპავდა. უზარმაზარი კომბოსტოს თავიდან დარჩენილი გული შაქირმა დანით გასხიბა და ზემდეგს — ივანოვიჩს მიაწოდა.

— ამხანაგო ზემდეგო, ნახეთ რა გემრიელია!

— გემრიელია, — რატომღაც გაიმეორა ივანოვიჩმა და ჩუმად ამოიხორა, — კი, გემრიელი იქნება... კარგი საჭმელია კომბოსტოს ხიკვი. იცოცხლე, ერთ დროს მიყვარდა, მაგრამ ახლა სადღა მაქვს მაგის კბილები.

შაქირმა ზემდეგს ზრდილობის გულისთვის თანაუგრძნო და სახე შეიკუმბუნა. ასეთი თვალთმაქცობა როდი უჭირდა, იგი ცოტას წაიარტისტებდა. მაგრამ, აბა, თუ ბიჭი ხარ, სინჯე და მზარეული გაანაწყენე, ნურას უკაცრავად, არაფერი არ გამოგივა! ისე, კაცმა რომ სთქვას, რა აქვს ცხვირის ჩამოსაშვები. ერთი შეხედვით ოცი წლის ჭაბუკის ღაჭღაჭა ლოყებს! ყველაფერში ბედი სწყალობს. მარჯვე ბიჭიცაა, რა არ გამოუვა ხელიდან. მისი გაკეთებული ბორშჩი

რომ გაგასინჯათ, თითებს ჩაიკვნეტო. არმიაში გაწვევამდე თავისთვის ჩაიჭრა არის, ისიც კი არ აუდუღებია. შაქირი მეურნეობაში ტრაქტორისად მუშაობდა და ყველაფერი მზამზარეულად მოსდიოდა.

შაქირი ცოტა ვირეშმაკაც იყო, მაგრამ თავაზიანობა და გულკეთილობა ბუნებისაგან უხვად ჰქონდა მომადლებული. ჰოდა, იფიქრა, ლეიტენანტ გრომოსაც გავუმასპინძლები ხიკვითო. მართალია, გრომოვი ზემდეგი როდია, დიდი მიუკარებელი ყმაწვილია, მაგრამ ხიკვზე უარს ხომ არ იტყოდა.

— ამხანაგო ლეიტენანტო, თქვენც ხომ არ მიირთმევთ? ისეთი გემრიელია, რომ...

მაგრამ ლეიტენანტმა უარი თქვა. იმიტომ კი არა, რომ ზემდეგივით კბილები აღარ უჭრიდა. ოცდაორი წლის გენადის არც პირველი ყინვებით ოდნავ მომზრალი კომბოსტოს ხიკვის გემო დაუწუნია. სრულებითაც არა, მაგრამ განა შეიძლება ოფიცერი ყველას თვალწინ კომბოსტოს ახრამუნებდეს? მერედა რას იტყვიან?

გენადი კი ძალზე ზრუნავდა, რომ ხალხს მასზე მხოლოდ კარგი ეფიქრა და ელაპარაკა. სიმართლე უნდა ითქვას, თვითონ ეს ხალხი გრომოვს ნაკლებად აინტერესებდა. მას ეგონა, ამ ხალხზე ყველაფერი ვიცი, რა საჭიროაო. ის არც ფსიქოლოგია და არც მწერალი. მეთაურია, მორჩა და გათავდა!

„ადამიანი ადამიანია, ნეტა რა არის აქ ცალაქლაქო და შესალამაზებელი?“ — არწმუნებდა გრომოვი თავის თავს და გარშემო მყოფთ ისე უყურებდა, როგორც სარკეში იყურებიან ხოლმე... და, რა თქმა უნდა, მათ კი არ ხედავდა, — ამ ადამიანების თვალეში, ღიმილში, უსიტყვო მოწონებასა და აღტაცებაში საკუთარ ანარეკლს ეკვლავებოდა.

გენადის რატომღაც ეჭვი არ ეპარებოდა, რომ მის ირგვლივ მყოფნი და პირველი შემხედვარნიც კი მასზე დაახ-

ემანუილ ფეიჯინი
ჯარისკაცი, შვილი ჯარისკაცისა



ლოებით ასე ფიქრობდნენ: „აი, მესმის ოფიცერი! მართლაც რომ დიდებული ვაჟაკია, ოფიცერიც ასეთი უნდა“.

გენადი ბიჭად ბიჭი მართლაც კარგი იყო. გამოკვეთილი და კუშტი სახე ჰქონდა. არწივივით მოხაზული კეხიანი ცხვირი მკაცრ იერს უძლიერებდა.

„გენა, ნამდვილი რომელი მემობრის პროფილი გაქვს, ხომ იცი“, — უთხრა ერთხელ დედის მეგობარმა ქალმა, თეატრალურმა მხატვარმა ელენე სტუკალსკაიამ. გენადისაც ეს უნდოდა.

მაგრამ თვალები! როგორ უნდოდა ცივი, გამსჭვალავი, ფოლადისფერი თვალები ჰქონოდა. მაგრამ მის ცისფერ და დიდ, ნათელ თვალებს ხშირი, აბრეხილი წამწამები ამშვენებდა. თვალები გენადის მკაცრ სახეს ხშირად რბილ, მეოცნებე და მიზნედილ გამომეტყველებასაც კი აძლევდა. გენადის ეს აღარ მოსწონდა. „რომაული პროფილი და ასეთი თვალები?“ — ხშირად ჯავრობდა ლეიტენანტი. სამაგიეროდ გენადი შესანიშნავი ტანადი იყო. ვაშლილი მხრები, ვიწრო, კრაზანასავით გამოყვანილი წელი, ამობურცული, ფართო მკერდი. ამას ისიც დაუმატეთ, რომ სამხედრო ტანსაცმელი ძალზე შვენიოდა, ყველაფერი კობტად ჰქონდა მორგებული. გენადი სუფთა და ფაქიზი იყო. იმ დილითაც კი, როცა ღამის „ბრძოლა“ ის-ის იყო დამთავრდა, გრომოვი ნაკადულისაკენ გაეშურა, წვერი გაიპარსა, ჩექმები გაირეცხა, გიმნასტურას გაქათქათებული საყელო მოაკერა, ტანსაცმელი გაიწმინდა. ვერავინ იტყოდა, რომ ამ კაცს ორი ღამეა თვალი არ მოუხუჭავს, ახლო მიწას ზელავდა, გაქდენთილ მიწაზე დახობავდა, კლდეებზე მიცოცავდა. არავითარი კვალი აღარ დარჩა წუხანდელი შფოთიანი ღამისა. მხოლოდ ნაკადულის ყინულებით ცივმა წყალმა ხელები გაუწითლა.

„მრეიხავ დედაკაცს დაგიგვიანე“, — უსიამოვნოდ გაიფიქრა გრომოვმა და ხელები ცეცხლს მიაფიცხა.

შაქირს სრულებითაც არ მოსწონდა რომ ლეიტენანტმა კომბოსტოზე თავბატიყვი გაიდო. მზარეულმა კომბოსტოს ხიკვი თვითონ ჩაახრამუნა და მეორე თავის კეპვას შეუღდა. გრძელ, ბასრ დანას მარჯვედ ხმარობდა და თან ბავშვობაში ვაგონილ სიმღერას ღიღინებდა. სიმღერის ტექსტი დაახლოებით ასე ჟღერდა: „გადიპენტა ალუბალი, თეთრად ჰყვავის ვაშლი, გულცივია ქალიშვილი, სეფდით ოხრავს ვაჟი“.

ეს სიმღერა, კაცი თუ სწორად იმღერებდა, ნაღვლიანი უნდა გამოსულიყო. შაქირი კი მხიარულად მღეროდა, რადგან საბრალო მიჯნური ფეხებზე ეკიდა. თუ ვინმეს არ უყვარხარ, ახია შენზე. თუ ვაჟაკი გქვია, ქალიშვილს თავი უნდა შეაყვარო. პირველად შაქირსაც არ გაუღიმა ბედმა, მაგრამ არც ცხვირი ჩამოუშვია და არც წუწუნის დაუწყია, არც უკენისა და არც ვაი-ვიში გაუმართავს. იმდენი ქნა, რომ ქალიშვილს თავი შეაყვარა. მორჩა და გათავდა. ერთი სიტყვით, ამ სიმღერას მზარეულთან არავითარი სულიერი კავშირი არა ჰქონდა, რა სიმღერაც მოაგონდა, ის ჩაიღვინა. ჰოდა, მეტი არაფერი.

ლეიტენანტ გრომოვს ძალზე მოეწონა შაქირ მურთაზოვის სიმღერა, თუმცა თათრულის ინჩი-ბინჩი არ გაეგებოდა. გრომოვს იმ დღეს ყველაფერი მოსწონდა, მთები, ცარგვალს რომ ძლიერი მხრებით შესდგომოდნენ, ათასწლოვანი ტყეები, პიტალო კლდეები. ეს სიმღერაც იმიტომ მოეწონა.

„რა სილამაზეა! ზოგი ასეთ რამეს სიზმარშიც ვერ ნახავს. მართლაც რა დიდებულია კავკასია“.

მაგრამ ამ დილით ლეიტენანტ გრომოვს ყველაფერზე უფრო მაინც ლეიტენანტი გრომოვი მოსწონდა.

„რა ყოჩალი გამოდგა ლეიტენანტი! ალბათ ბევრი ფიქრობდა, გენერლის ბიჭი ლაყვი და განებვირებული იქნებოა. რაც გინდათ ის იფიქრეთ. აბა, თქვენ თუ გაბედავდით ასეთ სასიზთო შეტევაზე გადმოსვლას. ვერ მოგართვის! ამის



ძალა რომ შეგწევდეს, ფანტაზია უნდა გქონდეს. სანაძღლოს დავებ, უმრავლესობა მაღლობს ქვემოდან შეუტევდა. არა, მთლად ჯიქურ კი არა, მიხვეულ-მობხვეულად. ჯერ მარჯვნიდან შეუტევდნენ, მერე მარცხნიდან... მოკლედ, ორჯერ ორი რომ ოთხია, ამის მეტს ვერაფერს მოიფიქრებდნენ. ლეიტენანტი გრომოვი კი არ შეშინებია სიტყვებს — „გაბატონებული მაღლობი“. დიდი რამეცაა. თუ გაბატონებული ხარ, შენზეც ბატონობენ. თუ მაღლობზე ხარ, არის უფრო მაღალი მაღლობებიც. რასაკვირველია, კოკა ყოველთვის წყალს არ მოიტანს, მაგრამ ახლა ნამდვილად ასეთი შეტევა იყო საჭირო და გრომოვმაც არ დაახანა, ზევიდან დაარტყა. მოწინააღმდეგე „მტერს“ ქვემოდან და ფლანგებიდან ელოდა, გრომოვის ოცეული კი მოვარდნილ ლავასავით დაატყდა თავს პარაშუტისტებს. გამაგრება რას მიქვია, გონს მოსვლა არ აცალეს. ერთი იგრიალეს „ვაშა“ და ყველაფერი დამთავრდა. ასე, ან დაახლოებით ასე ფიქრობდა ახლა გენადი გრომოვი, მაგრამ ცოდვა გამხელილი სჯობია, ამ წუთებში თავის თავს უდიდეს მხედართმთავრად როდი თვლიდა. ფუჭი ოცნება არ უყვარდა. ერთი წუთითაც არ ავიწყებოდა, რომ მას მხოლოდ ოცი კაცი ებარა და მეტი არაფერი. თუმცა ლეიტენანტიც არის და ლეიტენანტიც. გენადიმ ზუსტად არ იცოდა, მაგრამ „ხმა გავარდა, რომ მესამე ოცეულის მეთაური, თქვენი სანაქებო სვირიდოვი ერთ ქეციან მაღლობს მთელი ღამე უტევდა. ბოლოს კი დაჯაბნა მოწინააღმდეგე, მაგრამ ასეთ გამარჯვებას აბა რა ფასი აქვს? ყველა საქმეში უნდა ჩანდეს სილაშაზე, სიმარჯვე და, რაც მთავარია, ცოტა შკაუა უნდა გიჭირდეს“.

გრომოვმა სიამოვნებით წარმოიდგინა, როგორ შეაქებდნენ მის გამჭირიანობას. საცოდავ სვირიდოვს კი პოლკოვნიკი ერთს გემოზე შეახურებს და ახიც იქნება. კაი დონდლოა ეგ შენი სვირიდოვი. გრომოვს კი მაღლობას გადაუხდის. ექნება კიდევ საამისო მიზეზი, — ლეიტენანტის თაოსნობა, სისწრაფე და

დამოუკიდებელი მოქმედების უნარი. პოლკოვნიკი უძველად იტყვის, გრომოვმა თანამედროვე ბრძოლას ალღო აუღო... რა თქმა უნდა, პოლკოვნიკს ვალში არც სხვები დარჩებიან და ახალგაზრდა მეთაურის გამბედაობას შეაქებენ.

„გადაწყვეტილება მოწინააღმდეგის განადგურებისა უნდა იყოს მტკიცე და ურყევი, — იტყვის პოლკოვნიკი, — გადაწყვეტილებას კი შესრულება სჭირდება. სწორედ ასე მოიქცა ლეიტენანტი გრომოვი“.

პოლკოვნიკს კიდევ ბევრი დაშაქრული სიტყვა წამოსცდება, მაგრამ გრომოვს ჯერ არწივს მაინც არ უწოდებს. რას იზამ. პოლკოვნიკი ცოტა სიტყვაძუნწი კაცია.

ძნელი წარმოსადგენი როდია, რა სახე ექნება ამ დროს სვირიდოვს! „ისე, ამხანაგურად რომ მივუდგეთ, ცოდვა კია, მაგრამ ვინაა მერე დამნაშავე? თვითონ. თუ ნიჭი და მისწრაფება არ გააჩნია, რა გინდა არმიაში, წადი ბულალტრად. სამხედრო სამსახურში ყურით არავის მოუთრევიხარ. იქნებ სთქვა კომკავშირული საგზური მქონდაო, ვერაფერი შვილი პასუხია. კომკავშირის გადაწყვეტილებით ნიჭი ვერ მოგემატება. ნიჭიერი უნდა დაიბადო. აბა, ასეა, ჩემო ძამიკო სვირიდოვ!“

4

ლეიტენანტს, როგორც იქნა, გაუთბა გაყინული ხელები. ცეცხლს მაინც ვერ მოშორდა. წუხელ კარგა მაგრამ გაითოშა და დასველდა. მაგრამ ეს არაფერი, ქორწილამდე დაავიწყდება. „მაინც რა დალოცვილია საველე სამზარეულოს დუმელი. თითქოს სულსაც გითბობს. არმიაში ყველაფერი იცვლება: იარაღი ყოველ წელს ახალია. ტექნიკას ხომ ნულარ იკითხავთ, — ზღაპრულია, სავლელე სამზარეულო კი ისეთივე დარჩა, როგორც პაპაჩემის დროს იყო. პაპა-

ემანუილ ფეიგინი
ჯარისკაცი, შვილი ჯარისკაცისა

ჩემი, — მიხილ გრომოვი მარჯვე მხვე-
რავე გახლდათ და მანჯურიაში გიორ-
გის ჯვარიც გაირტყა. გავიდა დრო და
პაპაჩემი უკვე ბუდიონელთა ესკადრონს
მეთაურობდა. საველე სამზარეულო კი
მანც არ შეცვლილა.

მას შემდეგ ბერმა წყალმა ჩაიარა.
არმიაში ბერი რამ შეიცვალა. საველე
სამზარეულო კი ისეთივე დარჩა, რო-
გორიც იყო. მასზე არ მოქმედებს არც
დრო, არც მოვლენები, არც ახალი
საომარი საშუალებანი. უცნაურია, მაგ-
რამ ასეა. მაშ, ჩვენს სამხედრო ცხოვ-
რებაშიც ყოფილა რაღაც უცვლელი და
მარადიული. რაღა შორს წავიდეთ, განა
მე თვითონ არა ვგრძნობ საუკუნეების
განმავლობაში მეომრის უცვლელ ხა-
სიათს? გამძლეობა და სიმამაცე მამა-
პაპათაგან გამომყვა. მათგან მომდევს
ლაშქრობისა და სახიფათო შეტევების
სიყვარული, ეს თვისებები თან დამყვა
და სისხლში მაქვს გამჯდარი. ამას რაც
გინდა დაარქვი: მოწოდება, ნიჭი. მე
კი ეს ყველაფერი უხვად მაქვს მომად-
ლებული“.

მოკლედ, ამ დილას ძალზე კმაყოფი-
ლი იყო ლეიტენანტი გრომოვი. ერთი
რამ კი მანც უღრღნიდა გულს და ხა-
სიათს უშხამავდა. ორი დღის წინ, ტაქ-
ტიკურ მეცადინეობაზე გასვლამდე,
პოლკში მიტინგი შედგა. სიტყვებით
გამოვიდნენ პოლკის მეთაური, პოლიტ-
ხელი. ტრიბუნაზე ერთმანეთს ცვლიდნენ
ოფიცრები და ჯარისკაცები.

გენადი გამოსვლას არ აპირებდა.
სიტყვა სასწავლებელშიც კი არასოდეს
არ უთქვამს. მით უმეტეს ზედმეტად
მიაჩნდა გამოსვლა პოლკში, სადაც მას
არავინ იცნობდა.

გენადიმ თვითონაც არ იცის, სიტყვა
როგორ მოითხოვა. როცა პოლიტხელის
მოადგილემ პოდპოლკოვნიკმა ანიკიმმა
იკითხა, კიდევ ვის სურს სიტყვით გა-
მოსვლაო, გენადიმ თავისდაუნებურად
უპასუხა, ნება მომიცითო.

ტრიბუნაზე ისე ავიდა, წარმოდგენაც
არა ჰქონდა, რაზე უნდა ელაპარაკა.
გენადიმ ღრმად ჩაისუნთქა და ხმამაღ-
ლა წარმოსთქვა, — „ამხანაგებო!“ ამის

შემდეგ პატარა პაუზას კიდევ
უშავდა რა, ეს ორატორების ცნობილი
ხერხია. გენადიმ ელვისებურად გადა-
წყვიტა, სულ რამდენიმე სიტყვას ვიტყ-
ვიო: „მე, ამა და ამ ოცეულის მეთაური,
ვალდებულებას ვიღებ ტაქტიკურ მეცა-
დინეობაზე გაგაკეთო ესა და ეს“. თავისი
აზრის ჩამოყალიბებას სამხედრო ყაი-
დაზე აპირებდა, — ნათლად და მოკლედ,
მაგრამ არ გამოუვიდა. საკმაოდ გრძელი
და მაღალფარდოვანი სიტყვა წარმოს-
თქვა.

გრომოვი ზედმეტად ნერვიულობდა.
მთლად ურიგო სიტყვა როდი გამოუვი-
და. ყველაფერი გულწრფელად ილაპა-
რაკა. გენადი განა სტყუოდა, როცა
ამბობდა, — მზად ვარ სამხედრო მოვა-
ლეობის შესრულებისას მოვკვდეო! მას
ხომ ფიცი ჰქონდა დადებული და თუ
ეს საჭირო იქნება, ისე ვაჰკაცურად
მოკვდება, როგორც ოფიცერს შეფე-
რის.

დიახ, სიკვდილიც ლამაზად უნდა შე-
გეძლოს. ეს გრომოვს მეომრის სავალ-
დებულო თვისებად მიაჩნდა. გენადის
არასოდეს არ უნახავს, როგორ კვდე-
ბიან ადამიანები. ამიტომაც არაფერი არ
შეუძლია ილაპარაკოს სიკვდილის სილა-
მაზეზე. მაგრამ ეპატიება. იგი ისეთ
ასაკშია, როცა ადამიანი სიკვდილზე
ნაკლებად ფიქრობს. ანდა თუ ფიქრობს,
სიკვდილი რაღაც შორეული და არასა-
ვალდებულო მოვლენა ჰგონია.

სიკვდილი ჯერ შორსაა. ახლა სიცო-
ცხლეზე უნდა იფიქრო, რომ ნაკლებად
გადადგა დაუფიქრებელი ნაბიჯი, იშვია-
თად დაუშვა შეცდომა. მოედანზე სიტ-
ყვით გამოსვლა გენადის მანც შეცდო-
მად მიაჩნდა. თითქოს ეშმაკი შეუჯდაო,
რაღაცამ აიტაცა და თავს ვერ მოერია.
„მანც რა ენა მექავებოდა, ჩემს კანში
ვერ დავეტიე? სჯობია ჩემი საქმეებით
იმსჯელონ. კიდევ კარგი, რომ ამ სიტ-
ყვას საქმეც ზედ მოვაყოლე, თორემ
ხალხი ყბედსა და მეტიჩარას შემარქმე-
და. ეს კარგი გაკვეთილი იქნება. რა
ჩემი საქმეა აგიტაცია, მოწოდება და
სიტყვების რახარუხი. ამას სხვებიც
მოახერხებენ. სჯობია, ოცეულს მივხე-



ლო და უფროსებს დავემორჩილო. აბა როგორ! კარგად შეუშვი ეს გოგრაში, გენადი პავლოვიჩი!”

5

— ამხანაგო ლეიტენანტო, ნება მომეცით, მოგმართოთ.

გრომოვმა მაშინვე დააპირა ეთქვა, ნებას გაძლევთო, მაგრამ როცა შემობრუნდა და ჯარისკაცი შეათვალიერა, აღშფოთდა. „ნეტავ სად იზადებიან ასეთი ფეთხუმები? გაუპარსავი, ტალახში ამოსვრილი ჩექმები, ჭუჭყიანი საყელო... თანაც როგორ დგას... რა გამოლენჩე-ბული სიფათი აქვს. ისე იკრიჭება, თითქოს სიდედრის დღეობაზე იყოს მოსული. არა, ძამია, მე შენი სიდედრა არ გეგონო“.

— არ გაძლევთ ნებას!

ლეიტენანტს საკუთარი ხმა არ მოეწონა. ცოტა არ იყოს, გადაამლამა. მაგრამ ეშმაკმა იცის მაგის თავი, ვის არ გამოიყვანს მოთმინებიდან. გრომოვს განსაკუთრებით ჯარისკაცის თვალები არ მოეწონა, — დიდი, ცისფერი და მეოცნებე. თანაც წამწამებიც რომ ქალიშვილივით ნაზი და აპრებილი აქვს!

თვითონ გენადისაც რომ ასეთი თვალები აქვს? არა, ლეიტენანტს თავისი თავისთვისაც ვერ უპატიებია მეომრისათვის ასეთი შეუფერებელი თვალები, და აბა, სხვას რას აპატიებდა!

— ნებას არ გაძლევ! — უფრო უხეშად და უფრო ნამამალდა სთქვა ლეიტენანტმა. „აი, ახლა კი გავცოფდი“...

— ამხანაგო ლეიტენანტო...

— ახლავე შენს თავს მიხედე. კრთი შეგახედა, რას ჰგაგხარ. დაბმულ ეშმაკს ააწყვეტინებ. საფრთხობელა ხარ თუ მეომარი?

ჯარისკაცს სახე ჩაუქრა, თვალები აღარ უციმციმებდა, ღიმილი ბაგეზე შეახმა, ბავშვივით შესიებული ტუჩები სიმწრით აუტოკდა.

— ამხანაგო ლეიტენანტო...

— კრინტი! ზურგისაკენ!

ჯარისკაცი უხერხულად შეტრიალდა. ფეხები შეებორკა, თითქოს ყველა სამწყობრო წესი დაავიწყდაო.

ლეიტენანტი უხერხულად შეიშმუშნა. „ვაი, სირცხვილო! ჩემს ოცულში ასეთი ჯარისკაცი? უნდა დავაბრუნო. ათჯერ კი არა, თუნდაც ასჯერ მომიხდეს ბრძანება „ზურგისაკენ!“ ამაზე ყურის წაყრუება როგორ შეიძლება. თუმცა წაყიდეს. მერე შევჯორავ გემოზე. თუ ბიჭი ვარ, მაგისგან კარგ ჯარისკაცს გამოვიყვან“.

ლეიტენანტი ისევ ღუმელს მიუბრუნდა და ხელები ცეცხლს მიუშვია. ახალა შენიშნა, ხელები უკანკალდება: „ვაი შენ ჩემო თავო, მგონი ნერვები გლალატობს, გენადი პავლოვიჩი!“

ხასიათი კიდევ უფრო გაუფუჭდა. „მე მგონი სავსებით სწორად მოვიქეცი. ზარმაცი თუ ნებაზე მიუშვი, სად წავა. განა ჯარისკაცს ეს შეფერის? მაინც... აბა, გაიხსენე, ლეიტენანტო გრომოვო, მისი სახე? რაღაც სასიხარულო უნდა ეთქვა, შენ კი გულში ჩაუკალი სიხარული. გენადი პავლოვიჩი, როგორც გატყობ, მართლა არ გივარგა ნერვები, ნამდვილად არ გივარგა!“

ლეიტენანტ გრომოვს საბოლოოდ წაუხდა გუნება.

6

გუნება შაქირსაც მოეშხამა. დიღინი შეწყვიტა და ლეიტენანტს შეხედა. „არ გინდა, კიდევ გაგიმასპინძლდები. ვერ მოგართვეს, მორჩა!“ — სთქვა გულში მზარეულმა. რატომღაც შაქირმა იმ წუთში გაიფიქრა, სამხედრო ბეგარას რომ მოვიხდი, საბავშვო ბაღში მზარეულად დავდგებო. რატომ მაინცადამინც საბავშვო ბაღში, ამას შაქირი საკუთარ თავსაც ვერ აუხსნიდა. უბრალოდ ასეთი აზრი დაებადა. მაინც რას არ გაიფიქრებ კაცი, როცა სხვისი განაწყენება ასე მოგხვდება გულზე.

ეს ამბავი არც ზემდეც ესიამოვნა. არა, წესდების თანახმად ლეიტენანტი სწორად მოიქცა, თვითონ ზემდეციც არავის აპატიებს უწესობას, მაგრამ რა

საჭირო იყო ყვირილი? ასე ფონს ვერ გახვალ. სიყვარულით და დაყვავებით უფრო გამოასწორებ კაცს. ესეც არ იყოს, ჯერ კიდევ გუშინ ეს ჯარისკაცი დედის კალთას იყო ამოფარებული და საშენ-კას ეძახდნენ. აქ კი, — ალექსანდრე საფონოვს, — ერთბაშად დაატყდა თავს მკაცრი ჯარისკაცული ცხოვრება. დედის მზრუნველი ხელი მოაკლდა, თავს თვითონ უნდა უპატრონოს. სიმართლე რომ ვთქვათ, საფონოვი ჯერ სულ მთლად ბავშვია, — ასაკითაც, ჭკუითაც და ხასიათითაც. არც ლეიტენანტი მყავს დიდი მოწიფული ვაკაკი. ყვინჩილასაგით რომ იბლიძება! ახლა საჭირო კომუნისტ ოფიცრებთან მოლაპარაკება და ერთი ამხანაგური შეფუცხუნება, — თორემ მერე გვიან იქნება.

„მეც კარგად მომცხებენ. შენ სადღა იყავი, ამხანაგო კომუნისტო“, ამ ფიქრებში გართულმა ზემდეგმა მზარეულს რაღაც მითითება მისცა და მოლიპული ბილიკით შეღმართს აუყვია. საღაც წუხანდელი „ბრძოლის“ შემდეგ ასეული ისვენებდა.

„საფონოვს მე თვითონ მოვუვლი, — გადაწყვიტა ზემდეგმა, — სერჟანტსაც ვიტყვი, ყურადღება არ მოაკლოს. კარგა უნდა გამოვაწრთო, თორემ, ეტყობა, საწყობში მუშაობისას ძალზე გაუნებოვრებათ. მაინც რა უნდა ესწავლა იქ? საწყობი რა ჯარისკაცის საქმეა?“

ზემდეგი ბილიკს ნელა მიჰყვებოდა. ახალგაზრდებისათვის ეს შეღმართება ბედენაა, მაგრამ ივანოვიჩს საჭიროებდა ზეჭალარა შეეპარა. გულიც ხშირად აწუხებს. ასეთ დროს სჯობია დინჯი ნაბიჯით იარო. მაღლობა ღმერთს, არავინ გაჩქარებს..

„საფონოვი, ეტყობა, რაღაცა კარგის თქმას აპირებდა. ამის შეტყობას რა დიდი საქმე უნდოდა. ე, ჩემო ლიოშკა. კარი არ გქონდა გაღებული, რომ უკვე ვიცოდი, შინ რა ხასიათზე ბრუნდებოდი. პატიოსან ხალხს ყოველთვის შუბლზე აწერია, თუ რას ფიქრობს, რა უხარია, რა სწყინს.

ამ საშა საფონოვსაც, ჩემი ლიოშასი არ იყოს, სანდომიანი და პატიოსანი სახე აქვს.

ეს, ლიოშა, ჩემო პატარა შევარდენო, ნეტავ იცოდე, როგორ მოენატრე შენს მოხუც მამას.“

ზემდეგი შეჩერდა და ამოიხვნეშა. ლიოშკას ფასი ვინ ჰყავდა. წელიწადნახევარია, შვილი არ უნახავს. ახლოს მაინც იყოს. ცხრა მთას იქით გაუფრინდა ყაზახეთში, ყამირზე. იმ დღიდან მოყოლებული გრიგორი ივანოვიჩი ახალგაზრდებს აკვირდება და მათ ყმაწვილურ სახეებში ლიოშას მსგავსებას ეძებს. „ეს წამოჩიტული ვაკაკები ყველანი ერთმანეთს ჰგვანან. ისინი ლიოშას ჰგვანან, ლიოშა კი მათ“.

თავი მხორე

1

გრომოვის ოცეული კოცონთან ისვენებდა. მზე უკვე ამოწვერილიყო, მაგრამ არ ათბობდა. ჯარისკაცები კი ისევ გაღუბილები იყვნენ.

— ყური მიკდე, საყვარელო არტემოვ, ცოტა ჩაიჩოჩე, თორემ დიდი ვერაფერი შვილი მწვადი გამოვა შენგან, — სთქვა გევორქ კახანჯიანმა. იგი, როგორც ჯარისკაცები ხუმრობდნენ, ამ კოცონის „ავტორი“ გახლდათ. მართლა საოცარი იყო, როგორ მოახერხა გევორქმა სველი ფიჩხისაგან ასეთი კოცონის აგიზ-

ვიზება. ამის საიდუმლოება მართო გევორქმა იცოდა. გევორქი ჩობანის შვილია. იგი ჯერ კიდევ სკოლაში სწავლობდა, როცა მამას საძოვრებზე დაჰყვებოდა მთებში. კარგ ჩობანს კი, მოგეხსენებათ, ცეცხლის გაჩაღება ყველგან შეუძლია. აბა, კაცს მთაში უცეცხლოდ რა გააძლებინებს.

— რუსებს ერთი ანდაზა აქვთ, — განაგრძო გევორქმა, — კვამლი უცეცხლოდ არ არსებობსო. ჩემს ცეცხლს რომ კვამლი არა აქვს, როგორ მოგწონთ?



— ძალიან მოგეწონს, ჩემო ძმაო, — დიმილით სთქვა სერგეი ბრაჟნიკოვმა. იგი სხვებივით მადლიერი იყო ამ კოცონისათვის, — მაგრამ თუ კარგი საქმე ყველას ყელში ამოუყვანე, რა გამოვიდა, უკეთესებიც გვინახავს, — მერე თითქოს ვიღაცას ბაძავსო, სხაპასხუბით მიაყარა: — ამხანაგებო, წინადადება შემომაქვს აღვძრათ შუამდგომლობა, რომ ამ ჩვენს ატომურ საუკუნეში, არნახული ტექნიკური პროგრესის საუკუნეში, რიგით ჯარისკაც გვეორქ კაზანჯიანს უკვამლო ცეცხლის გამოგონებისათვის მისცენ პატენტი...

ჯარისკაცებმა გადაიხარხარეს. ბრაჟნიკოვი იმ ადამიანს ბაძავდა, კრებაზე რომ ასეთ სიტყვებს არახუნებდა: „ჩვენი ატომური საუკუნე“, „ტექნიკური პროგრესი“... საქმე საქმეზე რომ მიდგა, ყალთაბანდი აღმოჩნდა და მეტი არაფერი. ახლა ეს ადამიანი გარნიზონის ჰაუბტვახტიში ბრძანდება. ჰაუბტვახტი კი, მოგესხენებათ, ატომის საუკუნეშიც ჰაუბტვახტია.

გვეორქსაც წასკდა სიცილი. მან ხელი ჩაიქნია და სთქვა:

— რა გაეწყობა. ჩემი დიდება მთელი კოლექტივისათვის გამიყვია.

კაცს რომ შორიდან შეგახედა, გეგონებოდა, ეს უზრუნველად მოხარხარე ბიჭები აჯერ ახლა დაბრუნებულან სეირნობიდანო. მაგრამ ნურას უკაცრავად. აქაური მთები სასეირნო ადგილები როდი გახლავთ. ასეთ ამინდში ღამის „ბრძოლა“ კი ვის არ მოუგრებს კისერს. ჯერ კიდევ ერთი საათის წინ ფიქრობდნენ, ნეტა ახლა შეგვასვენა და მქტი არაფერი გვინდაო. ამ გალუმბულ მიწაზე ისე სიამოვნებით გაიშხლართებოდნენ და ჩაიძინებდნენ, ცა რომ შიქაქუხილით ჩამონგრეულიყო, მაინც არ გაედვიძებოდათ.

აღმოჩნდა, რომ თურმე სულაც არ ეძინებათ. ორი დღე და ღამე თვალი არ მოუხუჭავთ, მაგრამ რული არ ეკარებათ. ალბათ გულში ჯერ კიდევ არ განელებიათ წუხანდელი შეტევის ცეცხლი და აღტყინება. მაინც რა საქმე ქნეს,

ბრწყინვალე! ახლა კი იტყვიან: აი, გვესმის ჯარისკაცები! აი, გვესმის ბიჭებიო! მაგრამ ამას, რა თქმა უნდა, ხმამაღლა როდი ლაპარაკობენ. რატომ? ეს გამარჯვება მათი კუთვნილებაა, მათი მოპოვებულია და მათსავე გულებში დარჩება!

ჯარისკაცებს კიდევ ერთი რამ ეამაყებათ და ესახელებათ, — ახალი ოცმეთაური, ლეიტენანტი გრომოვი მართლაც რომ შესანიშნავი მეთაური გამოდგა. ასეთ ჭკვიან ვაჟკაცს ალბათ მთელს პოლკში ვერ შეხვდებით. პოლკი რას მიქვია, დივიზიაშიც კი!..

ჯარისკაცებიც როდი ვყავართ ურიგო. ხმამაღლა არც ამაზე ლაპარაკობენ. როგორც ჩანს, ახლა მათ არც ხმამაღლა ლაპარაკის თავი აქვთ და არც რაიმე სერიოზული ფიქრის უნარი შესწევთ. ვითომც და წუხელ არც კი ყოფილა ღამის შეტევა. თითქოს მათ სიკვდილი არც კი უდარაჯებდა, როცა უკუნეთ სიბნელეში ზედ უფსკრულის პირას მიაბიჯებდნენ, როცა მოლიპულ ციკაბოზე დაეშენენ და „მოწინააღმდეგეს“ ეკვეთნენ. თითქოს ყველაფერი გვერდზე დარჩა. ახლა ისინი მხოლოდ სასაცილო და თავშესაქცევ ამბებს ყვებოდნენ. ვიღაცამ კოვზი დაკარგა. ვიღაცამ გუბეში ზღართანი გაადინა და „ვაი დედა“ წამოიყვირა. ერთმა იერიში ბუჩქზე მიიტანა, „მოწინააღმდეგის“ ჯარისკაცი ეგონა. შეტევის დროს, როცა ოცეულმა „გვაშ“ დასძახა, ვიღაცამ ხრინწიან ყვინჩილასავით წამოიყვირა...

ახლა ყველას ერთი სული ჰქონდა გაეგო, ვინ გახლდათ ამ „ვაჟკაცური“ შეძახილის ავტორი, მაგრამ, რა თქმა უნდა, არავინ არ ტყდებოდა.

ჯარისკაცები ერთმანეთს გულკეთილად დასცინოდნენ, თუმცა ყველას თავისი თავიც და თავისი მეგობრებიც გმირებად მიაჩნდა.

სერგეი ბრაჟნიკოვსაც კაი გვარიანი სიცილი დააყარეს. თუმცა ყველამ იცის, რომ მეტყვიამფრქვევე ბრაჟნიკოვი წუ-

ემანუილ ფეიგინი
ჯარისკაცი, შვილი ჯარისკაცისა

ხანდელი „ბრძოლის“ სული და გული იყო. თანაც ბრატნიკოვი ოცეულის კომორგი გახლავთ. იგი ყოჩაღი ბიჭია და კომორგადაც უსიტყვოდ აირჩიეს. მერე რა, განა ნამდვილი ავტორიტეტი მეგობრული ხუმრობით შეილახება?

თითო წიკაპურტი ყველას მოხვდა. ვასია კატანჩიკის მწარე ენას კი ვერავინ გადაურჩა. სერგეი ხანდახან ვასიას კალთაში ქაჩავდა, მაგრამ ჯერ ვასიას განაწყენებული კაცი არავის უნახავს, ალბათ იმიტომ, რომ თვითონაც არ სჩვეოდა განაწყენება.

თუ კარგად დაუკვირდები, ვასია სულაც არ არის ისეთი მიაჩიტი და გულარხენი, როგორც ხალხს თავს აჩვენებს. მაშ, კატანჩიკსაც ჰქონია რაღაც გულში ჩამარხული, გარეშე თვალისგან შეუმჩნეველი. მაინც რა? ეჰ, განა ასე ადვილია კაცის გულისნადების გაგება? ადამიანთან ერთი ფუთი მარილი მაინც უნდა შეჭამო, რომ მის სულსა და გულს ჩაწვდო.

2

კატანჩიკი გულლია და მხიარული ბიჭია. სასიამოვნო შესახედავიცაა. როცა ვასია იცინის, სახეზე ბავშვური იერი აქვს. მაგრამ როცა დაფიქრდება, მოიღუშება და გაბრაზდება, თვალბთან და ტუჩებთან ნაოჭები უჩნდება. აკი თვითონაც ამბობს, გამოჯეკილი ბიჭი ვარო.

ვასია ცამეტი წლისა იყო, სახლიდან რომ გაიქცა. ოჯახში რაღაც მოხდა, — მამამ მიატოვა ცოლი, თუ დედა გაექცა ქმარს. ან იქნებ ფათერაკიანი თავგადასავლებისა და შორეული მოგზაურობის ცდუნება ეშმაკივით შეუჯდა ბიჭს გულში... სახლიდან გაქცევის მიზეზებზე ლაპარაკი ვასიას დიდად არ ებიტნაევება. სამაგიეროდ თავისი მოგზაურობის ამბებს ისე საინტერესოდ ჰყვება, რომ ყურს ვერ მოწყვეტ. მაინც სად არ ყოფილა, შორეულ აღმოსავლეთში თუ ბალტიისპირეთში, შუა აზიაში თუ ყირიმში. ზოგან მშენებლობაზე მუშაობდა, ზოგან რაღაც კურსებზე სწავლობდა, რომელიღაც სამდინარო გემზე მუშადაურად გააფორმეს, ერთ ზაფხულს

სტაბებში ცხენის რემას მწყეხსავდა. იმავე ზამთარში ციმბირის რომელიღაც მივარდნილ სოფელში ბიბლიოთეკარადაც მოწყობილა. ბიჭებმა ეს იოლად დაიჯერეს, რადგან კატანჩიკი გვარიანი ნაკითხი ყმაწვილი ვახლდათ, მაგრამ როცა ვასიამ სთქვა, ისტორიულ ფილმში თითქმის მთავარ როლში მიღებდნენო, ამხანაგებს, ცოტა არ იყოს, ეჭვი შეეპარათ.

ვასილ კატანჩიკი, — კინომსახიობი? ამის მსგავსი არაფერი გაუგონიათ. ვასიამ მგონი ძალიან ღრმად შესტოპა. გადაწყვიტეს შეემოწმებინათ. კლუბის უფროსს სთხოვეს, ვასიას მიერ დასახელებული კინოფილმი გაეშვა. ნახეს და, რად უნდა ლაპარაკი, ფილმში კატანჩიკის კვალაც კი არსად ჩანდა.

— დაახეთქე ხომ, კაი ცრუბენტელა ყოფილხარ! — მიუკბი-მოუკბიბავად მიახალა ანდრეი მიკეშინმა.

— რათ?! — წარბი შეიკრა კატანჩიკმა, — თქვენ კინოსი რა გაგეგებათ. კინო არღანი კი არაა, სულ ერთ მხარეს რომ ატრიალონ. ჩვენს სურათსაც ასე დაემართა. რეჟისორი დიდი შტერი ვინმე გამოდგა, სურათი ორჯერ მეტი გადაიღო და რაც ზედმეტი იყო, ამოჭრეს.

— შენ რაღა გიყვებს? აკი სთქვი, მთავარ როლს ვასრულებდიო? — სერიოზულად ჰკითხა ბრატნიკოვმა.

— მე სწორედ ამოჭრილ ნაწილში ვასრულებდი მთავარ როლს, — დაუფიქრებლად უბასუხა კატანჩიკმა.

— მეორე სერიაც უნდა გამოეშვათ, — ჩაურთო საფონოვმა.

კატანჩიკმა მას მხარზე ხელი მოუთათუნა.

— დიდი გულუბრყვილო კაცი ხარ, საშა. როგორ გეტყობა, რომ ცხოვრებისა არაფერი გაგეგება. გინახავს ცოცხალი ბიუროკრატი? არა? აბა, რა უნდა გელაპარაკო.

— კარგი, გეყოფა! — შეაწყვეტინა მიკეშინმა, — ყველამ იცის, რა ცრუბენტელაც ბრძანდები და თანაც უტეხი. აწი ვინდა დაგიჯერებს რამეს?

კატანჩიკი გაფითრდა. „გაება“, — კმაყოფილებით გაიფიქრა

ბრაჟნიკოვმა. მაგრამ კატანჩიკი არ დაბნეულა.

— კარგით ერთი, ბიჭებო, — ისე უდარდელად და მიამიტად გაიცინა კატანჩიკმა, ვითომ ბუზიც არ აფრენიაო, — ხუმრობას ვეღარ იგებთ, თუ როგორაა თქვენი საქმე? ცოტა წავეიტრაბახე. ისე, რომ იცოდეთ, ჩემს ტრაბახში სიმართლეს ურევია. ღმერთმანი, მართლა მიმიწვიეს სათამაშოდ. რეჟისორმა გემზე შემამჩნია და მოვეწონე. შენ, ჩემო ძმაო, დამახასიათებელი გარეგნობა გაქვს, შენთვის სპეციალურად უნდა დავწერო როლიო. რა ვიცი, კიდეც რა არა სთქვა. ჰოდა, მეც ვიფიქრე, ერთიც ვნახოთ, რეჟისორი არ ხუმრობს და ვასილ კატანჩიკი კინოვარსკლავი გახდა. მაგრამ ისე დამემართა, ერთ სიმღერაში რომაა:

Почтальон принес письмо,
Ох, какая радости!
Респечатали его,
Фу, какая гадость!

ბევრი მაწვალეს, გამსინჯეს, გადამიღეს, მაგრამ მეტი არ იქნა შენი მტერი, ნიჭის ნატამალი ვერ მიპოვეს. თქვენ გგონიათ, მაშინვე გამომაპანდურეს? არა, კინოს ხალხი მასეთი არ გეგონოთ. მასაში ჩამაყენეს. სურათში ბრბო ხომ გახსოვთ? მეორე რიგში ზედ შუაგულში ვდგავარ. ვერ მიცანით ხომ? რას მიცნობდით, თქვენ კი არა, დედაჩემიც ვერ შემამჩნევდა. აბა, გრიმი რისი მაქნისია? ამას მიხვედრა უნდა, ბიძია, ხუმრობა არ გეგონოთ: კინო ჯადოსნური რამაა, ინდური სასწაულის მსგავსი.

კატანჩიკი კიდეც დიდხანს იგონებდა თავის თავგადასავალს. ტყუილებსაც ნაკლებად ურევდა. ჯარისკაცებს სულ უფრო და უფრო მოსწონდათ მისი ნაამბობი. ბრაჟნიკოვისა კი რა მოგახსენოთ. მას კატანჩიკი გულზე არ ეხატებოდა. სერგეის ცხოვრებაში ბევრჯერ შეხვედრია კატანჩიკისთანა კაცი და მათზე მტკიცე აზრი ჰქონდა შემუშავებული: ასეთები გულაფშუტები არიან და მეტი არაფერიო.

ვასია კატანჩიკს ჰქონდა რაღაც ისეთი, რის გამოც ბრაჟნიკოვი მაინც სცემ-

და პატივს. მან თავიდანვე შეამჩნია, რომ ეს კულდაზიკა ყმაწვილი ცოტა ღონეზე ვერ იყო მაგრად. შეიძლება ვასიამ თავისი ჯანმრთელობა უთავბოლო ცხოვრებით გაფლანგა. ფიზიკური შრომითაც ალბათ ყოველთვის როდი იტიკებდა თავს. ან სად ეცალა. მაგას რომ ყური უგდო, მოგზაურობის მეტი არაფერი გაუკეთებია. მატარებელში კი ყანას ვერ გათოხნიდა. სამხედრო სამსახური საღლაბუცო როდია. ეს მძიმე ტვირთიცაა და გაჭირვებაც. სამხედრო სამსახური რკინის დისციპლინას მოითხოვს. თავქარიანებს კი ასეთი რამ დიდად როდი ებიტანვებათ. სულ ყალბაზანდობაზე უჭირავთ თვალი.

მაგრამ ბრაჟნიკოვი სამართლიანი კაცია, — რაც მართალია, მართალია, კატანჩიკი სამსახურს გულმოდგინედ ეკიდება. ხანდახან გააკვირდება კიდეც მისი მონდომება.

„ეს როგორღა უნდა გავიგოთ?“ — ხშირად უფიქრია ბრაჟნიკოვს. მხოლოდ წუხელ შეამჩნია კატანჩიკის ხასიათში ისეთი რამ, რაც მანამდე არ შეემჩნია: შეტევაზე ვასია ბრაჟნიკოვის მხარდამხარ მირბოდა. კატანჩიკს ფეხი დაუცურდა და დაეცა. ბრაჟნიკოვმა ხელი გაუწოდა.

— მოდი, ვასია, გიშველი.

— მომწყდი! — უყვირა გამწარებულმა კატანჩიკმა, — მომწყდი, შენ გეუბნებიან!

აი, თურმე რა ყოფილა.

სერგეის ასეთი უზომოდ თავმოყვარე ხალხიც შეხვედრია ცხოვრებაში.

ასეთი კაცი მოკვდება და ამხანაგს არ ჩამორჩება, პატარა სისუსტე რომ შეამჩნიონ, სირცხვილით დაიწვება.

„რა ვუყოთ, — მზრუნველად გაიფიქრა მაშინ ბრაჟნიკოვმა, — თავმოყვარეობაც ძალაა“.

სერგეიმ ყურადღებით შეხედა კატანჩიკს. ყმაწვილს სახე მოედრებოდა, თვლები ამოულამდა. „ეტყობა, ძალიან

ემანუილ ფეივინი
ჯარისკაცი, შვილი ჯარისკაცისა

დაიღალა, საწყალი, მაინც რომ არ ტყდება, ყოჩაღი ბიჭია!“

3

ბრაქნიკოვმა გემრიელად დაამთქნარა და ისე გაიზმორა, რომ ძვლებმა ჭახა-ჭუხი დაიწყეს.

— ენა ხომ მოიფხანეთ, ახლა გეყოფათ. პირადად მე ძილს ვაპირებ. ორი საათი თუ მაინც წავიძინე, კარგი იქნება. თქვენც ამასვე გირჩევთ.

— მეც ასე ვფიქრობ! — კომორგს არტემოვმაც დაუჭირა მხარი, — ლეიტენანტი თუ მოვიდა, გაბრაზდება. დაისვენეთო, გეობრძანა, ჩვენ კი...

— ესეც სწორია, — დაეთანხმა ბრაქნიკოვი, — მეცადინეობა ჯერ არ დამთავრებულა. ვინ იცის, კიდეც რამდენი უნდა ვიჯავღავთო. აბა, დავიძინოთ, ბიჭებო!

ჯარისკაცები დაფაცურდნენ და მილაგ-მოლაგდნენ. კატანჩიკი მაინც ვერ ისვენებდა. უცებ მან ისე გადაიხარხარა, თითქოს ძალზე სასაცილო რაღაც დაინახაო.

— რა დაგემართა? — გაბრაზდა არტემოვი.

— ვაი, ბიჭებო, მეტი აღარ შემიძლია. ჰიპნოზიორ კომორგს პირველად ვხედავ ჩემს ცხოვრებაში. ერთი მაგიური სიტყვა წამოსცდა — „ძილიო“, და ჩვენი პატივიცემული ანდრეი მიკეშინი უკვე უფაღმა მიიღო.

ყველამ მიკეშინს შეხედა. ჯარისკაცი თვლებდა და თავს აკანტურებდა. თავისი სახელი რომ ჩაესმა, შეკრთა, თავი წამოსწია და თვლები გაახილა.

— ისევ შენა ყბელობ, კატანჩიკ, — საყვედურით სთქვა მან, — აღარ მომეშვები?

— მოასვენე კაცი, — გამოესარჩლა მიკეშინს გევორჭი.

— მე ბატონ ანდრეის დიდი პატივისცემა მაქვს, — უპასუხა კატანჩიკმა და თვლები ეშმაკურად აუციმციმდა, — ის ღირსეული და დარბაისელი კაცია, მაგრამ ერთი ნაკლი მაინც აქვს. თქვენც კარგად მოგეხსენებათ, ძილი სიარულისა და სირბილის დროსაც შეუძლია. ამ

დღით ერთი კვირა საქმე დემართა: აბა თქვენ რას შენიშნავდით. ჩემს თვლებს კი არაფერი გამოეპარება. მთავლებს მიაბიჯებს ჩვენი ანდრეი და თან გემრიელად თვლებს. უცებ თვალი გაახილა და გაცოცდა: თურმე მიწაზე კი აღარ მიაბიჯებს, ღრუბლებზე მისრიალებს. ზუსტად ისეთ ფუმფულა ღრუბლებზე, ხატებზე რომ გინახავთ. თვითონ ჯარისკაცი კი აღარ იყო, უცოდველ ანგელოზსა ჰგავდა. ესაა, რომ ფრთები აკლდა.

რად უნდა ლაპარაკი, ანდრეი მატყენის ანგელოზობა ჭკუაში არ დაუჯდა, გიყვარდეს, იმავე წუთში ცოდვილი მიწისაკენ მოცოცხა. რაც არ უნდა იყოს, მიწაზე უფრო მხიარული ცხოვრებაა. ჯარისკაცული საქმელ-სასამელიც გვარის გემრიელია. ანგელოზები კი, მოგესენებათ, ჰაერით იკვებებიან.

— დიდი ტყუილების გუდა ხარ, — შეუღრინა მიკეშინმა, — ეგ სიზმარი ალბათ შენ თვითონ ნახე.

— არა, ძმაო, — არ შეაწია კატანჩიკმა, — მე მასეთი რამ არ დამესიზმრება. ჯერ კიდეც მესამე კლასში მეცნიერულად ვიცოდი, თუ რა არის ღრუბელი. მახსოვს, ერთხელ ამხანაგმა გაბრიყვება დამიპირა, ღრუბელი ნაღების ნაყინისაგან კეთდებაო, მაგრამ ვერ მიართვეს, მაგის ჩიტი ვიყავი?

— ისე, ყოველ შემთხვევისათვის გავესინჯა მაინც, — ურჩია გევორჭმა, — მაღლობა ღმერთს, ღრუბელი აქვეა, შორს წასვლა არ დაგჭირდება. ხელი მაღლა ასწიე და მეტი არაფერი გინდა.

— უკვე გავსინჯე, — „გამოტყდა“ კატანჩიკი, — მაგრამ სიტკბოსი რა მოგახსენოთ.

მიკეშინმაც ვერ შეიკავა თავი და სხვებთან ერთად გულიანად გაიცინა. ანდრეიმ კარგად იცოდა, რომ მას არ დასცინოდნენ. ამხანაგები პატივს სცემდნენ მიკეშინს.

4

რიგითი ჯარისკაცი მიკეშინი ერთადერთი დაოჯახებული კაცი იყო მთელს ოცეულში. ამიტომაც განსხვავდებოდა

თანატოლუბისაგან. არმიოში გაწვევამდე მიკეშინი ტრაქტორისტად მუშაობდა ჩრდილოეთ ყირიმის ერთ მეურნეობაში. იქ საკუთარი ხელით ნაგები პატარა სახლი და გარაჟი აქვს. ეზოს ყვავილნარი ამშვენებს. გარაჟში კი ახალთახალი, ხელუხლებელი ზღვისფერი „მოსკვიჩი“ უდგას.

იქ, იმ პატარა სახლში ორი მშვენიერი არსება ცხოვრობს, — ცოლი შუროჩკა და ექვსი თვის გოგონა საშენკა. რა თქმა უნდა, შუროჩკა და საშენკა შინაურული სახელებია. შუროჩკა, — ალექსანდრა ნიკოლაევნაა, საშენკა კი — ალექსანდრა ანდრეევნა.

მიკეშინი მეგობრებს ხშირად აჩვენებდა ცოლისა და ქალიშვილის სურათებს. ალექსანდრა ნიკოლაევნა სურათში გაუცინარ მეფის ასულსა ჰგავს. ტურჩები მკაცრად მოუკუჟამვს, ნაწნავები თავზე შემოუფარგანია, თვალები სანახევროდ მოუხუჭავს, ერთი სიტყვით, ნამდვილი დარბაისელი მანდილოსანია, თუმცა იგი სულ თვრამეტი წლისაა. სამაგიეროდ ქალიშვილი ისეთი ბუნჩულა გოგონაა, ნამდვილი თოჯინა გეგონება.

ჯარისკაცები ყოველთვის რაღაც შეუცნობელი ინტერესით ათვალეირებდნენ მიკეშინის ცოლ-შვილის სურათებს. კატანჩიკი რომ კატანჩიკია, ამ დროს ისიც კი არ ოხუნჯობდა. მხოლოდ ერთხელ მოულოდნელად და სერიოზულად სთქვა: „აი, გაიზრდება შენი გოგონა და მაჭანკლებს გამოვუგზავნი. მე მოთმინება შემძიდა, დაველოდები. ღმერთმა ბედნიერად გაგიზარდოს“.

მიკეშინმა ასეთივე სერიოზულობით მიუგო: „შენისთანა სიძე მე არ გამომაღგება. ჭკვიანი კაცი შენთვის ქალიშვილს როგორ გაიმეტებს“.

— შენ ასე გგონია? — მშვიდად შეეპასუხა კატანჩიკი, — ტყუილად გიფიქრია. სანამ შენი ქალიშვილი გასათხოვარი გახდება, მე უკვე გენერალი ვიქნები: აკერ ნახავ თუ არა. გენერალ-მაიორი კატანჩიკი, დარბაისელი, ჯერ კიდევ ჭარმაგი მამაკაცი“.

მიკეშინმა ხელი ჩაიქნია: „აღდგომა და ხვალაო, ჯერ ვინ იცის რა გახდები“.

ახლა თავქარიანი და შარახვეტია ბრძანდები. მე კი დარბაისელი კაცი ვარ“.

დარბაისელი კაცი.

ეს აზრი რომ ჰქონდა თავში გამგდარი, ამიტომაც იყო, რომ მიკეშინს თავისი ასაკისთვის შეუფერებელი სიდიწვით ეჭირა თავი. მიკეშინი პირველი დღიდანვე გამოირჩეოდა მონდომებითა და კეთილსინდისიერებით. სხვანაირად როგორ შეიძლება, განა ოჯახის პატრონს შეფერის ყალთაბანდი და სხვის კულში მოჩანჩალე იყოს?

კატანჩიკს მგონი ისე არაფერი აღიზიანებდა, როგორც მიკეშინის გულმოდგინება. რატომ? — თვითონაც ვერ ავიხსნიდათ. იქნებ დაბეჩავებული კაცის შური სჭამდა და სხვისი მყუდროება ეხარბებოდა? იქნებ ქვეყნიდან ქვეყანაში მოხეტიალე კაცს სხვისი სახლი, ფარდაჩამოფარებული ფანჯრები და ოჯახური მყუდროება ეზიზღებოდა? იქნებ ერთიც იყო და მეორეც? ეშმაკმა იცის მაგისი თაღი. ერთი კია, კატანჩიკს ყოველთვის ცუდ გუნებაზე აყენებდა მიკეშინის გულმოდგინება.

როცა კატანჩიკი მიკეშინზე ხუმრობდა, ცდილობდა წრეს არ გადასულიყო. ეშინოდა, ჩემი განწყობილება არ გამოვამჟღავნოო. ვინ იცის რა მოხდება, რამდენი ხანი მოუწევს ამ კაცის გვერდით ცხოვრება. და ახლა, ამ კოცონთან იგრძნო, — უკეთესი იქნებოდა, თუ მიკეშინს შეეშებოდა.

„არ ღირს მიკეშინთან კინკლაობა. სახიფათოა. ერთი შეხედვით მიკეშინი ცხვარივით უწყინარია. მაგრამ აბა სინჯე და დაუშავე რამე! ისეთ დღეს დაგაყრის, თავბედს გაწყველინებს.“

აი, საშა საფონოვი კი მხოლოდ მორცხვად გაიღიმებს. ცოტა წაინტელიგენტო ყმაწვილია ჩვენი საშა, დედიკოს ბიჭია“.

5

— ჯერ სადა ხართ, ძმებო, — დაიწყო ისევ კატანჩიკმა და ქარისაგან და-

ემანულილ ფეიგინი
ჯარისკაცი, შვილი ჯარისკაცისა

ხეთქილი ტუჩები ისე მსუნაგად ჩაილო-
კა, თითქოს ცხელ ბორშჩს მოელისო, —
მე დღეს სხვა უფრო მნიშვნელოვანი რამ
აღმოვაჩინე... ჩვენს პატივცემულ ანდ-
რეის ნორმალური კაცივით მინც სძი-
ნავს. თვალებს ხუჭავს, ხანდახან წაიხ-
ვრენს კიდეც. აი, საშა საფონოვი კი,
ღმერთმანი, წმინდა წყლის მთვარეუ-
ლია. შევხედე დღეს და შემეშინდა: გუ-
გები გაფართოვებოდა და თავადაც ამ-
ქვეყნიურს აღარ ჰგავდა. მოწყდა მიწას
და სადღაც გაფრინდა.

— საფონოვს თავი გაანებე, კატან-
ჩიკ, — მშვიდად, მაგრამ მტკიცედ უთხრა
ბრაჟნიკოვმა, — ერთხელ უკვე გაგაფ-
როთხილე.

— რა, არ შეიძლება?

— არ შეიძლება.

— ვითომ რატომამო, შენი ძმაცაცია?

— ძმაცაცობა რა შუაშია. მართლა,
ამ გახსენებზე, სად დაიკარგა საშა?
კაი ხანია მისთვის თვალი არ მომიკ-
რავს.

— ამ ნახევარი საათის წინ სამზარე-
ულოსკენ მიმავალი დავინახე, — გაიხ-
სენა არტემოვმა.

— დამხედეთ მთვარეულს, — ჩაი-
ლაპარაკა კატანჩიკმა, — რას ერჩი, თურ-
მე კარგი ადგილისკენ მიუწევს გული.

— კარგი ერთი, ტყუილა ნუ იღესა-
ენას, — გაიცინა ბრაჟნიკოვმა.

კატანჩიკმა ტუჩზე იკბინა. მართლაც
და რას ირჯება ტყუილად. საშას მინც
არ ესმის. სერგეის გადაკიდება კი არ
ღირს, კომორგს სხვასავით ადვილად
როდი წამოკრავ ხელს.

ბრაჟნიკოვმა ქამარი მარდად, შეის-
წორა. გიმნასტურაც ჩაიბერტყა და სამ-
ზარეულოსკენ გასწია. ფეხებს ძლივს
მიათრევდა. ასე ეგონა, ზურგზე უზარ-
მაზარი ლოდი აჰკიდესო. ლოდი მიწის-
კენ ექაჩებოდა. ეგონა, დავეცემიო.

„ფუი ეშმაკს, როგორ დავილაღე! ახ-
ლა ერთი გამოძინება რად მიღირს. მაგ-
რამ ჯერ საშა უნდა ვიპოვო. ამ კრეჭია
კატანჩიკს ყველაფერი სახუმაროდ მიაჩ-
ნია, მაგრამ საშას ფარსავი არაფერი
სჭირდეს. ღამით თავი მამაცურად ეჭი-
რა. დილით კი რალაცამ დააფიქრა.
ეტყვი რამეს და ყურს როდი გიგდებს,
სულ იღიმება. ხანდახან ცოტა უცნაურიც
კია საშა საფონოვი. თითქოს შენს
გვერდით არის და არცაა შენს გვერ-
დით. კაცს შეგეშინდება, — ადამიანი
გშორდება, შენ კი ვერაფერს შევლი!
ვიღაც გადამთიელი მინც იყოს, შენი
მეგობარია და შენი გულის მესაიდუ-
მლე“.

თავი მისამ

1

ბრაჟნიკოვი საშა საფონოვს ჯერ კი-
დეც წარსულ შემოდგომაზე დაუმეგობ-
რდა ეშელონში. ერთი შეხედვით საშა
თითქოს არაფრით არ განსხვავდებოდა
სხვა თავგადაბოტრილი წვევამდელები-
საგან, — სამხედრო დისციპლინას მიუ-
ჩვეველი, დაუდეგარი, ერთბაშად ცხოვ-
რების შეცვლით აფორიაქებული ჭაბუკე-
ბისაგან. შეიძლება საშა დანარჩენებზე
ცოტათი უფრო წყნარი იყო და ამასთან
მეტისმეტად მიმნდობიც. ერთმა გაქუ-
ცულმა ყმაწვილმა საშას საათების გაც-
ვლა შესთავაზა და მანაც დაუფიქრებ-
ლად მისცა ახალთახალი „პობედა“ რა-

დაც ადამის ხნის საზღვარგარეთულ
კოლოფში.

სერგეი აღშოთოდა და საქმეში ჩა-
რევა გადაწყვიტა.

— მე მაგ თაღლითს ვუჩვენებ სეირს.
შენს საათს ახლავე მომირბენინებს უკან.
საფონოვი შეიჭმუხნა.

— ძალიან გთხოვ, არაფერი უთხრა.
მაგას ხომ ძალა არ დაუტანებია, მე
თვითონ არ მივეცი?!

— ვერაფერი გამოვიდა, — გაუკვირდა
სერგეის, — შენ, ჩემო ძმამო, კაი შტერი
ყოფილხარ.

— მე შტერი არა ვარ, — მშვიდად
მიუგო საფონოვმა, — მაგრამ საათი და-

ამის მსგავსი ხარახურა ჩემთვის სრულებითაც არ არის მთავარი.

— აბა რა არის მთავარი? — დაინტერესდა სერგეი.

— მართლა გაინტერესებს? — შეუტრილა კითხვა საფონოვმა და სერგეის თვალებში ჩახედა.

სერგეი შეკრთა: „რა მემართება? ჯერ იყო და არამკითხვე მოამბესავით გამოვესარჩლე, ახლა კიდეც სულში ხელებს ვუფათურებ. იმის თქმაც შემიძლია, — არ მაინტერესებს-თქო, მაგრამ სწორი რომ არ იქნება? მე საერთოდ ყველა ადამიანი მაინტერესებს. საშა საფონოვი კი თავიდანვე მომეწონა. კაი ბიჭი უნდა იყოს. ცოტა განაწყენებული ჩანს. ალბათ დახმარება სჭირდება. ოღონდ დათვურად კი არა, ფრთხილად უნდა მიუდგასეთ ადამიანზე ერთნაირად მოქმედებს გულგრილობაც და მომამბეზრებელი შურუნველობაც“, და სერგეიმ უპასუხა:

— მაინტერესებს! მაგრამ თუ არ გინდა, ნურაფერს მეტყვი.

საშა საფონოვს თვითონვე უნდოდა გული გაეხსნა ამ მოსული, ღონიერი ჭაბუკისათვის. რატომღაც სჯეროდა, რომ ასეთი თბილი და ყურადღებიანი თვალების პატრონი კაცი ყველაფერს გაუგებდა. და საშამ მაინც ერთბაშად როდი უპასუხა სერგეის კითხვას. გზა გრძელი ჰქონდათ. დროდადრო ემულონი კარგა ხნით ჩერდებოდა პატარა სადგურებზე. ისინი ბევრს საუბრობდნენ და თანდათან სერგეის წინ გადაეშალა საშა საფონოვი, — შეიგრძნო მისი ნალექლი და ხელისმოცარვა, მისი აზრები და მისწრაფებები.

2

საშა საფონოვმა ათწლედი რომ დაამთავრა, სახლში გადაწყვეტილი ჰქონდათ სწავლა უნივერსიტეტში გაეგრძელებინა, ფილოლოგიის ფაკულტეტზე. საშამ მისაღები გამოცდებისათვის მზადება დაიწყო, მაგრამ ერთი თვის შემდეგ წიგნები გვერდზე მიყარა და სპორტს მიეძალა. სახლიდან ადრინაი დილით გადიოდა. ხან წყალჯოშორების სადგურზე ამოჰყოფდა თავს, ხან

საათობით ფრენბურთს თამაშობდა, ხან სირბილში ვარჯიშობდა.

— გამოცდების ჩაბარება რატომ არ გინდოდა, — ჰკითხა სერგეიმ, — ხომ არ შეგეშინდა?

— ამას მერე გაიგებ, — მიკიბულმოკიბულად მიუგო საშამ და ოჯახური ამბების მოყოლა დაიწყო.

საშას დედა უკვე ხანშიშესული ქალია, საბავშვო ბაღში აღმზრდელად მუშაობს. ისეთი კეთილი და ალერსიანია, ბავშვები სულში იძვრნენ.

მამა დიდ უნივერსიტეტში მუშაობს ბულალტრად. მთავარი კი არა, ჩვეულებრივი ბულალტერია, თუმცა ერთი ორჯერ შესთავაზეს მთავარი ბულალტრის ადგილი, მაშამ უარი თქვა. ისეთი მორცხვი, გაუბედავი და ჩუმი კაცია, მგონი ქვეყნად ყველაფერზე უფრო პასუხისმგებლობისა ეშინია.

საშას კიდეც უმცროსი და ჰყავს, — ალიონა. იგი ჯერ თორმეტი წლისაა, სახელი კი მთელს რესპუბლიკაში გაითქვა. მისი სურათი ალბათ სერგეისაც უნახავს ჟურნალ-გაზეთებში. ერთხელ ალიონა კინო-ქრონიკაშიც კი აჩვენეს. ხუმრობა ხომ არ არის, — ქალი ჩემიანია ფიგურულ სრიალში. ხუთი წლიდან ციგურებით დასრიალებს.

— შე კი... ჩემისთანებზე იტყვიან, არა შეჯდა მწყერი ხესაო, — ნალექიანად ჩაიცინა საფონოვმა, — ასე მომდის ყველაფერში, გესმის? არაფერი არ გამოდის ჩემი ხელიდან.

— სცადე კი?

— ვცადე. ბევრჯერ ვცადე. მუსიკასაც ვსწავლობდი; მივატოვე. არაფერი არ გამომივიდა. ხატვა დავიწყე და აქაც ჩავეფლავდი. მერე ლიტერატურამ გამიტაცა. არც დაიჯერებ რომ გითხრა, რამდენი წიგნი წავიკითხე. დღე და ღამე ვკითხულობდი, სანამ მივხვდებოდი, რომ წიგნი კაცს კი გასწავლის ცხოვრებას, მაგრამ ნამდვილი ცხოვრების საუკეთესო სკოლა თვითონ ცხოვრებაა. სწორი ვარ?

ემანუელ ფეიგინი

ჯარისკაცი, შვილი ჯარისკაცისა

— სწორი ხარ, საშა, მაგრამ ერთი ეს მითხარი, ვინმემ ხელი შეგიშალა ცხოვრების შესწავლაში? შორს წასვლა ხომ არ დაგჭირდებოდა. შენს ირგვლივ ყველგან ცხოვრება დულს.

— შენ გგონია დაბრკოლებას არ წააწყდები? — შეეკამათა საფონოვი. — სცადები. აი, მე სიყვარულმა შემიშალა ხელი. გჯერა?

— მჯერა, მაგრამ არ მესმის, — გამოუტყდა სერგეი და ფრთხილად დაუმატა, — ალბათ ისეთი გოგო არ შეგხვდა, როგორც გინდოდა. ხდება ხოლმე.

— გოგოები აქ არაფერ შუაში არიან. თუმცა ერთი კი მომწონდა. მაგრამ ისე, სერიოზული არაფერი ყოფილა; მე მშობლების სიყვარულზე გეუბნები. ამ სიყვარულმა კინალამ გზა-კვალი ამირია.

— დიდი უცნაური კი ხარ, საშა! შეიძლება ასე ლაპარაკი? ნეტავ მშობლები ცოცხლები მყავდნენ, თორემ ხელისგულზე ვატარებდი.

— შენ გგონია, ჩემთვის ძვირფასები არ არიან? გამახსენდებიან, გული შემეკუმშება. აქეთ რომ მოვდიოდი, მხოლოდ ვაგზალზე შევამჩნიე, როგორ გაძალარავებულან, როგორ დაბერებულან. დედას თავი მედგრად ეჭირა, წინასწარ დამპირდა, არ ვიტყვებო. მერე კი ისეთი ტირილი ამოუშვა, რომ!.. მამას ტუჩები უკანკალებდა: „ყოჩაღად იყავი, შეილო, ვაჟაკურად...“

გულიოსტიკვილით ვფიქრობდი: „მეც ხომ მინდა ვაჟაკი ვიყო, კაცი გამოვიდე, თქვენ რაღა ვატყობთ? მე თუ „ფურისულა“ დავრჩი, ვერც თქვენ გაიხარებთ. სერგეი, შენ არც კი იცი, „ფურისულა“ ალიონამ შემარქვა. ექვსი წლის ვიყავი, ავად რომ გავხდი. სიკვდილს ძლივს გამომტაცეს ხელიდან. წარმოიდგინე ჩემი მშობლების სასოწარკვეთილება. მაშინ დედისერთა ვიყავი. ალიონა ჯერ არ იყო დაბადებული.

დედაჩემი ორი თვე ებრძოდა უღმობელ სიკვდილს და ბოლოს მიხსნა კიდეც. როცა საფრთხემ გაიარა, ფიცი დასდო, რომ თავის სიცოცხლეში არაფერს მაწყენინებდა. დედა ყოველთვის ამტკიცებდა, რომ მე მისთვის ბუნების

მიერ ნაბოძები უძვირფასესი საჩუქარია ვიყავი.

თვითონაც მიხვდები, აქედან მოვიდოდა. დედამ ცხოვრებას მომაშორა, განმაცალკევა, ცივ ნიავს არ მაკარებდა. სახლში ყველაფერი ჩემთვის კეთდებოდა. უხერხულობა ერთხელაც არ მიგრძვინია. ალიონა იტყოდა ხოლმე, დედა დაიღალაო. მე კი ეს სრულებითაც არ მენაღვლებოდა. რის დაღლა, რა დაღლა, — არაფერი გამეგებოდა. დედის კალთაში თბილად ვიყავი შეყუჟული და ალიონამაც სწორედ იმიტომ შემარქვა „ფურისულა“. ახი იყო ჩემზე. კატის კნუტივით ვიზრდებოდი. რძე თუ არ შემომაკლდებოდა, სხვა არაფერი მედარდებოდა. ფუ, ამის გახსენებაზეც კი ტანში მაყრიალებს.

— აზვიადებ, საშა, — უთხრა სერგეიმ. მას საფონოვის ნაამბობი დაუჯერებელი და წარმოუდგენელი რაღაც ეგონა. მისი ბავშვობა და სიყმაწვილე სულ სხვაგვარად წარიმართა. „ნუთუ ასეთი მშობლებიც არსებობენ? ადამიანი იმისთვის იბადება, რომ სხვა ადამიანებს გზა გაუნათოს, გული გაუთბოს. მათ კი კაცი მხრჩოლავ ჭრაქად უქცევიათ. ალბათ ამით კმაყოფილებიც იყვნენ. არა, ასეთი რამ შეუძლებელია“.

— აზვიადებ, მეგობარო! — გაუმეორა სერგეიმ.

— სრულებითაც არა. რომ იცოდე, ყველაფერს არც ვიყვები: როგორ გითხრა, მე მხოლოდ მოკლე ნარკვევი ვიამბე ბრმა ცინდალის ცხოვრებაზე.

თექვსმეტი წლისას თანდათან მეხილებოდა თვალი. ეს ყველაზე მწარე და მძიმე ხანა იყო ჩემს ცხოვრებაში.

პასპორტი უნდა მიმეღო. დედა, რა თქმა უნდა, თან წამომყვებოდა. აბა, მილიციის ლეიტენანტს საიდან უნდა სცოდნოდა, რა ხვითოც ვიყავი. მიწვიდის პასპორტს და მეუბნება:

„მოგილოცავთ, მოქალაქე საფონოვ, დღეიდან თქვენ დამოუკიდებელი ადამიანი ხართ“.

დედას რატომღაც შეეშინდა: „რას ამბობთ, ჩემო ბატონო, რა დროს მაგის

დამოუკიდებლობა, საშა ჯერ მთლად ბავშვია“.

უცებ თითქოს თავში რაღაც ჩამარტყესო. ჩემი თავი პირველად დაგინახე შორიდან. ხელში საცოდავი და უმწეო კაცი შიშრა, უმწიფარი და უნდელი.

— მერე?

— ორი წელი კიდევ ვიტანჯე. დედას ყველაფერს ვუთმენდი. მეცოდებოდა. უკანასკნელად მაშინ დაგუთმე, უნივერსიტეტში შესვლას რომ დავპირდი. ტაქტიკური ეშმაკობა მოვიშველიე. წინასწარ ვიცოდი, საქმე სხვანაირად უნდა წასულიყო. არმიაში გაწვევას ველოდი. იჭვი მტანჯავდა, ვაითუ დამიწუნონ-მეთქი. მოუხერხებელი ბიჭი ვიყავი. კუნთები ბებერი დედაკაცივით მოშვებული მქონდა. შიშისაგან სპორტს მივეძაღე. აი, ინებე შედეგიც...

საშამ მკლავი მოხარა.

სერგეიმ კუნთი მოუსინჯა.

— არა უშავს რა, — სიცილით სთქვა მან.

საფონოვს სახე გაებადრა.

— ხედავ, კომისიაზე ექიმებსაც მოეწონათ. წარმოიდგინე, როგორ გამეხარდებოდა. ცოტა კი დამწყედა გული: მეგონა, ფლოტში ან ავიასადესანტო ნაწილში გამამწესებდნენ. ჯანდაბას, ქვეით არმიამიც ვიმსახურებთ.

— ვიმსახურებთ, — დაეთანხმა სერგეი, — მხოლოდ იცი რა მაფიქრებს? გაგიჭირდება, ჩემო ძმაო.

— ვიცი, გამიჭირდება.

— მაგრამ ნუ შეშინდები. მეც შენს გვერდით ვიქნები, მხარში ამოვიდგები. ახლა კი იფეთქა საფონოვმა.

— აბა, ეგეთები არ იყოს, ბრაჟნიკოვ, გესმის? ვადიები სახლშიც მომზებრდა. თუ მეგობრობაა, ჭირიც და ღხინიც თანაბრად უნდა გავინაწილოთ... გაიგე?

— გავიგე. პირობას გაძღე...

3

სიმართლე რომ ვთქვათ, სერგეი მაინცადამაინც არ ცდილობდა ამ დაპირების შესრულებას. მას კარგად ესმოდა, რას ესწრაფვოდა საშა საფონოვი. ამ ბიჭს

რაც უფრო გაუჭირდებოდა, მით უკეთესი იქნებოდა. მაგრამ სერგეი თავს იმორჩილებდა. ყოველთვის ადამიანების მარების სურვილი სძლეოდა. აბა რა ჯანდაბად უნდოდა ბუნებისაგან მომადლებული ამხელა ღონე? საშა საფონოვს სერგეი ისე შველოდა, რომ მას არაფერი შეემჩნია. საშას აუცილებლად სჭირდებოდა დახმარება. ის მართლაც რალაცნაირი ხელმოცარული გამოდგა. უფროსებიდან ვიღაცამ, — კარგი ხელი გაქვსო, და ცხრა თვის განმავლობაში არმიის საწყობში იჯდა საცოდავი. მისი ამხანაგები კი ამ დროს სანგრებს თხრიდნენ, სროლას სწავლობდნენ, მთებში დადიოდნენ, საშკა კი რაღაც ქვეითებს წერდა. არა, ქვეითებიც საჭიროა. არმია უზარმაზარი, რთული მექანიზმია. მას ბევრი რამ სჭირდება. მაგრამ საშა საფონოვი თავს გაუბედურებულად გრძნობდა. მას უნდოდა გამოწრთობილიყო, ჯარისკაცული მიმეცხოვრებით ეცხოვრა. აქ კი!.. ბედის დაცინვა თუ გინდა, ესაა, — კანცელარული მწერალი გახდა.

საშას იქაური უფროსი, გამოფიტული და მოფამფალეზული მოხუციც კი ეუბნებოდა:

— შენს ადგილზე მწყობრში გასვლას ვითხოვდი. ხომ გამოიფიტე საწყობში ეს ახალგაზრდა კაცი!

— რა ვქნა, აბა? — ჰკითხა საშამ.

— მისწერე უფროსებს, ცდა ბედის მონახევრეა.

დაუჯერა და უფროსებს მისწერა. უარი მიიღო. სასოწარკვეთილებას მიეცა. გული მოსდიოდა, ნერვიულობდა, მაგრამ იმდენი წერა, სანამ თავისი არ გაიტანა. და აი, ისევე მწყობრშია. ახლა კი ბედმა გაუღიმა. ჯერ ერთი, იმ ოცეულში მოხვდა, სადაც სერგეი ბრაჟნიკოვი ირიცხებოდა. საშას კი ამ კაცთან მეგობრობა სწყუროდა. მეორეც, სამწყობრო ნაწილში დაბრუნებისთანავე მთებში მეცადინეობამ მოუწია.

ემანუილ ფეიგინი
ჯარისკაცი, შვილი ჯარისკაცისა

რაც უფრო შორდებოდა სერგეი კოცონს, მით უფრო ყრუდ ესმოდა მეგობრების ხმა. ბოლოს სიჩუმე ჩამოვარდა. სერგეი შეიჭმუხნა, — სიჩუმეს ვერ იტანდა.

სტვენით მიიკვლევდა გზას ბუჩქებში. მუსიკალურ ნიჭზე ცოტა მწყურალად ბრძანდებოდა და ცნობილი ჰანგები სულ სხვანაირი გამოუდიოდა. მაგრამ სტვენა განა სიამოვნებდა! შარშან შახტი ჩამოინგრა და შიგ მოყვა. სტვენა მას აქეთ დასჩემდა.

...ჯერ გრუხუნმა და ღრჭიალმა გააყრუა იქაურობა. მერე სიჩუმე ჩამოწვა. სერგეის არასოდეს არ უფიქრია, რომ სიჩუმე ასეთი საზარელი და გულისშემალღონებელი იქნებოდა. აუტანელი სიჩუმე იდგა. სამარესავით ვიწრო და ბნელ მახეში მარტო სიჩუმე გამეფებულიყო. ყვირილი ცხადა, მერე იმღერა კიდეც. არაფერი გამოუვიდა. ალბათ შიშისაგან ხმა დაეკარგა. მაშინ სტვენა წამოიწყო. რა მელოდიაც გაახსენდა, ყველა დაუსტვინა. სიჩუმე დაამარცხა და გულზე მოეშვა.

როცა მშველელებმა მოაღწიეს და სერგეი ამოიყვანეს, ვილაცამ იხუმრა: „ჯერ იყო და გვეგონა, შტრეკში ბულბული დაბუდებულაო. მერე გავიხედეთ და შენა ხარ... ცოცხალ-მკვდარი ძლივს და სუნთქავ. ტუჩები კი მოგოკუშავს და გიყვარდეს, უსტვენ ვალსებს და ფოქსტროტებს. საკვირველება თუ გინდა, ეს არის“.

„რალაცას მიედ-მოედებით, — უილაჯოდ გაიღიმა სერგეიმ, — მიგონებთ.“ ცოტა ხანმა რომ გაიარა, თვითონვე ჯოდ გაიღიმა სერგეიმ, — მიგონებთ.“ დნენ.

ამ შემთხვევის შემდეგ კარგა ხანი გავიდა. სტვენა კი მაინც ვერ მოიშალა. ჩვეულებად ექცა.

რომელიღაც ჩიტუნა შეცდა და სტვენაზე გამოეპასუხა. სერგეის გაცინა და გაჩუმდა. ჩიტებთან შეჯიბრების თავი სადა ჰქონდა!

უცებ სერგეის უცნაური ხმა შემოესმა. ვილაც ტიროდა, — ბავშვი თუ ქალი.

სერგეი გაოცდა. ამ მკაცრი ზვიადი ბუნების წიაღში ტირილი დაუგვირგვინდა უცნაურად მოეჩვენა. ირგვლივ ქვიბი და ლოდები ეყარა. ქვას კი, ნათქვამია, ცრემლს ვერ გამოადენო.

და მაინც ვილაც ტიროდა. გულამოსკენილი მწარედ ქვითინებდა.

წამით შიშმა შეიპყრო. რა უნდა იყოს? მაშინვე გამოერკვა და მისაშველებლად გაქაჩანა.

ღობაშეპარული ფოთლებით მოფენილ პატარა მინდორზე, ხელებში თავჩარგული იწვა საშა საფონოვი. ვიწრო მხრები უთრთოდა. ცოტა მოშორებით მისი ავტომატი იღო.

სერგეი ჩაცუცქდა და თავისი მოუხეშავი ხელის ზურგი მეგობარს გაუბედავად გადაუსვა გაკრეპილ, ჯერ კიდევ ბავშვურ კეფაზე.

— რა იყო, საშა, გაწყენინა ვინმემ? სთქვი, გაწყენინა ვინმემ?

— თავი დამანებე, — სთქვა საშამ და თავი ისე გაიქნია, თითქოს აბეზარ ბუხს იშორებესო.

სერგეიმ რატომღაც ხელისგულზე დაიხედა.

— ეხ, ჩემო საშა, ნერვები ნამეტანი ინტელიგენტური გაქვს.

— გაჩუმდი, — სლოკინით თხოვა საფონოვმა, — თუ ღმერთი გწამს, გაჩუმდი.

— კარგი, გავჩუმდები, — მშვიდად დაეთანხმა სერგეი. ცოტა მოშორებით ჩამოჯდა და ხელები მუხლებზე შემოიხვია. ახლა მას მთელი საუკუნე შეეძლო ხმის ამოუღებლად მჯდარიყო. სერგეი საერთოდ მომთმენი და აუჩქარებელი კაცი იყო. ხოლო, როცა საქმე ადამიანს ეხება, აჩქარება არ გამოვადგება.

ახლა იმაზე დაიწყო მკითხაობა, საშას რა უნდა შემთხვეოდა. ვერაფერს მიხვდა. არა უშავს რა, დრო გავა და საშა თვითონ მოუყვება ყველაფერს.

იცოდა: ადამიანებს სხვადასხვანაირი სისუსტე ახასიათებთ. კაცს ბევრი რამ შეიძლება აპატიო. მაგრამ ცრემლი...

„ცრემლი რა კაცის საქმეა. ანდა სატირალი რა გაქვს, შე კაი კაცო, გაგანებვიერეს და გაგაზულუქეს შენდა საუ-



ბედუროდ. ერთი ჩემს ტაფაში მოხრა-
კულიყავი, მაშინ კი იცოცხლე, — იტი-
რებდი. მე... შენ გგონია, მეც შენნაირი
გული არა მაქვს? მაგრამ როდის ვიტყ-
ვ უკანასკნელად? დედას რომ მარხავ-
დნენ, მაშინ. ისიც ფარულად, ჩემს
თვალზე რომ ცრემლი არავის დაენახა!”

5

სერგეის თვალწინ დაუდგა წვიმიანი
დღეები. ეს იყო ათას ცხრაას ორმოც-
დასამ წელს.

სალამო ხანი იყო, დედის წასაყვანად
პოლიციელი ფეოდორ ოგრიზოვი რომ
მოვიდა. დედა ახალგაზრდა იყო, ლამა-
ზი და ამაყი. პოლიციელისათვის ზედაც
არ შეუხედაია, ისე აკოცა ხუთი წლის
სეროჟას და ყურში წასჩურჩულა: —
ნურაფრის შეგეშინდება, შვილიყო, მე
მალე მოვალ.

შუალამამდე სეროჟა დედას მოთმი-
ნებით და მშვიდად ელოდა. იცოდა,
დედას ამ ქვეყანაზე არაფრისა ეშინოდა
და ამიტომაც არწმუნებდა თავის
თავს, — მეც უშიშარი ვარო. მაგრამ
უბედურების მომასწავებელი წინათგრძ-
ნობისაგან პატარა გული ნაღვლიანად
ეკუმშებოდა.

უბედურებასაც აღარ დაუხანებია.
შუალამისას კარმა დაიხრჩიალა. სე-
რიოჟამ სიხარულით წამოიძახა, — „დე-
და!“ დედა არსად ჩანდა. ოთახში მეზო-
ბელი მოხუცი ქალი შემოვიდა. ბიჭს
ხელი ჩაავლო, ეზო და ბოსტანი სირბი-
ლით გადაატარა. მოხუცი ქალი ბორძი-
კით მირბოდა, რამდენჯერმე კანალამ
დაეცა. სეროჟა ცდილობდა ხელიდან
გახსლტომოდა.

— გამიშვი, ანტონოვნა, გამიშვი.
დედასთან მიხდა, დედასთან!

— ჩუმად, პატარავ, ჩუმად, ღვთის
გულისათვის გაიგონებენ. ფედაკა პო-
ლიციელი თქვენი ქოხისკენ მოდის,
გადაწვას უბირებს.

დილით დედამისი კოლმეურნეობის
მიტოვებულ ფარდულში იპოვეს: დირეზე
ეკიდა, ბნელი აბლაბუდებით გამოვსე-
ბულ კუთხეში. ამბობდნენ, რაღაც წერი-
ლი დატოვაო, მაგრამ იმ წერილში რა

ეწერა, სეროჟასათვის არ უთქვამთ. წე-
რილი შემდეგ სადღაც დაიკარგა.

სერგეი ბრაჟნიკოვმა დღესაც არ იცა-
და, დედას ისეთი რა შეემთხვა, რომ
თავი სასიკვდილოდ გაიმეტა. ბებია ან-
ტონოვნამ შეიფარა სეროჟა. ხუთი
წლის ბიჭი სულ მარტოდმარტო დარჩა.
მამა სადღაც ფრონტზე იბრძოდა. დე-
დამისი კი სასაფლაოს მახლობლად მე-
სერის გადაღმა განისვენებდა. მღვდელ-
მა ხალხს ნება არ დართო თავისმკვლე-
ლი სასაფლაოზე დაემარხათ. მშობლიუ-
რი სახლისაგან მხოლოდ ნაცარი და
გაჭვარტლული აკურის მილილა დარ-
ჩა, — წყეულმა პოლიციელმა მუქარა
შეასრულა.

ორი კვირის შემდეგ სოფელში პარ-
ტიზანები მოვიდნენ. პოლიციელების ნა-
წილი შემუსრეს. ნაწილმა თავს გაქცე-
ვით უშველა. ფეოდორ ოგრიზოვი
ცოცხლად შეიპყრეს. პარტიზანული სა-
სამართლო ხანმოკლე და ულმობელი
იყო. გამცემისა და ჯალათის დასჯის
საყურებლად დიდი და პატარა მოვიდა.
სეროჟაც მოვიდა, ბებია ანტონოვნას
მოჰყვა.

როცა გამცემს ყელზე ყულფი ჩამოა-
ცვეს, ბებიამ სასწრაფოდ პირჯვარი გა-
დაიწერა.

— ყოვლისშემწყალე ღმერთო, შეუნ-
დე ეშმაკისეულს მძიმე შეცოდებანი
მისნი.

სეროჟას კი უთხრა:
— მიბრუნდი, ჯერ პატარა ხარ, ასე-
თი რამეების ნახვა შენთვის ძალიან
აღრეა.

სეროჟა არ მიბრუნებულა, თვალი არ
დაუხრია, სახეზე ერთი კუნთიც არ
შეტოკებია. ბებო შეძრწუნდა და წაი-
ჩიფჩიფა:

— ღმერთო, ღმერთო მალალო, რა
უყვეს ბავშვს. გაქვავებული გაქვს გუ-
ლი, ჩემო პატარავ. თვალბში არც შიში
გიდავს, არც ცრემლი, არც ტკივილი,
არც შებრალება. ასეთი როგორ იცხოვ-
რებ ამ ქვეყანაზე?

ემანუილ ფეიგინი
ჯარისკაცი, შვილი ჯარისკაცისა

ბებია ანტონოვნას ბევრი რამ უნახავს, ბევრ უბედურებას მოსწრებია, მაგრამ ის ველარ იგრძნო, რა ცეცხლი დუღდა ამ პატარა, უმწიო გულში. ბებია იმასაც ვერ მიხვდა, რომ ამიერიდან სერიოჟას თვალში ცრემლს ვერავინ დაინახავდა. რა უბედურებაც არ უნდა შემთხვეოდა, ყველაფერს მოითმენდა. ტირილით კი მაინც არ იტირებდა, არც ბავშვურად და არც მამაკაცურად.

— რა გაცოცხლებს ასეთი გულით? — ამოიხრა ბებიამ და სერიოჟა შინ წაიყვანა, — ღმერთმა ქნას, მამაშენი მაინც დაბრუნდეს ცოცხალი. იქნებ მაშინ მაინც გაგიტოვებს გული.

მაგრამ ველარც მამა დაბრუნდა.

ერთი წლის შემდეგ ნაწილიდან სამგლოვიარო ფურცელი მოვიდა, რიგითი ჯარისკაცი პეტრე ბრაჟნიკოვი გმირულად დაეცაო.

რამდენიმე თვის შემდეგ ბებია ანტონოვნა და სერიოჟა სოფლსაბჭოში მიიწვიეს. რაიკომისარიატიდან ჩამოსულმა მალალმა, სათვლიანმა შეჭლარაგებულმა პოდპოლკოვნიკმა სერიოჟას მომცრო წითელი კოლოფი გაუწოდა.

— ეს მამაშენის ჯილდოა, სიკვდილის შემდეგ მინიჭებული, — სამამულე ომის პირველი ხარისხის ორდენის მედალი და გაუფრთხილდი, — უთხრა პოდპოლკოვნიკმა.

— გმადლობთ, — ჩაილაპარაკა შეცბუნებულმა სერიოჟამ; უცებ კინოშინაზი გაახსენდა: სამხედროები ჯილდოს მიღებისას ასე როდი პასუხობენ. სერიოჟამ პოდპოლკოვნიკს გაბედულად შეხედა და დაუმატა: — ვემსახურები საბჭოთა კავშირს!

სამხედრო კომისარმა სათვალე მოიხსნა, ალბათ უნდოდა სერიოჟა უკეთ შეეთვალა იერიები. ტუჩებზე გრძნობამორეულმა ღიმილმა გადაურბინა. უცერად მოუნდა ბავშვს მოფერებოდა, თავზე ხელი გადაესვა, მაგრამ იმავე წუთში გადაიფიქრა. მის წინ პატარა, სერიოზული ადამიანი იდგა. მეტისმეტად სერიოზული და მკაცრი.

— ყოჩაღ, მხედრულად პასუხობ, ამხანაგო ბრაჟნიკოვ, — უთხრა პოლკოვნიკმა, — ემსახურე საბჭოთა კავშირს ისე, როგორც მამაშენი ემსახურებოდა!

თავი მეოთხე

1

საშა საფონოვმა ერთი კიდეც ამოილუკუნა. თავი წამოსწია და სერგეის გახედა. მერე მზერა მოარიდა, წამოჯდა და დასიებული თვალები სახელოთი ამოიწმინდა.

— გგონია, რამე გააკეთე? ტალახი გაიღესე სახეზე და მეტი არაფერი, — შენიშნა სერგეიმ. საფონოვმა წაუსურა, მაგრამ ბრაჟნიკოვმა იგრძნო, რომ საუბრის დრო დადგა.

— აიღე ავტომატი! ერთი ამ მეომარს დამიხედეთ.

საფონოვმა ავტომატი უსიტყვოდ აიღო და მუხლებზე დაიდო.

— ასე ვიჯდეთ თუ ვილაპარაკოთ? — ჰკითხა სერგეიმ.

— არ ვიცი, — მხრები აიჩჩა საფონოვმა, — თქვი რამე, სერიოჟა: გეზიზნები რომ მიყურებ, ხომ?

— არც მაინცადამაინც მსიამოვნებს შენი ცქერა.

— მესმის, — დაეთანხმა საშა, — მე თვითონ მეზიზნება ჩემი თავი, სჯობია...

სჯობია წახვიდე, რაღას უცდი?

— აურიე? ჩვენში, ჩემო ძმავ, როცა ამხანავს უჭირს, მარტო როდი ტოვებენ.

საფონოვს ბაგე გაუბედავმა ღიმილმა შეურხია.

— არ ვიცი, როგორ მოგიყვებ, ღმერთმანი, არ ვიცი, ძალიან მიჭირს.

— ძველი ზღაპრებია, — მოიღუშა სერგეი, — აქაო და დახვეწილი ხალხი ვართ, სხვა ცომისაგან ვართ მოზელები.

ლო! ჩვენ რა, ერთუჯრედიანი უმარტივესი არსებანი ვართ, არა?..

— გეყოფა, — შეეხვეწა საფონოვი, — ხუმრობისთვის არ მცხელა. თუ გინდა, ყური დამიკვდე. ალბათ გაგიგონია: კერპად ნურავის გაიხდიო, მე ეს არ გავითვალისწინე და მწარედაც ვიწვინე.

საშა აჩქარებულად ლაპარაკობდა, დაულაგებლად, დროდადრო უთავბოლოდაც, მაგრამ სერგეი არ აწყვეტინებდა, არაფერს ეკითხებოდა. მისთვის ყველაფერი ნათელი იყო, ყველაფერს მიხვდა.

„აი, თურმე რა მოგსვლია, ძვირფასო საფონოვ!“

2

...იმ ღამეს საფონოვმა პირველად იგრძნო საკუთარი ძალა და სიმარჯვე. აი, რაზე ოცნებოდა, აი, როგორი უნდოდა ყოფილიყო. ეს გრძნობა მაშინვე კი არ დაუფლებია, პირიქით. ხანდახან ეჩვენებოდა, მეტი აღარ შემიძლია, ან ახლა დავენარცხები სასიკვდილოდ სიბკლდეზე და ან ახლაო. ჯანდაბას, ასე იყოს! ვაი, რა ძალუმაღ უცემდა გული, თითქოს მკერდიდან ამოვარდნას ღამობდა. ყელიც გაუშრა. პირდაღებული რა ხარბად ყლაპავდა მაღალი მთის მსუბუქ ჰაერს!..

ჰაერი, ჩვეულებრივი ჰაერი აღარ ყოფნიდა. ძალა გამოეღია, არაქათი აღარ ჰქონდა. კიდეც ერთი ნაბიჯი, ერთი უკანასკნელი ამოსუნთქვა და აღსასრულიც დადგება. მაგრამ ეს უკვე აღარ აშინებდა. დადგება და დადგეს.

დაწყვეტილად აზროვნებდა. ფიქრიც საშინლად უჭირდა.

არც არაფერზე უნდოდა ეფიქრა. მხოლოდ ერთი სურვილი ჰქონდა: დასვენება, დასვენება, თუნდაც სამუდამოდ.

ამასობაში ამხანაგების მხარდამხარ მიაბიჯებდა, უკან არ რჩებოდა. როცა სერჟანტი ფორინენკო ბრძანებას გაცემდა „სირბილით იარ!“ — საშა სულმოსუთქმელად გარბოდა. როცა გაიგონებდა „ცეცხლი!“ — საშა ისროდა. თან ეჩვენებოდა, რომ ყველაფერ ამას ვიღაც სხვა აკეთებდა: ჯიუტი, ძლიერი, ამტა-

ნი კაცი. საშას იმის თავიც კი აღარ ჰქონდა, რომ ამ ვიღაცასი შეშურებოდა და უცებ უბრალო აზრმა გონება გაუნათა: „ეს ხომ მე ვარ! ვიღაც სხვა კი არა, მე, ალექსანდრე საფონოვი! თურმე შემძლებია, სხვაზე ნაკლები არა ვყოფილვარ. სიძნელების დაძლევის სურვილიც მაქვს და ძალაც შემწევს“.

ეს მეორედ დაბადებას ჰგავდა. თითქოს ქვეყნად ახალი ადამიანი გაჩნდა, რომლისთვისაც უცხოა სიმშვიდე. რა დროს სიმშვიდეა, იგი მთელი ძალით მიისწრაფვის ახალი, ჯერ აუღებელი სიმაღლეებისაკენ. აუცილებლად აიღებს. მე ასე მსურს და ძალაც შემწევს.

მწვერვალს რაც უფრო უახლოვდებოდა, მით უფრო ემატებოდა სიამაყე, კაცური, მხედრული სიამაყე.

და აი, სიმაღლე აღებულია. მარტო ის სიმაღლე კი არა, სამხედრო რუკაზე ციფრით 2115-ით რომ არის აღნიშნული, — საშამ ის სიმაღლეს დაიპყრო, მეტრებით და კილომეტრებით რომ არ იზომება, ვერც ერთ რუკაზე რომ ვერ იპოვნი. ეს სიმაღლე თვით საშა საფონოვშია, მის ცხოვრებაში პირველად დაპყრობილი სიმაღლე.

დილით კი, მთის მწვერვალიდან მზის სხივებით განათებული უკიდევანო სივრცე რომ გადაეშალა, საშას ისეთი გრძნობა დაეუფლა, თითქოს მთელი ეს სივრცე მხოლოდ მას ეკუთვნოდა. უფრო მეტიც, ეკუთვნის კი არა, მან თვითონ აღმოაჩინა, თვითონ შექმნა ეს ყველაფერი.

განა ასე არ არის? განა დაძლევა შექმნას არ ნიშნავს? განა პირველი ხილვა აღმოჩენას არ უდრის?

საშა რომ მუსიკოსი ყოფილიყო, ჰიმნს ან სიმფონიას შექმნიდა. მხატვარი რომ ყოფილიყო, ალბათ დიდებულ სურათებს დაწერდა.

აი, ქვევით ღრუბლები გაცურდნენ. ადამიანი, ვის ფერხთითაც ღრუბლები ბალახობენ, არ შეიძლება სუსტი და უნებისყოფო იყოს.

ემანუილ ფეიგინი
ჯარისკაცი, შვილი ჯარისკაცისა

ღრუბლების ფარა... არა, ფარა კი არა, ლალი, ფაფარაშლილი ცხენების ჯოგი. აი, ქარის გასასწრებად ფრთოსანმა ციურმა რაშმა ჩაიქროლა. რა ხშირი ფაფარი აქვს, რა ლამაზი, ამაყი თავი მოუღერებია. რაშის ვერცხლისფერ ზურგზე შვიდფერად ელვარებს პაწაწინა ცისარტყელა.

მზის კაშკაშა სხივები.

თითქოს ბურანშიაო, ისე ჩურჩულებდა საშა საფონოვი ახლადდაბადებულ სტრიქონებს, ისინიც ერთმანეთში ცისარტყელას ფერებივით გადადიოდნენ. ისინიც მზით იყვნენ დადაღულნი.

პირველი ლექსი.

ეს მოულოდნელი სასწაული იყო. მისი დამალვა და შენთვის დატოვება შეუძლებელია. დაუყოვნებლივ უნდა გაასაჩუქრო, მაგრამ ვის აჩუქოს? სერგის? ამხანაგებს? ისინი მის გვერდით არიან... და მაშინ დაინახა საშა საფონოვა ლეიტენანტი გრომოვი.

ლეიტენანტი საშას ძღვეისა და სიმაღლის ხორცშესხმად წარმოუდგა, იმ მაღალი სულის განსახიერებად, მისი პირველი სიმღერა რომ სუნთქავდა. კიდევ ვისთვის შეიძლებოდა ეძღვნა ლექსი? მხოლოდ მისთვის, მხოლოდ მას ეკუთვნის ეს ამღერებული სტრიქონები.

და უცებ ზარდამცემი, გამაყრუებელი სიტყვები: „ნებას არ გაძღვი! ზურგისა-კენ!“

ყველაფერი დაინგრა, საშასთვის არასოდეს არავის არ უყვირია. დაინგრა ყველაფერი. მას ჯერ არასოდეს უბემნია შეურაცხყოფის სიმწარე. ლეიტენანტმა კი რა უთხრა? „ბოსტინის საფრთხობელაო“. ყველაფერი დაინგრა. დარჩა მხოლოდ ნამსხვრევები, მხოლოდ ნამსხვრევები.

და საშა საფონოვი, გათელილი და განადგურებული მოჰყვა ამ ნამსხვრევების ქვეშ.

3

— გესმის, სერიოჟა, რა საშინელი ამბავი გადამხდა? სიცოცხლეც აღარ მინდა.

— სისულელეა! — სერგეი წამოვსება, — სისულელეა, — გაიმორა დიდ ამბავში კი ხარ, ხომ იცი. მიწის მეუფეობა მოინდომე. ნამდვილი ადამიანები ცოტა სხვაგვარად ფიქრობენ.

— ეს ნამდვილი ადამიანები სადღა არიან? — ჩაიცინა საფონოვა, — რალაც ვერა გხედავ. იქნებ შენი ლეიტენანტია ნამდვილი ადამიანის ნიმუში?

— გრომოვს მოეწვი, ჯერ კარგად არც კი ვიცნობთ. გაივლის დრო და დავინახავთ, რა შეილიყაა. შეიძლება შენნაირი, შეიძლება სხვანაირი.

— მე როგორი ვარ?

— შენ? მართალი თუ გინდა, საკუთარ თავზე ხარ შეყვარებული.

— მე?!

— ჰო, შენ!

ახლა ისინი მკერდი-მკერდს მიბჯენილები იდგნენ. ერთმანეთს გაბოროტებული მიჩერებოდნენ.

— შეურაცხყოფის მიყენებაში კაცი ვერ გაუჯობებთ, — საშას ხმა გაეზარა, — ისიც ყვირის, შენც. მნახე რა თავკერძა! მე ვარ საკუთარ თავზე შეყვარებული, არა? შენი მშვენიერი ლეიტენანტი რაღაა... მიტიנגზე ვინ ყვიროდა: ამხანაგებო, თუ საჭირო იქნება, მზადა ვარ თავი გავწიროო. ისაა მზად და მე არა? თქვენ გგონიათ, მე არ გავწირავ თავს? თუნდაც ახლავე, ამ წუთში... თუ საჭიროა... აი ასე, თვალს არ დავახამხამებ, ისე მოვკვდები.

— ცარიელი სიტყვებია, — ზიზლით შეიჭმუხნა სერგეი, — ძალიან მაღალფარდოვნად ქღერს, — „მზადა ვარ თავი გავწირო“. მე კი როდი მჯერა შენი სიტყვებისა. სამხედრო სამსახური როგორ უნდა, ჯერ ის ისწავლე. დიახ, ჩვეულებრივი, უბრალო, ყოველდღიური სამსახური. თორემ სიტყვების რახარხუხი ადვილია. ენას ძვალი არა აქვს და გიყვართ ლამაზი ლაპარაკი.

იყო ხალხი, რომლებსაც ასეთი სიტყვები თავის დღეში არ წამოსცდენიათ. როცა საჭირო გახდა, სიკვდილს ვაჟაკურად შეეგებნენ. გაგიგონია ასეთები?

— გამიგონია, — საშამ ღრმად ამო-
იხენეშა და თვალი დახარა, — რაც მარ-
თალია, მართალია. ძალიან ბევრს მი-
ვედ-მოვედებით. კაცი რაღაცას რომ
იტყვი, რამდენიმე მაღალფარდოვანი
სიტყვა მაინც გამოერევა. შენ კი ყო-
ველთვის მართალი ხარ, სერიოზუა. ზედ-
მეტად მართალიც კი. ხანდახან ადამი-
ანს კი არა, გეომეტრიულ ფიგურას
ჰგავხარ. აი, მაგალითად, სწორკუთხა
სამკუთხედს. არ გეწყინოს, სერიოზუა.
შენ ყველაფერს ამ სწორკუთხა სამკუ-
თხედით ზომავ... თუ არ მიუდგა, იწყებ
ავიტაციას. იწყებ და აღარ გაათავებ...

— მე გიწევ ავიტაცია? ვინაა ეს
ბოთე, ძალიან არ მჭირდება?...

— გამოდის, რომ გჭირდება, — მშვი-
დად შეებასუხა საშა. მთელი ამ საუბრის
განმავლობაში მის თვალბში პირველად
გაიელვა ეშმაკურმა ნაპერწკალმა. სერ-
გის ეს არ შეუმჩნევია.

— ფეხბუზეც არ მკიდხარ? შენთვის
თითსაც არ გაგანძრევ. დაგიწყებ ლო-
ლიაეს! ეგლა მაკლია, ავიტაცია გაგი-
წიო. ვიცი, ახლა იტყვი, გულისხმიერი
არა ხარო. გული არავიზე შემტკივა.
შენ როგორი ხარ, მგრძნობიარე ვაჟ-
ბატონო, ვანა შენ კი ხარ გულისხმიე-
რი? შენი გული კი გადამიშალე, მაგრამ
აბა, ერთხელ ჩემს გულშიც თუ ჩაგიხე-
დავს. მოგცლია? ასეთ კაცისაგან რას
უნდა მოელოდე. ერთი ამას უყურეთ?!
უჭირს, იტანჯება. შენ გგონია მე მილ-
ხინს? იქნებ გგონია, დედის მუცლიდან
დამყვა ჯარისკაცის ფარაჯა. ცდები,
ჩემო მეგობარო. იცი რა ვიყავი აქამდე?
მეზახტეთა ბრიგადირი, დამოუკიდებე-
ლი ადამიანი. პატივისცემა მე არ მაკლ-
და და დაფასება. კრება იქნებოდა, —
პრეზიდენტში მიწვევდნენ, დღესასწაუ-
ლი იქნებოდა და გაზეთებში გამოშქი-
მავდნენ. უფროსები მამის სახელით მომ-
მართავდნენ. მალაროს საქმეებზე ჩემთან
ბჭობდნენ. საოლქო კომიტეტშიც მიწ-
ვევდნენ, საქმეზე მესაუბრებოდნენ. აქ
კი სერჟანტმა პირველ დღესვე ტყავი
გამაძრო, ჯიბიდან ხელები ამოიღეო. ხმა
არ ამომიღია, ისე დავემორჩილე. მეც

კაცოდი, ცუდი ჩვეულება მქონდა, მაგ-
რამ სხვისი მითითება მაინც გეწყინებდა
კაცს. მომდგა ის სერჟანტი და ამოწმებდა
თქვის საშუალება არ მომცა: „აბა, ასე
არ იარო“, „ასე არ დადგე“, „პასუხის
გაცემა ასე არ უნდა“ და ვინ იცის, კი-
დევ რა ჯანდაბა და დოზანა. ჩემი არა-
ფერი თვალში არ მოსდლიოდა. თურმე
სუნთქვაც კი არ შემძლებია წესიერად.
ერთხელ გიმნასტურაზე ღილი ამძვრა.
არ შემომჩნევია. სერჟანტს კი აბა რა
გამოებარებოდა!

— ჯარისკაცო ბრაჟნიკოვ, რა უყავით
მესამე ღილი? — არ ვიცი-მეთქი, — ვუ-
პასუხე მე. — ამხანაგო სერჟანტო, აქ
მოსვლამდე ტანსაცმელს ცნობილ მკე-
რაგებს ვაკერინებდი, გვარიანადაც ვუხე-
დიდი და ღილებსაც მაგრად აკერებ-
დნენ. ეს გიმნასტურა ალბათ ვიღაც
ყალთაბანდის შეკერილია-მეთქი.

სერჟანტს კინაღამ თვალები გადმოს-
ცვივდა.

— ლაპარაკი! ჯარისკაცო ბრაჟნიკოვ,
გაძლევთ ათ წუთს ღილის მისაკერებ-
ლად და ჩვენი არმიის ძლიერებაზე და-
საფიქრებლად!

ღილის მიკერებას რა უნდოდა, ორ
წუთში მივაკერე. მეორე საკითხზე კი
ვერაფერი მოვიფიქრე. რა შუაშია აქ
ღილი? ზარბაზნები, იცოცხლე, ბევრნაი-
რი გვაქვს. ტანკებს ისეთი ჯავშანი აქვს,
ტყვია ვერაფერს დააკლებს. თვითმფრი-
ნავეები ბგერაზე სწრაფად დაჰქრიან.
ბომბები წყალბადისავე ბევრი გვაქვს,
ატომისას ხომ ნულარ იკითხავთ. მოკ-
ლედე, მსოფლიოში საუკეთესო იარაღი
გვაქვს. ახლა რაკეტებს არ იკითხავთ?
აბა, ჩემი საცოდავი ღილი რა შუაშია?
ეს რა დავალემა მომცა ამხანაგმა სერ-
ჟანტმა. ხომ არ დამცინის და მამრი-
ყვებს-მეთქი! — სერგის თვითონ არ
შეუმჩნევია, ამ ჯარისკაცული „ხათაბა-
ლების“ მოყოლაში გული როგორ მო-
ულბა. ის კი არა, ხმაში მსუბუქი ირო-
ნია და იუმორიც კი შეეპარა. და მართ-
ლაც, სამხედრო ცხოვრების პირველ

ემანუილ ფეიგინი

ჯარისკაცი, შვილი ჯარისკაცისა

დღეებში მომხდარი ფათერაკები ახლა
სასაცილოდ ეჩვენებოდა. გაიღიმა კიდევ,
სერჟანტ ფორინენკოს შარიანობა რომ
მოაგონდა. თვითონ გაიღიმა, მაგრამ
საშა საფონოვის ბაგეზე კი ღიმილი არ
შეუმჩნევია, თუმცა საშას არც უფიქრია
ღიმილის დამალვა. ან რა ჰქონდა და-
სამალი. სერგეისთან ცუდიც კი არ დაუ-
მალავს. კარგის დამალვას რა აზრი
ჰქონდა?!

გულზე მოეშვა და საოცრად დამშვიდ-
და. უცნაური არსება კია ადამიანი, —
წუთის წინ ყველაფერი შავად ეჩვენებო-

და, მაგრამ რაღაც შეტრიალდა, ეშმაკმა
იცის რა, და ყველაფერი ნათელი და
მშვენიერი გახდა.

საშა საფონოვი ჯერ ახალგაზრდაა
და არ იცის, როგორ და რატომ ხდება
ეს. ალბათ არც კი დაფიქრებულა ამაზე,
საშაზე უფროსებიც ყოველთვის ვერ
ერკვევიან ასეთ დახლართულ ამბებში.
შეიძლება ეს არც ისე რთულია, რო-
გორც გვეჩვენება. უბრალოდ რომ
ვთქვათ, ადამიანში დაუძლეველია სი-
ცოცხლის დაუსრეტელი ძალა. ესაა მთე-
ლი ამ ამბის საიდუმლოება.

თარგმნა დალი კოკიაძე

გაგრძელება იქნება



მძიმე საათი

მოთხრობა

კატარა, ძველ მაგიდასთან დღესაც კარგა ხანს ებრძოდა ხელნაწერს, მერე ფეხზე წამოდგა და თავჩაქინდრული გაემართა ოთახის კუთხეში სვეტივით აღმართული ღუმელისაკენ. შორენკეცს ხელი მიაღო, მაგრამ შუალამე კარგა ხნის გადასული იყო და ღუმელი გაცივებული დახვდა. ეგონა, სითბო მცირეოდენ შვებას მაინც მოუტანდა, მაგრამ ეს იმედიც გაუცრუვდა. ღუმელს ზურგით მიეყრდნო და სული რომ მოეთქვა, ღრმად ჩაისუნთქა, — როგორც ყოველთვის, ახლაც სურდო სჭირდა.

რადაც უცნაური, სულისშემხუთველი სურდო შეეყარა და ვერასგზით ვეღარ დააღწია თავი ამ სენს. ქუთუთოები შეუშუპდა, ნესტოები დაუსივდა, დაუსკდა; ავადმყოფობა მძიმე, მტკივნეული

ბანგივით გაუჯდა სხეულში. ექიმის დაჟინებით რამდენიმე კვირა ისევ ოთახში რომ გამოიკეტა, იქნებ ამიტომაც ასე მოწყვეტილი. ეს ტყვეობა ალბათ ქრონიკული კატარის სამკურნალოდ და მკერდისა და მუცლის არეში მწვავე ტკივილების დასაყუჩებლად არის საჭირო. თანაც რამდენიმე კვირაა, იენში ცუდი ამინდი დაიჭირა, უღიმღამო, პირქუში და ცივი, ისეთი, სხეულის ყოველ ნერვს რომ აღიზიანებს. დეკემბრის მიუსაფარი და ეული ქარი ზუზრის საკვამურში გაბმით მოთქვამდა ღამის წყვდიადით მოცულ, უდაბურ მინდვრებში უგზოუკვლოდ ქროლვასა და სულის უკურნებელ კაეშანზე. ასეა თუ ისე, ეს უნებური პატიმრობა არც აზრებსა რგებდა რამეს და არც სისხლის იმ რიტმს, საიდანაც აზრები წარმოიშვება.

ღარიბულ, მოხერხებულ და უბრალო ექვსკუთხა ოთახს კუმოკრული, ოვალური სილუეტებით მოხატული კედლები და

1 ნოველა დაწერილია დიდ გერმანელ პოეტ-სა და დრამატურგზე ფრიდრიხ შილერზე (1759—1805).

შეთვრებული ქერი ჰქონდა. ოთახში ხუთიოდე სკამი და თამბაქოს კვამლი იდგა. საწერ მაგიდაზე, ხელნაწერის თავთან ორი სანთელი ენთო. ფანჯრებზე სიმეტრიულად აკეცილი, იაფფასიანი ჩითის მოკლე ფარდები ეკიდა. ჩითის ნაჭრები თბილი, ღია წითელი ფერისა იყო; მას უყვარდა ეს ფარდები და ვერ ელეოდა, რადგან ისინი ამ ძალზე სადად და ღარიბულად გაწყობილ ოთახში კეთილდღეობის ილუზიას ქმნიდნენ.

იგი ღუშელთან იდგა, თვალებს ახამხამებდა და დაძაბული, ტანჯული სახით მისჩერებოდა ხელნაწერს, რომელსაც ეს-ეს არის გამოექცა! უყურებდა ამ ტვირთს, ამ სიმძიმეს, ამ სინდისის ქენჯანს, ამ ზღვას, წვეთ-წვეთად რომ უნდა შეესვა, ამ საშინელ განზრახვას, რითაც თავს იწონებდა, იტანჯებოდა და რაც სამოთხედ და ჯოჯოხეთად გადაქცეოდა. საქმე ჯერ თითქოს კარგად მიდიოდა, მერე შეფერხდა, გაჭიანურდა, ახლა კი შეჩერდა. ყველაფერი ავდრის, კატარისა და დაღლილობის ბრალია. იქნებ თვით ნაწარმოებია მანკიერი, ან მასზე დახარჯული შრომა? იმთავითვე ბედუკუღმართი, დასალუჰად განწირული საქმე ხომ არ წამოიწყო?

მაგიდა იმიტომ მიატოვა, რომ უნდოდა ხელნაწერს ცოტაზე მაინც გასცლოდა. იცოდა, მასთან სივრცობრივი დაშორება დაეხმარებოდა, ნაწარმოები მთლიანობაში დაენახა, განეჭვრიტა და სიუჟეტის განვითარების ახალი გზები მოექებნა. განა იშვიათად მომხდარა, რომ ადამიანი სწორედ მაშინ შეუპყრია ბრძოლის ჭინს, როცა ბრძოლის ველს გასცლია და წუთით სული მოუთქვამს? განა ასეთნაირად თავის გაღიზიანება ლიქიორით ან მაგარი ყავით აღგზნებაზე უფრო არ მიეტივება კაცს?

მაგიდაზე პატარა ფინჯანი დგას. ის ხომ არ მოიშველიოს გაჭირვებისას? არა, არა, რაცა სვა, ისიც მეტია! მარტო ექიმს რომ დაეშალა, კიდევ არაფერი. იმ ადამიანმაც,¹ ეამიარში რომ ცხოვ-

რობს და მას მძაფრად, მტერ-მოყვარის/სიყვარულით უყვარს, დაბეჯითებით ურჩია, ასეთ რამეებს დაესენიო. ურჩე-ნიაო, სწორედ მასზე ითქმის. კარგად იცის, როგორ უნდა ცხოვრება, წერა; დღეებს ტყუილუბრალოდ არ იმწარებს და თავს ყოველთვის დიდი სიფრთხილით ეკიდება.

სახლი სიჩუმეს მოეცვა. მხოლოდ შორიდან აღწევდა ციხის შესახვევში სტვენით შემოჭრილი ქარის ზუზუნი და ისმოდა, როგორ შხაპუნობდნენ ფანჯრის მინებზე წვიმის წვეთები. ყველას ეძინა, — ეძინათ სახლის პატრონს და მისიანებს, ლოტასა და ბავშვებს. ის ფრთხილობდა, იდგა მარტოდმარტო ცივ ღუშელთან და ტანჯული სახით უყურებდა ხელნაწერს, რომლისაც აღარაფერი სწამდა, რადგან დაუკმაყოფილებლობის ავადმყოფურმა გრძნობამ სძლია. მისი თეთრი, შეხვეული კისერი ძალზე გრძელი გეგენებოდათ. ხალათის გადახსნილ კალთებს შორის მოღრეცილი ფეხები მოუჩანდა. მაღალი, ნატიფი შუბლიდან, ფერმკრთალი ძარღვებით დასერილი საფეთქლებიდან ქერა თმა უკან ჰქონდა გადავარცხნილი. თმაზე ოდნავ მუქი წარბები დიდ კეხიან ცხვირთან თითქმის ერთდებოდა, რაც მის ღრმად ჩამჯდარ, აღგზნებულ თვალებს რალაც ტრაგიკულ გამომეტყველებას ანიჭებდა. რაკი ცხვირით სუნთქვა უჭირდა, დროდადრო თხელ ტუჩებსა ხსნიდა. ამ დროს გამოკეტილში ყოფნისაგან ჩაყვითლებული, ჭორფლიანი ლოყები უფრო მოღუნებული გეგენებოდათ.

არა, ნამდვილად ხელი მოეცარა და ამოდ ცოდვილობს! ლაშქარი! ლაშქარი უნდა გამოეყვანა ნაწარმოებში! იმ დროს ყველაფერი ლაშქარზე იყო დაფუძნებული! თუ ჯარი მართლაც ვერ დახატა, ლაპარაკიც აღარ შეიძლება იმ უჩვეულო ხელოვნებაზე, რამაც მაყურებელი უნდა დაარწმუნოს. გამრიცხომ არაფრით არ ჰვავს გმირს, კეთილშობილება და სიცოცხლე აკლია! ჩანაფიქრი მცდარი გამოდგა. ენაც ყალბი იყო და ნაწარმოები შთაგონებას მოკ-

¹ ავტორს გერმანიის უდიდესი მწერალი ვოლფგანგ გოეთე ჰყავს მხედველობაში.

ლებული, მშრალი თხრობა გამოვიდა ისტორიისა — გაჭიანურებული, მსჯელობით გადატვირთული და სცენისათვის უფარგისი!

კეთილი, მაშ ყველაფერი დამთავრდა, მარცხი განიცადა. სამარცხენოდ მოეცარა ხელი. ფუჭი წამოწყება ყოფილა ეს ნაწარმოები. კერნერს¹ ხომ არ მისწეროს ეს ამბავი, კეთილ კერნერს, რომელსაც სჯერა მისი, ბავშვის უსაზღვრო ნდობით სწამს მისი გენია. ის ჯერ სიცილს დააყრის, მერე შეევედრება, დატუქსავს სულმოკლეობისათვის. კერნერი ხომ ნამდვილი მეგობარია, ეჭვით, წვალებით და ძიებით შობილ კარლოსს² გაახსენებს, ისიც ხომ ესოდენი ტანჯვისა და ჯაფის მიუხედავად ბოლოს და ბოლოს ჩინებული, სასიქადაულო ნაწარმოები გამოვიდა. მაშინ სულ სხვა დრო იყო! მაშინ ჯერ კიდევ შესწევდა უნარი, საქმეს ბედნიერი ხელით მოჰკიდებოდა და გამარჯვებით დაეგვირგვინებინა. განა მაშინ არ იყო მერყეობა და ბრძოლა? როგორ არა! განა იმ ხანად უფრო მძიმედ არ ავადმყოფობდა, გაჭირვებული, ეული, ქვეყნისაგან განდგომილი, ლტაკი და მიუსაფარი არ იყო?! სამაგიეროდ ახალგაზრდა გახლდათ, მთლად ჭაბუკი! ცხოვრებას როგორადაც არ უნდა დაეთრგუნა მისი სხეული, სული მსწრაფლ აღსდგებოდა ხოლმე და სევდისა და უიმედობის მტანჯველ საათებს რწმენისა და შინაგანი ტრიუმფის საათები მოსდევდა. სადღაც გაქრა ასეთი საათები, ძალზე იშვიათად ეწვევა ხოლმე. შემოქმედმა მთელი კვირა უნდა გაატაროს აზრთა ბურუსში, ერთი ადგილი ტკეპნოს და მხოლოდ ამის ფასად უნდა მოიპოვოს ერთი ისეთი ღამე, როდესაც უცებ იგრძნობს და მიხვდება, თუ რის გაკეთებას შეძლებდა, ასეთი ღამეები უხვად რომ ჰქონოდა მომადლებული. საოცრად მოიქანცა, სულ

რალაც ოცდაჩვიდმეტი წლისა და უკვე ძალა გამოელია. რწმენა დაჰკარგა, რწმენა, მომავლისათვის ბრძოლაში უმძიმეს დღეებში იმედის ვარსკვლავით რომ უნათებდა. ტეშმარიტად სავსე და ნაყოფიერი თურმე სწორედ ის წლები ყოფილა, ტანჯვისა და გამოცდის წლებად რომ მიაჩნდა მას. ახლა კი, როცა რამდენადმე ეწია ბედნიერებას, როცა საზოგადოების აღიარება და კანონიერი უფლებები მოიპოვა, პატივი და თანამდებობა აქვს, ცოლ-შვილი ჰყავს, სწორედ ახლა უმტყუნა ძალამ და დამარცხდა. ისლა დარჩენია, ყველაფერზე ხელი ჩაიჭინოს და სასოწარკვეთილებას მიეცეს.

ამოიკვნესა, თვალებზე ხელი აიფარა და გამწარებული მოჰყვა ოთახში სიარულს. უცებ საზარელმა ფიქრმა გაუელვა. ამ ფიქრმა ისე დააფრთხო, რომ იმ ადგილზე, სადაც ის ფიქრი წარმოიშვა, ვეღარ გაჩერდა. კედელთან მივიდა, სკამზე ჩამოჯდა, გადაჭდობილი ხელები მუხლებს შორის მოწყვეტით ჩაჰკიდა და დაღვრემილი დააცქერდა იატაკს.

სინდისი... რა მწარედ ქენჯნის სინდისი! ბერს სცოდავდა. ყოველი განვლილი წელი მიუტევებელი ცოდვა იყო საკუთარი სხეულის, ამ ფაქტიზი ინსტრუმენტის მიმართ. ჭაბუკურმა ვნებათა დელვამ, თეთრად გათენებულმა ღამეებმა, თამბაქოს კვამლით სავსე ოთახში გატარებულმა დღეებმა, დღეებმა, როცა სული ზეიმობდა და სხეულზე აღარავინ ფიქრობდა. ათასგვარმა სასმელმა, მუშაობის დროს რომ სვამდა ხოლმე აღსაგზნებად — ყველაფერმა ახლა შეახსენა თავი, ახლა იძიებდა შურს!

თუ შურისძიებაზე მიდგა საქმე, ის არ შეეპუება ღმერთებს, ჯერ დანაშაულს რომ ჩაადენინებენ ხოლმე ადამიანს და მერე სასჯელს მოუვლენენ. ისე იცხოვრა, როგორც უნდა ეცხოვრა. იმისთვის სად ეცალა, ბრძნულად მოეწყო ცხოვრება, ან წინდახედულობა გამოეჩინა.

¹ ქრისტიან-გოთფრიდ კერნერი (1756 — 1831) გერმანელი მწერალი — შილერის მეგობარი და თაყვანისმცემელი.

² შილერის ღრამა „დონ კარლოსი“ იგულისხმება (მთარგმნელს შენიშვნა.)

სუნთქვის, ხველებისა თუ მთქნარების დროს აი, იქ, ყოველთვის ერთსა და იმავე ადგილზე რაღაც ავის მომასწავებელ ტკივილს, ჯოჯოხეთურ ჩხვლეტას გრძნობს, თითქოს რაღაცა ღრღინის შიგნიდან. ამ ტკივილს მას აქეთ ვერ დააღწია თავი, რაც ამ ხუთი წლის წინათ ერფურტში კატარული ხურვება, ფილტვების ანთება გადაიტანა. მაინც რას მოასწავებს ეს ტკივილი? ექიმმა შეიძლება ძალიანაც მოიკატუნოს თავი და სინამდვილე დაუმალოს, მაგრამ უიმისოდაც კარგად იცის, რითაც გათავდება ეს ტკივილი. სად ჰქონდა იმის დრო, სათუთად, კეთილგონივრულად მოჰკიდებოდა საკუთარ თავს. თუ რამის გაკეთებას აპირებს, დღესვე, ახლავე უნდა მოასწროს, უნდა აჩქარდეს. კეთილგონიერება? მაინც როგორ მოხდა, რომ სწორედ ცოდვა, სხეულის გამომფიტველი მავნე შრომა მიიჩნია ყოველგვარ სიბრძნეზე, ფხიზელი გონების კარნახით არსებობაზე უფრო ზნეობრივად? არა, ზნეობრიობის საზომი წმინდა სინდისის შენარჩუნება კი არა, ბრძოლა და გაჭირვება, ვნება და ტკივილია!

ტკივილი! ამ სიტყვის გახსენებაზე ღრმად ამოიხორა, წამოდგა, გულხელი დაიკრიფა. ქერა, შეერთებულ წარბებქვეშ გამომზირალ თვალებში მომხიბლავი შუქი ჩაუდგა. ადამიანს უბედური, მთლად წყალწაღებული მანამ არ ეთქმის, სანამ იმდენი ძალა კიდევ შერჩენია, რომ თავის გაჭირვებას ძლიერი და დახვეწილი სიტყვები მოუძებნოს. ძნელია იმდენი სულიერი სიმხნევე გამოიჩინო, რომ გაბედო და ამბღღებული, ლამაზი სიტყვებით ილაპარაკო საკუთარ სიცოცხლეზე; შენი ტანჯვა ჩახუთულ ჰაერს და კარგამოკეტილობას არ მიაწერო; იმდენი ჯანმრთელობა შეინარჩუნო, რამდენიც სულიერ პათოსს სჭირდება, რომ შენს ფიზიკურ არსებობაზე მაღლა დადგომა, სხვა სამყაროს განჭვრეტა და განცდა მოახერხო. ყოველისმცოდნემ მხოლოდ აქ უნდა გამოიჩინო გულუბრყვილობა და იმდენი შეძლო, რომ ტკივილი ირწმუნო, და მასაც ისე ღრმად, შინაგანად სწამდა

ის, რომ ამ რწმენის წყალობით სატკივარი არც ცუდს მოუტანდა და ამოდ ჩაუვლიდა, როცა ხელნაწი გახედა, მისი მკლავები უფრო მჭიდროდ შემოეჭლო გულმკერდს. რა არის ნიჭი? განა ის თავისთავად ტანჯვა არ არის? და ნუთუ კარგი ნიშანი არაა, ასე რომ სტანჯავს ის წყეული ხელნაწერი, იქ, მაგიდაზე რომ დევს? განა არის ამაში რამე უჩვეულო? სიტყვების მოზღვაება არასდროს უგრძნია და ოდესმე რომ ეგრძნო, სწორედ მაშინ შეებარებოდა ეჭვი საკუთარ თავში. სიტყვების უზომოდ მოზღვაება მხოლოდ გონებაჩლუნგებსა და დილექტანტებს სჩვევიათ, იმათ, ვინც ადვილად კმაყოფილდება მიღწეულით; უვიცთ, რომელთაც არა უწყიან, რას ნიშნავს ტალანტის უღლის წვევა და კირთება მთელი სიცოცხლის მანძილზე. რადგან ტალანტი, ბატონებო და ქალბატონებო, მანდ ქვევით, პარტიკში რომ ბრძანდებით, მსუბუქი ტვირთი, გასართობი რამ უნარი როდი გახლავთ. ტალანტი იდეალის კრიტიკული ცოდნა, დაუკმაყოფილებლობაა. ტანჯვა აწრთობს და აძლიერებს მის შემოქმედებით უნარს. დიდი ადამიანებისათვის ტალანტი უდიდესი სასჯელია.

შორს მოთქმა-ჩივილი! არც ტრაპაზია საჭირო! მოთმინებით, მოკრძალებით უნდა იფიქრო იმაზე, რისი ზიდვაც ბედმა გარგუნა! და რა უშავს, თუ კვირაში არც ერთი დღე, არც ერთი საათი არ გამოერევა ტანჯვა-წვალების გარეშე. წვალებასა და ჯაფას, ცხოვრებისეულ მოთხოვნილებებსა და დაბრკოლებებს დიდ მნიშვნელობას ნუ მიანიჭებ, ნუ მიაქცევ ნამეტან ყურადღებას. აი, რა განადიდებს ადამიანს!

დიდი ნესტოები გაუფართოვდა. წარბებქვეშოდან მუქარით გამომზირალ თვალებს აცეცებდა, მარჯვენა ხელი ღამის ხალათის ჯიბეში ჩაეყო, ხოლო დამუშტული მარჯვენა დაშვებული ჰქონდა. ჩაცვენილ ლოყებზე იმ ნელი ცეცხლიდან ამოჭრილმა აღმურმა გადაჰკრა, რომელიც ხელოვანი ადამიანის სულის სიღრმეში საკუთარი „მეს“ ვნე-

ბიან სიყვარულად გიზგიზებს ყოველ-
თვის.

კარგად იცის, რაც არის ამ სიყვარულ-
ლით თრობა. ზოგჯერ საკუთარი თავისა-
დმი ისეთი ფაქიზი გრძნობა დაეუფლე-
ბოდა, რომ მზად იყო ამ გრძნობისათვის
მოეხმარებინა ტალანტი და ხელოვნები-
საგან მინიჭებული მთელი უნარი და
შეძლებლობა. მას აქვს ამის უფლება,
ამ საქციელში არაფერია არაკეთილშო-
ბილური, რადგან საკუთარი თავის სიყ-
ვარულზე მეტად სწამდა, რომ ყოველ-
თვის რაღაც მაღალს ემსახურებოდა,
ემსახურებოდა უანგაროდ, გარდაუვალი
მოთხოვნების კარნახით, თავს თან-
დათან ინადგურებდა, მსხვერპლად ეწი-
რებოდა. ერთი ეჭვი არ ასვენებდა: ისე
არაფინ დამდგარიყო უფრო მაღლა, თუ
მასზე მეტად არ ეწამებოდა იმ რაღაც
მაღლისათვის.

შეჩერდა, სახე ხელეზში ჩარგო, ოდ-
ნავ გვერდზე გადაიხინკა, თითქოს რა-
ღაცას გაურბისო. მაგრამ უკვე გვიან
იყო. იგრძნო, რა მწარედ შეუკუმშა
გული გარდუვალმა აზრმა იმ ნათელ,
მიწიერ, მგრძნობიარე, ღვთაებრივად
გაუცნობიერებელ ადამიანზე, ვაიმარში
რომ ცხოვრობს და მას მტერ-მოყვარის
უსაზღვრო სიყვარულით უყვარს. რო-
გორც ყოველთვის, ამ აზრმა უფრო
ააფორიაქა. იგრძნო, რა სწრაფად და
ბეჯითად აუშუშავა გონება იმის გახსე-
ნებამ, რომ საკუთარი არსება და შე-
მოქმედება უნდა განასხვავოს, გამიჯ-
ნოს და დაიცვას იმ ადამიანის შემოქმე-
დებისაგან. განა ის უფრო მაღლა დგას?
განა მას შეუპოვარ ბრძოლაში სისხლის
ფასად მოუპოვებია გამარჯვება? განა
მისი დამარცხება ტრაგიკული სანახაობა
იქნებოდა? შეიძლება ის ღმერთიც იყოს,
მაგრამ გმირი ვერ იქნება: უფრო ადვი-
ლია იყო ღმერთი, ვიდრე გმირი. დიახ,
ადვილია... იმისთვის, ვაიმარელისათვის
არის ადვილი! ალბათ შემეცნებასა და
შემოქმედებას შორის მარჯვედ და
ბრძნულად ზღვარის დადების უნარს
მოაქვს ტანჯვისაგან ხსნა, სიხარული და
ნაყოფიერება. მაგრამ თუ შემოქმედება
ღვთაებრივი რამ არის, მაშინ შემეცნება

გმირობაა, ხოლო ღმერთსა და გმირს
თავის თავში ის აერთიანებს, ვინც შეიძლება
მეცნებს და ისე ქმნის!

ნებისყოფა სიძნელესთან, ტვირთთან
ჭიდილისა! თუ გრძნობს ვინმე, ნერვ-
ბის რაოდენ დაძაბვად და საკუთარ
თავთან ბრძოლად უღირს ერთი წინადა-
დება, ერთი რიგიანი აზრი. ის თითქმის
უმეცარი, მცირედ განათლებული, ბუ-
რუსით გარშემორტყმული და დაუდევა-
რი მეოცნებეა. საუკეთესო სცენის და-
წერაზე მეტად იულიუსის ერთი წერი-
ლის შეთხზვა უჭირს და განა სწორედ
ამიტომ არ უნდა იდგეს მისი შრომა
სხვათა შრომაზე მაღლა? ტანჯვის რა
მძიმე გზაა გასავლელი, რა მძიმე ბრძო-
ლაა გადასატანი შინაგანი მოთხოვნი-
ლების პირველი რიტმიდან თემამდე,
სიუჟეტამდე, ფორმამდე, აქედან აზრა-
მდე, სახემდე, სიტყვამდე, თუ ბგერამდე.
დიდი ვნებით გაქვნილი მისი ყოვე-
ლი ნაწარმოები ფორმის, სახის, სრულ-
ყოფილისა და ხელშესახებისადმი იჭვწე-
ული სიყვარულის ნაყოფი იყო. ის მთე-
ლი არსებით ქინიანად ილტვოდა მეო-
რე, ოქროპირი ადამიანის ნათელ სამ-
ყაროსაყენ, მისკენ, ვინც ძალდაუტანებ-
ლად სდებდა სახელს ღვთაებრივად გას-
ხივოსნებულ საგნებს.

მაგრამ იმ ადამიანის გასაგონად მაინც
აცხადებს: ვინ არის მისი ტოლი ხელო-
ვანი, მისი ბადალი პოეტი, არარაობისა-
გან ვინ ქმნის მასავით ყველაფერს სა-
კუთარი გულიდან? განა ლექსი მის
სულში ისე არ იზადება, ვით მუსიკა,
ვით ყოფიერების პირველსახება — გაცი-
ლებით ადრე, ვიდრე შედარებებსა და
რითმებში ჩამოყალიბდებოდეს? სიბრ-
ძნე, ვნება სხვა არაფერია, თუ არა სა-
შუალება და საბაზი სხვა რაღაცის გად-
მოსაცემად, რასაც ძალიან უმნიშვნელო
კავშირი აქვს სიბრძნესთან და ვნებას-
თან, და რაც სულის ორთოქოსისებურ
სიღრმეში იზადება. სიტყვები, ცნებები
მხოლოდ კლავიშებია, რომლებსაც მისი
ხელოვანება უხილავი სიმების ასაქლ-

თომას მანი
მძიმე საათი

რებლად იყენებს; სხვა ვინმე თუ ჩასწვ-
დომია ასეთ რამეს? კეთილი ადამიანები
ხოტბას ასხამენ იმ რწმენისათვის, რი-
თაც ის სულის უხილავ სიმებს ღვთაებ-
რივად აქდერებს. მისი უსაყვარლესი
სიტყვა, უმაღლესი პათოსი, სამრეკლოს
დიდი ზარი, რომლითაც ხალხს სულთა
ზეიმზე მოუხმობს და მასებს იზიდავს—
თავისუფლებაა... სინამდვილეში ის მათ-
ზე მეტ ან ნაკლებ მნიშვნელობას ანი-
ჭებს ამ სიტყვას. თავისუფლება! —
მანც რას ნიშნავს ეს? მონარქიის
წინაშე მოქალაქეობრივი უფლების მო-
პოვებას ხომ არა? თუ გიფიქრიათ მანც,
რა შეუძლია იგულისხმოს მასში ხელო-
ვანის სულმა? თავისუფლება, განთავი-
სუფლება. განთავისუფლება, მაგრამ რის-
გან? ალბათ ბედნიერებისაგან, ადამიან-
ური ბედნიერებისაგან, ამ ოქროს
ბორკილებისაგან, ამ მოქნილი და შარ-
ბათივით ტკბილი მოვალეობისაგან.

თავის დაღწევა ბედნიერებისაგან...
ბაგე აუთრთოლდა, ეტყობოდა. გულის-
ყური ისევ შინაგან სამყაროს მიაპყრო,
სახე ხელებში ჩარგო — მეორე ოთახში
გავიდა. ჭადის ლურჯად მოლივლივე
შუქი ანათებდა იქაურობას. ფანჯარას
ამოქარგული ფარდის კალთები ფარავ-
და. საწოლთან მივიდა, კალმით ნახატი
სახისკენ დაიხარა... ქალს შავი კულუ-
ლი ჩამოშლოდა ფერმკრთალ დაწვზე;
ბავშვური ბაგე ოდნავ გახსნოდა... ჩემო
მეუღლე! ძვირფასო! იმისთვის ხომ არ
აგიყოლია ჩემმა სევდამ და შენი თავი
მომგვარა, რომ ბედნიერებად გადამქცე-
ოდი? აკი იქეცი კიდეც, მშვიდობა შენ-
და! იძინე უშფოთველად! ნუ შეარხევ მაგ
სამურ, გიშრის გრძელ წამწამებს, ნუ
შემომხედავ იმ დიდი, ღამესავით უძი-
რო თვალებით, მაშინ რომ მიტყვეროდი;
როცა დამეძებდი და მიხმობდი. ღმერთ-
მანი, ძალიან, ძალიან მიყვარხარ! ეგ
არის მხოლოდ, ხშირად ისე მქანცავს

ტანჯვა და ჭიდილი იმ ამოცანასთან,
ჩემი არსება რომ მისახავს, ძალა ჩადენი
შემწვევს მივაგნო ამ გრძობას ჩემში.
ამიტომ ვერ ვახერხებ მთელი არსებით
შენთან ყოფნას, ბოლომდე ვერა ვარ
შენით ბედნიერი, რადგან ჩემმა უზენა-
ესმა მოვალეობამ აღმიკვეთა ეს ბედნი-
ერება.

ქალს ეამბორა, მერე მის ნაცნობ სით-
ბოს გაერიდა. იქაურობას თვალი მოა-
ვლო და თავის ოთახში დაბრუნდა. სამ-
რეკლოს ზარის ხმამ ამცნო, რომ შუა-
ღამე უკვე კარგახნის გადასული იყო,
მაგრამ ამ ხმამ მძიმე საათის კეთილად
დამთავრებაც აუწყა. შვებით ამოისუნ-
თქა, პირი მტკიცედ მოკუმა. მაგიდასთან
მივიდა, კალამი აიღო. რა საჭიროა
ტყუილუბრალოდ თავისტეხა! ისეთ სიდ-
რმეებს ეჭიდება, რომ ბევრმა ფიქრმა
შეიძლება დაღუპოს კიდეც. არა, არ
უნდა შეტოპოს ქაოსში, ხოლო თუ შე-
ტოპა, რაც შეიძლება სწრაფად უნდა
დააღწიოს თავი აზრთა ოკეანის ტალ-
ღებს. დღის სინათლეზე ის უნდა ამოი-
ტანო, რაც უკვე მომწიფებული და ჩა-
მოყალიბებულია, რასაც ფორმის მიღე-
ბა შეუძლია. რა დროს ზედმეტი ფიქ-
რია! შრომაა საჭირო! გამორჩევა, გა-
მიჯვნა, ფორმის მიცემა, დამთავრებაა
საჭირო!

და ეს ტანჯვით შექმნილი ნაწარმოე-
ბიც დამთავრდა. იქნება კარგი არ გა-
მოუვიდა, მაგრამ ხომ დამთავრდა! და
რაკი დამთავრდა, კარგიც აღმოჩნდა.
და მისი სულიდან, მუსიკიდან და იდეე-
ბიდან იზადებოდა სულ ახალ-ახალი ნა-
წარმოებები, ბრწყინვალე ქმნილებები,
რომელთა ღვთაებრივ ფორმაში ისე
საოცრად იგრძნობოდა უსაზღვრო სამ-
ყარო, როგორც ზღვიდან ამოღებულ
ნიჟარაში ისმის ხოლმე ტალღების სუნ-
თქვა.

გერმანულიდან თარგმნა პავლე ჩარკვიანმა



გუგამ კანკავა

ლიტერატურული შენიშვნები

წერილი პირველი

1963 წელს ჩვენს ჟურნალებში ბევრი საინტერესო ნაწარმოები დაიბეჭდა. ამ წერილში ჩვენ ვერ განვიხილავთ ყველა საყურადღებო მოთხრობასა თუ რომანს, მაგრამ შევეცდებით განვიხილოთ ის რამდენიმე ნაწარმოები, რომელთაც გასული წლის ქართული პროზის ხასიათი რამდენადმე მაინც განსახლვრეს.

გრიგოლ აბაშიძის ისტორიული რომანი „დიდი ღამე“, „XII საუკუნის ქრონიკა“ (რომელიც ჟურნალ „ცისკარში“ გამოქვეყნდა), პოეტის ცნობილი პატრიოტული პოეზიის ბუნებრივ გაგრძელებას წარმოადგენს. იგი მთლიან მხატვრულ-თემატიკურ ანსამბლს ქმნის ისეთ ცნობილ ლირიკულ ციკლებთან, როგორცაა: „თუნდ დავიარო მთელი სამყარო“, „ძველ ტაძარში“ — („ოცნება უფლისწულისა“, „შვიდასი წელი“, „უღუ დავითის დაბრუნება“ და სხვ.). აღნიშნული ლექსები მხატვრულ-მსოფლმხედველობრივი ქარგით წინ უძღვის და ერთგვარ ლირიკულ წანამძღვარს წარმოადგენს გრ. აბაშიძის ისტორიული ქრონიკებისათვის. ეროვნული შემართება, რაც ჭარბად იგრძნობოდა ჯერ კიდევ ამ ოცი-ოცდახუთი წლის წინ დაწერილ მის ლირი-

კულ-პატრიოტულ ლექსებში, პროზაულ ნაწარმოებებში, კონკრეტულ მოტივებად გამოიყო და ცალკეულ საკითხებად დანაწევრდა — როგორც „ლაშარელაში“, ისე „დიდ ღამეში“.

ავტორის მხატვრულ-შემოქმედებით დვრიტას „დიდ ღამეში“ სწორედ პატრიოტული შემართება და წარსულში მტკივნეული ეროვნული საკითხების გახსენება წარმოადგენს. ნაწარმოებში სწორედ ამ მხრივ და ამდენად არის საინტერესო.

როგორც ეროვნული პათოსით ამეტყველებული ნაწარმოები, „დიდი ღამე“ ერთბაშად ნაწარმოები, „დიდი ღამე“ ეროვნული რომანის წარსულს ერთი წუთით თვალს გადავავლებთ და გავიხსენებთ, რომ ლიტერატურის ეს ქანრი ეროვნული შეგნების გაღრმავების ნიადაგზე წარმოიშვა და ამავე ნიადაგზე აღორძინდა, გრ. აბაშიძის „დიდი ღამის“ მხატვრულ-თემატიკური ერთბაშად ნიადაგზე მისატყვებელი აღმოჩნდება.

ავტორი სწორია, როცა თავის არსებით სათქმელს და საკუთარ ისტორიულ-მსოფლმხედველობრივ დებულებებს ბელეტრისტულად აყალიბებს, მაგრამ ეს დებულებები მწერალს უფ-

რო ხშირად დეკლარაციულად აქვს გამოთქმული. შეიძლება ვივარაუდოთ, რომ ნაწარმოების დეკლარაციული პასაჟები ავტორს შეგნებულად აქვს გამოყენებული, რათა სათქმელი პირდაპირი და უშუალო კონკრეტულობით ხასიათდებოდეს, მაგრამ ამ ფაქტს აქვს თავისი მეორე მხარე — „ქრონიკის“ მხატვრული ქსოვილი ხშირად ირღვევა და ფერმკრთალდება. ამიტომ ნაწარმოების შემეცნებითი ღირებულების გარკვევის მიზნით შევეცდებით გამოვყოთ ზოგი არსებითი ხასიათის ისტორიული მოსახრება, რომელთა ერთობლიობა ავტორის ეროვნულ კონცეფციასაც წარმოადგენს, თუმცა ისინი ერგვარ დეკლარაციულობას მინცვერ აცდნენ.

„ქრონიკის“ ავტორისათვის დიდი სტიმულის მიმცემი უნდა გამხდარიყო (და ეს მართლაც ასეა) ის თვალსაჩინო ისტორიულ-პოლიტიკური თვალსაზრისი და პრაქტიკა, რომელიც საქართველოს წარსულში, განსაკუთრებით დავით აღმაშენებლის სახელთან და სამეფო მოღვაწეობასთან არის დაკავშირებული, ხოლო დავით IV შემდეგ, ვიდრე მონღოლების შემოსევამდე, საქართველოს ეროვნულ-პოლიტიკურ ცხოვრებაში ტარდებოდა. გავიხსენოთ მოკლედ ეს ისტორიული კონცეფცია, რომელიც ზოგადი დებულების სახით „ქრონიკაშიც“ არის გატარებული. დავით აღმაშენებელს, როგორც ვიცით, სურდა მოეზიდა და საკუთარ პოლიტიკურ-კულტურულ ორბიტაში მოექცია ამიერკავკასიის ყველა ხალხი და ეროვნება. როგორც იმიერ, ისე ამიერკავკასიელი ხალხები დავითს თავისი საქმიანობით უნდა დაერწმუნებინა, რომ მათი სახელმწიფოებრივ-ისტორიული პოლიტიკა ერთიანია, რომ ისინი ერთი ინტერესით ხელმძღვანელობენ. დავითმა ეს ბრძნული პოლიტიკა ბრწყინვალედ განახორციელა კიდევც.

ცნობილია, მაგალითად, რომ როდესაც დავით IV შარვანში შეიჭრა, მოსახლეობის უდიდესი ნაწილი მას აქტიურად ეხმარებოდა თურქთა წინააღმდეგ

ბრძოლაში. შარვანში დავითი არსებითად თურქებს ებრძოდა, რომელთა ზიციბა იქ საკმაოდ სუსტი იყო. ასეთივე მდგომარეობა იყო სომხეთშიც. თბილისის განთავისუფლების შემდეგ (1122 წ.) დავითის ლაშქარი მხნედ ებრძოდა თურქთა მომთაბარე ბრბოებს სომხეთიდან და საქართველოს სამხრეთი ნაწილიდან გადასარეკად. სომხეთის განთავისუფლება შედარებით იოლი იყო: მტრის ზურგში ადგილობრივი მოსახლეობა აჯანყდა, ხოლო მტერს პირისპირ ქართველების ლაშქარი ედგა. კავკასიის ხალხთა პოლიტიკური კონსოლიდაცია და ერთი მიზნით მათი დარაზმვა საერთო მტრის წინააღმდეგ დავით მეფის დიდ პოლიტიკას წარმოადგენდა. ეს პოლიტიკა დღეგრძელი და უნარიანი აღმოჩნდა, რადგან განამთავისუფლებელი შინაარსისა იყო.

დავით IV პოლიტიკური კურსი იმარჯვებდა იმიტომ, რომ მას სურდა საერთო მტრის წინააღმდეგ საერთო ძალებით ემოქმედა. სელჯუქიანთა საერთო ძალით განდევნას ამიერკავკასიის ფარგლებიდან ამ ხალხთა პოლიტიკურ-კულტურული გაერთიანებაც უნდა მოჰყოლოდა, ხოლო გამაერთიანებლის როლში საქართველო გამოდიოდა.

გრიგოლ აბაშიძის „ქრონიკაში“ ეს თვალსაზრისი ნათლად არის გამოთქმული. როგორც მოსალოდნელი იყო, რუსუდანის მეფობის ხანაში ამგვარი პოლიტიკური ორიენტაცია ძლიერ შესუსტდა. ამიტომაც ავტორი კრიტიკულად წარმოგვიდგენს ამ დიდი პოლიტიკური კურსის ჩამოშლილი ქართველი დიდებულების საქმიანობას. „ქრონიკის“ ცალკეული გმირები სწორედ ზემოხსენებულ თვალსაზრისს გამოთქვამენ, მაგრამ ნაწარმოებში ჩანს ისიც, რომ ცხოვრებაში მას ვერ ახორციელებენ. პავლია კუტი სწორედ ამას ესაუბრება გელათის აკადემიის წინამძღვარს (გვ. 50): „სახლამო დიღია და ჯერ თავად უნდა მოვლონიერდეთ, რომ მათ ვსძლიოთ. მარტო ხმალი ვერ დაიპყრობს და ვერ შემოიშტიცვებს აგარიანთა სიმრავ-

ლეს. ქრისტეს სჯულის ქადაგებით უნდა დავიხლოვოთ და დავინათესაოთ ჩვენი ურჯულო მეზობლები. ლეკნი, ჯიქნი, ალანნი და უმრავლესნი ტომნი მთიელთა უკვე ქრისტეს აღმსარებელნი და ჩვენი თანამდგომელნი არიან. ვიდრე ასევე, ჩვენს რჯულზე არ მივაქცევთ შირვანელთ, მანამ მტკიცე არ იქნება ჩვენი მეგობრობა ჩვენი კარის მეზობელთან. ასევე, ჩვენი და სომხების მეგობრობა მაშინ იქნება საბოლოოდ დაურღვეველი, როცა მიწა-წყალი და ხელისუფლება კი არა, აღსარებაც საერთო გვექნება. საბედნიეროდ ჩვენი ურთიერთობა აქეთივე მიდის და ჩვენ ყოველმხრივ ხელი უნდა შევეწყუთ ამ სულიერი ერთობის დაჩქარებას. როცა კავკასია შავი ზღვიდან კასპიამდე ერთი რწმენითა და ერთი გვირგვინით იქნება გაერთიანებული, მაშინ ჩვენი ერის ძლიერებაც მტკიცე იქნება და შეურყეველი“.

ავტორი ეყრდნობა მეცნიერული ისტორიოგრაფიის მონაცემებს და გვიჩვენებს იმასაც, რომ ამგვარი გამაერთიანებელი და შემეკავშირებელი პოლიტიკა, რომლის მოთავე საქართველო უნდა ყოფილიყო, ისტორიულად განწირული აღმოჩნდა. ამგვარ შეხედულებაზეა აღმოცენებული ნაწარმოებში ის ტრაგიკული შეგრძნობა ისტორიისა, რომლის სამწუხარო ფაქტები უხვად მოიპოვება XIII საუკუნის საქართველოს წარსულში.

ამიტომ ღრმად დამაღონებელია „ქრონიკის“ ერთ-ერთი მთავარი გვირგვინის თურმან თორელის მოსაზრებები, რომელიც საქართველოს იმდროინდელ აწმყოს და უახლოეს მომავალს ეხება. ეს კარის მგოსანი და მეგრძოლი რაინდი საკმაოდ აქტიურად იბრძვის სამშობლოს კეთილდღეობისათვის, მაგრამ გონებით წვდება იმ დიდ უსამართლობას, რომელიც იმჟამად საქართველოს თვითმყოფ და დამოუკიდებელ არსებობას ნამდვილ საფრთხედ მოეგლინა: „თუ ერების ურთიერთობა, — წერს ის თავის „მატიანეში“ — საბოლოოდ ძალმომრეობაზეა დაფუძნებული და ერთი

ერის ბედნიერება მეორე ერის უბედურებას ნიშნავს, მაშინ სამართლიანობა საერთოდ არ ყოფილა და სიკეთეც არ არსებულა, ეს ქვეყანა ძლიერების საბატონოდა ყოფილა, ხოლო სუსტებისათვის თავიდანვე მიწის უღელია გამოზადებული, ერთს სამუდამო ბატონობა დაჰყოლია გაჩენის დღიდან, ხოლო მეორეს — საუკუნო მონობა. ძლიერები ამქვეყნიური სიკეთით ტკბებიან, უღონონი კი გაჯახირებულ სიცოცხლეს მხოლოდ იმად ინარჩუნებენ, რომ სული ედგათ და იარსებონ.

ასე არსებობდა საქართველოც დიდხანს, თითქმის დავით აღმაშენებლის გამოჩენამდე. იმ დიდებული მეფის შემდეგ ქართველმა ხალხმაც აღწია თავი, წელში გაიმართა და ამ ცხოვრების სიკეთის გემო და ეშხი გაიგო, სულ ახლახანს დაიწყო ქართველობამ ადამიანური ცხოვრება, ლაღი, ბედნიერი სიცოცხლე, და ნუთუ ასე ხანმოკლე უნდა იყოს მისი ბედნიერება, ნუთუ ისევ მონის უღელში უნდა გაჰყოს თავი საქართველომ, იმ უჩინარი კანონის ძალით, რომ ქვეყნად მასზე ძლიერი გამოჩნდა და იმ ძლიერის ბედნიერება აუცილებლად თხოულობს მასზე სუსტი საქართველოს კვლავ გაუბედურებას. ნუთუ ეს კანონი მართლა დაუძლეველია და საქართველოს ბედის ჩარხუკულმა შეტრიალება კვლავ გარდუვალია და აუცილებელია?!“ (გვ. 173).

რა შეიძლება დაუპირისპირდეს, ავტორის აზრით, ამგვარ მძიმე, უსიხარულო თვალსაზრისს? მხოლოდ ერთი რამ: დაჩაგრული ხალხის შევილები აქტიური, მხნე და თავისუფლებისმოყვარული სულისკვეთება თუ საქმიანობა. გამოუვალი მდგომარეობა ისტორიაში არ არსებობს, თუ ხალხს არ დაუკარგავს შინაგანი სიმართლის, შინაგანი სიმტკიცის და საკუთარი ღირსების გრძნობა. ასეთია „ქრონიკაში“ გაბატონებული ეროვნული თვალსაზრისი, რომლის კარგი დადასტურებაა თუნდაც

გურამ კანკავა
ლიტერატურული შენიშვნები

„დიდი ღამის“ ფინალური სცენები, სადაც თურმან თორელის ვაჟის მიერ შექმნილი პარტიზანული რაზმების გმირული ბრძოლების ამბავია მოთხრობილი.

ნაკლები მნიშვნელობისაა, მაგრამ ინტერესს არ არის მოკლებული ცალკეული მოტივები და ეპიზოდები, სადაც ავტორი კვლავ ზოგად ხაზებში საჭირობოროტო ეროვნულ საკითხებს განიხილავს. „დიდი ღამის“ იდეურ შინაარსში გარკვეული ადგილი უჭირავს „შვილთა“ კრიტიკას, რომლებიც „მამების“ მიერ არიან განებივრებულნი, გაზულუქებულნი და ცხოვრების სიძნელებს თავს ვეღარ ართმევენ. მაგრამ ეს, თავის მხრივ, „მამების“ კრიტიკაცაა, რომლებსაც თავიანთი მემკვიდრეები ისე ვერ აღუზრდიათ, როგორც ამას ერისა და ქვეყნის ინტერესები მოითხოვდა. სანამ „მამები არიან და ხმაღს იქნევენ, ასეთ შვილებს არ გაუჭირდებათ, ცხოვრებას გემოს ჩაატანენ და თავს არაფრისთვის შეიწუხებენ, მაგრამ მერე... მერე, როცა მამები წავლენ (აქი აღარ არი ზაქარია ამირსპასალარი), როცა მათი სისხლით მორწყული მიწა გაშრება? მერე ვინდა ჰყოფს უზრუნველს მათ უღარდეღ ცხოვრებასა და შექცევას?!“

...ვაზირთა და დიდებულთა შთამომავლები ერთიმეორეს ეჯობრებიან განცხრომასა და ფუფუნებაში, ერთმანეთს ეცილებიან და ასწრებენ უღამაზესი ხარჭებისა და ჯიშინი ცხენების შეძენას, ფულსაც დაუფიქრებლად სწირავენ ერთი ბედნიერი წამისთვის მამულსაც და სახელსაც.

მამების ბრალია, რომ ასე განებივრდნენ და გაზულუქდნენ შვილები. დიდხანია ამას გრძნობს და ხედება ივანე, მაგრამ დაგვიანებულ საქმეს რაღა ეშველება. თავიანთ თავგასულ შვილებს ისინი უკვე ვეღარ გაასწორებენ, მათ მხოლოდ ცხოვრება გაასწორებს, როგორც კუზიანს ასწორებს სამარე. და ეს ახალი ცხოვრება კუზიანების გამასწორებელი სამარე, ეტყობა, არც ისე შორსაა, ქნევაში გაცვეთილი მამების ხმალი

მაღე ვეღარ გახჭრის და ის ცხოვრება თავისთავად მოვა ჯაჭვებითა და ბოროტებით, რკინის უღლითა და მამაჩინაში ხებით, მოვა და გამოაფხიზლებს, ადრე თუ გვიან, ამ ცხოვრებამოყირკებულ. სიცოცხლე მოწყენილ ნებივრებს, შანშესა და ავაგის მსგავს ვაუბატონებს.“ (გვ. 107-108). „ქრონიკის“ ავტორის აზრით, საქართველოს დამარცხებასა და ჯალალედინისაგან მის აოხრებაში ბრალი მიუძღოდნენ იმ ქართველ ხელისუფალთ, რომელნიც დავით აღმაშენებლის, გიორგი მესამის და თამარ მეფის დიდ მემკვიდრეობას შესაფერისად ვერ გაუძღვნენ, საკუთარ ძალთა და მოქმედებათა სწორი შეფასება ვერ მოახერხეს. მართალია, ამგვარი შეხედულება ჩვენს ისტორიაზე არც ახალია, არც საკმარისი, მაგრამ ასეთი მოსაზრება თუ მსჯავრი ფეოდალურ საზოგადოებაზე ისტორიულ სიმართლეს შეიცავს და საფუძველს არ არის მოკლებული.

ჩვენ ვიცით, რომ ჯალალედინის ლაშქრობას საქართველოში ქართველები ნახევრად მოუშზადებლნი და სიმტიცემოკლებულნი შეხვდნენ, ხოლო მონღოლებისათვის მათ არსებითი წინააღმდეგობა არც კი გაუწევიათ. „დიდი ღამეში“ შეიძლება და მოსალოდნელი იყო ამ ისტორიული ფაქტების ბევრად უფრო რთული ისტორიულ-სოციალური ანალიზი, მაგრამ ავტორი შემოხსენებული მიზეზის დასახლებით კმაყოფილდება. მწერალი საგანგებოდ, შეგნებულად ზღუდავს თავის ისტორიულ თვალთახედვას, მის მიერ წინასწარ მოხზულ ჩარჩოს არ სცილდება.

სავსებით სწორად არის გააზრებული და დახატული წიგნში ჯალალედინისა და ჩინგიზ-ყაენის პოლიტიკური პორტრეტები. მწერალი ფართოდ ეყრდნობა სპარსელი, არაბი, ქართველი თუ სომეხი მემკვიდრეების მასალას და ისე ახასიათებს ამ ცნობილ მხედართმთავრებსა და პოლიტიკოსებს. ზოგადად რომ ვთქვათ, ავტორი ჯალალედინის ისტორიულ-პოლიტიკურ მარცხს ხსნის იმით, რომ მამადიანურ სამყაროს და, მეორე მხრივ, საქართველოსაც ხვარაზმ-



მა მოვევლინა, როგორც მტაცებელი-მრბეველი, რომელსაც პოლიტიკური პატივმოყვარეობა უფრო ამოქმედებდა, ვიდრე სამაჰმადიანოს განმტკიცებუბა და ერთი ვვირგინის ქვეშ მისი გაერთიანების სურვილი.

ასევე უარყოფითად აფასებს მწერალი ჩინგიზ-ყაენის ბევრად უფრო ძლიერ აგრესიულ პოლიტიკასაც. ჩინგიზის სახელი სიკვდილისა და განადგურების შიშთან იყო დაკავშირებული. მის გამარჯვებებს და ვაბატონების წადილს რელიგიური შიშის ჩანერგვის იდეა ჰყვებოდა: „ჩინგიზ ყაენმა, — წერს ავტორი — მისი პიროვნების წინაშე შიში ღვთიურ კანონამდე აიყვანა და თავისი ქვეშევრდომების შეუმჩნევლად თანდათან მისდამი სიყვარულად აქცია“ (გვ. 227). „ქრონიკის“ შემეცნებით ღირსებას წარმოადგენს ისიც, რომ ქართველ თუ უცხოელ ისტორიოგრაფთა შეხედულებების თანახმად, ნაჩვენებია ის დიდი კულტურული კონტრასტი თუ წინააღმდეგობრივი ვითარება, დამპყრობ მონღოლებსა და მათ დამხვდურ ხალხებს შორის რომ იყო. მონღოლებმა პურის ცნობა ჯერ არ იცოდნენ, რელიგია თითქმის არ ჰქონდათ და დაპყრობილი სახელმწიფოების სამართავად მომზადებული მოხელეებიც არ ჰყავდათ.

აკადემიკოსი ბარტოლდი წერს:

«Чингиз-хан работал только для себя, своих потомков и своих ближайших приверженцев: нет никаких указаний на то, чтобы ему была доступна идея труда на благо целого народа. С другой стороны, умственная культура уже сама по себе представляла силу, которую нельзя было всецело оставить в руках подчиненных. Стремление примирить несовместимые вещи — кочевой быт и умственную культуру — было самым слабым местом в системе Чингизхана и главной причиной ее падения».

როგორც ვხედავთ, ჩინგიზ-ხანს არც

სამშობლოს გრძნობა და ეროვნულ შეგნება ჰქონია განვითარებული.

ამგვარი ისტორიული რეალები „ქრონიკაში“ ინტერესით იკითხება, მაგრამ ისიც უნდა ითქვას, რომ ჯალალედინის და ჩინგიზ-ყაენის მხატვრულ-ისტორიულ პორტრეტებს ზოგჯერ ქრესტომატიული იერი აქვთ (მხედველობაში გვაქვს, ძირითადად, 224-229 გვერდებზე მოცემული დახასიათებები).

მხატვრული ზეგავლენის მისაღწევად საქმეს ხშირად როდი შველის ისეთი ხერხის გამოყენება, როგორც არის ისტორიულ ფაქტთა გადაანაცვლება (ისტორიული დრამატიზმის გასაზრდელად). მაგალითად, თბილისის გადაწვარუსუდანმა მუხასძეს მონღოლთა მეორე შემოსევისას უბრძანა, როგორც ამას ჟამთააღმწერელი გვამცნობს: „ხოლო ვითარ ცნა მეფემან რუსუდან მოახლება თათართა, დაუტევა ტფილისი და წარვიდა ქუთათისს, ტფილისის მცველად დაუტევა მუხასძე, და ამცნო, რომელ უკუეთუ დმანისამდე მოვიდნენ თათარნი, რომელ მოწუას ტფილისი თვინიერ პალატისა და ისანთა, რომელ არღარა იპყრან სახლად ვითარ ხუარაზმელთა“.

თუკი ავტორმა აქ ფაქტთა შეგნებულ გადაადგილებას მიმართა („ქრონიკაში“ თბილისს ჯალალედინის დროს გადაწვავენ, ხოლო თბილისში მონღოლთა შემოსვლისას და ქართველთაგან თბილისის გადაწვისას ჯალალედინი უკვე მოკლული იყო), ეს ალბათ იმიტომ, რომ ჯალალედინის სისხლისმსმეული თარეში კიდევ უფრო მკვერამეტყველი გაეხადა. ეს ხერხი გრ. აბაშიძის რომანში მომგებიანი მაინც არ აღმოჩნდა. ამ შემთხვევაში ქართველებისაგან თბილისის გადაწვა ერთ-ერთ კულმინაციას წარმოადგენს, მაგრამ განსაკუთრებული დრამატიულობით არ გამოირჩევა და აი რატომ: „ქრონიკა“ შედგება რვა თავისაგან. აქედან უკანასკნელი

გურამ კანკავა
ლიტერატურული შენიშვნები

ექვის თავი დათმობილი აქვს ჯალალ-ედინისა და მონღოლებისაგან ქართველი თუ სხვა ხალხების აზრების სურათის დახატვას. ყოველივე ეს კი, როგორც ზევით ითქვა, დაახლოებით ერთ ტონალობაში, ან ერთპლანოვნად არის ნაჩვენები. ნაწარმოებში წარმოდგენილი ცალკეული შეტაკებები, ხანძრები, შიმშილობა, დატყვევება, ლტოლვა-ვაზიზვნა, ნგრევა და განადგურება, მტრის სისასტიკის ჩვენება და მსგავსი უბედურებანი ისე მრავალრიცხოვანია, რომ რაც უფრო მატულობს მათი რიცხვი, მით უფრო ჭირს მათი ერთიმეორისაგან გარჩევა და აღქმა. ასე მაგალითად, თბილისის თბილისელებისაგანვე გადაწვა უფრო მძაფრი ისტორიული სურათი არაა, ვიდრე ვთქვათ, ჯალალ-ედინის მიერ თბილისის პირველი აღება, ან სიონის თავმორღვეულ გუმბათზე ტახტის გამართვა, რომელზეც ჯალალ-ედინი უნდა დამჯდარიყო და იქიდან თბილისელთა მწარე განკითხვისა და შეგინებისათვის ეცქირა. ხოლო ამგვარი ეპიზოდები კი ნაწარმოებში, როგორც ითქვა, არაერთია, ან თითქმის ყოველ თავშია. ამიტომ ეს კომპოზიციური მხარე ქრონიკაში ერთგვარ გადასინჯვას მოითხოვს.

გვინდა შევნიშნოთ ისიც, რომ ისეთ არეულ და აწიოკებულ ქვეყანაში, როგორც XIII საუკუნის აღმოსავლეთი საქართველო იყო, ნაწარმოების გმირების ერთმანეთთან მოულოდნელი შეხვედრები მეტისმეტი პირობითობითაა აღბეჭდილი. ეს თითქოსდა „მოულოდნელი“ შეხვედრები სიუჟეტური ხაზის განვითარებისა და გაგრძელებისთვის აუცილებელია, მაგრამ მათ მხატვრული სიმართლე და რეალიზმი მაინც აკლია. ეს მომენტი რომ ხშირი არ ყოფილიყო „ქრონიკაში“, ჩვენ მას არ შევხებოდით (მაგ. 311—312 გვერდებზე ცაგოს და ვაჩეს შეხვედრა, მოთხრობის დასაწყისში თურმან თორელისა და ცაგუს დათქმულივით ურთიერთშემჩინება, 280-ე გვერდზე, თბილისის დაწვის ეპიზოდში, გოჩი მუხასძისა და ბრმა ვაჩეს შეხვედრა და ზოგიერთი სხვა...).

ასეთი პირობითობა ავტორმა შეიძლება დაუშვას ერთხელ, ვთქვათ, ერთხელ ლიმე მწვავე სურათის ფონზე, მისი რიგით ლიტერატურულ ხერხად გადაქცევა მხატვრულად აუფასურებს თვით „ხერხსაც“ და სცენასაც.

ჩვენი ბოლო შენიშვნა ეხება გარნისის ომის წაგებას. „ქრონიკაში“ გარნისში ქართველთა დამარცხებებს ისტორია ერთგვარად შელამაზებულია. ავტორმა არ გაამძაფრა ისტორიული მნიშვნელობის კონფლიქტი, — ივანე ათაბაგის განაპირებისა და ომისათვის თავის არიდების ფაქტი, რამაც საქართველოს ისტორიული ბედი ერთი ხელის დაკვრით უფსკრულისაგან შეატრიალა. როგორც ეამთაადმწერელი გვიამბობს: „ვითარ დაეახლეს წინაბრძოლნი და სულტანი, აქა დაიპყრა ფერხი ივანე ათაბაგმანო“. უკვე მოხუცებული და „ფარულად მონაზონქმინი“ ივანე ათაბაგი, რომელიც რუსუდანის თხოვნაზე დაყაბულებულა და მთავარსარდლობა უკისრია, გარნისის ბატალიაში თავისებური მოღალატის როლში გამოდის. ამ მომენტს, ჩვენთვის გასაგები მიზეზების გამო, ავტორმა გვერდი აუარა (თუნდაც იმ მოსაზრებით, რომ ავტორის ისტორიული კონცეფცია პირველ პლანზე მაინც ხალხთა შორის ისტორიულ დამოკიდებულებას აყენებს და შემდეგ ხალხის შიდა ისტორიულ-პოლიტიკურ ვითარებას), დიდი ივანე ათაბაგის ასეთი ქცევა მკრთალად დაგვიხატა და საკითხიც თითქმის ორაზროვანი კითხვის ნიშნით დაასრულა. ავტორის თვალსაზრისის შეიძლება თავისებური გამართლება გამოვუძებნოთ, მაგრამ მხატვრულად ეს ისტორიული მნიშვნელობის კონფლიქტი სრულფასოვნად ვერ გაშუქდა.

მხატვრულად ძლიერი ადგილებიდან „ქრონიკაში“ აღსანიშნავია თურმან თორელის შესვლა ჯალალედინის კარავში სულტნის მოსაყლაგად და მისი განზრახვის ჩაფუშვა. თორელი ნახტომს ზომავდა, რომ მტარავალი ხანჯლის დაკვრით გაეგმირა, სწორედ მაშინ აქვითინდა სულტანი და დაემხო თავისი

პატარა მკვდარი ვაჟის კუბოს. ამ მყისიერმა ვითარებამ სისხლისმსმელი ჯალალედინი გადაარჩინა. ეროვნული გრძნობა აქ თავის სოციალურ წარმომავლობას ავლენს და ადვილს უფრო პიროვნულ-ადამიანურ გრძნობას უთმობს.

კიდევ უფრო შთაბეჭედავია ჯალალედინის ვაზირის, შერეფ-ელ-მოლკის დახარჩობის ეპიზოდი. მოლკის სიკვდილით დასჯაში ჯალალედინის კარის ისტორიოგრაფ ნესევის მონაწილეობა მართლაც მიუღია და შემდეგ აღუწერია. ამის გამოა ის უჩვეულოდ ამაზრუნენი და კოშმარული. ძალიან კარგ შთაბეჭდილებას ტოვებს ორი ნოველა: „ამბავი აღარბადგანის ათაბაგის უზბეგისა და დედოფალ მელიქე-ხათუნისა“ და „ამბავი ყრუმუნჯისა და მისი ლამაზი ცოლისა“. მართალია, ამ შემთხვევაშიც გრ. აბაშიძე ეყრდნობა სპარსელი ისტორიკოსის რაშიდედინის და არაბი მემატიანის — მოჰამედ ენ ნესევის ცნობებს, მაგრამ მათ მხატვრულად აფართოვებს და, რაც მთავარია, აძლევს განმაზოგადებელ ძალას, მსოფლმხედველობრივ ბაზას. ორივე ნოველა კომპოზიციური დახვეწილობით, ფერების შერჩევითა და აღმოსავლეთისთვის ჩვეული სევდიანი შეფერილობით სპარსულ მხატვრულ მინიატურას წააგავს.

ათაბაგ უზბეგის ნოველაში კარგადაა გადმოცემული ის ტრაგიკული განსხვავება, რომელიც დღენაკლულ ილუზიასა და რეალობას, ან პოეზიასა და მკაცრ სინამდვილეს შორის არსებობს. როდესაც ჯალალედინის მეომრებმა ათაბაგი უზბეგი საბოლოოდ დაარწმუნეს სპარსეთისა და მისი ტახტის ისტორიულ უბელობაში, მაშინ ათაბაგმა რჩეულ ირანელ პოეტებს მიმართა და ისტორიის ბედუკულმართობას ომარ ხაიამის რუბაიების სტრიქონებით აქარწყლებდა და თუ ამართლებდა... „წუთისოფლის ამოებვისა და ღვინით თავდავიწყების ამ რწმენაზე მტკიცედ მდგარ უზბეგს ბედის აღარავითარი დარტყმა და ნისლი აღარ აკვირვებდა და აღფოთებ-

და“ — წერს მწერალი. ათაბაგი უზბეგი თითქოს ცხოვრებაზე „გამარჯვებასაც“ გრძნობდა, როდესაც ამოებვისა და წარმავლობის მეტს ვერაფერს ხედავდა. თავის ამ რწმენას ის არც მაშინ ღალატობს, როდესაც ატყობინებენ, სულთანმა ჯალალედინმა მთელი შენი მიწა-წყალი ხმლით დაიპყრო. ბოლოს უზბეგს გაუბედავენ და ეტყვიან, შენი ცოლი, დედოფალი მელიქე-ხათუნი გაგექცა და ხვარაზმის სულტანს ჯალალედინს შეუუღლდაო. ღვინოს დახარბებულ და სევდიან ფიქრებში ჩაფლულ უზბეგს თავისი ტურფა ცოლი თითქმის გადავიწყებულნი ჰყავდა, მაგრამ როდესაც სამწუხარო ამბავი მოისმინა, უმაღვე გული გაუსკდა და მოკვდა. ასე, საკუთარი სიკვდილით დაარღვია მან საკუთარივე რწმენა; — ამოებვის ძიება თუ აღიარება, რასაც მთელი სიცოცხლის მანძილზე იცავდა.

გიორგი ქავთარაძის „ჯარისკაცის ჩანაწერები“ „ცისკრის“ გასული წლის ნომრებში დაიბეჭდა, ახლახან კი ცალკე წიგნად გამოვიდა. „ჯარისკაცის ჩანაწერები“ ამალეღვებელი წიგნია. რამდენიმე ადგილი ამ წიგნიდან შესაძლებელია მკითხველმა დიდხანს დაიმახსოვროს. მაგრამ, სანამ ამ ჩანაწერების ცალკეულ მხარეებზე ვისაუბრებდეთ, წინასწარ ერთი რამ უნდა ითქვას — „ჯარისკაცის ჩანაწერები“ არ არის პროზა, მხატვრული პროზის მასშტაბებს არ აკმაყოფილებს. ეს მოხდა არა მისი ჟანრობრივი სპეციფიკის გამო (იგი ფაქტიურად „ღღიურებია“), არამედ მხატვრული შინაარსის სპეციფიკის გამო. ავტორი, ერთი-ორი ადგილის გამოკლებით, არ ახდენს მხატვრულ განზოგადებას, არ წარმოგვიდგენს მასალას ან მოვლენას ფართო პლანში. უფრო ხშირად მწერლისათვის მთავარია თვით ფაქტი, რომლის მოწმე

გურამ კანკავა
ლიტერატურული შენიშვნები

თვითონ იყო, ანდა ზოგჯერ ამ ფაქტს „თვითონ წარმოადგენდა“.

კარგადაა დახატული ეპიზოდი ქალაქ ვოლოშინოში ებრაელთა წამებისა. ამ ეპიზოდში თითქმის ჩანს გიორგი ქავთარაძის წერის მანერის თავისებურება. ფაქტის მხატვრულ განზოგადებას ის არ ახდენს და ბოლომდე ენდობა იმ სიმძაფრეს, რომელიც თვით აღწერილ მოვლენას შინაგანად აქვს.

საინტერესოა ერთი ნაწილი თავიდან „დაუშთავრებელი სამარე“. გერმანელი ჰაუპტმანი დასახვრეტად წაიყვანს წიგნის ავტორს და საკუთარი სამარის თხრასაც დააწყებინებს, მაგრამ განაჩენს სისრულეში ვერ მოიყვანს. ამ ეპიზოდში მწერალი ნაწილობრივ აღწევს მხატვრულ-მსოფლმხედველობრივ განზოგადებას, რაც მკითხველზე ზემოქმედების მეტ ძალას ანიჭებს წიგნს.

საინტერესოა თვალი გადავავლოთ იმ შინაგან აზრობრივ ლოგიკას, რომლის გამოც გერმანელი ჰაუპტმანი ზელს იღებს მკვლელობაზე. უპირველეს ყოვლისა, როდესაც ჰაუპტმანმა დასახვრეტად განწირულ ტყვეს ჰკითხა: — არ გეშინია, რომ უნდა მოკვდე? — მას არავითარი ჰუმანური მოსაზრება არ ამოძრავებდა. იგი ტყვის ბედზე ნაკლებად ფიქრობდა და უფრო სიკვდილის რაობა თუ მისი საიდუმლოს ამოცნობა აფიქრებდა. დასახვრეტი ტყვის შემწეობით იგი თითქოს სიკვდილს უთვალთვალებდა და სურდა თვალი მოეკრა მისი აჩრდილისათვის. ტყვეში ის სიკვდილის შვილს ხედავდა და სწორედ სიკვდილმა გახადა ტყვე ჰაუპტმანისათვის საინტერესო: „შენ რომ უნდა მოკვდე დღეს, გეშინია თუ არა?“ — ეკითხება გერმანელი კატეგორიული, მაგრამ საბედისწეროდ ცნობისმოყვარე ტონით.

მათი დაახლოვების შემდეგი საფეხური არის ქართველი ტყვის სიმტიცე სიკვდილის წინაშე. ამას ემატება ქირომანტიის მოხერხებულად ჩატარებული „სენასი“, გალანტური საუბარი ფრანგულ ენაზე და ჰაუპტმანი იმ დასკვნამდე მიდის, რომ მის ცხოვრებას

მალალი და გამართლებული აზრი არ აქვს: „ყველაფერი უაზრობაა, ყველაფერი უაზრობაა, — გაიძახდა: — ამ სიტყვებს, შემომხედავდა დაფეთებული სახით, ჩამივლიდა გვერდს, მობრუნდებოდა და ისევ ამ სიტყვებს იმეორებდა“.

საბოლოოდ გერმანელი ჰაუპტმანი „აუტსნის“ ტყვეს, თუ რატომ არ შეუძლია მას ჰუმანისტი იყოს. მისი აზრით, ჰუმანიზმი და განათლება ხშირად ერთმანეთს ვერ ეგუება: „მეც ვიყავი ოდესღაც ჰუმანისტი, მაგრამ აღარ ვარ, — თქვა სინანულით, შემდეგ უფრო მკაცრი ტონით განაგრძო: — შეუძლებელია ადამიანი ომში ჰუმანისტი იყოს; როდესაც ტყვია გავისროლე, ჰუმანიზმი მოკალი, დანარჩენი ტყვეები კი უმიზნოდ იფანტებოდა“. ეს უკვე ერთგვარ თავის მართლებას ჰგავდა. განათლებული გერმანელი კაპიტანი ხედავდა, რომ მთელი მისი მოქმედება და კონცეფცია ანტიჰუმანისტური იყო, ომი, საიდანაც მისი კაცთმოძულეობა საარსებო წყაროს იძენდა, თითქმის წაგებული იყო და, ამდენად ის არამარტო მატერიალურ, არამედ სასტიკ ზნეობრივ კრიზისსაც განიცდიდა, ყოველივე უაზრობად და არარაობად მიაჩნდა.

მწვავე მორალური კრახი, რომელიც ჰაუპტმანს და მის გერმანიას თავს დასტეხია, აიძულებს მალაღ მატერიებზე მსჯელობის დროსაც რეალისტი იყოს. თავის მსხვერპლს ის ახლა საკუთარ ოჯახზე, ან ცაში გამოჩენილ თვითმფრინავებზე ესაუბრება... ამის შემდეგ დახვრეტაზე ფიქრიც კი ზედმეტი იყო: ტყვე გადარჩა...

„ჯარისკაცის ჩანაწერები“ ნამდვილი პატრიოტული გრძნობით დაწერილი წიგნია. ავტორის მამულიშვილური სულისკვეთება აშკარად ჩანს სამშობლოს დანატრებული ადამიანის მიერ წარმოთქმულ თუნდაც ერთ პატარა ფრაზაში. როდესაც დატყვევებული გერმანიაში ჩაუყვანიათ, სულიერი შეშფოთებისაგან თუ სიმწრისგან თავის მოუშორებელ უბის წიგნაქმი მას ერთი აზრიაინ

წინადადებაც კი ვერ ჩაუწერია. „ვეფხისტყაოსანი“ — წერს ავტორი — ნუთუ მშობლიური ანბანიც კი დამავიწყდა-მეთქი და როდესაც იმავე დღეს ჩემი სახელი და გვარი — გიორგი ქავთარაძე დაწერე, ისე დავცქეროდი თხუთმეტ ქართულ ასოს, თითქოს თხუთმეტი რჩეული ქართველი ქალვაჟი დამენახოს“.

დასამახსოვრებელია და კარგად არის დაწერილი თავი „ლუიზას თვალში“. აქაც ჩანს ომის განუსჯელი, შემზარავი და ურჩხულისებური სახე. ამ ეპიზოდში მძაფრად არის გამოხატული, თუ ომი ერთი ხელის დაკვრით როგორ არღვევს ორი შეყვარებული ადამიანის თითქოსდა მეტად ძლიერ, ბედნიერ სიყვარულს.

უნდა შევნიშნოთ, რომ ნაწარმოებში თხრობა ხშირად ფრაგმენტულია. ეს ფრაგმენტულობა თავს იჩენს არა მარტო მთელ წიგნში, არამედ ცალკეულ ეპიზოდებში და გვერდებზეც. წიგნში ბევრია ზედმეტი ფრაზა თუ მოკლე ლირიკული გადახვევა და მსჯელობები. ისინი მთლიან შთაბეჭდილებას აქუცმაცებენ და ფანტავენ. თუკი შემდეგში წიგნი ხელმეორედ გამოიცემა, ამ მხრივ საფუძვლიანად უნდა დაიხვეწოს.

გასულ წელს დაბეჭდილი მოთხრობებიდან საინტერესოა გურამ რჩეულიშვილის „ახლა მე ოცდახუთი წლისა ვარ“. გ. რჩეულიშვილის ეს მოთხრობა ერთგვარად გამოირჩევა ზოგიერთი ახალგაზრდა ქართველი პროზაიკოსის მოთხრობებისაგან. თავი რომ დავანებოთ ისეთ ლიტერატურულ ნიშან-თვისებებს, როგორცაა მსოფლშეგრძნების სიმძაფრე, შინაგანი დრამატიზმი, მღელვარება და მხატვრული სიწრფელე, რაც ასე გვხიბლავს გ. რჩეულიშვილის ნაწარმოებებში, მათში არის ის „ძირითადი“, რითაც ავტორს შეეძლო გზა გაეკვლია დიდი ლიტერატურისაკენ. ეს „ძირითადი“ მდგომარეობს, უპირველეს ყოვლისა, პრობლემის სწორ პო-

ნაში; ხოლო აღძრული პრობლემის სისწორე გულისხმობს იმას, რომ ავტორი საყურადღებო საკითხებიდან თავისუფლად არჩევდა უმთავრესს.

მხატვრული კონცეფციის ჩამოუყალიბებლობა, მისი უსწორმასწოროდ, ხშირად კი უწიგნურად განვითარება ახალგაზრდა ქართველი ლიტერატორების ყველაზე დიდი ნაკლია. შინაგანი თემის წამყვანი მთლიანი აზრის, მხატვრული თვალსაზრისის ლოგიკურად განვითარებისა და შეკვრის საკითხი ყველაზე ჩამორჩენილი უბანია ახალგაზრდა პროზაიკოსების შემოქმედებაში. უამისოდ კი დიდი პროზა არ შეიქმნება, რომანი არ დაწერება. ლიტერატურის სწორედ ეს მხარე არის განსაკუთრებით საინტერესო გ. რჩეულიშვილის მოთხრობებში.

გ. რჩეულიშვილის ყოველ მოთხრობაში მეტნაკლებად დომინირებდა ერთი გარკვეული შეხედულება ცხოვრების ამა თუ იმ მხარეზე, აშკარად გამოკვეთილი აზრი თუ თვალსაზრისი ადამიანის სულიერი ცხოვრების საინტერესო მოვლენებზე („სიკვდილი მთებში“, „ბათარეკა ჭინჭარაული“ და სხვ.).

„ახლა მე ოცდახუთი წლისა ვარ“ საინტერესოა მხატვრობის თვალსაზრისით და მსოფლმხედველობრივად. მიუხედავად იმისა, რომ ეს მოთხრობა არაა მისი საუკეთესო ნაწარმოებთაგანი, იგი მაინც დიდი მხატვრული დამაჯერებლობით და სინამდვილის ღრმა შეგრძნებით არის დაწერილი.

უურნალ „ციცკრის“ მეშვიდე და მერვე ნომრებში მ. ელიოზიშვილმა გამოაქვეყნა ორი მოთხრობა: „სინოს წითელი ხარები“ და „ჩიტას ჩივილი“. უნდა ითქვას, რომ მ. ელიოზიშვილის ნოველა მხატვრულად გამდიდრდა, უფრო მოქნილი და მრავალწახნაგოვანი გახდა, პლასტიკური კულტურა ამაღლდა. მწერალმა წერის ერთგვარ კინემა-

გურამ კანკავა
ლიტერატურული შენიშვნები

ტოგრაფულ მანერას მიმართა გარკვეული მონოტონურობის დასაძლევად, რომელიც მას, როგორც ნოველისტს, ახასიათებდა.

მ. ელიოზიშვილი პერსპექტივიანი, ხალასი ნიჭით დაჯილდოებული მწერალია, ამიტომ ჩვენ არ ვერიდებათ შენიშვნებს და გვინდა ერთი უმთავრესი ჩვენი პრეტენზია ძალზე მოკლედ წავუყენოთ. დღევანდელ მწერლობაში ბევრად უფრო გამახვილდა ყურადღება ლიტერატურის იმ ნაწილზე, რომელსაც მხატვრის ცხოვრებისადმი და გარესამყაროსადმი დამოკიდებულება ეწოდება. რაღა თქმა უნდა, ცხოვრების სურათების გადმოცემა, საგნის აღწერა, ფაქტის ზუსტად დახატვა ლიტერატურის არსებითი ბაზაა, მაგრამ დღეს განსაკუთრებული მნიშვნელობა მიენიჭა ადამიანის შინაგან ფსიქიკურ დამოკიდებულებას მთელ გარესამყაროსთან, ცხოვრების როგორც „უმთავრეს“, ისე „უფაქიზეს“ გამოვლინებებთან. ავტორსა და აღსაწერ ფაქტსა თუ მოვლენას შორის რჩება ის დიდი, ლიტერატურულ-ფილოსოფიური „სიღრმით“ შევსებული „შემფასებელი“ მანძილი, სადაც დახატული ხასიათის, მოქმედების განვითარების ან მოთხრობილი ამბის იქით ჩანს ავტორის სუბიექტური თვალსაზრისი, მისი პოზიცია, მხატვრულ-მსოფლმხედველობრივი დამოკიდებულება მათდამი. მწერლობის ამ ნაწილს, ერთი სიტყვით, ლიტერატურული კონცეფცია ეწოდება. მწერალი რაც უფრო არსებით, ყოვლისმომცველ მნიშვნელობას ანიჭებს თავის შეხედულებების გადმოცემას, მით უფრო სერიოზულ ნაწარმოებს ქმნის იგი.

ამ მხრივ მ. ელიოზიშვილს ბევრი რამ დარჩა გასაკეთებელი. როგორც შეიჩინევა, იგი აღსაწერ სურათს, ემპირიულ მასალას, ყოფით ნაწილს ასახავს მთელი მონღომებით, ოსტატობითა და ფერადოვნებით; მას ძირითადად თვით საგანი აინტერესებს, ფაქტი, ცალკეული მოვლენა, ხოლო განმარტავებელი ნაწილი თითქმის მუდამ მეორეხარის-

ხოვანი რჩება — „მეორე პლანზე“ დგას.

ახალგაზრდა ქართველ პროზაიკოსებს უნდა მოუფწოდოთ, რომ ისინი, ერთი მხრივ, უფრო პროდუქტიულნი იყვნენ და მეორე მხრივ, უნდა იფიქრონ, რომ გააფართოვონ და გაამდიდრონ ქართული რომანის ტრადიციები. მათ ახლო მომავალში დიდ მხატვრულ ტილოებზე მუშაობა მოუხდებათ, მაგრამ იმ დიდი აზრობრივი დატვირთვის გარეშე, რომელზეც ახლა ვაკვირ ვისაუბრეთ, რომანი არ შეიქმნება. ნიქიერი ქართველი პროზაიკოსების შესანიშნავი მხატვრული მონაცემები და ტექნიკურ-ოსტატური გაწაფვა კიდევ უფრო მეტად მოითხოვს მხატვრულ-მსოფლმხედველობითი, კონცეფციური ნაწილის შესამჩნევად გაფართოებას და გაღრმავებას, დახვეწას და ზოგჯერ გართულებას. ასე რომ, ეს პრეტენზია თუ რეპლიკა მხოლოდ მერაბ ელიოზიშვილს არ ეკუთვნის...

დავით ჯავახიშვილმა გასულ წელს ორი მოთხრობა გამოაქვეყნა: „მშვიდი დილა“ და „გიგი“. უნდა პირდაპირ ითქვას, რომ ორივე მოთხრობა ავტორის შესაძლებლობებზე დაბლა დგას. თვით საკმარისად სასიამოვნოდ საკითხავ მოთხრობაში „გიგი“ ავტორი ყოველთვის თავს ვერ ართმევს ემპირიულ მასალას და ზოგი ეპიზოდი მეტად მარტივი გამოუდის. ეს მით უფრო დასაანანია, რომ ამ მოთხრობაში ასეთი ნატურალისტური შეფერილობისაა ის ადგილი, სადაც ერთ-ერთ მთავარ პერსონაჟს, ნანას გულწრფელად სურს ახსნას თავისი ლტოლვა მოთხრობის გმირისადმი და ამით გამოაშკარავოს ამ ლტოლვის „უსაფუძვლობა“ თუ უმიზნობა.

მოთხრობაში ორი ქართველი პალეონტოლოგი ბაზალეთის ტბის მიდამოებში გათხრებს აწარმოებს. მთავარი გმირი, გიგი ახალგაზრდა სტუდენტი — პალეონტოლოგია და სწორედ ამ გათხრებზე გაიცნობს მისივე ასაკის ქალი-

შეილს, ნანას. მათი მეგობრობა-დაახლოება გვირგვინდება ბაზალეთის ტბაზე რომანტიკული გასეირნებით. სწორედ აქ მომწიფდება იმგვარი ვითარება, როდესაც ორივე მზადაა გაარკვიოს მათ შორის შექმნილი დამოკიდებულება და ბოლომდე გულწრფელად სთქვას თავისი სათქმელი. გათხრებზე ნანა ხშირად ხედებოდა გიგის, სიამოვნებდა მასთან ერთად ყოფნა, მაგრამ ახლა ირკვევა, რომ ნანას დიდი ხანია სხვა უყვარს.

„— ნანა, შენ რაღაცამ დაგაღონა. — ველარ აიტანა დუმილი გიგიმ.

— მართალი ხარ... — თქვა ნანამ.

— რა მოგივიდა?

— მეც არ ვიცი, რა მომივიდა — მღელვარება უშლიდა ღაპარაკს. — რატომ აგყევი საერთოდ, ან აქ რატომ მოგყევი ხოლმე! არ ვიცი... არაფერი არ ვიცი! ეს ჩემდაუნებურად მოხდა“.

ამის შემდეგ ნანა მთელი პირდაპირობით ეუბნება გიგის, რომ ის, ვინც მას უყვარს, ახლა პამირზეა. სურათი ნათელი ხდება და ამ პატარა დრამის გამირებიც ერთმანეთს შორდებიან.

მართლაც, რატომ ხედებოდნენ ნანა და გიგი, უფრო სწორად, რატომ მოდიოდა ნანა და მიჰყვებოდა გიგის ახლო-მახლო ადგილებში სასეირნოდ? ჰქონდა თუ არა ამ შეხვედრებს „ქალური თვალთმაქცობის“ იერი, ანდა მიზანი? რა თქმა უნდა, არა. ნანა არ ცდილობს თავი შეაყვაროს გიგის, ანდა გაიჩინოს კიდეც ერთი „თაყვანისმცემელი“, თუმცა არც გაურბის მასთან ურთიერთობას, საკითხი ამჟამად: ნანას უშიძის თავის ნამდვილ სატრფოსთან დროებით დაშორება და ეს სიშორე თუ მისკენ შინაგანი ლტოლვა სურს მისაუხუნებურად „ანანზლაურის“. ერთგვარად დაუახლოვდება კეთილშობილებით აღსავსე ახალგაზრდა პალეონტოლოგს, რომელიც მოსწონს კიდეც (ფსიქოლოგიურად გიგი თავისებური რომანტიკული „ერზაციაა“ ნანას სატრფოსი). მაგ-

რამ დგება გადამწყვეტი მოქმეტი და ნანა არ კარგავს ნებისყოფასა და თავს. ეს მეტად საინტერესო ფსიქოლოგიური მიგნება დავით ჯავახიშვილის, როგორც მწერლის, მხატვრული მიღწევაა. ეს მით უფრო გასახარია, რომ ამგვარი მოტივი თუ თემა ჩვენი ლიტერატურისათვის არც თუ მთლად ნაცნობი და დამუშავებული სფეროა. მაგრამ უნდა აღვნიშნოთ, რომ სწორედ ამ საკულმინაციო მომენტში ავტორი საკმაოდ „ძუნწი“ აღმოჩნდა, რათა მთელი სისაესით წარმოედგინა როგორც ახალგაზრდა ქალის, ისე ვაჟის შეგნების ზნეობრივი შეძერა თუ ფაქიზი ფსიქოლოგიური განცდები. ყველაზე რთულად გადასაწყვეტი სურათი მოთხრობაში ყველაზე მარტივად, ორიოდ ფაქტორის მიშველებით მთავრდება. თუ მოთხრობაში ეს ყველაზე დრამატული მომენტია, ავტორს მართებდა ფსიქოლოგიურად საინტერესო სცენა მეტი სირთულით დაემუშავებინა, ფსიქოლოგიური მოტივაცია გაეღრმავებინა და მკითხველი ფაქტის წინაშე „ერთი ხელის დაკვრით“ არ დაეყენებინა.

ყურადღებას იმსახურებს გურამ დოჩანაშვილის მოთხრობა „მთის გადაღმა“. ავტორი ლიტერატურული განვითარების იმ ეტაპზეა, როდესაც გამოსახულებითი ხერხებიდან ძირითადად სტილიზაციას ეყრდნობიან. ამიტომ სერიოზული, გაშლილი ეპიკური თხრობის დასაუფლებლად შემდეგში მას დიდი და ხანგრძლივი მუშაობა მოუხდება.

გასულ წელს კიდეც ბევრი საინტერესო ნაწარმოები დაიბეჭდა, ყველა მათგანს ჩვენ ამ წერილში არ შევხებივართ, ზემოთ განხილულ ნაწარმოებებზე კი ჩვენი შენიშვნები ამით ამოიწურება.

გურამ კანკავა
ლიტერატურული შენიშვნები



რამდენიმე სიტყვა „ყაბახის“ გამო

კარგა ხანია, რაც ქართული წიგნის ბაზარზე ლადო მრელაშვილის რომანი „ყაბახი“ (გამომცემლობა „ნაკადული“, 1964 წელი) გამოჩნდა, მაგრამ რამდენადაც ვიცი, ჯერჯერობით იგი ლიტერატურული კრიტიკის მსჯელობის საგნად არ ქცეულა. შეიძლება ამის მაზეზი რომანს დართული ანოტაცია იყოს: „წინამდებარე წიგნი წარმოადგენს რომანის პირველ ნაწილს“. ალბათ ზოგიერთმა ამის გამო ნაადრევად მიიჩნია „ყაბახზე“ მსჯელობა, მაგრამ პირველი ნაწილი მაინც ჩამოყალიბებული ნაწარმოებია და თავისუფლად შეიძლება გარკვეული აზრის შემუშავებაცა და ავტორთან პოლემიკაც.

როგორც ცნობილია, ყოველგვარი პოლემიკა ერთდროულად სასიამოვნოც არის და უსიამოვნოც. და რადგან ვფიქრობ, რომ „ყაბახის“ გამო ავტორთან გამართული პოლემიკით გამოწვეული სიამოვნებაცა და უსიამოვნებაც საინტერესოა, გადავწყვიტე გულახდილად გავუზიარო მკითხველს ის ფიქრები, რომელიც რომანის კითხვისას დამებადა. მე ამ წერილში არ განვიხილავ ნაწარმოების მხატვრულ, ენობრივ ან სტილისტურ თავისებურებებს,

შევეხები მხოლოდ რომანში წამოჭრილი პრობლემის ერთ მხარეს — გმირთა ხასიათების განვითარებასა და ზოგიერთ პერსონაჟთა ურთიერთობას.

ავტორის პერსონაჟებისადმი დამოკიდებულებას თუ გავითვალისწინებთ, შეიძლება ისინი ორ ჯგუფად დავყოთ. პირველ ჯგუფში მოიყრიან თავს შავლეგო, რევაზი, რუსუდანი და რაიკომის მესამე მდივანი თეიმურაზი. მეორე ჯგუფში — რაიკომის პირველი მდივანი ლუარსაბი, კოლმეურნეობის თავმჯდომარე ნიკო, ყოფილი თავმჯდომარე თედო და სხვა პერსონაჟებიც. გამფლანგველები და ქურდბაცაცები — საწყობის გამგე ლეო, სასადილოს გამგე სიმონი — კუბრაჰად წოდებული, ნასპეკულანტარი ვახტანგი და ა. შ. ამ ჯგუფთა წევრები ერთმანეთს უპირისპირდებიან და ქმნიან უარყოფით და დადებით პოლუსებს.

რაიკომის მესამე მდივანს პირველთან აქვს კონფლიქტი

რევაზი ნიკოს „ებრძვის“ (სიტყვა წინწყობაში იმიტომ ჩაესვით, რომ მათ შორის უფრო შინაურული დავაა, ვიდრე პრინციპული ბრძოლა, თუმცა

ავტორს სურს დაგვარწმუნოს, რომ რევალს ეს დავა დაპატიმრებადაც კი დაუჯდაო).

ხანდახან რუსულდანიც ედავება ნიკოს. სხვათა შორის აქვე უნდა ითქვას, რომ ერთი შეხედვით თითქოსდა საერთო პოზიციისა, რუსულდანი რევალის მოკავშირე არ ხდება. პირიქით, რევალსი და რუსულდანი ისე ჰყავს ავტორს ერთმანეთისაგან დამორბეული, რომ ისინი თითქოს არც კი არიან ერთი სოფლის მკვიდრნი, ერთი კოლმეურნეობის წევრნი, ერთ საქმეს არ ემსახურებიან და ერთი საზოგადოებრივი ცხოვრებით არ ცხოვრობენ.

შავლეგო კი საერთოდ ყოველგვარი უარყოფითი მოვლენის მტერია და ზღაპრული გოლიათივით ყოველთვის იქ გამოჩნდება, სადაც სიკეთის გამოქომაგებაა აუცილებელი.

რაც შეეხება წვრილ გამფლანგველებს, ბრაკონიერებს, ან ქურდბაცაელებს, რომანის პირველ ნაწილში ისინი არც არავის ებრძვიან და არც მათ ებრძვის ვინმე (ცხადია, თუ მხედველობაში არ მივიღებთ შავლეგოს მიერ ზოგიერთის გალახვას).

ახლა კვალდაკვალ მივყვეთ დაპირისპირებულ წყვილთა თავგადასავალს და გასაგები გახდება, თუ როგორ ავებს ავტორი რომანის კონფლიქტებს.

„ყაბახის“ 143—157 გვერდებზე აღწერილია რაიკომის ბიუროს სხდომა, რომელზეც რაიონული მილიციის მუშაობის საკითხი უნდა განიხილოს. რაიკომის პირველი მდივნის ლუარსაბის გადაწყვეტილება, რომელიც რატომღაც ბიურომ ერთხმად მიიღო, გახდა პირველი და მესამე მდივნების პაექრობის საგანი. როგორც თანდათანობით ირკვევა, ლუარსაბი თურმე მომხრეა, რომ მილიციის უფროსის უდანაშაულო მოადგილე ჯაშიაშვილი დაისაჯოს, ხოლო მილიციის დამნაშავე უფროსი დადანაშეილი დაუსჯელი დარჩეს.

რომანში მოთხრობილი ამ კონკრეტული ფაქტის გაანალიზებისას ბუნებრივად დაისმის კითხვა — რა ამოძრა-

ვებს პირველ მდივანს, რატომ ცდილობს დაფაროს აშკარა დამნაშავე და დასაჯოს უდანაშაულო? ყოველი მდიანის მოქმედება — საქციელი გაპირებულთა ან ობიექტური, ან სუბიექტური მიზეზით. გარდა ამისა, ხელისუფალი აშკარა უკანონობას ვერ მოიმოქმედებს, თუ არ არსებობს ამის გამამართლებელი გარეგანი ან შინაგანი ფაქტორები. სხვანაირად ლუარსაბის გადაწყვეტილება მოკლებულია კეთილგონიერებას. მართალია, რომანის ავტორი მესამე მდივნის თეიმურაზის რეპლიკით ქარაგმულად მიუთითებს, რომ დადანაშეილს ვიღაც მფარველი ჰყავსო, რომლისაც თურმე პირველ მდივანსაც კი ერიდება, მაგრამ ეს ქარაგმა ზემოთ დასმულ კითხვას მაინც ვერ ახსნის, რადგან მკითხველისათვის სრულიად უცნობია, თუ ვინ არის მილიციის უფროსის მფარველი და რა დამოკიდებულება აქვს მასთან ლუარსაბს. ამის ცოდნა აუცილებელია პირველი მდივნის საქციელის დასაჯებლად და თეიმურაზისა და ლუარსაბის ხასიათთა განსასხვავებლად. რისიც ან ვისიც პირველ მდივანს ეშინია თუ ერიდება, იმისი არც ეშინია და არც ერიდება მესამე მდივანს. მაგრამ ერთის უპირინცილობა რომ შეფასდეს, ამისთვის აუცილებელია ნათლად წარმოვადგინოთ ის, რის წინაშეც ლუარსაბმა უკან დაიხია და თეიმურაზმა კი არა. დიდი ფიქრი არ სჭირდება ელემენტარული დასკვნის გაკეთებას — ვინც უდანაშაულო კაცის დასაჯას და დამნაშავის გამართლებას მოითხოვს — ცუდი კაცია; ხოლო, ვინც დამნაშავეს ებრძვის და უდანაშაულოს ექომაგება — კარგი კაცი. ასე იოლად დაპირისპირა ავტორმა რაიკომის ორი ხელმძღვანელი მუშაკი და შექმნა მათ შორის კონფლიქტი. ამ დაპირისპირებისა და კონფლიქტისათვის მეტი დამაჯერებლობა რომ მიეცა, ლ. მრელაშვილმა რომანის 388—392 გვერდებზე კიდევ ერთი საი-

აკაკი ბაქრაძე

რამდენიმე სიტყვა „ყაბახის“ გამო

ლუსტრაციო ფაქტი მიაწოდა მკითხველს.

რაიკომის პირველმა მდივანმა დაპატიმრებინა გოშაძის ბიჭი, რომელიც მისი აზრით ხულიგანი და მძარცველია. მესამე მდივანთან კამათში კვლავ ირკვევა, რომ გოშაძის ბიჭი უდანაშაულო, წესიერი და კეთილშობილი ყმაწვილი ყოფილა. პირველი მდივანი იძულებულია გაანთავისუფლოს იგი და თავისი შეცდომა აღიაროს: ამ ფაქტის ანალიზის დროსაც ბუნებრივად დაისმის კითხვა: ის, რაც ეგზომ ნათელი და იოლი გასაგები იყო მესამე მდივანსათვის, რატომ აღმოჩნდა ბნელით მოცული პირველი მდივანსთვის? აქაც ავტორი ამჯობინებს კონფლიქტი ბურჟსში გახვიოს და ხელოვნურად გაართულოს. შეიძლება კაცმა იფიქროს, რომ ლ. მრელაშვილი ლუარსაბის სახით უყურადღებო, გულგრილი და თავნება ბიუროკრატის დახატვას ცდილობს, მაგრამ საქმე ისაა, რომ ყველგან, როგორც კი ლუარსაბის კონკრეტული საქციელის ანალიზს შეუდგებით, პირველი მდივანი გონებასუსტ კაცად გამოიყურება. მისი მოქმედება მოკლებულია როგორც ლოგიკურ, ისე ემოციურ მოტივირებას. ამავე დროს ავტორი გვარწმუნებს, ლუარსაბი არაა გონებანაკლები კაციო. ამას ადასტურებენ მისი ფიქრები ოჯახზე, გლეხის მდგომარეობაზე, ან თუნდაც თავათ თეიმურაზის გამო (გვ. 498: „თეიმურაზი? აი, ვინ უნდა ყოფილიყო ჩემი სიძე, რას ავაწყობდიო!.. მტკიცე ხასიათის ჯეელია, შორს წავა მამაძალი!“).

ლუარსაბი გრძნობს (ყოველ შეკითხვაში ლ. მრელაშვილი ასე ხატავს) თეიმურაზის სიმართლეს. გარდა ამისა, ზედავს კიდევ, რომ მასთან კამათში ყოველთვის წაგებულნი გამოდის და მაინც აგრძელებს თავის მცდარ გზას. აი, ლუარსაბის ულოგიკობის კიდევ ერთი ილუსტრაცია. თეიმურაზი აღშფოთებული ლაპარაკობს კუპრაჯაზე (გვ. 385) და ემოქრება კიდევ. თეიმურაზი აქაც მართალია. თითქოსდა მოსა-

ლოდნელია პირველი მდივანის აღსაგებად, მაგრამ იგი შემარიგებლურად იქნა ნით აძლევს პასუხს მესამე მდივანს:

„ეშმაკაც წაუღია კუპრაჯას თავიანი“ და საუბარი სხვა თემამდე გადააქვს. საკითხავია, კუპრაჯასთან რაღა აქვს პირველ მდივანს მოსარიგებელი? ან რატომ ცდილობს იგი ყოველგვარ ბოროტებაზე თვალი დახუქოს? („ბარემ ასიოდევჯერ დაგიბლაგვდება ენა და კალამი, სანამ მაგ კულტს მოსპობ“, — უპასუხებს იგი თეიმურაზს, რომელიც მოითხოვს მხოლოდ ანგარებას. გვ. 386-387). რით არის გამოწვეული ლუარსაბის ესოდენი ინერტულობა, შემარიგებლობა-შეგუება? უფრო მეტიც, თვითონ რატომ მიდის ყოველთვის აშკარა დანაშაულზე? ბოლოს და ბოლოს იგი თავისთავის მტერიც ხომ არ არის? ჯერჯერობით, პირველი წიგნის მიხედვით, ძნელია პასუხი გასცეთ წამოჭრილ კითხვებს და ლუარსაბი რჩება რებუსად, რომლის ამოსახსნელადაც წინაპირობები არ არსებობს.

პერსონაჟის მოქმედების ულოგიკობით ხასიათის მრავალფეროვნება არ იქმნება. თუ ლ. მრელაშვილი ფიქრობდა ლუარსაბის სახით მერყევი და წინააღმდეგობებით სავსე ხასიათი დაეხატა, მაშინ აუცილებელი იყო როგორც რაიკომის პირველი მდივანის პირადი თვისებების გამოკვეთა, ისე იმ სოციალური სინამდვილის სურათის შექმნაც, სადაც სიკეთისათვის მეტრძოლი წაგებულნი გამოდის. მაშინ შეიძლებოდა მკითხველი დარწმუნებულიყო, რომ ლუარსაბი ბოროტებასთან ბრძოლაში გაჭაღარავდა, მაგრამ სასურველ შედეგს ვერ მიაღწია და ახლა ფარხმალდაყრილს ყველაფრისადმი შეგუების პოლიტიკა აურჩევია. სამწუხაროდ, რომანში არაა დახატული არც ერთი უარყოფითი მოვლენა, რომლის გადაწყვეტაც რაიკომის მდივანს არ შეეძლოს. ამდენად ლუარსაბის პესიმისტური ტონი უფრო კოკეტოზაა, ვიდრე რეალური სინამდვილით ნაკარნახევი განწყობილება. ამიტომაც ვუსაყვედუ-

რებთ ავტორს ლუარსაბის გარშემო შექმნილი ატმოსფეროს ხელოვნურობასა და სიყალბეს.

კიდევ ერთი მომენტით არის საინტერესო რაიკომის ბიუროს ერთხელ უკვე მოხსენიებული სხდომა. როგორც იტქვა, პირველმა მდივანმა უდანაშაულო ჯაშაიშვილის დასჯა მოითხოვა, ხოლო დამნაშავე დადანაშაული დაუსჯელი დატოვა. აქ საინტერესო ის არის, რომ რაიკომის მეორე და მესამე მდივნებმა იცნან, რომ ჯაშაიშვილი უდანაშაულოა და დადანაშაული დამნაშავე, მაგრამ რატომღაც ბიუროს სხდომაზე ორივემ პირში წყალი ჩაიგუბა და გაჩუმდა. მხოლოდ ბიუროს დამთავრების შემდეგ წაილულულა მეორე მდივანმა — „მე მგონია, ლუარსაბ სოლომონიჩი, რაიონიდან მილიციის უფროსი უნდა წასულიყო“ (გვ. 152). მაგრამ ეს შენიშვნა არც არავის გაუგონია და არც არავის მიუქცევია მისთვის ყურადღება, თავათ მეორე მდივნის პროტესტი კი ამ გაუბედავი რეპლიკით ამოიწურა. უფრო მეტი აქტიურობა მესამე მდივანმა გამოიჩინა, მაგრამ მხოლოდ ბიუროს სხდომის დამთავრების შემდეგ, მაშინ, როცა ლუარსაბი და თეიმურაზი მარტონი დარჩნენ. რატომ არ მოახსენეს ბიუროს თავისი აზრი მესამე და მეორე მდივნებმა? რატომ ამჯობინეს გაჩუმება და ამით ხელი შეუწყვეს, ბიუროს მცდარი გადაწყვეტილება მიეღო? აკი ღრმად არის დარწმუნებული მესამე მდივანი, რომ ჯაშაიშვილი მართალია, ხოლო დადანაშაული მტყუანი? საქმე ისაა, რომ ბიუროს სხდომა ავტორს გააზრებული აქვს როგორც უბრალო ილუსტრაცია ლუარსაბისა და თეიმურაზის დასახასიათებლად და არა როგორც რომანის სიუჟეტური ქარგის ორგანული ნაწილი, რომლის განვითარებაც გარკვეულ ამბავს შექმნის და რითაც რაიონის ყოფის სურათი დაიხატება. ამიტომაც ლ. მრელაშვილი არ ცდილობს ბიუროზე მეორე და მესამე მდივნების საქციელის მოტივირებას. ავტორი არც ბიუროზე წამოჭრილ საკონფლიქტო

საკითხების განვითარება-დამუშავებას ცდილობს. თუმცა დაპირებით გვპირდება თეიმურაზის პირით: „ვერც იმას შესძლებთ, რაიონში ვიყო და იქ რაიმე უკუღმართობა ხდებოდეს. დადანაშაული წავა თელავიდან და არა ჯაშაიშვილი!“ (გვ. 155). მაგრამ შემდგომ მთელი რომანის მანძილზე არცერთხელ არც ავტორი და ცხადია, არც ლუარსაბი და თეიმურაზი, მიუხედავად მრავალგზისი კამათისა სხვადასხვა საკითხზე, ბიუროზე წამოჭრილ პრობლემებს აღარ შეხებიან და მკითხველმა არ იცის, როგორ განვითარდა კონფლიქტი, როგორ დასრულდა იგი ან დასრულდა თუ არა იგი საერთოდ. შეიძლება ავტორმა გვითხრას — ამ თემას რომანის მეორე ნაწილში მივუბრუნდებიო, მაგრამ ბიუროზე წამოჭრილი საკითხები მეტისმეტად რთული და საყურადღებო იყო და მათთვის გულგრილად გვერდის ავლა არც რაიკომის მდივანს ეპატიება და არც მწერალს. საქმე ისაა, რომ რაიონში, სადაც შეიძლება მილიციამ უდანაშაულო კაცი დააპატიმროს, სცემოს და ნეკნებიც ჩაუღწეოს, უნებართვოდ და უსაბუთოდ მოქალაქის ოჯახში შეიჭრას და ჩხრეკა მოაწყოს და სხვა ამგვარი დანაშაული ჩაიდინოს, ზედმეტია ლაპარაკი რაიმე კანონიერებაზე. ასეთ პირობებში სასაცილოდ ჟღერს თეიმურაზის განცხადება: „ვერც იმას შესძლებთ, რაიონში ვიყო და იქ რაიმე უკუღმართობა ხდებოდესო“. იმაზე მეტი უკუღმართობა რაღა შეიძლება იყოს, რაც თავათ ლ. მრელაშვილს აქვს აღწერილი და რაც თავათ თეიმურაზმაც იცის? ის, რაც ბიუროზე ილაპარაკეს, უკვე ერთი დიდი მოთხრობის თემა არის. კონფლიქტის სირთულეს და მრავალპლანიანობას ფაქტების სიმრავლე კი არ ქმნის, არამედ ფაქტის მხატვრული ანალიზის სიღრმე-სიფართოვე, გარდა ამისა, ხელოვნება და მწერლობა ფაქტის აღნუსხვა-დასახელება კი არაა,

აკაკი ბაქრაძე

რამდენიმე სიტყვა „ყაბახის“ გამო

არამედ ფაქტისადმი (მოვლენისადმი) მკითხველის ემოციური დამოკიდებულების შექმნა. მკითხველი კი ბიუროზე მოხსენიებული ამბების მიმართ გულგრილი რჩება, რადგან ლ. მრელაშვილი ფაქტის აღწერის იქით აღარ მიდის.

საერთოდ, რაიკომის მდივნებთან დაკავშირებული სიუჟეტური ხაზი რომანის პირველ ნაწილში ცალკე არსებობს და ორგანული კავშირი არა აქვს რომანში მოთხრობილ ძირითად ამბებთან. ჭალისპირის კოლმეურნეობა თავისი ცხოვრებით ცხოვრობს და მისი მდგომარეობით რაიკომში არ დანტერესებულან, არც ჭალისპირელებს სჭირდებათ რაიონული ხელმძღვანელობა. მათ შორის არც უთანხმოებაა და არც თანხმობა. რა თქმა უნდა, მდგომარეობას არ ცვლის თედო ბრიგადირის ლუარსაბთან მისვლა და ენის მიტანა, ან რაიკომის ინსტრუქტორის ვარდენის ჭალისპირში ყოფნა. ჯერ ერთი, თედოს ენატანიობას არავითარი შედეგი არ მოყოლია. აღწესებულია ფაქტი, რომ რაიკომის მდივანს ენა მიუტანეს, მაგრამ შემდეგ რა მოხდა, ამაზე არაფერია ნათქვამი: დაიჯერა თუ არა ლუარსაბმა მოტანილი ამბავი, მიაქცია თუ არა ყურადღება, ისარგებლა თუ არა ამ ამბით. ყველაფერი ეს გაურკვეველია. აქაც საქციელი პერსონაჟის ბუნების საჩვენებლად არის გამოყენებული, მაგრამ იგი არ არის გადაქცეული ისეთ მოქმედებად, რომელიც განვითარდება, გამოიწვევს კონტრმოქმედებას, რალაც ასნის და გარკვეულ შედეგს გამოიღებს. მეორეც, ვარდენი ჭალისპირში პირადი საქმის მოსაგვარებლად იმყოფება და არა რაიმე საზოგადო საქმის გასაკეთებლად. იგი ცდილობს აკრონომი რუსუდანის მოხიბლოს და შეაცდინოს. ამ განზრახვაში ხელი შველევომ შეუშალა. მაგრამ ჭყანტობში რუსუდანის, ვარდენისა და შველევოს შეტაკებაც დამთავრდა და მკითხველმა არ იცის, გააგრძელებს თუ არა ვარდენი ბრძოლას რუსუდანის დასაუფლებლად, გადაუხდის თუ არა შველე-

გოს სამაგიეროს, ჰყავს ვარდენის სახით რუსუდანსა და შველევოს მტერი თუ იგი შემთხვევითი გამვლელი კაცი იყო, გაიარა და წავიდა? თუ მთელი ისტორია ავტორის იმისათვის დასჭირდა, რომ რუსუდანისა და შველევოს პირველი შეხვედრა განსაკუთრებულ პირობებში აღეწერა და თან შველევოს ვაჟკაცობა ეჩვენებინა? ეს საკითხებიც ბუნდოვანი და გაურკვეველია.

რაკი სიტყვა მოიტანა და შველევოვასენეთ, მოდით უფრო ახლო გავეცნოთ ამ პერსონაჟს. შველევო ახალგაზრდა კაცია. იგი, ავტორის თქმით, განათლებული პიროვნებაა, რომელიც მეცნიერული მოღვაწეობისათვის ემზადება ფილოლოგია-ფოლკლორისტიკის დარგში. მაგრამ რომანის პირველი ნაწილის მიხედვით ყველა ზემოთქმული მხოლოდ დეკლარაციული განცხადებაა. ამ განცხადებას მხატვრულ სისხლსა და ხორცს ვერ ანიჭებს ავტორის ერთადერთი ფრაზა: „შველევო პატარა ოთახში შევიდა, წიგნების თაროდან შანიძის „ხევსურული პოეზია“ გადმოიღო, გადაშალა დანიშნულ ადგილზე და ახლოს მოდგმული ლამაზ გვერდზე გასწია“ (გვ. 99) ინტელიგენტის თვისებები შველევოს არ ახასიათებს. ინტელიგენტობა უზნერხელობას ან მომეტებულ ფიზიკურ სინაზეს როდი ნიშნავს. ასე რომ, როცა შველევოს არაინტელიგენტობაზე ვლაპარაკობთ, უპირველეს ყოვლისა იმას ვგულისხმობთ, რომ რომანში „შამრელანთ თედოს ბიჭის“ ინტელიგენტურ ცხოვრებაზე არაფერია ნათქვამი. ინტელიგენტობა კი უსათუოდ გულისხმობს აზროვნების უნარს და გონების პრიმატს. სამწუხაროდ ეს აკლია შველევოს. მისი „დისკუსიები“ ექიმთან არ სცილდება ზერელე ჭეშმარიტებების დონეს. არ ჩანს კაცი, რომელმაც ცხოვრება შესისწავლა, გააანალიზა, თავისი სიმართლე იპოვა და ახლა სხვასთან კამათში საკუთარი დასკვნებისა და ფიქრების სისწორეს ამოწმებს. თუ მკითხველი დააკვირდება შველევოს სენტენციებს, ადვილად მიხვდება, რა

გონებრივი სიმდიდრის მატარებელიც არის იგი.

„ავადმყოფობა საერთო გვაქვს, მაგრამ აზრი სხვადასხვა“ (გვ. 74).

„ხალხი ახლა ნებას არ მისცემს არავის, კვლავ მოაწყოს მსოფლიო სასაქლაო“ (გვ. 75).

„ჩვენი საზღვარი ყოველთვის ხსნილია მათთვის, ვინც იბრძვის თავისუფლებისათვის, მსოფლიოს ყველა დევნილი აქეთ მოილტვის“ (გვ. 494).

„სულერთია, უბრძოლველად მშვიდობა არ იქნება, ხოლო უიდეოდ — ადამიანი“ (გვ. 484).

„ჩვენ ძალით არავის არ ვახვეთ ჩვენს იდეებს“ (გვ. 485).

ასეთი ჭეშმარიტებების ქადაგება, ცხადია, ვერ აღძრავენ ინტერესს პერსონაჟის ინტელექტის მიმართ და შავლეგოც ვერ გახდება მოაზროვნე კაცი. საქმეს არც პირინენის, იბერიისა და კავკასიის იბერიის შესახებ ლაპარაკი შევლის (გვ. 292-293), რადგან აქაც ექიმი და შავლეგო ისტორიის სახელმძღვანელოში აღნიშნული ელემენტარული ცნობებით კმაყოფილდებიან. როცა რომანში ამა თუ იმ მეცნიერული საკითხის შესახებ ვალაპარაკებთ პერსონაჟებს, მაშინ სახელმძღვანელოებში ამოკითხული დებულებით არ უნდა განვისაზღვროთ. მწერალს საკუთარი დასკვნებიც უნდა მოეპოვებოდეს. მაშინ იქნება პერსონაჟების ე. წ. ინტელექტუალური საუბარი მკითხველისათვის საინტერესო და საყურადღებო.

ექიმი და შავლეგო სხვადასხვა თაობის ადამიანები არიან. მათ ბევრი საერთოც შეიძლება ჰქონდეთ და ბევრი სადავოც. ყოველი ახალი თაობა წინა თაობასთან შედარებით კაცობრიობის განვითარების გზაზე ერთ ნაბიჯს დგამს წინ. ეს ისტორიის კანონიც არის და მისი ოპტიმიზმიც. ამიტომ შავლეგოსა და ექიმის საუბარში ზოგად „თეორიულ მასლაათს“ კი არ უნდა ეთმობოდეს პირველი ადგილი, არამედ სოფლის კონკრეტული ცხოვრების ანალიზს. სოფელია მათი მოქმედების ასპარეზი და მათი გონიერებაც აქ სპირ-

დება ხალხს. ახალგაზრდასა და ხანდაზმულს ერთად შეეძლოთ ეპოვნათ სოფლის ჭირ-ვარამის სამკურნალო წამალი და მაშინ მკითხველისათვის ნათელი გახდებოდა, რა მისცა ერთს ან მეორეს განათლებამ და მდიდარმა ბიოგრაფიამ, სამწუხაროდ, პირველ წიგნში ავტორს ეს მხედველობიდან გამოჩაჩა.

საერთოდ კი ავტორი შავლეგოს მომეტებული ყურადღებით ექცევა. მკითხველის ინტერესი რომ გააცხოვლოს ამ პერსონაჟისადმი, რომანის დასაწყისში ავტორი შავლეგოს პიროვნებას ერთობ საიდუმლო სამოსელით მოსაგვს.

„ვილაც წამოდგა და ხალხის შვიდაპირი ტალღა გაარღვია“ (გვ. 5).

„ვილაც ორი ნახტომით მისწვდა ცხენს ლაგამში და მძლავრად მოზიდა“ (გვ. 9)

„...ვილაცის რკინის ხელმა ასწია ზევით, მოაშორა ორთვალას“ (გვ. 25).

„ვილაცის უზარმაზარი ზურგი ჩაფლული ორთვალის ქვეშ დაიძალა“ (გვ. 25).

და ეს „ვილაც“ ყოველთვის შავლეგოა.

იგი უცნობი რჩება თითქმის ყოველთვის, როცა ვაქცაუტრად მოიქცევა, უცნობია მაშინაც, როცა სპეკულანტებს სცემს მოსკოვში (გვ. 206) და მაშინაც, როცა ბავშვობისას რუსუდანს გადაარჩენს ტყეში (გვ. 322). ლ. მრელაშვილს შავლეგო ყოველთვის მოულოდნელად, იდუმალებით მოცული შემოპყავს თხრობაში.

მიმდინარეობს ცხენოსანთა ასპარეზობა. გადარეულმა ცხენმა გამოუტყდელი მხედარი გადმოაგდო. ახლა თვით ავტორს დავუგდოთ ყური (გვ. 9-10):

„თვალეზე ბინდგადაკრული და გავიყუბული ულაყი უზარმაზარი კამარებით პირდაპირ ხალხზე წავიდა.

შიოსხაგან სახედაცრეცილი წინა რიგები აიშალა და უწყსრიდოდ და მოურიდებლად მიაწყდა უკანებს.

გაჩნდა ხელისკვრა და ბლაუჭი, სკამებსა და ერთიმეორის მხრებზე უბო-

აკაი ბაქრაძე
რამდენიმე სიტყვა „ყაბახის“ გამო

დიშო გადალაგება, გინება და წივილი“.
ამ დროს „ვიღაც ორი ნახტომით
მისწვდა ცხენს ლაგამში და მძლავრად
მოწიდა.

ძალა ცხენმა და დამქერიც თან გაი-
ყოლია. მაგრამ თვალის დახამხამებაში
უნაგირზე მოექცა უცნობი მხედარი
და მოედანზე გაენტო უღაყი: ფაფარ-
ზე გადაწვა ზედმჯდომი, ვეება და
გრძელი მარჯვენა გაიწოდა, ცხვირზე
მოაფლო და ღონივრად მოსწია. სული
შეუგუბდა ნესტოებდახურულ ცხენს
და კისერი მოღრიჯა. ახლა უფრო
მაგრად მოსწია მხედარმა და კინალამ
კისერი მოამტვრია.

ტარაშუსავით დატრიალდა გადარე-
ული ცხენი“.

შემდეგ მხედარმა ძირსდაგდებული
მშვილი აიღო, ლატანზე დადებული
ბურთიც ჩამოავდო. ამით მაყურებელს
აღტაცებაც მოჰგვარა და მხურვალე
ტაშიც დაიმსახურა. მერე კი „აღტაცე-
ბულ მაყურებელთა გაღავანი გაიარა,
წაქცეულ მესერს გადააბიჯა და ბალ-
ში დაიკარგა“.

საერთოდ, მთელ რომანში აშკარად
შეიძინევა, რომ შავლეგოს სახის ხატ-
ვისას ლ. მრელაშვილს ერთი მანერა
(უმეტესად რაინდული რომანისათვის
დამახასიათებელი) აქვს არჩეული, ხო-
ლო დანარჩენი პერსონაჟებისათვის კი
მეორე — ყოფითი ხასიათის რომანიდან
მომდინარე. ამისი დამადასტურებელია
ისიც, რომ შავლეგოს სოფელში გამო-
ჩენა საერთო გაკვირვებას და შეშფო-
თების საგანიც კი გახდა.

„მძიმედ დაიხარა ზაქრო და ყრულ
იკითხა:

— ვინ არის, იღო პაპავ?

— შავლეგოა, შამრელაანთ თედოს
უმცროსი ბიჭი.

— შავლეგო? — გააგრძელა ბიჭმა
და ელდანაკრავივით ნეკერჩხლის გრილ
ტანს მიეყუდა“ (გვ. 69).

რატომ, რა მოხდა? სოფელში დაბ-
რუნდა ფილოლოგი კაცი, მშვიდი და
წყნარი პროფესიის ინტელიგენტი. რა-
ტომ შეშფოთდა ზაქრო? ხომ შეუძლე-
ბელია წინასწარ სცოდნოდა ზაქროს,

რომ რუსუდანი შავლეგოს შეიყვარებ-
და და მას უარს ეტყოდა? ასეთი რე-
ციის ერთადერთი მიზეზი ავტორის
ქინებული სურვილია: რაც არ უნდა
დაუჯდეს, მკითხველი დაარწმუნოს,
რომ შავლეგო განსაკუთრებული პი-
როვნებააო.

ასე შეშფოთებული მისჩერებია რუ-
სუდანიც შავლეგოს:

„— ვინ არის ეს ახალგაზრდა, ძია
ნიკო? — მოქანცულად იკითხა ქალმა,
როცა გარეთ გასული უცნობის მძიმე
ნაბიჯების ქვეშ აჭრიალებული კიბე
მიყუჩდა.

— აქაურია. შენ რა დაგემართა?

ქალი უცებ წამოღდა სკამიდან.

— აქაური? როგორ თუ აქაური?

— ჰო, აქაური. ნინოს მაშლია.

— ნინოს მაშლია? ეგ არის ნინოს
მაშლი?

— ჰო, ეგ არი, რა მოხდა მერე?

აგრონომი ისევ სკამზე დაეშვა“
(გვ. 127).

რუსუდანის ამ ძრწოლების ასსნა არ
შეიძლება ჭყანტობში შავლეგოსა და
აგრონომის პირველი შეხვედრით. იქ
პატიოსანმა მამაკაცმა პატიოსანი ქალი
დაიცვა მოძალადისაგან. ვაჟის ამ საქ-
ციელს ბუნებრივად ქალი მადლიერე-
ბის გრძნობით უნდა განემსკვალა და
არა შიშითა და ძრწოლებით. მაგრამ
ერთხელ უკვე ვთქვით და ახლაც უნდა
გავიმეოროთ, რომ ავტორს სურვილი
აქვს შამრელაანთ თედოს ბიჭი ხალხს
შიშის ზარს სცემდეს. აბა, ნახეთ, რო-
გორ უყურებს შავლეგოს რაიკონის
სააღრიცხვო სექტორის გამგე: „კაცმა
უცებ, თითქოს ლითურგიული ძილისა-
გან ფხიზლდებოა, მძიმე-მძიმედ აახამ-
ხამა თვალეტი. გაფართოებული გუბე-
ბით მიაჩერდა შემოსულს. შუბლის ნაო-
კები რამდენჯერმე შეკრიბა და გაშალა.
სახე რაღაც შინაგანი ტკივილისაგან და-
ემანჭა და თითქოს ქვევიდან დომკრახი-
ვით ეწვეიანო, ნელ-ნელა წამოღდა სკა-
მიდან. „დალახვროს ეშმაკმა, თითქოს
სადღაც ერთხელ უკვე უნახავს ეს სა-
შინელი ღმირი...“ (გვ. 514).

ასეთ შთაბეჭდილებას მეფისტოფელი

თუ ახდენდა ადამიანებზე, მაგრამ ლ. მრელაშვილმა უჩვეულო გმირის დახატვა მოიწადინა და ძალ-ღონესაც აღარ იშურებს, რომ თავისი სურვილი მხატვრულ ფაქტად აქციოს. მაგრამ ყოველივე ამის გამო შავლეგო თანდათანობით სცილდება ჩვენს წარმოდგენას თანამედროვე ადამიანზე და უფრო ზღაპრულ, ოჩოფეხებზე შემდგარ გოლიათს ემსგავსება.

სიკეთისა და სიმართლის გასამარჯვებლად შავლეგოს ბრძოლაც არა ჰგავს თანამედროვე ადამიანის მოქმედებას. იგი უფრო არსენა მარაბდელს ჰპაძავს, ვიდრე ჩვენი ეპოქის პარტიულ ინტელიგენტს.

საწყობის გამგე ლეო ხორცს ჰყიდის, მაგრამ თაღლითობს და მყიდველებს ატყუებს. ამ დროს ლეოსათვის მოულოდნელად შავლეგო გამოჩნდება, ვაჭრობაში ჩაერევა, ხელებს დაიკაპიწებს და ლეოს მიერ გადაძალულ საუკეთესო ნაჭრებს ხალხს დაურიგებს. გაოგნებული საწყობის გამგე იძულებულია შავლეგოს აჰყვეს. აღტაცებული ხალხი შავლეგოს ლოცავს („შენ გაიხარე, შვილო, და გაუმრავლდი შენ პატრონს“, გვ. 335). ამ ეპიზოდის წაკითხვისას არ შეიძლება არსენა ოძელაშვილი არ მოაგონდეს მკითხველს და არა მარტო მკითხველს. თავათ რომანის პერსონაჟებსაც მარაბდელი გმირის საქციელი ასხენდებათ: „დადგა არსენასავით და ყველას თანაბრად გაუნაწილა კარგიცა და უფარგისიც“ (გვ. 359). ასოციაციები შემთხვევითი არაა. შავლეგომ თუ ვინმეს სცემა, აუცილებლად ოთხი-ხუთი კაცი უნდა გალახოს. ასე მოხდა მოსკოვში, როცა სპექტლანტებს სცემა (გვ. 205-206) და ასევე მოხდა ჭალისპირ-შიც, როცა ბრაკონიერებს ცხვირ-პირი დაამტვრია (გვ. 295-298).

სიკეთისათვის ბრძოლის შავლეგოსეულ მეთოდებზე შეიძლება დასე დაწვრილებით არ გველაპარაკა, რომ ავტორს „შამრელანთ თედოს ბიჭის“ წინაშე დიდი და სერიოზული ამოცანა არ დაესვა — შავლეგომ უნდა შეიცნოს, გაიგოს, აწონ-დაწონოს, თუ რა ხდება

ჭალისპირში, ებრძოლოს ავს, ბოროტსა და ცუდისმქნელს, დააბრუნოს ჩვენი ფელში სიმართლე და სიკეთე. ეს რომ ასეა, ამაში შავლეგოს ფიქრები გვარწმუნებენ: „როგორ გამოცვლილა ჭალისპირი, როგორ გადასხვაფერებულა. ნუ-თუ უეცრად მოხდა ეს ცვლილება?.. რატომ უცქერის ზიზღით ბევრ რამეს და რატომ ჩაუქნევია ახალგაზრდობას ხელი ბევრ რამეზე? სად წავიდა ის ამაყი, პირდაპირი, გულმართალი და გამრჯე თაობა, რომლითაც თავი ასე მოჰქონდა ჭალისპირს?.. რას აკეთებს ახლა ახალგაზრდობა?.. რა მიზნები და ვინ წარმართავს მათ მოქმედებას? ვინ პატრონობს და ხელმძღვანელობს მათ ამ მერყევ ასაკში? თითქოს მზრუნველი ხელი არსად არა ჩანს და თვითდინება-ზეა მიშვებული მათი ძალა და ფანტაზია... ახალგაზრდობა კი აშენებულს ამტვრევს, ანგრევს და ქვას უშენს... არა, სადღაც რაღაცაა გაფუჭებული, სადღაც რაღაცაა მოშლილი, სადღაც რაღაცაა საჭირო, ქარი რომ არ უბერავდეს, ტოტიც არ გადაიხრებოდ“ (გვ. 262-263). შავლეგომ ყველა ამ კითხვას პასუხი უნდა გასცეს, ნაკლის გამოსწორების გზა მონახოს და მერე ცვლილებათა განსახორციელებლად იბრძოლოს.

შეუძლია კი მერე შავლეგოს ამ ამოცანის გადაწყვეტა? არის იგი ესოდენ დიდი პოტენციის მქონე მხატვრული სახე? მკითხველს აქვს უფლება დაეჭვდეს ან კითხვას უარყოფითად უპასუხოს, რადგან რომანის პირველ ნაწილში მას (მკითხველს) ფიზიკური ძალის მეტი შავლეგოს სხვა თვისება ლოგიკურად და ემოციურად დამაჯერებლად დახატული არ უნახავს. მარტო ფიზიკური ძალა კი შავლეგოს მიერ დასახული ამოცანის გადასაწყვეტად არამც-დაარამც არ გამოდგება.

იმის საილუსტრაციოდ, თუ რა იოლად აქვს წარმოდგენილი ავტორს (და, ცხადია, მასთან ერთად მის პერსონაჟ-

აკაკი ბაქრაძე
რამდენიმე სიტყვა „ყაბახის“ გამო

საკ) ზოგიერთი რთული პრობლემის გადაწყვეტა, განვიხილოთ ერთი საკითხი.

რომანში ძალიან ბევრს ლაპარაკობენ ახალგაზრდობაზე. თურმე ახალგაზრდობა ტოვებს სოფელს (გვ. 18, 212), გაურბის სამუშაოს, მცონარობს, ლოთობს, ფუჰ გართობასა და ლაზღანდარობაში ატარებს დროს (გვ. 91, 79-81, 227-228 და სხვ.). გამოდის, რომ მთელ თაობას რაღაცაზე გული გაუტყდა, საქმეს, აქტიურ საზოგადოებრივ ცხოვრებას ზურგი შეაქცია და ყველაფერი ნორმალურის და ადამიანურის მიმართ ცინიკური დამოკიდებულება გაუჩნდა. როცა ერთი კაცი იქცევა ასე, შეიძლება მისი საქციელი და მდგომარეობა სუბიექტური მიზეზებით ახსნა. მაგრამ, როცა ახალგაზრდობის დიდი ნაწილი ცხოვრობს ასეთი ცხოვრებით, მაშინ სუბიექტურ მიზეზებზე ლაპარაკი ზედმეტია. აქ უსათუოდ ობიექტური მიზეზები უნდა მოქმედებდნენ. რომანში ჭალისპირელი ახალგაზრდების უმრავლესობა სწორედ პასიურია, გამოთიშული სოფლის საზოგადოებრივ საქმიანობასა და ცხოვრებას. ავტორი მოვალე იყო შაქრია-ჩასაბერისა და მისი კომპანიის უმოქმედობისა და მცონარობის ობიექტური მიზეზები ეპოვა, რათა მკითხველს არა მარტო უარყოფითი მოვლენის გარეგნული მხარე დაენახა, არამედ მის არსსაც ჩასწვდომოდა, მაგრამ რატომ უნდა ეძებოს ლ. მრელაშვილმა მოვლენის ობიექტური მიზეზები, როცა თურმე ახალგაზრდობის უსაქმურობას ძალიან იოლად მოველემა. ამისათვის საკმარისი ყოფილა მათთვის ფეხბურთელის ფორმის მიცემა. მიიღეს თუ არა ფორმზ, „ჩასაბერი“ და მისი ძმებიც სოცრად საქმიანი და ენერგიული გახდნენ.

ოცნების, იდეალის, მისწრაფებთა გარეშე ახალგაზრდა კაცი წარმოუდგენელია (ცხადია, იგულისხმება ნორმალური ადამიანები და არა გონებანაკლულნი). ოცნება-იდეალის მასშტაბურობა და შინაარსი განასხვავებთ ადამიანებს ერთმანეთისაგან, თორემ უი-

დეალოდ ცხოვრება შეუძლებელია (ლუარსაბ თათქარიძესაც აქვს „უფრედილი“ — რა ჭამოს ხვალ!). რა სურვილები, მისწრაფებები და იდეალები აქვთ შაქრია-ჩასაბერსა და მის ამხანაგებს? ამისი დადგენა აუცილებელია, რომ მკითხველმა იცოდეს — მათი უსაქმურობა თანამედროვე ობლომოვშინია, ახლებური თათქარიძეობაა თუ პასიური პროტესტი? დიახ, პროტესტიც, რადგან ზოგჯერ საქმის უარყოფა, საზოგადოებრივ ცხოვრებაზე ხელის აღება არსებული სინამდვილის წინააღმდეგ მიმართული პროტესტია. მაგრამ, სამწუხაროდ, რომანის მიხედვით, ძნელია დაადგინოთ და წარმოიდგინოთ — ვინ არიან ჭალისპირელი ახალგაზრდები, რას წარმოადგენენ ისინი, რა უნდათ მათ, რა სურვილები ვერ დაიკმაყოფილეს, რა ოცნებები ვერ განახორციელეს, რა უშლის ხელს მათ მისწრაფებთა ხორცშესხმას.

ნუთუ ფეხბურთის ფორმა ან კლუბის აშენება უშველის საქმეს? ასე რომ იყოს, იქ, სადაც ფეხბურთის ფორმა და კლუბი აქვთ, ერთ უსაქმურ კაცსაც ვერ უნდა შევხვდეთ.

იქნება ლ. მრელაშვილს კონკრეტული შემთხვევა აქვს აღებული და აქ არავითარი განზოგადოება არ იგულისხმება: კონკრეტული შემთხვევის თვალსაზრისითაც შეიძლება ამ ფაქტის განხილვა და აქაც ავტორი მართალი არ აღმოჩნდება. საქმე ისაა, რომ შაქრია-ჩასაბერი მარტო უწყინარი უქნარა კი არ არის, იგი ქურდია.

ავტორი რომანის 197-204 გვერდებზე შემდეგ ამბავს მოგვითხრობს:

ჭალისპირიდან რიონში „ზაგოტხერ-ნოში“ ჩასაბარებლად შოფერ ლექსოს, მტერთავეებს — დათასა და შოთას მანქანით ხორბალი მიაქვთ. გზად მათ შაქრია-ჩასაბერი, ნოდარი და სოსო შეხვდებიან. ბიჭები შოფერს შეეხვეწებიან — გვეჩქარება და მანქანით წავაციყვანო. შოფერის წინააღმდეგობის მიუხედავად, შაქრია, სოსო და ნოდარი მაინც დასხდებიან მანქანაზე. „ჩასაბერი“ შოფერს პურ-მარილსაც შე-



პირდება. დანაპირით გახარებული ლექსო მანქანას დასძრავს. მართლაც, გზად სასადილოს წინ შეჩერდებიან და შაქრია-ჩასაბერის რჩევით, ლექსო მანქანას გზიდანაც გადაიყვანს და ხეებში მიმაღავს — აქაო და ავტონისპექტორმა არ შეამჩნიოსო. როგორც კი სასადილოში ბიჭები სუფრას შემოუხსდნენ, შაქრია-ჩასაბერი ოფიციალტან მივიდა და ტომარა გამოართვა. მერე კი სადღაც გაქრა. რამდენიმე ხნის შემდეგ დაბრუნებულმა თავი იმართლა — იმიტომ დამავგვიანდა, რომ სანამ მზარეულს მწვადი ჩემს გემოზე არ შევუწვევინე, არ მოვეშვიო. ბიჭებმა ზორბად იქეიფეს. მერე კი რაიონში გასწიეს. სადგურთან „ჩასაბერი“, ნოდარი და სოსო მანქანიდან ჩამოხტნენ, დანარჩენებს გამოემშვიდობნენ და თავისი გზით გასწიეს. ლექსომ კი მანქანა „ზავოტურნოში“ მოიყვანა. მაგრამ როცა იქ ხორბალი აწონეს, 63 კილო აკლდა. გაოგნებული ლექსო, დათა და შოთა ვერ მიხვდარან რა მოხდა, რატომ დააკლდათ ხორბალი. მაგრამ ის, რასაც ღვინით გამომტყვრალი ლექსო, დათა და შოთა ვერ მიხვდნენ, კარგად გაიგო მკითხველმა — ერთი ტომარა ხორბალი შაქრია-ჩასაბერმა მოიპარა. და მოიპარა შეგნებულად, წინასწარ მოფიქრებული გეგმის მიხედვით.

განა შეიძლება ქურდის სიკეთის გზაზე დაყენება ფეხბურთის ფორმის მიცემით? ეს არც თუ ისე დამაჯერებელია.

ერთი სიტყვით, როგორც ვხედავთ, შავლეგო არა მარტო მოვლენათა არსს უნდა ჩაწვდეს, მან ადამიანებთან დასახლოვებელი ფსიქოლოგიურად სწორი გზაც უნდა გამოიხატოს. ზემოთ მოტანილი ფაქტი იმის საბუთია, რომ ჯერჯერობით (გვულისხმობთ, რომ რომანის მეორე ნაწილში შეიძლება საქმე სხვანიარად წარიმართოს) შავლეგომ ვერც მოვლენათა არსი ახსნა და ვერც სწორი გზა გამოიხატა.

შავლეგომ კიდევ ერთი დიდი საქმე უნდა გადალახოს. მოსალოდნელია, რომ აქტიური მოქმედების დაწყებისას მას ახალი მოწინააღმდეგე მოუჩნდება — კოლმეურნეობის თავმჯდომარე ნიკო. მართალია, რომანში პირველ ნაწილში შავლეგო და ნიკო მხოლოდ ზვერავენ ერთმანეთს, მაგრამ რომანის ექსპოზიცია გვაფიქრებინებს, რომ მომავალში ისინი აუცილებლად დადგებიან ერთმანეთის პირისპირ, როგორც მტრები. ამის საბუთად პირველი ნაწილის ფინალიც გამოდგება, მკითხველისთვის ცხადია, რომ რევაზის დაპატიმრება ნიკოს მოწყობილი საქმეა, ხოლო შავლეგო ამ უსამართლო აქტის წინააღმდეგ საბრძოლველად შეიმართა. რომანის საერთო, უკვე აშკარად გამოკვეთილი ტენდენციის მიხედვით თუ ვიმსჯელებთ, ნათელია, რომ გამარჯვება შავლეგოს დარჩება. მაგრამ იქნება კი ეს ფსიქოლოგიურად და ემოციურად მართალი და დამაჯერებელი? წინასწარი დასკვნების გაკეთება ძნელია, თუმცა ერთი რამ ახლავე უნდა ითქვას: რომანის პირველი ნაწილის შავლეგო, ნიკოსთან შედარებით, ძალზე გამოუცდელ, გულბრყვილო, უნიათო და ერთპლანიან სახედ გამოიყურება.

ავტორის კოლმეურნეობის თავმჯდომარე ოცხლად და კოლორიტულად ჰყავს დახატული. იგი რომანში ყველაზე უფრო სინტერესო კაცია ხასიათით, ჰკუთხ, ძალით და მოხერხებულობით. ერთი სიტყვით, ამ სახეში ადამიანის ბუნება არაა წარმოდგენილი ერთი პლანით, ნიკოს შეუძლია ისეთი იყოს, როგორც ამას შექმნილი მდგომარეობა უკარნახებს.

ამ გონიერ და ღონიერ კაცს რომანში სამი პიროვნება უპირისპირდება: შავლეგო, რევაზი და რუსუდანი. ამ სამიდან პირველ ნაწილში ყველაზე აქტიურად ნიკოს რევაზი ებრძვის. სხვათა შორის, აქვე უნდა ითქვას, რომ სამივე პერსონაჟს ნიკოსადმი დამოკიდებულების თავთავიანთი ხაზი აქვთ. სადავო კი ბევრია: ახალგაზრდობის უსაქმურობისა თუ შრომადღებების დაკლებ-

აკაკი ბაქრაძე
რამდენიმე სიტყვა „ყაბახის“ გამო

ბის საკითხი, მექანიზაციის მოუგვარებლობა თუ სანერგების განადგურება, უკანონო გადასახადებისა თუ კერძომესაკუთრული ინტერესების გამოვლენის წინააღმდეგ ბრძოლა და ასე შემდეგ. სოფლის ვასაჟირს სამივე ხელავს, მაგრამ სამივე ინდივიდუალური პოზიციიდან იბრძვის. ისინი არც ერთმანეთთან და არც ხალხთან დაკავშირებას არ ფიქრობენ. საქმე ისეა წარმოდგენილი, თითქოს სოფლის კეთილდღეობისათვის ბრძოლა ყველას საერთო საქმე კი არ იყოს, არამედ რევაზის, რუსუდანის ან შავლეგოს ინდივიდუალური ამოცანა. პერსონაჟთა ურთიერთდამოკიდებულება პარალელიზმის პრინციპით ვითარდება და ჯერჯერობით ერთმანეთს არასდ არ ჰკვეთს: შავლეგო-ნიკო, რევაზი-ნიკო, რუსუდანი-ნიკო პარალელური სიუჟეტური წყვილებია, რომელიც ჯერჯერობით რომანის ერთ საერთო სიუჟეტურ ამბავში ვერ ერთეკვა. ამ პარალელური წყვილებიდან შეიძლება ნიკო-რევაზის ხაზი გამოგვეყო, რადგან, როგორც უკვე ვთქვით, რევაზი ყველაზე აქტიურად ებრძვის თავმჯდომარეს და ამასთანავე იგი ნიკოსთან პირადი ცხოვრებითაც არის დაკავშირებული: რევაზს ნიკოს ქალი თამარი უყვარს. ნიკო-რევაზის ურთიერთობასთან დაკავშირებით რომანში ერთი უცნაური რამ ხდება: მათი ამა თუ იმ კონკრეტული კამათის მიხედვით თუ ვიმსჯელებთ, ლოგიკურად მართალი ყოველთვის რევაზია, მაგრამ ემოციურად არასოდეს არა ხართ მის მხარეზე. პირიქით, ემოციურად ნიკოს ემხრობით. ეს იმის ბრალაა, რომ რევაზს, როგორც მხატვრულ სახეს, ინდივიდუალური მომხიბვლელობა და ემზი აკლია. თუ შავლეგოს შესახებ ის მაინც ვიცით, რომ ფიზიკურად ღონიერია, რევაზი სრულიად უცნობია, მიუხედავად იმისა, რომ ავტორი ცდილობს მევენახე ბრიგადირის მუშაობასთან დაკავშირებული დეტალებიც კი გაგვაცნოს. მაგალითად, რევაზს დიდი, უხეში, დაშაშრული ხელები აქვს. რომლის „უთანაბრო ხაზებ-

ში შაბამანი ჩამკვდარიყო ლია-ლორა ჯად“.

რომანის პირველი წიგნი გვჩვენებს, რომ ლ. მრელაშვილს სტატიკური პორტრეტის ხატვა უფრო ემარჯვება, ვიდრე სახის მოძრაობა-განვითარებით წარმოდგენა. ალბათ ამისი ბრალია, რომ რომანში არც ამბის განვითარება ხდება და არც ხასიათებისა. ზაქროს უყვარს რუსუდანი, რუსუდანს არ უყვარს ვაჟი. მათ დამოკიდებულებაში 540 გვერდის მანძილზე არაფერი არ იცვლება. ნიკო და რუსუდანი მრავალი საჭირობოროტო საკითხის გამო კამათობენ. არც აქ ხდება რაიმე ცვლილება: კამათობენ, მათი დამოკიდებულება კი მაინც იგივეა. რევაზი და ნიკო მტრები არიან. თამარი ერთის საყვარელია და მეორის შვილი. მაგრამ ამ მტრობას არაფერი შეუძლია შეცვალოს არც თამარის რევაზისადმი დამოკიდებულებაში და არც მამისადმი დამოკიდებულებაში. რევაზი და შავლეგო ერთი სოფლის მკვიდრნი არიან, ხანდახან დამოუკიდებლად ერთნაირი შეხედულებანიც აქვთ ამა თუ იმ საკითხზე, მაგრამ არც მათი ურთიერთობა იცვლება: არც დამეგობრდებიან და არც დაშორდნენ ერთმანეთს. რაიკომის პირველი მდივნისა და თეიმურაზის ურთიერთდამოკიდებულებაში არ ხდება ცვლილება, კონფლიქტის ან გაღრმავება, ან შენელება. შალიკო, ლეო, ზაქრო, ვალერიანი, სერგო და ვარკონი განუწყვეტლივ ქეიფობენ და ბრაკონიორობენ. გინდა სცემე და გინდა არა—სულ ერთია: უდრტვინველად აგრძელებენ თავიანთ საქმეს. რომანის ერთ-ერთმა პერსონაჟმა, სასადილოს გამგე სიმონ-კუპრაჟამ კარგად იცის, რა ავსაქმესაც სჩადის, მაგრამ ცხოვრების გზის შეცვლას არც ფიქრობს და ამას არც არავინ ურჩევს. პირიქით, კუპრაჟას თავისებური, შემრიგებლური „ფილოსოფია“ აქვს და ამ „ფილოსოფიას“ გულშევიდად უზიარებს შავლეგოს რომანის 506—507 გვერდებზე. კუპრაჟა ღრმად არის დარწმუნებული, რომ ამქვეყნად არაფერი არ იცვლება და



თვითონაც დაუსჯელი იცხოვრებს. შევ-
 ლევოს სიტყვებს — „მე თუ ქალის-
 პირში დავრჩი, უეჭველად ვერ მოვრიგ-
 დებო“; — სასაღილოს გამგე მშვიდად
 პასუხობს: „— შენ კარგად იყავი და მე
 ნურა მეტკინება რა. ქვეყანა დიდია.
 საითაც ქარი დაუბერავს, მეც იქით
 წავალ“ (გვ. 508). თვითკმაყოფილე-
 ბა, უტიფრობა, დაუსჯელობის გრძნო-
 ბა ამაზე შორს ვერ წავა. მაგრამ სა-
 ვითხავია, რამ ჩაუნერგა ასეთი თვით-
 დაჯერებულობა — „ყელამდე დასე-
 რილ“ კაცს? (აკი თვითონვე ამბობს
 კუპრაჟა — „მე კი ყელამდე ვარ დას-
 ვრილილ“. გვ. 509). რა სინამდვილე
 უნერგავს სიმონს რწმენას, რომ სადაც
 არ უნდა იყოს, თავის ბნელ საქმიანო-
 ბას გაავრძელებს და დაუსჯელად იც-
 ხოვრებს? შეიძლება ერთი პასუხი გაი-
 ცეს: რომანში დახატული სინამდვილე,
 სოფელ ქალისპირის ცხოვრება მთვლე-
 მარე და უძრავია. რაკი არავითარი
 ცვლილება არაა მოსალოდნელი, ცხა-
 დია, კუპრაჟა და მისთანები თვითდა-
 ჯერებულნი და კმაყოფილნი არიან.
 საერთოდ, ცხოვრება, რომელსაც გან-
 ვითარების პერსპექტივა დაუკარგავს,
 თავისთავად ბადებს თათქარძიებისა
 და სტაროსვეტსკელ მემამულეთა განწ-
 ყობილებას და ცხოვრების ფორმას.
 და რამდენადაც ლ. მრელაშვილი ყო-
 ფის სტატიკურ სურათებს მსუყედ და
 კოლორიტულად ხატავს, იმდენად იზრ-
 დება უმოძრაობის შთაბეჭდილება-გან-
 წყობილება.

ეს განსაკუთრებით ნათლად იგრძნო-
 ბა ქეიფებისა და ჭამა-სმის ამსახველ
 სურათებში (გვ. 26-28, 32, 58-59,
 157-160, 171, 201-203, 234-240, 288-
 370). ამ სურათებს ავტორი მომეტებუ-
 ლად ლაზათიანად ხატავს. სწორედ აქ
 იჩენენ რომანის პერსონაჟები გარგან-
 ტუასა და პანტაგრუელის მადასა და
 უნარს. „რაკი ერთბაშად ვერ მოიკლა
 ყანწით წყურვილი, ზაქრომ კასრი
 მოითხოვა და თანამესუფრეებმაც დი-
 დი ზარ-ზეიმით მიაწოდეს. ოცდახუთ
 ლიტრიანი კასრი ორივე ხელით ჩაბღუ-
 ჯა და იმათი სადღეგრძელო ასწია, ვი-

სი გულიც გულთან იყოს, უყვარდეს
 და აქ არ იყოს“. ზაქრომ ღვინო შეს-
 და „მეთევზეებმა ვაშას ღრიალით შე-
 ასხეს ქება თანამესუფრეს“ (გვ. 171-
 172). ოლონდ ღვინო სვან და არას დაგი-
 დევენ: არც მოტყუებას, არც სხვისი
 უბედურებით სარგებლობას და არც
 თვალთმაქცობას. განა ასე არ შეიპარნენ
 საბედის მარანში პაპა ილო-ხატილე-
 წია, მონადირე კაკო, მღვდელი ვანკა
 და მოჭიდავე ზაქრო? ქვრივისა და
 მარტოხელა ქალის ღვინით გამოტყვრ-
 ნენ და შინ მხიარული სიმღერით დაბ-
 რუნდნენ. შოფერი ლექსო პურმარი-
 ლისათვის მზად არის მანქანაც მიატო-
 ვოს და ხორბალიც. „ეს იქნება?—ყანყ-
 რატოზე წკიპურტი მიირტყა. — აბა,
 უმაგისოდ რა მადლი ექნება პურის
 ჭამას, — გაიოცა ზაქრომ. ლექსო ეცა
 მანქანას. აამუშავა და ჩააგდო სიჩქა-
 რეში“ (გვ. 200). კოლმეურნეობის თავ-
 მჯდომარე ნიკოს სჯერა, რომ ღვინო
 ღმერთზე უფრო ძლიერია (გვ. 288).
 მაგალითების მოტანა კიდევ შეიძლებო-
 და, მაგრამ ესეც საკმარისია რომანის
 პერსონაჟებში თათქარძის კომპლექ-
 სის არსებობის დასადასტურებლად. და
 ისიც ცხადია, რომ საზოგადოება, რო-
 მელიც ქეიფსა და პურ-მარილზე ასეა
 თავდადებული, თავის წიალიდან ვერ
 გარიყავს სასაღილოს გამგეს. აქედან
 მოდის მისი თვითდაჯერებაც და ცინი-
 კური გულახდილობაც, რასაც იგი ჯერ
 კორესპონდენტთან საუბარში იჩენს და
 მერე შველევოსთან.

რა გრივალმა უნდა შეარყიოს და
 შესცვალოს ქალისპირელთა ცხოვრება?
 ამაზე ალბათ რომანის მეორე ნაწილი
 გვიპასუხებს. ჯერჯერობით კი შველე-
 ვოს, რევაზის ან რუსულდანის მიერ აქრო-
 ლებული წყნარი ნიავე ქალისპირის სა-
 ზოგადობრივ ცხოვრებას არაფრით არ
 ცვლის.

ლადო მრელაშვილს შესწევს უნარი
 უაღრესად კოლორიტულად დახატოს
 თავისი გმირების სამოქმედო არე, გა-
 აკაკი ბაქრაძე
 რამდენიმე სიტყვა „ყაბახის“ გამო

რემო და ყოფის სურათები. თუ რომანში წამოჭრილ ბევრ საკითხზე ნაწარმოები ჯერ კიდევ ვერ პასუხობს, ალბათ იმის გამო, რომ ლადო მრეღაშვილის „ყაბახის“ პირველი წიგნი ფაქტიურად ექსპოზიციას, მაგრამ ასეთი ვრცელი ექსპოზიცია ხასიათების უფრო ღრმად გახსნას მოითხოვდა. გმირთა ხასიათები, მათი ურთიერთობა და დამოკიდებულება ჯერ კიდევ სტატიკურია, მათ აკლია მოქმედებაში განვითარება. ყოველივე ეს — გმირთა

ხასიათებისა და ურთიერთობის ევოლუცია ჩვენ რომანის გაგრძელებაში უნდა წავიკითხოთ.

ამ წერილში კი ჩვენ ყურადღება გავამახვილეთ რომანის პრობლემატურ მხარეზე, რადგან იგი დიდი პასუხისმგებლობით დამუშავებას საჭიროებს. რაც რომანის პირველ ნაწილში ჯერ-ჯერობით მხოლოდ მინიშნებულია ან იგულისხმება, ის შემდგომ მხატვრულად უნდა განხორციელდეს.



მეზაკ კვიციანიძე

ბლოკი ქართულად

ამ რამდენიმე ხნის წინათ გამოცემ-
ლობა „ლიტერატურა და ხელოვნება“
ქართულ ენაზე გამოსცა ბლოკის ლექ-
სები, თარგმნილი რევაზ თვარაძის მიერ.
მთარგმნელს დიდი გულმოდგინებით
შეუარჩევია და ჩვეული ოსტატობით
უთარგმნია ბლოკის პოეზიის საეტაპო
ნაწარმოებები, რითაც ჩვენს მკითხ-
ველს დიდი რუსი პოეტის შემოქმედება-
ზე ნათელ წარმოდგენას უქმნის.

როგორც ცნობილია, რუსი სიმბო-
ლისტიებიდან მხოლოდ ვალერი ბრიუ-
სოვმა და ალექსანდრ ბლოკმა მიიღეს
ოქტომბრის რევოლუცია. მხოლოდ მათ
შეაქციეს ზურგი დაობლებულ, ძველ
სამყაროს, პოეტის უტყუარი ალლოთი
იგრძნეს მისი ნგრევა და კაცობრიობის
ისტორიაში ახალი ერა დაინახეს.

XX საუკუნის რუსულ პოეზიას გან-
საკუთრებული ამაგი დასდო ბლოკმა.
ძნელად მოიძებნება სხვა პოეტი, ვისაც
ასე მძაფრად და დრამატულად გადმოე-
ცეს ეპოქის სულისკვეთება. ბლოკმა
შემოქმედების უაღრესად რთული გზა
განვლო, ვიდრე იგი ნამდვილი სახალ-
ხო პოეტი გახდებოდა და მთელი ერის
სახელით აღაპარაკდებოდა („კულიკო-
ვოს ველზე“, „სკვითები“), მანამდე მის
ლირიკას უკიდურესად ინდივიდუალის-
ტური იერი დაჰკრავდა.

ისეთი მართალი შემოქმედი, როგო-
რიც ბლოკი იყო, გულგრილი ვერ დარ-
ჩებოდა მისი თანამედროვე მღელვარე
ეპოქის მიმართ. მის შემოქმედებაში
უნდა ასახულიყო და კიდევ ასახა ის
დიდი ისტორიული პროცესები და გარ-
დატეხა, რისი მოწმეც პოეტი გახდა.
ბლოკმა ადრევე იგრძნო სახალხო რე-
ვოლუციის მოახლოებული ქარტეხილი.
მიხვდა, რომ ახალი საუკუნის, ახალი
ვნებების ადამიანი მონობის ხუნდის
დასამსხვრევად, მანამდე არნახული მო-
მავლის გამოსაჭედად ემზადებოდა.

Что ж человек? — За ревом стали,
В огне, в пороховом дыму,
Какже огненные дали
Открылись взору моему?

ამ ცეცხლოვანი სტრიქონების ავ-
ტორმა კარგად იცოდა, რა ჰორიზონტე-
ბიც ესახებოდა თავისუფლებას მოწყუ-
რებული ადამიანის თვალს.

როგორც სამშობლოს ღვიძლი შვილი,
პოეტი თავის ბედსა თუ უბედობას
მთლიანად რუსეთს უკავშირებდა. მისი
დიდი მასწავლებლის პუშკინის მსგავს-
ად, ბლოკი ისწრაფოდა პოეზიაში აესა-
ხა რუსეთის ისტორიული გზა, განეჭვ-
რიტა მისი უახლოესი და შორეული
მომავალი. ბლოკმა ბრწყინვალედ განა-

გრძო და ეპოქის შესაბამისად განავითარა პუშკინის ტრადიციები. რუსი პოეტებიდან ყველაზე მეტ სულიერ ნათესაობას პუშკინთან სწორედ იგი გრძნობდა. ეს სულიერი ნათესაობა და თაყვანისცემა ბლოკმა დიდი გზებით გამოხატა სიკვდილამდე ცოტა ხნით ადრე დაწერილ ლექსში („ПУШКИНСКОМУ ДОМУ“), სადაც ჩვენ ვხედავთ, თუ რა უსაზღვრო სიყვარულითა და მოწიწებით უხრის თავს იგი გენიოს წინაპარს.

ახლა, როცა ორმოც წელიწადზე მეტია გასული ბლოკის გარდაცვალებიდან, რევოლუციის დაუფიქარი და ცეცხლიანი წლების ფონზე განსაკუთრებით დიდებულად წარმოგვიდგება პოეზიის ამ ბრწყინვალე რაინდის სახე.

ბლოკის თარგმანს ჩვენში ადრევე მოჰკიდეს ხელი, მაგრამ ამ ცდებს იშვიათად თუ მოჰყოლია წარმატება. ერთი მხრივ მარცხის მიზეზი ცალკეულ მთარგმნელთა სისუსტე იყო, ხოლო მეორეს მხრივ ამას სხვა მიზეზიც ჰქონდა; ჩვენი საუკუნის ოციან წლებში ქართული ლექსი ჯერ კიდევ დახვეწა-განახლების პროცესს განიცდიდა.

ანდრეი ბელი 1909 წელს წერდა: „ყველაზე ნაკლებად ბოდლერზე შეიძლება ითქვას, რომ ის და მისი ლირიკის ფორმა ერთია. ამიტომაც ბოდლერის თარგმნა შეუძლებელია ან, ყოველ შემთხვევაში, შორეულ მომავალშია შესაძლებელი“. ამით ა. ბელი ხაზს უსვამდა იმ სირთულეს, რაც სხვა ერის დიდი პოეტის რომელიმე ენაზე თარგმნასთან არის დაკავშირებული. ზემოთ მოყვანილი ზნრის სისწორეს ისიც ადასტურებს, რომ თარგმანის უდიდესი ტრადიციების მქონე რუსულ ლიტერატურას, თითო-ოროლა გამონაკლისის გარდა, დღემდე არ მოეპოვება ბოდლერის ლექსების სრულყოფილი თარგმანი.

როგორც ზემოთ ვთქვით, ქართულ ენაზე გამოცემულ ამ პატარა კრებულში ბლოკის საეტაპო ნაწარმოებებია მოთავსებული. წიგნში რამდენიმე აღ-

რინდელი ლექსია შეტანილი, მაგრამ ნაწარმოებთა უმეტესობა პოეტის მოქმედების ბოლო პერიოდს განეკუთვნება, როცა ბლოკმა ყველაზე მძლავრად გამოავლინა თავისი ნიჭი და სახე. კარგად შერჩეულ მასალას თარგმნაც შესაფერისი ესაჭიროებოდა. რევაზ თვარაძემ ამ მთავარ სიძნელეს წარმატებით გაართვა თავი.

კრებული იხსენება რუსული პატრიოტული ლირიკის შედეგებით — „კულიკოვოს ველზე“. ლექსების ამ რკალში ბლოკმა მხატვრული წარმოსახვის დიდი უნარით გააცოცხლა რუსეთის ისტორიის სისხლიანი დღეები, თვალწინ გადაგვიშალა რუსი ხალხის გმირული ბრძოლის სურათები თათრის ურდოებთან. „კულიკოვოს ველზე“ მძაფრი რიტმითა და ენერგიით საესე ნაწარმოებია. მისი სტრიქონებიდან თითქოს ველზე გრიგალივით გაჭრილი ურაცხენების ჭიხვინი და აბჯარასხმული მეომრების ყიფინა ჩავვსმის. თუ რამდენად შესძლო მთარგმნელმა ავტორის ჩანაფიქრის, ნაწარმოების რიტმისა და განწყობილების გადმოტანა, ამას ეს ნაწვეტი ნათელყოფს:

ყვითელ ფლატებს უტლაშუნებს მდინარე
მდორე,
მოდის, მოტბორვით მოედინებს.
გალმა მხარეზე, ტრამალეზში, შორეთს და
შორეთს
დამწუხრებულან თივის ზვინება.

რუსეთო ჩემო, სძალო ჩემო, ფარულ
ტივილად
ჩვენ შეგვივარძნია გზა შორეული,
გულს გავიგმირავს ეს გზა თათრულ ისრის
წივილით,
როგორც ისარი—გულსა ხეულო.

გზა ტრამალეზის, უსასრულო სედიით
მზირალი,
რუსეთო ჩემო, შენი ხვედრია!
ჩამოდგეს დამე — უცხოური და გამწირველი,
წყვდიადის მხერით რომ შეგხვედრია!

იყოს წყვდიადი! გავიჭრებით,
გავაჩირალდნებო
ტიალ ტრამალეზს კოცონთა ალით.
იელვებს ჩვენი წმინდა დროშა მიწის
პირამდე,
იელვებს დროშა და ხანის ხმალი.

და ბრძოლა მარად! ბრძოლა შმაგი და
სისხლყანა!

სიმშვიდე ჩვენთვის იქცა ზმანებად.

ტრამალ და ტრამალ ურაკეცი მიჰქარას
ფრთხანი,

ტრამალ და ტრამალ მიქანება.


რევან თვარაძე სიტყვისიტყვით არ
მისდევს ტექსტს, მაგრამ არასოდეს არ
კარგავს ნაწარმოების მთავარ აზრს,
თითქმის ყოველთვის ახერხებს დედნის
შესატყვისი ფორმისა და გამოთქმის
მონახვას.

ზოგჯერ იგი სტრიქონთა თანმიმდევ-
რობას ცვლის, მაგრამ ამით ნაწარმოებს
არაფერი არ აკლდება. ზოგჯერ ერთი
გამოთქმის ნაცვლად მეორეს ხმარობს,
ვინაიდან ის, რაც რუსული ენისთვის
ბუნებრივია, ქართულს არ უხდება. მა-
გალითად, თავისი სიყვარული რომ გა-
მოხატოს, ბლოკი რუსეთს ასე მიმარ-
თავს: „О, Русь моя! жена моя!“ ვფიქ-
რობთ, სწორედ მოიქცა რევან თვარაძე,
რომ ეს მიმართვა სიტყვისიტყვით არ
გადმოიტანა და „ცოლის“ მაგივრად
„სძალი“ იხმარა.

ამ დღე ზოგიერთ სხვა ლექსშიაც რევან
თვარაძე მოზომილად, დიდი ტაქტით
ურთავს ხოლმე ჩვენი კლასიკოსებისა
თუ თანამედროვე ქართველ პოეტთა
ფრაზებს. ეს ნაწყვეტ-ნაწყვეტი ფრაზე-
ბი ტექსტში ისე ორგანულად ზის, რომ
თუ კარგად არ დააკვირდებით, შეიძლე-
ბა ვერც კი შეამჩნიოთ. ეს მთარგმნე-
ლის ნაცადი და გამომდგარი ხერხია და
მას იგი ყოველთვის ზომიერად იყენებს.

კრებულის ნამდვილად ამშვენებს
ბლოკის ცნობილი ლექსის „შემოდგო-
მის დღის“ თარგმანი. აქ სრულად და
ნათლად გამოვლინდა რევან თვარაძის
პოეტური კულტურა. „შემოდგომის
დღე“ იმდენად ოსტატურად არის
თარგმნილი, რომ ქართულ ენაზე დაწე-
რილი ეგონება კაცს. აი, ასე ლაღად
იკითხება და ასეთი მუსიკალურია მთე-
ლი ლექსი:

ჩვენ ვაყვებით მომიკლ ყანას
გზა და ველი წინ არი,
მეგობარო, გიხმობს თანა
გული ჩემი ბინარო.

დღე მშვიდია შემოდგომის,
დღე მაღალი, ჰვირვალი,
ისმის მხოლოდ ყორანთ ტომის,  საქართველოს
წიგნითმწიქნის
კავშირის
მოთქმა გასაკვირველი.

ძნებს აზრობენ, ღეროებით
ბოლი დაბლა ბრუნდება.
და ლაყვარლში წეროები
გადამწყრივდნენ გუნდებად.

მიფრინავენ ირიბ რკალად,
მისტრიან არეთა...
ვაგლახ, სული დილადა
შემოდგომის ზართა...

ძნელი არ არის იმის მიხვედრა, რომ
ამ თარგმანში გალაკტიონ ტაბიძის ზო-
გიერთი ლექსის ინტონაცია ისმის, მაგ-
რამ ეს თარგმანის ღირსებაა და არა
ნაკლი.

მთარგმნელის მხატვრულ ალღოსა და
ოსტატობაზე მეტყველებს აგრეთვე
ლექსები: „რუსეთი“, „სიზმრები“, „ქა-
ლაქის შფოთი დაუცხრომელი“ და სხვ.
სხვებთან შედარებით მკრთალად გამო-
იყურება „უცნობი ბანოვანის“ თარგ-
მანი.

განსაკუთრებულ დაძაბვას და დიდ
სალექსო ტექნიკას მოითხოვდა მთარგმ-
ნელისაგან „თორმეტის“ თარგმნა. რე-
ვან თვარაძემ ძალა და გამოცდილება არ
დაიშურა, რომ მის მიერ შესრულე-
ბულს თარგმანებში ეს თარგმანი ერთ-
ერთი საუკეთესო ყოფილიყო; გარდა
იმისა, რომ ზუსტად გადმოიღო ნაწარ-
მოების ტონი, დედანს რიტმისა და
მეტრის ნაირობაც შეუნარჩუნა. განსა-
კუთრებით ძნელი იყო ქალაქური ქარ-
გონისა და დიალოგების გადმოტანა,
რაც პოემაში უხვად არის. დიდი ექსპ-
რესიით გადმოუცია მთარგმნელს ის
მომენტი, როცა რევოლუციური სულის-
კვეთებით ანთებული ჯარისკაცები ქარ-
ბუქიანი ზამთრის დამეში მტრის შესა-
მუსრად მიისწრაფიან:

...და ამ ფიქრით ეშურება
თორმეტივე შორეთს,
დაუნდობელ ბრძოლის მცნებას
გულში იმეორებს...

ემზარ კვიციანი
ბლოკი ქართულად

მიზანში ჰყავთ აღებული
უჩინარი მტერი...
ბნელ შუქებში მიმოლაპქრის
მხოლოდ თოვლის მტვერი...

და დგას გროვად ნამქერები
თეთრად დანაფერი...

დასასრულ, კიდევ უნდა აღვნიშნოთ,
რომ რევებზე თვარაძემ ზედმიწევნით
კარგად იცის თანამედროვე ქართული
ლექსი; გარდა ამისა, მუდამ შეუცდომ-
ლად ირჩევს სათარგმნ მასალას. სწო-
რედ ამის გამოა, რომ მისი თარგმანე-

ბი — პოეზია იქნება ეს თუ პროზა,
ყოველთვის დიდი პროფესიონალი
ოსტატობითა და ინდივიდუალობით გა-
მოირჩევა.

ორიოდე სიტყვა წიგნის გაფორმე-
ბაზე. იგი ნიჟიერ მხატვარს თენგიზ სამ-
სონაძეს ეკუთვნის, მიუხედავად ამისა,
მეტად ძნელი გასარჩევია, თუ რა არის
გამოსახული ყდაზე. ჩვენ არ გვინდა ამ
ყდის ავტორს უგემოვნობა დავწამოთ,
მაგრამ ბლოკის წიგნს ასეთი მხატვრო-
ბა ნამდვილად არ შეეფერება.



თამაზ ებანოიძე

მეცნიერი, მოღვაწე, პოეტი...

ცნობილ ქართველ მოღვაწეთა შორის სავსებით განსაკუთრებული ადგილი უჭირავს გიორგი ნიკოლაძეს. იგი იყო ბრწყინვალე გეომეტრი, გამოჩენილი ინჟინერი-მეტალურგი, მაღალნიჭიერი გამომგონებელი, ჩინებული ტანმკვარჯიშე, უშიშარი მთამსვლელი, ქართული სამეცნიერო ტერმინოლოგიის ერთ-ერთი ფუძემდებელი (ტერმინები „ტანვარჯიში“ და „მთამსვლელობაც“ გიორგი ნიკოლაძემ შემოიღო).

ბევრი თქმულა და დაწერილა გიორგი ნიკოლაძეზე. მან წარუშლელი კვალი დატოვა მეცნიერებისა თუ საზოგადო მოღვაწეობის ყველა სფეროში, სადაც კი მუშაობა უხდებოდა. იგი მრავალმხრივი ინტერესებისა და გატაცების კაცი იყო და ძლიერი ნიჭისა და მტკიცე ხასიათის წყალობით ადვილად ახერხებდა ყოფილიყო ყველგან პირველი, ნოვატორი, წინამძღოლი და თავკაცი. როცა მის შემოქმედებას ეცნობი, გაცივებს მასშტაბების სიფართოვე, წამოჭრილი პრობლემების სიუხვე და მათი გადაწყვეტის მახვილგონიერება. პატარა წერილში შეუძლებელია უბრალო ჩამოთვლაც კი ყველა იმ საქმისა, რასაც გატაცებით ემსახურებოდა გიორგი ნი-

კოლაძე. აქ გვინდა მხოლოდ ორიოდ სიტყვა ვთქვათ მის დიდ სიყვარულზე ლიტერატურისადმი. იმ მცირე მასალის საფუძველზე, რომელიც ჩვენს ხელთ აღმოჩნდა, გვინდა ფართო მკითხველს გავაცნოთ მისი პიროვნების კიდევ ერთი, ნაკლებად ცნობილი მხარე.

დავიწყოთ იმით, რომ გიორგიმ ზეპირად იცოდა თითქმის მთელი „ვეფხისტყაოსანი“. მშვენივრად იცნობდა შავთელსა და ჩაბრუნხაძეს, ძველ ქართულ ზღაპრებსა და თქმულებებს. გატაცებული იყო აღმოსავლური პოეზიით, განსაკუთრებით აფასებდა ქართულსა და ინდურს. რუსი მწერლებიდან უყვარდა ბუშკინი, ლერმონტოვი და გოგოლი.

გიორგის სულიერ ცხოვრებაში დიდი ადგილი ეჭირა პოეზიას. ლექსი მისი განუყრელი თანამგზავრი იყო. გავარჯერებულ ბრძმედებთან თუ გეომეტრიის პრობლემებზე გათენებულ ღამეებში, მიუვალ მწვერვალებზე თუ შორეულ საფრანგეთში, გიორგი ნიკოლაძე თავის ყოველდღიურ და მრავალმხრივ საინტერესო ცხოვრებას აფერადებდა და ავსებდა ლექსებით.

მოუსმინეთ სახელგანთქმულ რუს მეტალურგს, აწ განსვენებულ ი.

ბარდინს, ვისთანაც მხარდამხარ მუშაობდა გიორგი სამი წლის განმავლობაში დონბასის მეტალურგიულ ქარხნებში: „...რაც შეეხება ლექსების კითხვასა და თხზვას, მან ისე შეაჩვია ამას ჩვენო ახალგაზრდა კლექტივის ზოგიერთი წევრი, რომ მისი წასვლის შემდეგ ჩვენ გამოვცემდით ქარხნის უურნალს, რომელშიც ვათავსებდით ლექსებს სხვადასხვა ყოველდღიურ თემაზე. გიორგის ლექსები ჩვენს ცხოვრებას ეხებოდა და ყველას ძალზე მოგვწონდა. ამ ლექსებში იყო შრომის პოეზიაც და იუმორიც, როცა ეს საჭირო იყო. ყველგან, სადაც მუშაობდა გიორგი, ირგვლივ ქმნიდა ისეთ ატმოსფეროს, რომელიც აკეთილშობილებდა ცხოვრებას და მეტ შინაარსსა და ფასს აძლევდა“ (აკადემიკოსი ი. პ. ბარდინი, მოგონებანი გ. ნ. ნიკოლაძეზე. ა. რაზმაძის სახელობის თბილისის მათემატიკის ინსტიტუტის შრომები, ტ. 15, 1947).

გიორგის შეხედულებანი მწერლობაზე საერთოდ და კერძოდ რომელიმე მწერალზე, საოცრად გონებამახვილური და ორიგინალურია. ამ მხრივ ფრიად საგულისხმოა, მაგალითად, შენიშვნები ცნობილი რუს პოეტ იგორ სევერიანინზე. აი, რას სწერს გიორგი დონბასიდან დედას — ოღლა გურამიშვილს, ზედმიწევნით განათლებულ ქალს: „სევერიანინი უკვე წავიკითხე. მართალია, უმეტესი ლექსი პრანჭვით დაუწერია, მაგ-

რამ ენა და ახალი სიტყვები¹ მე დიდად მომეწონა. ჩემის აზრით, იგორ მართლს ამბობს, რომ სხვებთან შედარებით წინ წაუბიჯია და რუსული ენა განუვითარებია. მაგრამ თუ პუშკინმა ხალხურს დაუახლოვა მწერლური ენა, სევერიანინმა კი დააშორა და ვინ იცის, რამდენი ხანი გაივლის, სანამ ხალხი შეითვისებს სევერიანინისეულ ენას. ერთიც საინტერესოა, რომ სევერიანინის ახალი სიტყვები და სიტყვების თხზვა ქართულს ემსგავსება. მეტადრე ბარათაშვილის ენას. მაგალითად, „одебранный овраг“ ბარათაშვილისას: „ზვირთები მობიბინებენ, ჭალები ბუჩქნარებენ“, ან „поэта путь осветозарь“ ბარათაშვილისას: „მგონისა შავ ბედს (მგონი ასეა) ესხვიმფენარე“² და ბევრი სხვა. განსხვავება ის არის, რომ ქართულად ეს ხალხური გამოთქმა არის და რუსულად კი უმეტესი ამგვარი სიტყვები უცნაურად ეჩვენებიან კაცს. ოდესმე კი მოვა დრო და ამ სიტყვებს სალაპარაკო რუსული ენაც შეითვისებს“.

ასე წერდა გიორგი 1913 წელს. ახლა ვნახთ, რას ამბობს გამოჩენილი რუსი პოეტი, მთარგმნელი და მკვლევარი ვალერი ბრიუსოვი 1915 წელს დაწერილ სტატიაში «Игорь Северянин»: «Среди новых словообразований, введенных Игорем Северянином, есть несколько удачных, которые могут сохраниться в языке... Кое-какие права на звание новатора дают Игорю Северянину лишь его неологизмы» (В. Брюсов, Избранные сочинения, т. 2, 1955).

დაუკვირდით, რა ახლოს დგას ერთმანეთთან სრულიად ახალგაზრდა ინჟინრისა და გამოჩენილი ლიტერატორის შეხედულებანი ი. სევერიანინის მიერ შემოტანილ ახალ სიტყვებზე და მათს მნიშვნელობაზე.

სხვათა შორის, გიორგის აზრი, რომ ი. სევერიანინს „უმეტესი ლექსი პრანჭვით დაუწერია,“ მართებულია და ადვილად გამოდის ვ. ბრიუსოვის იმავე სტატიიდან.

¹ 1910 წელს 22 წლის ჰაბუკი გიორგი შვიდ სხვა ტანმოვარჯიშესთან ერთად ბულგარეთში გამგზავრა საჩვენებელი გამოსვლებისათვის. ის განციფრებული დარჩა იმ ყურადღებითა და მზრუნველობით, რომლითაც ბულგარელები ეციდებოდნენ მშობლიურ ენაზე საჭირო ტერმინებისა და ახალი სიტყვების შექმნას. აქედან იწყება ტერმინოლოგიით გ. ნიკოლაძის დაინტერესება.

² ხაზგასმია გიორგისაა. ნაწყვეტი ლექსიდან „თავადის ქ... ძის ასულს, ეკ... ნას“ (1839): „მგონისი ყარობს გულს ესხვიმფენარე“ (ბარათაშვილი, თხზულებანი, 1954). მცირე უხუსტობანი („მობიბინებენ“, ნაცვლად „მოღუღუნებენ“-ისა და „მგონისა შავ ბედს“, ნაცვლად „მგონისი ყარობს გულს“), ეტყობა, ზეპირად ციტირების ბრალია (აკი თითონვე შენიშნავს, მგონი ასეთა).

განსაკუთრებით ძლიერ შთაბეჭდილებას ის ახდენს, რომ გიორგი ნ. ბარათაშვილის შემოქმედებიდან შესანიშნავ პარალელებს პოულობს და მათს ზუსტ შეფასებასაც იძლევა.

ნიკოლოზ ბარათაშვილი მუდამ იყო გიორგის უსაყვარლესი პოეტი. 1918 წელს დაწერილ ერთ კერძო წერილში ის ასე მიმართავს რუს კორესპონდენტ ქალს: „...თქვენთვის უცხოა ხულიერი სიმარტოვის შავი ტანჯვა და არ გესმით, რაოდენ ბედნიერი უნდა იყოთ ამის გამო. პოეტებს შორს არის ერთი, რომელმაც განსაკუთრებით მწვავედ განიცადა ეს გრძნობა და განსაკუთრებული ძალით გადაშალა ლექსებში; და ის, ქართველი თავადი ნიკოლოზ ბარათაშვილი, უდიდესი პოეტია ჩემს თვალში... აი მისი ლექსი „მერანის“, თარგმანში, რა თქმა უნდა, ძლიერ დაზიანებული...“

მოგვაქვს პირველი ტაეპი „მერანის“ გიორგისეული თარგმანიდან. აქვე შევნიშნავთ, რომ ეს იყო „მერანის“ რუსულად თარგმნის ერთ-ერთი პირველი ცდა საერთოდ (რამდენადაც ვიცით, ეს თარგმანი გიორგის არ დაუსრულებია):

Летит и мчит меня пегас, в безумном
диком рвении;
Зловещий крик свой шлет в догонку
черный вран;
Лети, пегас, вперед, вперед лети полетом
беспредельным.
И бурю черных дум моих отдай ветрам...

1945 წელს ბარათაშვილის გარდაცვალებიდან 100 წლისთავზე თბილისს ჩამოვიდა გამოჩენილი რუსი პოეტი ბორის პასტერნაკი, რომელიც გიორგის უფროსი დის — პროფესორ რუსუდან ნიკოლაძის მეშვეობით გაეცნო „მერანის“ თარგმანს და აღტაცებული დარჩა.

„მერანის“ გარდა გიორგის გამოჩენილი უყვარდა აკაკის „განთიადი“.

გიორგი უმეტესად რუსულად წერდა ლექსებს. ქართულად სულ ორი-სამი ლექსი თუ ექნება.

გიორგი იყო მგზნებარე პატრიოტი, თავის ქვეყანასა და ხალხზე თავდავიწყე-

ბით შეყვარებული, მისი ერთგული შვილი და მოქალაქე. რამდენჯერმე ტანია პირადი მისწრაფებანი და რესურსები ამ მოვალეობის სამსხვერპლოზე.


გიორგის ჭაბუკობიდანვე ყველაზე მეტად წმინდა მათემატიკა იტაცებდა და აინტერესებდა, მაგრამ მინც პეტერბურგის ტექნოლოგიურ ინსტიტუტში შევიდა, რადგან თვლიდა, რომ მისი სამშობლოს კეთილდღეობისათვის უწინარესად ქვეყნის ინდუსტრიალიზაცია იყო საჭირო. ჯერ უნდა ტექნიკურ დარგს დავეუფლო და მხოლოდ მერე მექანება უფლება განყენებულ მეცნიერებას მოვკიდო ხელიო, — ხშირად იმეორებდა თურმე გ. ნიკოლაძე.

1918 წელს, როცა ბათუმს საფრთხე ელოდა თურქების მხრიდან, გიორგიმ მიატოვა სამუშაო დონბასში და საქართველოსაკენ გამოემუშრა, რომ ბათუმის დასაცავად მოხალისედ წასულიყო!

გიორგის პოეტურ ბუნებაზე მეტყველებს მწვერვალებისაკენ მისი მძლავრი ლტოლვაც. გაგახსენებთ, 1923 წელს მყინვარწვერმა, ხოლო 1925 წელს იალბუხმა თავიანთ სიცოცხლეში პირველად დახარეს ქალაქი თავები საბჭოთა მთამსვლელების წინაშე და ორივე ამ ასვლას გიორგი ხელმძღვანელობდა. მაგრამ საქმე მარტო პოეტურ ბუნებაში როდი გახლავთ: გიორგი მთამსვლელობას უყურებდა, როგორც თავისი ქვეყნის ბუნებისა და ბუნებრივი სიმდიდრეების კომპლექსური შესწავლის საუკეთესო საშუალებას.

...1954 წლის ზაფხულში დასავლეთ პამირის შახდარის ქედზე დაპყრობილ მწვერვალებს შორის უმაღლესს (6200 მ) ქართველმა მთამსვლელებმა გიორგი ნიკოლაძის სახელი მიაკუთვნეს. მე სავსებით ვენდობი ჩვენი მთამსვლელების გემოვნებას და მწამს, რომ ეს მწვერვალიც გიორგი ნიკოლაძისავით დიდებული და პოეტური იქნება...

თამაზ ებანოიძე
მეცნიერი, მოღვაწე, პოეტი...



ნარკვევი

იყო მისი. პატარძელის განაპირას ჰყვოდნენ სოსნები. ისინი მოსდებოდნენ მინდორს. შესდოდნენ ხის ძირებს, დაეფარათ მთელი არემარე. ღელავდა სოსნის ტბა. გურამი უყურებდა ბუნების ჯადოქრულ სილამაზეს ფართოდ გახელილი თვლებით, გაცილებული, გაბრწყინებული სახით. მერე მოსწყდა ადგილიდან და მინდვრის კიდისაკენ გაეშურა, თვალთან ფოტოაპარატი მიიტანა და სწრაფად, შეუჩერებლად, ზედმიზეზ იწყო გადაღება. ერთჯერ, ხუთჯერ, ათჯერ დაიტკაცუნა აპარატმა. მერე ფირი გაუთავდა და მეორე აპარატს დასწვდა. ახლა სხვა მხრიდან დაუბრუნა მინდორს. ისევ ატკაცუნდა აპარატი. მერე სოსნების ტალღებში

შეიჭრა და ირგვლივ მოავლო თბიექტის თვალი.

გზაზე გაჩერებული მანქანიდან ვუცქეროდით, თუ როგორ ხარბად და მოუსვენრად დაცურავდა გურამი სოსნების ზღვაში, როგორ იმარჯვებდა ფოტოაპარატს, და ჩვენ ორნი, არც თუ ისე ახალგაზრდები, შეგვიპყრო ამ ღელვამ, ღელვამ ადამიანისა, ვისაც უნდა ყოველივე კარგი და კეთილი სხვას გაუზიაროს, დაანახოს და აგრძნობინოს.

ისევ მისია. ისევ ჰყვავიან პატარძელის განაპირას მინდვრის სოსნები. ისინი მოსდებიან ველს, შესევნიან ხის ძირებს...

მე ვდგავარ ცინკოგრაფიის საბეჭდ საამქროში და ვუყურებ, როგორ მო- ისწრაფიან მანქანებიდან მინდვრის სოს- ნებით დაფარული ქალაღდის ფურც- ლები. მე უკვე აღარ აღვიკვამ მათ ქალღდის სოსნისფერ ფურცლებად — ჩემს თვალწინ ყვავილებს წაულეკია პატარძელულის მინდორი, სოსნები ღე- ლავენ ქარის სულ მცირე წამობერვაზე და ცისფერხალათიანი ბიჭი მოწყურე- ბულივით ეწაფება ბუნების ამ საოც- რებას.

ისევ მაისია. ისევ ჰყვავიან სოსნები პატარძელულის განაპირას, მაგრამ ახლა მისი თვალით დანახული და ათასობით გამოავლებული, ისინი ჰყვავიან ყველა- სათვის, ვინც გადაშლის წიგნს „საქარ- თველოს მთა და ბარი“. აქ სხვა ფოტო- სურათებს შორის არის ერთი სურათი. მას აწერია „გურამ თიკანაძე — სოს- ნები“. იქნება თქვენც გადაფურცლოთ ეს წიგნი, შეხედოთ ამ სურათს და შე- მოგანათოთ მაისის იმ დღიღამ, პატარ- ძელულის სოსნებით მოფენილ ველზე რომ მოაჯღაღოვა გურამ თიკანაძე.

„მხედველობა უხიღავის განცხადება“.

ანაქსავორე

ღიღი ხანია ფოტოაპარატიღა დაჰკარ- გა ის თვისება, გამოგონების პირველ ხანებში რომ მიაწერდნენ მას. ახლა უკვე იგი გულცივად აღარ იმეორებს დანახულს, ადამიანმა შეიცნო ოპტიკის კანონები და ფოტოაპარატი მისი შე- მოქმედებითი ფანტაზიის თანახარი გახაღა.

ფოტოაპარატი ურთულეს ოპტიკურ იარაღად იქცა და ადამიანმა სამყაროს მხატვრული ასახვის ძლიერი და მნიშვნელოვანი ტექნიკური საშუალება შეი- ძინა. თანამედროვე ფოტოაპარატების ოპტიკური შესაძლებლობანი მეტად ღიღია, მაგრამ ადამიანის უნარს ვერც ერთი აპარატი ვერ მიღწევს, რადგანაც მას შეუძლია გააანალიზოს, შეაღასოს დანახული და სათანადო კორექტივი შეიტანოს მასში. ადამიანის მხედველო- ბითი ანალიზი სრულყოფიღია, იგი თვისობრივად განსხვავდება ყველაზე

სრულყოფიღი ოპტიკისაგან. კარგი მხედველობის ადამიანზე იტყვიან: „არწივის წივის თვალი აქვსო“, მაგრამ ეს მხოლოდ რაოდენობითი შეფასებაა. ფრიღ- რის ენგელსი წერღა: „არწივი გაცილე- ბით უფრო შორს ხეღავს, ვიღრე ადამიანი, მაგრამ ადამიანის თვალი არჩევს საგნებში გაცილებით მეტს, ვიღრე არწივის თვალი“. ფოტოაპარატი „ხეღავს“ იმას, რასაც ადამიანი მოისურვებს, ასახავს და გაღმოსცემს, რაც მხოლოდ ადამიანს შეუძლია განიცადოს, ასახოს და სხვას განაცღვეინოს.

ჩვეულებრივ ამბობენ: „ფოტოაპარა- ტის ობიექტივით დანახული სამყარო“, ასეთი სამყარო არ არსებობს. არსებობს ადამიანის თვალით, ადამიანის გონებით დანახული სამყარო. ფოტობიექტივი მხოლოდ ეხმარება ადამიანს, იგი მისი „მესამე თვალი“ და ფოტოგრაფიც სამი თვალით უცქერის სამყაროს.

*

„ჩუბინი ესე არს კაცი—ისართა, თოფთა, ქვათა უტოფენღლად ისროღეს“.

საბა

ფოტოგრაფის ხელოვნება მისი თვა- ლის სიზუსტეღა, და როგორც ჩუბინი უცღენღლად მსროღელი ადამიანია, ასე- ვე ფოტოგრაფიც უცღენღლად მხედვე- ლი და დანახულის უცღენღლად ამსახ- ველია. თანამედროვე ოპტიკის ტექნი- კური შესაძლებლობანი მეტად ღიღია. საშუალო ღირსების სურათის გადაღე- ბა ყვეღას შეუძლია. ფოტობიექტივის განვითარებამ გააღღვიღა და საყოველ- თოღდ მისაწვღომი გახაღა ფოტოგაღა- ღება, მაგრამ მეტად გააძენღა ფოტო- გადაღების სრული დაუფღლება, ფოტო- აპარატის დამორჩიღება. ფოტოაპარატი „ყოვეღისმხედველი“ გახაღა.

გურამ თიკანაძის აღრინღელი ფო- ტოსურათები ოციანი წლების მემარც- ხენე ფოტოხელოვანთა ნამუშევრებს გვაგონებენ (უჩვეულო რაკურსები, უჩვეულო კადრიღება), მაგრამ მან ეს მალე დაძღია და უკანასკნელი ორი-

კოტე ჯავრიშვიღი
სამთვალა ჩუბინი

სამი წლის ნაუშევრებში აშკარად გამოჩნდა ის, რაც საკუთარი გულის-თქმით იყო ნაკარნახევი: სამშობლოს ბუნების გამახვილებული ხედვა და ადამიანის სულიერი ცხოვრების გარეგნულ გამოვლენებათა ასახვის გაღრმავებული ძიება.

აფხაზეთში, გუდაუთის მახლობლად არის ახალსოფლის დიდი კოლმეურნეობა, მას დავით გოგიბერიშვილი ხელმძღვანელობს. გურამმა დავითს რამდენიმე ათეული სურათი გადაუღო. გადაუღო ისე, როგორც სჩვეოდა — მოულოდნელად, უცებ, თითქოს სასხვათაშორისოდ (აპარატი ხომ მუდამ მომარჯვებული ჰქონდა). ჩვენ მთელი დღე ერთად გავატარეთ, მოვიარეთ სოფელი, შავი ზღვის პირას გაშლილი ჩხავერის ყველაზე დიდი ზვრები საქართველოში, ბაღები და მინდვრები. ყველგან — ვენახში თუ ზღვის პირას, მინდორში თუ ბინაში, სუფრასთანაც კი, გურამი იღებდა დავითის სურათებს. ვხედავდი, რომ გურამს უნდოდა „დაეჭირა“ ის, რაც თავმჯდომარისათვის ყველაზე დამახასიათებელი იყო. ამ კაცს საოცრად საინტერესო და მიმზიდველი გარეგნობა აქვს და ძნელია მისი ისე გადაღება, რომ პორტრეტში ხასიათი არ დაიკარგოს, — მითხრა წინაღმეს გურამმა და დაუმატა: სწორედ იმის გადაღებაა საინტერესო, რაც ძნელი გადასაღებია, თორემ კოლმეურნეობის თავმჯდომარის იკონოგრაფია საკმაოდ გავკლუელი და იოლი ამბავიათ. და გურამიც სწორედ მაშინ უღებდა სურათს, როდესაც დავითი არ მოელოდა, არ იყო საამისოდ მომზადებული. მერე კი ისე შეეჩვია ამას, რომ სულაც არ აქცევდა ყურადღებას. გურამსაც ეს უნდოდა. ერთხელ ვენახში დავითს რაღაცა არ მოეწონა და გაჯავრებულმა მიმართა კოლმეურნეს, იმავე წამს გურამის აპარატიც ატაკაუნდა, ხან გვერდიდან დაუარა, ხან წინიდან ჩაუდგა, მაგრამ დავითს მისთვის არც შეუხედავს, ისე იყო გაჯავრებული.

გოგიბერიშვილის იმ დღეს გადაღებული სურათებიდან სწორედ ეს სურათი გამოვიდა საინტერესო. აქ ჩანს თავ-

შეგავებული და დინჯი კაცის ძლიერ ხასიათი. იგი დარწმუნებულია, ეჭვიანობის სიმართლეში, მაგრამ ამავე დროს ყოფილია თავისი მოქმედებით, არა იმიტომ რომ თავი ვერ შეიკავა, არამედ თავშეუქავებლობის საბაბი რომ მიეცა.

ფოტოგრაფიაში ყველაზე ძნელი ადამიანის პორტრეტის შექმნაა. გურამის ფოტოპორტრეტების გაღერაში განსაკუთრებით მოხუცებისა და ახალგაზრდების სურათები იქცევენ ყურადღებას.

ერთხელ ფიზიოლოგიის ინსტიტუტზე ნარკვევი უნდა დაგვეწერა. თითქმის მთელი დღე იქ გავატარეთ. დავესწარით ჩვენი სახელოვანი მეცნიერის ივანე ბერიტაშვილის მუშაობას. იგი ცდას ატარებდა და გურამმაც მრავალი სურათი გადაუღო. მუშაობა დავამთავრეთ, დავტოვეთ ინსტიტუტი და აღმართს შევუყევით საბურთალოსკენ. გზაზე ივანე ბერიტაშვილი წამოგვეწია, ჩქარი ნაბიჯით მოდიოდა:

— რა მოგივიდათ, როგორ მიიზღაზნებდითო, — შემოგვძახა, გავვისწრო და ნიშნის მოგებით გვითხრა: — თუ გინდათ შეგეჯიბრებით, ალბინისტებო! მსცოვანი მეცნიერის თვალებსა და მოძრაობაში იმდენი ახალგაზრდული ენერჯია და სიციკოცხლე იყო, რომ ძალაუნებურად გურამს წაგკარი ხელი; მაგრამ მას რა ჩემი გასხენება უნდოდა, უკვე მომარჯვებული ჰქონდა აპარატი და განუწყვეტლივ ატაკაუნებდა. ივანე ბერიტაშვილის ასე ნაუცბათევადა გადაღებულ სურათში გაცილებით მეტი დამახასიათებელი შტრიხია, ვიდრე მის მრავალ სხვა პორტრეტში.

ხევისურეთში გურამ თიკანაძემ გადაიღო მოხუცი ქალის პორტრეტი. ამ პორტრეტში გურამ თიკანაძემ გამოავლინა განზოგადების, კონკრეტულში ზოგადის დანახვის უნარი.

თითქოს წარმოუდგენელია ხევისურ ქალს ისე გადაუღო სურათი, რომ უარი თქვა მის დამახასიათებელ გარეგნულ მორთულობაზე — ფარაგიან კაბაზე, მძივებით დახიდულ სათაურაზე და გადაიღო უბრალოდ, თავმალმობეული.

მოხუცი ქალის პორტრეტი. მაგრამ როდესაც ამ სურათს შეხედავ, მხოლოდ სახის ნაკვთებს მიაქცევ ყურადღებას და ყოველგვარი მორთულობა მეორეხარისხოვანი და შემუშავებული გახდება. თქვენს წინ მრავალჭირამოვლილი და მრავალწავლი, ცხოვრებისაგან გაუტეხელი, ხალისიანი სახეა წლების სიმძიმით დატვირთული მოხუცისა. მის დაღლილ, ჰკვიან თვალებში სიბრძნე და სიკეთე გამოსჭვივს.

გურამმა გადაიღო ხევსური დედის სურათი, მაგრამ დიდი შემოქმედებით ნიჭისა და ოსტატობის წყალობით ეს პორტრეტი დედის ზოგად სახედ იქცა, თუმცა მასში მაინცაა რაღაც ხელშეუხებელი და გამოუთქმელი, რაც მოხუცის ეროვნებას ამჟღავნებს.

სამი პორტრეტი ვახსენეთ — კოლმეურნეობის თავმჯდომარის, სახელგანთქმული მეცნიერის და მოხუცი ქალის. სამი სამყარო, სამი განუმეორებელი სახე... მაგრამ გურამმა სხვადასხვა პროფესიისა და სხვადასხვა ბიოგრაფიის ახალგაზრდა და ხნიერი ადამიანების ასობით პორტრეტი შექმნა. გურამი ყურნალისტი იყო და სამსახურებრივი მოვალეობაც — ყურნალ „დროშის“ ფოტორეპორტიორობა ავალებდა ათას სხვადასხვა ადამიანს შეხვედროდა, ათას ბიოგრაფიულ დეტალს გასცნობოდა, ათასი სურათი გადაეღო. ამ ათასი სურათიდან შექმნა მან ჩვენი თანამედროვე ადამიანების შესანიშნავი პორტრეტების გალერეა.

ყოველთვის გვაკვირვებდა, როგორ აღვილად, ბუნებრივად ეცნობოდა და უახლოვდებოდა გურამი ადამიანებს, ეთვისებოდა, გულლიად ეხმარებოდა მათს სიხარულს, მტკივნეულად განიცდიდა მათს ჭირ-ვარამს. ცდილობდა თანეგრძნო და მხარი დაეჭირა კეთილი საქმისათვის, სადაც კი ხელი მიუწვდებოდა.

გურამ თიკანაძე პროფესიით გეოლოგი იყო. მან ამ მეცნიერების ერთი ყველაზე ნაკლებად დამუშავებული და მკვლევარისათვის მეტად ძნელი დარ-

გი — სპელეოლოგია ანუ მღვიმეთმცოდნეობა გაიხადა სპეციალობად. შეიძლება სწორედ იმიტომ, რომ სპელეოლოგიაში ბევრი რამ ჯერ ამოუცნობი, საიდუმლოებითა და ხიფათით სავსე არის.

გურამს ყოველთვის იზიდავდა სპორტი — ცურვა და კრივი, თხილამურები და მძლავრობა, მაგრამ ყველაფერ ამას საბოლოოდ მთამსვლელობა ამჯობინა. კავკასიონისა და შიდა აზიის მრავალმწვერვალზე ავიდა, ბევრი იმოგზაურა; მას გატაცებით უყვარდა ხელოვნება, ყველაზე მეტად კი გული მაინც ფოტოგრაფიისაკენ მიუწევდა და თავისი შემოქმედების სარბიელად ბუნებისა და ადამიანთა ფოტოგამოსახვა გაიხადა.

საქართველოს მთა და ბარი, ხევსურეთის ჭიუხები და ალაზნის ზვრები, შავი ზღვის ტალღები და ხევის ორწოხები, ჰიდროელსადგურის გეომეტრიული ფორმები და სვანეთის მწვერვალებზე შუქ-ჩრდილთა ციალი, მოხუცის ბრძნული ღიმილი და გოგონას მხიარული სიცილი, აბრეშუმის მქსოველი ქალის სწრაფი თითები და ხოხბის უცარი აფრენა, ძველი ქართული ჩუქურთმა, ცაში აჭრილი თვითმფრინავი და მიწისქვეშა სამყაროს იღუმალება — ყველაფერი ეს უნდა დაენახა, ხელით მოესინჯა, ეგრძნო, შეეთვისებინა და მერე ადამიანებისათვის ფოტოაპარატით დაენახებინა, გაეზიარებინა, შეეყვარებინა.

გურამ თიკანაძე ნამდვილი ფოტოხელოვანი იყო. საგნებისა და მოვლენებისადმი მისი მიდგომა არასოდეს ყოფილა გულცივად ობიექტური, იგი არასოდეს არ ყოფილა დანახულის უბრალოდ გადაღები, უმტკივნეულო ამსახველი.

მის შვი-თეთრ და ფერად ფოტოგრაფიებში ყოველთვის ჩანს ხელოვნის აღლევება — ბუმბერაზი მთების ეპოსს გადმოგვცემს თუ ადამიანის სულის უფაქიზეს მოძრაობას.

გეოლოგი — სპელეოლოგი; სპორტ-

კოჩე ჯავრიშვილი
სამთვალა ჩუბინი

სმენი — მთამსვლელი; ხელოვანი — ფოტოგრაფი. ამ სამი თვალთახედვით, სამი ასპექტით უყურებდა იგი ქვეყანას, ამ სამი მხრიდან უდგებოდა იგი სამყაროს მრავალფეროვნებას. თითქოს სამი თვალით უმზერდა იგი ქვეყანას, მაგრამ სამივე მიპყრობილი იყო ერთი-საკენ. ეს ერთი კი მისი სამშობლო ქვეყანა და მისი ხალხი იყო.

საქართველოს მთა და ბარი, თითქოს არც თუ ისე ვრცელი, — თვალის ერთი გადავლებით მოიხილავ საზღვრიდან საზღვრამდე, მაგრამ ერთი ადამიანის სიცოცხლე არ კმარა იმისათვის, რომ გაიცინო და შეისწავლო, შეიცინო შენი ქვეყანა.

და აი, ამ ხუთიოდე წლის წინათ, ჩვენ დაიწყეთ მოგზაურობა საქართველოში. ჩვენს წინ გადაიშალა ქვეყანა — უსასრულოდ დიდი და განუზომელი. მისი საზღვრები ჩვენი სიყვარულის ძლიერებითა და ჩვენი გულის სიღრმით თუ განიზომებოდა. ადამიანი მთელი სიცოცხლის მანძილზე მოგზაურობს ამ ქვეყანაში და მაინც მოუვლელი რჩება მისი მრავალი მხარე და კუთხე.

ყოველი გამგზავრება, თუნდაც ხანმოკლე, ყოველი კუთხის გაცნობა, ახალი და ჯერ უნახავის აღმოჩენა.

1959 წელს გურამთან ერთად მოგვიხდა მთელი საქართველოს შემოვლა: კახეთში მოვიინახულეთ მოწინავე მევენახეთა ბრიგადები, გურჯაანის, ახმეტისა და ყვარლის რაიონებში გავეცანით სოფლის აფთიაქების მუშაობას; მერე ბოლნისის რაიონში დაიწყეთ ახალი სამთამადნო კომბინატის მშენებლობა და იქ ჩავედით; ვიყავით სამეგრელოს მთიანეთში, სადაც ქართული ფიტერის საჯიშე მეურნეობის სანახავად ხობისწყლის სათავეებში ვიმოგზაურეთ, რამდენიმეჯერ ვეწვიეთ ლაჯანურჰესის მშენებლობას. ყურნალისტის დაუდგარმა ცხოვრებამ მალე სვანეთის სტუმრები გაგვხადა, სულხან-საბა ორბელიანის იუბილეზე რამდენიმე დღით ტანძრავში დავრჩით, ხოლო გვიან შემოდგომაზე ზესტაფონის კაბელის ქარხანა მოვიინახულეთ და ახლად დაფუძ-

ნებული წარმოების ისტორიის პიროვნული ფურცლები შევავსეთ. და ასევე, ხელნაწილი წლის განმავლობაში, ყოველწლიურად ერთად ვიყავით და ვმუშაობდით.

ერთად მუშაობამ დაგვაახლოვა. დაგვაახლოვა იმდენად, რამდენადაც შეიძლება ერთმანეთს დაუახლოვდნენ ადამიანები, რომელთა ასაკში თითქმის ოცი წლის განსხვავებაა. მაგრამ ალბათ ორივეს ბევრი რამ გვექონდა საზიარო და საერთო და ორი ათეული წლის მანძილი უფსკრულად კი არა, ხიდად დაედო ამ სიახლოვეს.

ასაკში განსხვავება ორი ადამიანისათვის ხშირად სიახლოვის საწინდარია. ალბათ იმიტომ, რომ ორივესთვის — ახალგაზრდისა და ხნიერისთვის საინტერესოა, თუ როგორ, რანაირად აღიქვამს სხვა თაობის ადამიანი იმავე მოვლენას, იმავე საგანს, რომელსაც შენ შენებურად ხედავ.

1962 წლის შემოდგომაზე ვიმოგზაურეთ შავი ზღვის სანაპიროებზე — აფხაზეთის შესახებ წიგნი უნდა დაგვეწერა და აფხაზეთი ფოტოსურათებში აგვესახა.

თითქოს ეს ადვილი იყო: ფერადოვანი, აყვავებული ქვეყანა, ლურჯი ზღვა და თოვლიანი მთები, სწრაფი მდინარეები და ხალხმრავალი კურორტები, ტყვარჩელის ქვანახშირის მალაროები და ფიცაკვარის მარმარილოს საბადოები, მებადურები და მეჩაიეები, ზურმუხტოვანი პლანტაციები ზღვისპირად და ზურმუხტოვანი საძოვრები ცისპირად, ფერადი, თვალისმომჭრელი მოზაიკა, მცხუნვარე მზე და ბრიალა ფერები. თითქოს ადვილია ამდენი რამიდან ყველაზე დამახასიათებლის, ყველაზე მთავარის ამოჩვენება. მაგრამ ეს ერთის შეხედვით...

ზღვისპირეთის კოლორიტი თითქოს გარკვეულია — ჩაი, ტუნგო, ევკალიპტი, პალმები, ჭილისქუდებიანი ქალები ლარივით გაჭიმული ჩაის ბუჩქების რიგებში, საესე კალათები, ცისფერი „ქოლგები“, პლაჟზე გაშლილი მოაგარაკენი და საცურაო კოსტუმში გამოწყობილი მზემოკიდებული გოგონა... მაგრამ ყო-

ველოვე ამის ნახვა სხვა ქვეყანაშიაც ხომ შეიძლება. ჩვენ კი გვინდა საქართველოს შავი ზღვისპირეთისათვის დამახასიათებელი შტრიხები მოვქებნოთ, მისი განუმეორებლობა გადმოვცეთ.

გურამის „ვოლგას“ იმ დღეებში მოსვენება არ ჰქონდა. იგი ხან ხეობებში შეიჭრებოდა და დიდხანს უცდიდა თავის პატრონს ავადპარას საძოვრებზე; ხან ზღვის პირას გავიღოდა და პლაჟის პირას ათენებდა ღამეს. ჩვენ კი ცეცხლთან ვიჯექით და დღის განმავლობაში ნახულის გამო ვკამათობდით.

მინც რა არის დამახასიათებელი ამ კუთხისათვის? ეს უშველებელი ჩხავერის ზვარი — ვინახი ზღვისპირას? თითქოს რაღაცას მივაგენით. ვაზის სამშობლო ხომ საქართველოა. ვაზი ზღვისპირას! — ალბათ, ასე აღიქვამდნენ კოლხიდას უცხოელი მოგზაურები, და აი, ჩნდება ზღვისპირეთის ვენახების ასეული ფოტოსურათები. მთელი დღის განმავლობაში გურამი შფოთავს და რაღაცას ეძებს. უკვე მოღლილები და მოქანკულები შევედით საღამო ხანს დაწყნარებულ ზღვაში. უკან რომ გამოვბრუნდით, მცირე აღმართს შევუდექით. მზე ჩასული იყო. გურამი არაფრის გადაღებას არ აპირებდა და არც ფოტოაპარატი ჰქონდა თან. უცებ იგი შეჩერდა, მკლავში ხელი ჩამკიდა და მომატრიალა — შეხედე, ნამდვილად ეს არის!

მოვიხედე. ბალის კიდზე, იქ, სადაც ნაპირი თავდებოდა და სანაპირო ფლატე იყო ჩარღვეული, ტყრუშული ღობე მიჰყვებოდა ფლატის პირს. ღობის იქით მხოლოდ ზღვა ჩანდა. ბინდით მოცული ზღვის ზედაპირი, მკვეთრად მოხაზული პორიზონტი, უბრალო ტყრუშული ღობე, შქერის ტოტებისაგან მოწნული, ისეთი, როგორიც საქართველოს ყველა კუთხეში მინახავს... გრაფიკული სისადავე, ძუნწად მოხაზული სილამაზე იყო ამ სურათში. მივაგენით იმას, რაც გვინდოდა. გურამი ფოტოაპარატს ეცა, მაგრამ მზის შუქი აღარ იყო და ბინდში მხოლოდ ღობის სილუეტითა ჩანდა შორი ნათელის ფონზე.

მეორე დღიას გურამი უთენია ამდგა-

რიყო და სადაც წასულიყო. კარგა ხნის მერე გამოჩნდა — ფირი გათვევითა და და ახლისათვის მოაკითხა მანქანა.

ასე მიდიოდა დღეები, გროვდებოდა შთაბეჭდილებები და ასეული მეტრობით გადაღებული ფირი, მაგრამ ჩვენს მიერ ჩაფიქრებული წიგნი მინც არ დაიწერა. არ დაიწერა იმიტომ, რომ ძალიან ბევრი რამ ვნახეთ, განვიცადეთ, უბის წიგნაკებში ჩავინიშნეთ და ფირზე აღებეჭდეთ, მაგრამ უფრო მეტი დაგვარჩა სანახავი, განსაცდელი და გადასაღები.

ჟურნალისტებს ხშირად უსაყვედურებენ ზერელობას. უსაყვედურებენ, რომ ერთი შთაბეჭდილების შედეგად წერენ ნარკვევს, წიგნსაც კი. ამ შემთხვევაში წიგნი არ დაიწერა, მაგრამ დარჩა მოგონება შესანიშნავ ადამიანზე, საკუთარი თავისადმი სასტიკ მომთხოვნ ფოტოხელოვანზე. იმ შემოდგომით გადაღებული ასეული ფირიდან მხოლოდ რამდენიმე იხილა ჟურნალ-გაზეთების ფურცლები.

ვისენებ იმ დაუწერელი წიგნის ამბავს და ვფიქრობ თვით გურამის ცხოვრების დაუწერელ წიგნზე. რამდენი განზრახვა, ჩანაფიქრი და ოცნება დარჩა განუხორციელებელი.

გურამი ორმოცდაათამდე მწვერვალზე იყო ასული. მან დაიპყრო ხევსურეთისა და ხევის, ყარაჩაისა და სვანეთის მთები, მონაწილეობდა პამირის ექსპედიციაში, მოიარა მყინვარწვერისა და ჭაუხის, შტაველერისა და დოპახის, ფასის მთისა და ცალგმილას, უშბისა და შხელდის, სულ ბოლოს — თეთნულდისა და შხარის კლდოვანი და ყინულოვანი სიმაღლეები და არა მარტო მოიარა, ფოტოაპარატის თვალთ გამომცდელად მოსინჯა და ფოტოფირზე ასახა მთები და მასთან შერკინებული ადამიანები.

გურამი შესანიშნავი მთამსვლელი იყო და ამიტომ მისი ფოტოსურათები დიდებულად ასახვევენ მთამსვლელის

კოტე ჯავრიშვილი
სამთვალა ჩუბინი

განცდებს. მრავალ სურათს შორის, ალბინისტურ სუიტას რომ ქმნიან, ორი სურათი ყოველთვის გვაკვირვებდა:

...მთამსვლელი უახლოვდება მწვერვალს. ქვევით ბურუსით მოცული მთების პანორამა ჩანთქმულია საღამოს ბინდში. მთამსვლელის წინ მხოლოდ ჩამავალი მზით გაშუქებული თოვლიანი მწვერვალის უკანასკნელი შეფერადებაა. მთამსვლელის ყოველ ნაკვთში დაღლილობა, მაგრამ ამავე დროს ძალა გამოსჭვივების... ხელში აკრეფილი გაყინული, მოუქნელი თოკის გორგალი განვლილი გზის სიძნელეზე მოგვითხრობს. მთამსვლელის თვალებს მუქი სათვალე ფარავს, მაგრამ სახე მწვერვალისაკენ, თვალუწვდენელი ლაქვარდისაკენ — გამარჯვებისაკენ აქვს მიბყრობილი. კიდევ ერთი, სულ უბრალო, გრაფიკულ სისადავემდე ამაღლებული სურათი: პიტალო ყინულის კედელი, ცივი, უღმობელი, განუზომლად ვრცელი, პირქუში და მიუყარებელი. მას სერავს ლარივით გაჭიმული თოკი და თოკის ბოლოზე წერაყინადმართული ადამიანის პატარა ფიგურა. პატარა, მაგრამ ზამბარასავით დაღვიმული, ქედუხრელი, დაუძლეველი. უყურებ და გჯერა, რომ იგი ყველა სიძნელეს დასძლევს, მწვერვალს დაიპყრობს.

გურამ თიკანაძის ალბინისტური სუიტა ჩვენი სპორტის მაღიდებელი და ამაღლებული სიმღერაა, ახალი მიღწევებისაკენ, ახალი მწვერვლებისაკენ რომ გვეძახის.

და საკვირველია, რომ მზისკენ, მაღალი მწვერვლებისაკენ, შუქისა და სინათლისაკენ მისწრაფებულმა ადამიანმა, ვისი ხელოვნება შუქწერა, ფოტოგრაფია იყო, მიაშურა ჩვენი ბუნების ყველაზე ჩაქუფრულ, ყველაზე ბნელსა და უმზეო სამყაროს — მიწისქვეშეთს და საქართველოს მღვიმეებისა და გამოქვაბულების შესწავლა დაისახა მიზნად. 1957—1962 წლებში გურამი ხან ქობთავის ძნელად შესაღწევ გამოქვაბუ-

ლებში, ხან ლეგენდარულ ბეთლემსა და საარაკო ვარძიაში, ხან სახელოვან თქმულ სათაფლიასა და აბლასკირაში, ხან წებელდის მიდამოების კარსტული მღვიმეების სიღრმეში იღებს მიწისქვეშეთის უცნაური ჩუქურთმების სურათებს, ხან კიდევ ქციის ხეობის გამოქვაბულთა პანორამას.

ახალი ამოცანა დადგა გურამის წინაშე: თუ აქამდე მზით განათებული სამყაროს ათასი ფერებიდან უნდა შეერჩია ყველაზე სალი და გამომსახველი ფერი, ახლა უმზეო სამყაროში თვითონ უნდა შეეტანა შუქი და ბნელეთიდან გამოეტანა მისი სიადრუმლოებანი.

როდესაც ძალ-ღონით, ენერგიით აღსავსე, შემოქმედებითი ნიჭით დაჯილდოებული ახალგაზრდა ბრმა, უაზრო შემთხვევის მსხვერპლი ხდება, ძალაუნებურად ვფიქრობთ არა იმაზე, თუ რა გააკეთა მან, არამედ — რისი გაკეთება შეეძლო კიდევ. გურამსაც ნომ მომავალი წინ ჰქონდა, ახლა ვაქცადებოდა მისი ნიჭი, ხორცს ისხამდა მისი ოცნებები... მე ახლაც ვხედავ გურამს ისეთს, როგორც ბევრჯერ მინახავს: მოციწარს, თვალეგაბრწყინებულს.

...მთელი დღე მთაში ვიყავით. დავიღალეთ, მაგრამ მაინც კმაყოფილები დავრჩით. გურამმა ხის ძირას მოიკალათა, სამგზავრო შავი ტომარა გახსნა, ხელები შიგ შეყო და ფირის გადახვევას შეუდგა. ტუჩებზე ღიმი უკრთოდა და ჩუმად ღიღინებდა აკვიატებულ სიმღერას:

თეთრი ლობიო დავთესე,
ხანდახან გაშავდება;
ბიჭმა გოგოს რომ აკოცოს,
განა რა დაშავდება?

• და უცებ:

— იცი, ისევ უნდა დავბრუნდეთ შელეთში, ის წიფლები რომ არ გადავიღო, ნამდვილად ცოდვია!

ასეთი დარჩა გურამ თიკანაძე ჩვენს ხსოვნაში — დაუღეგარი, მუდამ ახალსა და შეუცნობელს რომ ეძებდა და ფენდაუდგმელ სიმაღლეებისაკენ მისწრაფოდა.





ქველის მეგობარი

ქველის მეგობარი. საქართველოს კულტურის ძეგლთა დაცვის საზოგადოების მოამბე. რედაქტორი თენგიზ ბუაჩიძე, მორიგე რედაქტორი ლევან გოთუა, პასუხისმგებელი მდივანი ზაირა სტურუა; ყდა მერაბ ბერძენიშვილისა, ტიტული გ. ნადირაძისა. № 1, იანვარი-თებერვალი-მარტი, 1964 წ., თბილისი, ტირაჟი 300.



ახალი ჟურნალი

შენ, ფრთამოღულუნეს
ქამთა სიმაღლეზე,
ჩვენი საუკუნე
გიცავს უახლესი:
მძლავრი ხელოვნება,
ხალხის ხელოვნება
ბრწყინავს საქართველოს
ქებად ნიკორწმინდა!

ასეთ მშვენიერ სტრიქონებს უძღვნის გალაკტიონ ტაბიძე ქართული ხუროთმოძღვრების დიდებულ ძეგლს, ნიკორწმინდის ტაძარს.

საქართველო მდიდარია მატერიალური კულტურის ძეგლებით. ჩვენი მიწა-წყალი მოფენილია ხელოვნების ისეთი იშვიათი შედევრებით, როგორცაა სვეტიცხოველი და გელათი, ვაჩხი და ნიკორწმინდა, ჯგრისა და ბოლნისის, სამთავისისა და ბაგრატის ტაძრები... კულტურის ძეგლების დაცვა, შენახვა, მოვლა-პატრონობა, შესწავლა დიდი

სახელმწიფოებრივი მნიშვნელობის საქმეა.

ნებაყოფლობითი სახალხო ორგანიზაცია — კულტურის ძეგლთა დაცვის საზოგადოება ჩვენს რესპუბლიკაში 1959 წელს შეიქმნა. შედარებით მოკლე დროში ამ საზოგადოებამ ნაყოფიერი მუშაობა გაშალა ჩვენი ეროვნული კულტურის მატერიალური ძეგლების დაცვის, მათი მოვლა-პატრონობისა და მეცნიერული შესწავლის მიმართულებით.

„ქველის მეგობარი“ — ასე ჰქვია საქართველოს კულტურის ძეგლთა დაცვის საზოგადოების ახლადდაარსებულ მოამბეს. იგი გამოდის წელიწადში ოთხჯერ, საზოგადოებრივ საწყისებზე, ხელნაწერის უფლებით და კულტურის ძეგლთა დაცვის, აღდგენის, გამარჯობისა და გამოვლინების კეთილშობილურ საქმეს ემსახურება. „მოამბე“

გააშუქებს, თუ რა სამუშაოები ტარდება ჩვენს რესპუბლიკაში კულტურის ძეგლთა დაცვისა და მოვლა-პატრონობის მხრივ, პროპაგანდას გაუწევს მოწინავეთა გამოცდილებას, მიუთითებს ნაკლოვანებებზე, გააცნობს მკითხველებს საზოგადოების საქმიანობას, მის მიზნებსა და ამოცანებს. ჟურნალში დაიბეჭდება როგორც მეცნიერულ-პოპულარული, ასევე საინფორმაციო მასალები, ილუსტრაციები, სამუშაო სქემები და სხვა სახის მასალა, რაც კი კულტურის ძეგლთა დაცვის საზოგადოების წევრებს თავიანთ საქმიანობაში გამოადგებათ.

„ძეგლის მეგობრის“ პირველი ნომერი იხსნება საქართველოს სსრ კულტურის მინისტრის, კულტურის ძეგლთა დაცვის რესპუბლიკური საზოგადოების პრეზიდიუმის თავმჯდომარის თენგიზ ბუაჩიძის წერილით — „ჩვენი მოამბე“, სადაც ნათქვამია: „ჩვენს ქვეყანაში საყოველთაო ზრუნვითაა გარემოცული მთელი ის დიდებული მემკვიდრეობა, რაც წარსულისაგან დაგვრჩა და საბჭოთა ადამიანის ყოფისა და შრომის ინტერესებს ემსახურება, რაც ხელს უწყობს მის შემდგომ კულტურულ ზრდასა და განვითარებას. საქართველოს კულტურის ძეგლთა დაცვის საზოგადოების „მოამბის“ გამოცემა ამ ზრუნვის დადასტურებაა“.

ჟურნალის სარედაქციო კოლეგია თხოვნით მიმართავს კულტურის ძეგლთა დაცვის საზოგადოების ყველა წევრს, აგრეთვე დაინტერესებულ პირებს, მიაწოდონ მასალები — ინფორმაციები, სხვადასხვა ხასიათის წერილები, ფოტოსურათები.

აკადემიკოსი ნიკო ბერძენიშვილი თავის წერილში „ღირსსახსოვარი თარიღი“ მიესალმება „ძეგლის მეგობრის“ დაარსებას. „ეს არის, — წერს ავტორი — წინადადებული დიდი ნაბიჯი კულტურის ძეგლთა მოვლა-დაცვის საქმეში. „ძეგლის მეგობარი“ იმის მოწმობაა, რომ კულტურის ძეგლთა დაცვა ჭეშმარიტად სახალხო საქმედ იქცა და სავსებით ბუნებრივია, რომ ეს საქმე სწორედ

ჩვენს დროში ხდება. კულტურის ძეგლთა დაცვა კომუნისტური მშენებლობის ზოგადოების ღვიძლი საქმეა. ეს საქმეები ხომ ჩვენი კულტურული ცხოვრების ნაკვალევია, საზოგადოების შრომისა და შემოქმედების ნაყოფია და საბჭოური მეცნიერება ამ ძეგლების შესწავლით წარმოაჩენს ჩვენს სახელოვან წარსულს, ხალხის შრომას, ბრძოლას და მიღწევებს.“

ინტერესით იკითხება აკადემიკოს გიორგი ჩუბინიშვილის სტატია „სვეტიცხოვლის გალავანში XI საუკუნის კარიბჭის გახსნა“.

დავით გარეჯის უდაბნოს ფრესკების აღწერა და მათი მეცნიერული ანალიზი მოცემული აკადემიკოს შალვა ამირანაშვილის წერილში „დავით-გარეჯის უდაბნოს ფრესკები“. „დავით-გარეჯის ფრესკებს განსაკუთრებული ადგილი უჭირავს ქართულ კედლის მხატვრობაში. ამჟამად ბევრი რამ მოუვლელობის გამო ზიანდება. ჩვენ გვევალება დაუყოვნებლივ მივიღოთ სათანადო ზომები, დავიცვათ ქართული კულტურის უძვირფასესი ძეგლი. ჩვენ მოვალენი ვართ გადავარჩინოთ ჩვენი მხატვრული კულტურის შესანიშნავი ძეგლები, რომლებიც წარმოადგენენ მსოფლიო კულტურის სავანძურს“, — დაასკვნის ავტორი.

ისტორიულ მეცნიერებათა დოქტორი ანდრო აფაქიძე თავის წერილში „ქართული კულტურის ძეგლები — სახელოვან მემკვიდრეობას“ მოგვითხრობს იმ დიდ წარმატებებზე, ქართველმა არქეოლოგებმა რომ მოიპოვეს საბჭოთა ხელისუფლების პირობებში. ფართოდ გაშლილ საველე-არქეოლოგიურ კვლევა-ძიებებს შედეგად მოჰყვა ჩვენი ერის ნივთიერი კულტურის მრავალრიცხოვან ძეგლთა აღმოჩენა. კულტურის ახალ-ახალ ძეგლთა აღმოჩენით დაინტერესებულია მოსახლეობის ფართო ფენები. ავტორს მოჰყავს კულტურის ძეგლები-სადმი ზოგიერთი პირისა თუ დაწესებულების არამამულიშვილური დამოკიდებულების ფაქტები (აღმოჩენილი

განძების გატაცება, ტაძრის ქვევის სა-
შენ მასალად გამოყენება და სხვ.).

მეტი ყურადღება უნდა მივაქციოთ
ხალხური არქიტექტურის ძეგლებს —
საცხოვრებელ, სამეურნეო, თავდაცვისა
და საკულტო ნაგებობებს, რადგანაც
ისინი უშუალოდ არიან დაკავშირებულ-
ნი ხალხის ყოფასა და ყოველდღიურ
ცხოვრებასთან, მათში ჩაქსოვილია ხალ-
ხის შემოქმედებითი გენია, აზრი და
გონება, ოსტატობა, სილამაზის გრძნო-
ბა. ამ დიდმნიშვნელოვან საკითხს ეხე-
ბა პროფ. გ. ჩიტაიას წერილი „ხალხუ-
რი არქიტექტურისა და ყოფის მუზეუ-
მი.“ ავტორი გვაცნობს, რომ საქარ-
თველოს კულტურის ძეგლთა დაცვის
საზოგადოების ინიციატივით ვაკის პარ-
კის მიდამოებში, 30 ჰექტარ ფართობ-
ზე, ღია ცის ქვეშ მოეწყობა ხალხური
ძეგლების მუდმივი მუზეუმი, სადაც
ძეგლები მათთვის დამახასიათებელი
ლანდშაფტის გარემოში იქნებიან წარ-
მოდგენილნი. სოფლური არქიტექტუ-
რისა და ყოფის ამსახველი მუზეუმი
ერთ-ერთი უღამაზესი ადგილი იქნება
თავისი მრავალფეროვანი ძეგლების
კომპლექსებით. მუზეუმი მოემსახურება
არა მარტო ხალხური ძეგლების დაც-
ვას, არამედ მნახველები პავილიონში
წინასწარ გაცნობიან საგამოფენო გეგ-
მას, ნახავენ შესაფერის კინო-სურა-
თებს, ხალხური შემოქმედების ახალ
ნიმუშებს, მოაწყობენ ძველ და ახალ
ხალხურ დღესასწაულებს, ფესტივა-
ლებსა და მრავალ სხვა სანახაობებს.

მწერალი ლევან გოთუა მიესალმება
„ძეგლის მეგობრის“ გამოსვლას. „ძეგ-
ლის მეგობარი ხალხის მეგობარია!“ —
წერს იგი. მწერლის აზრით, კარგი
იქნება, თუ დავაწესებთ ე. წ. „ძეგლის
დღეს“ და აღვნიშნავთ ჩვენი დიდბუ-
ლი ძეგლების საიუბილეო თარიღებს
ადგილზე მასობრივი მისვლით, სათანა-
დო მეცნიერული სესიისა და პრაქტი-
კული შაბათობების მოწყობით. ეს ხელს
შეუწყობს ძეგლების მოვლა-მფარვე-

ლობას და ახალი მონაბოვარი იქნება
ძეგლების დაცვის უკეთესობის
საქმეში.

წერილში „ბაგრატის ტაძრის ნანგრე-
ვებთან“ ხელოვნებათმცოდნეობის კან-
დიდატი ვახტანგ ცინცაძე მოგვითხ-
რობს იმის შესახებ, თუ როგორ გაა-
ნადგურა შემოსეულმა მტრებმა და
ჟამთა სივრცე ბაგრატის ტაძარი და რა
ღონისძიებები ტარდება ამჟამად მის აღ-
სადგენად.

სპეციალური სამეცნიერო-სარესტავ-
რაციო სახელოსნოს დირექტორი ლევან
ხიმშიაშვილი მკითხველს აცნობს იმ
სამუშაოებს, რასაც აღნიშნული სახე-
ლოსნო ეწევა კულტურის ძეგლების
აღსადგენად.

ყურნალში დაბეჭდილია ხელოვნე-
ბათმცოდნე ანდრო ჯავახიშვილის წე-
რილი „ჩვენი საზოგადოების ამოცანე-
ბი, მისი წესდება და წევრების მოვა-
ლეობა“, აგრეთვე კულტურის ძეგლთა
დაცვის პრეზიდენტის თავმჯდომარის
მოადგილის იულონ კორძახიას წერილი
„ჩვენი საზოგადოების გასული წლების
საქმიანობის მოკლე მიმოხილვა“.

„მოამბეს“ დართული აქვს ქრონიკა
და რეზიუმე რუსულ ენაზე. „ძეგლის
მეგობარი“ უხვადაა დასურათებული
ფერადი ფოტოებით, ქართული ჩუქურ-
თმებით, ფრესკების ფრაგმენტებით, ნა-
ხატებითა და სქემებით.

მოწონებას იმსახურებს მხატვარ თე-
იმურაზ ყუბანეიშვილის ორი პლაკატი.

„ძეგლის მეგობარი“ გემოვნებით
გაუფორმებიათ მხატვრებს მ. ბერ-
ძენიშვილსა და გ. ნადირაძეს.

საქართველოს კულტურის ძეგლთა
დაცვის საზოგადოებამ თავისი ბეჭდვი-
თი ორგანოს „მოამბის“ დაარსებით
ნამდვილად კარგი და სასარგებლო საქ-
მე გააქეთა.

რევაზ ოსეფაიშვილი
ახალი ყურნალი





მოქალაქის მოგონებანი

ჩვენი საუკუნის ოციან წლებში ძლიერ ქართველ მოქალაქეთა რიცხვი თითებზე დაითვლებოდა. პირველი კვალიფიცირებული ოსტატი, ვ. ვოგლიძის სახით მხოლოდ 1930 წ. შეგვეძინა. დღეს კი ჩვენი პატარა რესპუბლიკა ქართველ კვალიფიცირებულ მოქალაქეებს ასობით ითვლის, ხოლო ქართველ მოქალაქე ქალთა გუნდი, მსოფლიოს ჩემპიონის ნონა გაფრინდაშვილის მეთაურობით, უძლიერესია საბჭოთა კავშირში.

იმ შორეულ წლებში საძიკველი ეყრებოდა ქართველ მოქალაქეთა კადრების შექმნას და მათ გაერთიანებას ორგანიზებულ კოლექტივებში. ვიფიქრე, იმ დავიწყებულ დროის თუნდაც სუსტი გამოძახილი ინტერესობაზე არ უნდა იყოს-მეთქი. ამ აზრმა, ჭადრაკის ენთუზიასტის თ. გიორგაძის წახალისებით ეს „მოგონებანი“ დამაწერინა. ბუნებრივია, თუ ალაგ-ალაგ ამ ფურცლებს ჩემი ცნობრების პირადი შთაბეჭდილებები და შემთხვე-

ვები გამოერია, რაც, ასე თუ ისე, ჭადრაკთან იყო დაკავშირებული.

ჭადრაკის თამაში პირველად ჩემმა ნათესავმა ლადო ერისთავმა მასწავლა და შემაყვარა. მაშინ 13 წლისა ვიყავი. ლადო ერისთავი ცნობილი მეფუტკრე იყო. საქართველოში საბჭოთა ხელისუფლების დამყარების შემდეგ იგი ერთ-ერთი სასოფლო-სამეურნეო სკოლის გამგედ დანიშნეს. მის კალამს ეკუთვნის მეფუტკრეობის შესანიშნავი სახელმძღვანელო. ლადო ჭადრაკის დიდი მოტრფიალე იყო.

შემდეგ მამაჩემის ბიბლიოთეკაში ჭადრაკის თამაშის სახელმძღვანელო აღმოვაჩინე, — ძველისძველი, ყდამორღვეული წიგნი. ზედ ქართულად ეწერა: „ფრიად სასარგებლო რამ არის“. შესავალში გადმოცემული იყო ჭადრაკის მოკლე ისტორია, შემდეგ თამაშის წესები, ანდერსენის დროინდელი სახელგანთქმული მოქალაქეების, ბოლოში კი ცნობილი ძველი რუსი მოქალაქეების: პეტროვის, შუმოვის, იანი-



შის და სხვ. პარტიები იყო დაბეჭდილი. წიგნის შესწავლას ბეჯითად ჩავუჯექი. მან პირველად მაგემა ჭადრაკში ჩამალული სილამაზის სიტყბო. განსაკუთრებით მიმიზიდა პაულ მორფის შემოქმედებამ. მალე მისი პარტიები ზეპირად ვიცოდი. პაულ მორფი ჩემი სათაყვანებელი გმირი ვახდა.

შემდეგ უფრო თანამედროვე და სასარგებლო წიგნი ვიყიდე: შიფერსის სახელმძღვანელო. შიფერსი და პლატოვნების ეტიუდების კრებული ჩემი განუყრელი თანამგზავრები შეიქნენ. 1916 წელს, როცა ჯარში გამიწვიეს და კავკასიის ფრონტზე გამისტუმრეს „საინჟინრო-სამშენებლო დრუჟინაში“ სამუშაოდ, შიფერსმა და პლატოვნებმა ჩემთან ერთად გადასერეს თურქეთის გვერანებული მთა-გორები და ტრამალები, ნანგრევებად ქცეული არზრუმი და ქ. ერზინჯანს მიადწიეს. ჩვენი რაზმი აქ ქალაქის მახლობლად დააბანაკეს. „საინჟინრო-სამშენებლო დრუჟინები“ მეტწილად სტუდენტებისაგან შესდგებოდა. მათ უფროსთა შემადგენლობაში სხვადასხვა ეროვნების წარმომადგენლები შედიოდნენ. ამ რაზმებს დავალებული ჰქონდათ სტრატეგიული გზებისა და სანგრების გაყვანა. მე ერთ პოლონელ სტუდენტს, გვარად ბრანდს და ნიჟიერ მოსკოველ ვიოლინისტს ალექსეევს დავუმეგობრდი. ჩვენ ერთი საცხოვრებელი ოთახი გვქონდა შედარებით ნაკლებად დაზიანებულ სახლში.

ალექსეევი იყო დაბალი, ჩაფსკენილი. მკვირცხლი და მხიარული კაცი. შავი, ბრიალა თვალები ჰქონდა. მოსწრებული სიტყვა-პასუხით და გულკეთილობით ყველა ამხანაგის გული მოინადირა.

დიდი დრო არ გასულა, რომ გასართობად შაშა და ჭადრაკს მივმართეთ. გავაჩაღეთ შეჯიბრებები. ჩემი რაზმის ჩემპიონად გამომაცხადეს.

ბევრი ვეხვეწე ალექსეევს, ჭადრაკს გასწავლი-მეთქი. ვერას გზით ვერ დავიყოლიე. მაგისტვის არ მცალიაო. სამაგიეროდ ახლა მე ჩამაცივდა, გინდა თუ არა, ვიოლინოზე დაკვრა უნდა გასწავლოო. ჯერ უარზე დავდექი, ბო-

ლოს დავთანხმდი და მისი რჩევით მოსკოვიდან ვიოლინო გამოვიწერე, თუმცა საეჭვო იყო, რომ ამ სიშორეზე მოსკოვიდან ჩვენი მიყრუებულ თურქულ სოფლამდე მოედწია. მაგრამ დახე საკვირველებას! არც თუ ისე დიდი დაგვიანებით, ერთ მშვენიერ შემოდგომის დღეს კოხტად შეფუთული ამანათი ჩამაბარეს. შიგ ჩემი ვიოლინო იდო. რა გაეწყობოდა! ორი კვირის განმავლობაში ვაწრაბინე ვიოლინო. ბოლოს სავარჯიშოებმა თავი მომაბეზრეს და ჩემი ვიოლინოც ერთ სათვალთან რუს ამხანაგს გადავულოცე. თვითონ ალექსეევი კი მთელ დღეებს ვიოლინოზე ვარჯიშს ანდომებდა.

დიდი ოქტომბრის რევოლუციის აზობოქრებულმა ზღვამ 1917—1919 წლებში სხვადასხვა ჯურისა და ეროვნების ხალხი თბილისშიც გამოსტყორცნა. მათ შორის მოსწავლე ახალგაზრდობაც იყო. 1919 წელს ჭადრაკის მოყვარულთა ჯგუფის თაოსნობით თბილისში სტუდენტების საჭადრაკო ტურნირი გაიმართა. ვარდა რამდენიმე ქართველი სტუდენტისა ტურნირში მონაწილეობა მიიღეს რუსეთის სხვადასხვა უმაღლესი სასწავლებლების წარმომადგენლებმაც, სულ დაახლოებით 15 მოჭადრაკემ. თამაში ყოველ საღამოს იმართებოდა ლენინის მოედნისა და გ. ტაბიძის ქუჩის კუთხეზე იმ სახლში, სადაც ამჟამად მოთავსებულია სააფთიაქო მაღაზია. ამავე შენობაში იყო სასადილო, სადაც სტუდენტებს სადილი ეძლეოდა დაკლებულ ფასებში. სატურნირო საათების უქონლობის გამო შეჯიბრებამ კარგა დიდ ხანს გასტანა. პირველი ჯილდო მე მერგო. მეორე ადგილი დაიკავა ა. ვერბსტამნამ, შემდეგში საჭადრაკო ეტიუდის გამოჩენილმა საბჭოთა თეორეტიკოსმა და კომპოზიტორმა. მესამე ადგილზე გამოვიდა მიშა ტარსაიძე, თვალის ექიმის შვილი. იმ დროს ტარსაიძე უღაგოდ ძლიერი მოჭადრაკე იყო.

ვახტანგ ერისთავი
მოჭადრაკის მოგონებანი

გამარჯვებით აღფრთოვანებულმა, მამაჩემს გავუგზავნე გაზეთი, რომელშიაც დაბეჭდილი იყო ჩატარებული ტურნირის შედეგები. მამაჩემი, გურიაში პოპულარული ექიმი, საზოგადო მოღვაწე და მწერალი, დიმიტრი (შინაურობაში ტიტოვ) ერისთავი მაშინ სოფელ გორა-ბერეჟოულში ცხოვრობდა. ამ მოგონებამ გამახსენა ერთი მოხუცი გურული მოჭადრაკის სიტყვები, ჩემს ყმაწვილობაში გაგონილი: „როკი-როკია“-ს ქართულად „ზანდრაბეგული“ ჰქვიაო. ეს საყურადღებო ცნობაა. ქართულ ლექსიკონებში და საჭადრაკო ლიტერატურაში სიტყვა „ზანდრაბეგული“ არ გვხვდება. სასურველია, ჩვენმა ორიენტალისტებმა მისი ეტიმოლოგია გამოარკვიონ. ხომ არ იხმარებოდა ის დასავლეთ საქართველოში? როცა შემატყო, რომ პოეზიითაც ვიყავი დაინტერესებული, ა. გერბსტამანმა საკუთარი ლექსები წამიკითხა: „სონეტების გვირგვინი“. მანვე წამიყვანა ერთხელ „პოეტების საამქროში“ (Цех поэтов). ასე ეწოდებოდა რუსეთიდან ჩამოსული პოეტების წრეს, სადაც განსაზღვრულ დღეებში, საღამოობით, თავს იყრიდნენ პოეზიის მოყვარულნი, კითხულობდნენ და არჩევდნენ ლექსებს. იმ საღამოს, ჩვენ რომ დავესწარი, საუცხოოვო ლექსებით მოგვხიბლეს პოეტებმა გოროდეციმ, კოლუბიაკინმა და სხვ. დ. გორდევემა, შემდეგ ქართული ხუროთმოძღვრების ცნობილმა მკვლევარმა, წაიკითხა ქართული „ზმის“ მინაგვარი სახუმარო ლექსი, რომელშიც მან კლანჭი გაჰკრა მის მეგობრებს პოეტ ზდანევიჩს და ტერენტიევს. მახსოვს ტიციან ტაბიძის გამოსვლაც. მან ენამოსწრებულად და მოურიდებლად გააკრატიკა ზოგიერთი პოეტის ნაწარმოები.

1918—1920 წლებში მოჭადრაკეების შესაკრები ადგილი იყო „ქართული კლუბი“ (ამჟამად ა. გრიბოედოვის სახელობის თეატრის შენობა) და კაფე „ფინჯანი ჩაი“ (რუსთაველის პროსპექტზე). მაშინ ჩვენში პირველობდა უძლეველი ფალავანი, მოხუცი ხარლამპი სირბილაძე, სასამართლოს მოხელე.

განცვიფრებას იწვევდა მისი თამაში სტილი. იგი საკვირველი სისწრაფით ადვილად ერკვეოდა ურთულეს პოზიციებში. თავის მოპირდაპირებს იშვიათად აძლევდა ნებას პარტია ენდშილამდე მიეყვანათ. პარტიის ბედი ღრმად გააზრებული იერიშის შედეგად უკვე შუა თამაშში წყდებოდა. მის თამაშში შერწყმული იყო პოზიციის ღრმა გაგება და ეფექტიანი კომბინაციის ნიჭი. არაერთხელ დავსწრებივარ მის თამაშს და ახლა ძალიან ვნანობ, რომ არც ერთი მისი პარტია არ ჩამიწერია. რამდენადაც ვიცი, მისი საჭადრაკო შემოქმედების არც ერთი ნიმუში არ შემორჩენილა. 1920 წლის ტურნირში მან ბრწყინვალედ დაამტკიცა თავისი პირველობა, როცა მას, 58 წლის მოხუცს, 25 მოჭადრაკე შეებრძოლა. ეს ტურნირი მოწყობილი იყო „ქართული კლუბის“ გამგეობის მიერ კლუბის შენობაში. პირველი ადგილი დაიკავა ხარლამპი სირბილაძემ, მეორე — მკრტუმოვმა. ამ შეჯიბრებაში მონაწილეობა არ მიმიღია.

„ქართული კლუბის“ საჭადრაკო ოთახში ხშირი სტუმარი იყო ჩვენი სახელოვანი მოქანდაკე იაკობ ნიკოლაძე. იგი მთელი საათობით ჩაჰკირკიტებდა ხოლმე საჭადრაკო დაფას. ამასთან დაკავშირებით ერთმა ქართველმა გაზეთმა ი. ნიკოლაძის სურათი მოათავსა წარწერით: „მე ვარ და ჩემი ჭადრაკი, გამთენებელი ღამისა. მოქანდაკობა არ გადის, ვარ მიმღევარი ამისა“.

ხ. სირბილაძე ხშირად კაფე „ფინჯანი ჩაიში“ თამაშობდა. აქ ვრცელი დარბაზის ერთი კუთხე 10 საჭადრაკო მაგიდას ეკავა. მაგიდები მუდამ დაკავებული იყო. კაფეში სხვადასხვა ჯუჯის ხალხი ბუზივით ირეოდა. უკრავდა სიმებიანი ორკესტრი, იყო ყრიამული და ყაყანი და ამ ყურთასმენის წამლებზე ხმაურში მოჭადრაკეები თავდავიწყებით ებრძოდნენ ერთმანეთს. ხშირად ფულზე თამაშობდნენ. ხშირად მომხდარა, რომ სხვა ქალაქებიდან ჩამოსულ მოჭადრაკეებს, რომლებიც ხ. სირბილაძეს პირადად არ იცნობდნენ, მასთან

ფულზე თამაში მოუხდომებიათ, ალბათ იოლი მოგების იმედით. ის, რა თქმა უნდა, უარს არ ეუბნებოდა, მე კი, ამის შემხედვარეს, სეირის მოლოდინში გულში მეცინებოდა. ბევრი, ძალიან ბევრი ქედმაღალი მოარჯულა ჩვენმა ჭიკარა ფალავანმა. ხ. სირბილაძე დარბაისელი, სიტყვაძვირი კაცი იყო. არ მახსოვს დამარცხებული მოპირდაპირე გაეკენწლოს, როგორც ეს ზოგიერთებს სჩვევიათ.

საქართველოში საბჭოთა ხელისუფლების დამყარება საჭადრაკო ხელოვნების ცხოვრებასაც, ისევე როგორც კულტურის ყველა დანარჩენ დარგს, ეულშემატკივარ ორგანიზატორად, წამახალისებლად, უანგარო ქომაგად მოეკლინა. ჭადრაკის პოპულარიზაციის, ახალი კადრების შექმნისა და ხელმძღვანელობის საქმეს ფართო ასპარეზი გაეხსნა. ერთ-ერთ ასეთ მნიშვნელოვან ღონისძიებად უნდა ჩათვალოს 1923 წ. თბილისში საჭადრაკო კლუბის დაარსება. გარდა იმ პირებისა, რომლებიც ჩამოთვლილი ჰყავს გ. ნადარეიშვილს მის წიგნში („საჭადრაკო ეტიუდები“), საჭადრაკო კლუბის და შემდგმ სხვა საჭადრაკო კოლექტივების საქმიანობაში დიდ და ნაყოფიერ მუშაობას ეწეოდნენ მკრტუმოვი, ზავადოსკი და სიტკოვსკი. ამათგან პირველი ორი ძლიერი მოჭადრაკეები იყვნენ.

1925 წ. შემოდგომაზე ფიზკულტურის საბჭოს საჭადრაკო სექციის პრეზიდიუმში შემოიყვანეს. სხვადასხვა დავალებებს ვასრულებდი: ვხელმძღვანელობდი საჭადრაკო წრეს, მინაწილეობას ვიღებდი სხვადასხვა პროფკავშირთა კლუბების გუნდურ შეჯიბრებებში. აღსანიშნავია, რომ თბილსაბჭოს თაოსნობით 1925 წლიდან ფართოდ გაიშალა სხვადასხვა საჭადრაკო კოლექტივების ჩამოყალიბება, ე. ი. საჭადრაკო ცხოვრებაში მშრომელთა ახალი მასების ჩაბმა. ამ მხრივ ნიშანდობლივია ის ფაქტი, რომ 1924 წ. თბილისში, გარდა საჭადრაკო კლუბისა, ერთადერთი საჭადრაკო წრე, „ერკოპში“ არსებობდა. ორი საჭადრაკო გუნდის შეჯიბრე-

ბა თბილისში პირველად 1925 წლის აგვისტოში მოეწყო ცენტრალურ მუშათა და საბჭოთა სავაჭრო მუშათა პროფკავშირის კლუბებს შორის. ხოლო თბილისში პირველი გუნდური შეჯიბრება პროფკავშირთა საჭადრაკო წრეების პირველობაზე 1926 წლის შემოდგომაზე გაიმართა. ამ შეჯიბრებაში მე ვაჭრობის მუშაკთა პროფკავშირის გუნდში ვთამაშობდი პირველ დაფაზე. ამ შეჯიბრებამ დიდი ინტერესი გამოიწვია.

თავდაპირველად, სანამ სხვა, უფრო შესაფერ სადგომს დაგვითმობდნენ, კლუბის წევრების სხდომები და შეჯიბრებები იმართებოდა ყოფილ „სამხედრო სობოროში“ (რუსთაველის პრ., იქ, სადაც ახლა მთავრობის სახლია). შიგ ოთხიოდე ოთახი იყო ბაღდადით გადატიხრული და შელესილი. ჭერის მაგივრობას თვალშეუდგამ სიმაღლეზე გადმოკიდებული ჩაბნელებული გუმბათი ასრულებდა. საეკლესიო სავალობლებს ჩვეულ თაღებქვეშ უცნაურად გაისმოდა მოჭადრაკეების შეძახილები, რასაც ყრუ გუგუნს აყოლებდა ტაძრის უზარმაზარი გუმბათი.

ჭადრაკის თამაში ხშირად იმ შენობაში იმართებოდა, სადაც ახლა უნივერსიტეტი (კ. მარჯანიშვილის სახ. თეატრის პირდაპირ), აგრეთვე ცენტრალურ მუშათა კლუბში (პლენხანოვის პრ.). აქ ტარდებოდა ძლიერი მოჭადრაკეების ერთდროული თამაშის სეანსებიც, მაგ., იოგანის, გოგლიძის, ლევენფიშის, სმოროდსკის, სოროკინის, ლოპატნიკოვის და სხვ.

იოგანი, თბილისის ყოფილი ჩემპიონი, ძალიან ნიჭიერი მოჭადრაკე იყო. თბილისის 1926 წ. ჩემპიონატში მან მესამე ადგილი დაიკავა. ლაპარაკში გერმანული წარმოშობა ეტყობოდა. ის იყო ფერმკრთალი, გამხდარი, სუსტი აგებულების, მაგრამ ჯანმრთელი კაცი. საჭადრაკო ასპარეზს ადრე ჩამოშორდა. მახსოვს, ერთხელ ლოპატნიკოვთან

ვახტანგ ერისთავი
მოჭადრაკის მოგონებანი

ერთდროული თამაშის სეანსში მეც ჩავეწერე. თანდათან დაფაზე მისთვის უიმედო მდგომარეობა შეიქნა. როცა ჩემს დაფას მოუახლოვდა, უნებლიეთ წამომცდა: „გამოსავალი არ არის“. მან იუკადრისა ჩემი შენიშვნა, ამირიზა და გამშორდა.

მაგონდება გამოჩენილი პრაღელი ოსტატის კოსტიჩის ერთდროული თამაშის სეანსი „სახაფხულო კლუბში“, იმ ბაღში მტკვრის პირას, სადაც შემდეგ „წიგნის სასახლე“ ააშენეს. სეანსი დაღამებამდე გაგრძელდა. კოსტიჩმა ყველა მოწინააღმდეგე დაამარცხა. მის პირისპირ მხოლოდ მე დავრჩი. მე ეტლი მქონდა, მას — ეტლი და ერთი პაიკი. გარშემო ხალხი შეჯგუფებულიყო და ხმაგაკმენდილი ჩვენს ბრძოლას თვალს ადევნებდა. მაყურებელთა შორის გიორგი ნიკოლაძეც შევნიშნე. კოსტიჩი ელვისებურ სვლებს აკეთებდა და მით მოფიქრების შესაძლებლობას არ მაძლევდა. ოხუნჯი კაცი იყო, ჯმუხი, პირმრგვალი, წვერულვაშმობარსული. ეს პარტია წავაგე, თუმცა თეორიულად ფრე იყო. მერე კოსტიჩმაც ასე სთქვა.

გამახსენდა ა. ალიოხინის ერთდროული თამაშის სეანსი 1915 წლის ზაფხულში ლენინგრადში. მე, 19 წლის ჭაბუკი, პეტროგრადში გავემგზავრე უმაღლეს სასწავლებელში შესასვლელად. ჩემი ჩამოსვლიდან მეორე თუ მესამე დღესვე საჭადრაკო კლუბს მივაშურე, სადაც ა. ალიოხინს ერთდროული სეანსი უნდა ჩატარებინა. კლუბში უკვე 40 მოჭადრაკეს მოეყარა თავი. შემოვუსხედით საჭადრაკო მაგიდების ვეებერთელა წრეს, დავაწყეთ ფიგურები და თამაში დაიწყო. ა. ალიოხინი მაშინ უკვე სახელგანთქმული ოსტატი იყო; ქერათმიანი, სანდომიანი სახის, ტანწერწერტა ყმაწვილი, ლაზარევის სახ. ინსტიტუტის მუნიციპალიტეტში გამოწყობილი. მოჭადრაკეების წრეს შუაში უვლიდა, დაუყოვნებლივ აკეთებდა სვლებს, ზოგჯერ ილიმებოდა და თავს აჩვენებდა. მან ყველას მუსრი გაავლო. მე თავიდანვე ცუდ

გუნებაზე დავდექი. საკუთარი ჭადრაკი არ მომიტანია და რაღაც არაჩვეულებრივად პაწაწინა ფიგურები მომცეს. პაიკები ლობიოს მარცვლის ოდენა იყო. ა. ალიოხინის მოულოდნელმა სვლებმა ხომ სულ მთლად ამირია დავთრები. უკვე მე-7-ე სვლაზე ლაზიერი გამოახტუნა. მალე დავნებდი.

მთელი მსოფლიოს და კერძოდ თბილისელი მოჭადრაკეების ყურადღების ცენტრში იყო საერთაშორისო ტურნირი, რომელიც მოსკოვში 1925 წლის ნოემბერში გაიხსნა. ეს იყო პირველი საერთაშორისო ტურნირი საბჭოთა კავშირში, თერთმეტი უძლიერესი უცხოელი ოსტატის მონაწილეობით. ტურნირში 10 რუსი ოსტატი მონაწილეობდა, მათ შორის საბჭოთა კავშირის ჩემპიონი ე. ბოგოლიუბოვი. მოსკოვში ჩამოვიდნენ მსოფლიოს ჩემპიონი კაპაბლანკა, მსოფლიოს ყოფილი ჩემპიონი ე. ლასკერი, ამერიკის ჩემპიონი მარშალი, რეტი და სხვ. უდიდესი ინტერესით ველოდით ცნობებს ტურნირის მსვლელობის შესახებ, რასაც თითქმის ყოველდღე გვაწვდიდა გაზ. „ზარია ვოსტოკას“ საჭადრაკო განყოფილება გ. ლევენფიშის რედაქციით. თითქმის ყველანი დარწმუნებული ვიყავით, რომ პირველ ადგილს უძლეველი კაპაბლანკა დაიპყრობდა. სინამდვილემ ყინულზე გაგვაცურა. ტურნირის თავში მოექცა შესანიშნავი რუსი ოსტატი, საბჭოთა კავშირის ჩემპიონი ე. ბოგოლიუბოვი, ზოლო კაპაბლანკა, რომელმაც 2 პარტია რუს ოსტატებთან წააგო (ილინ-ჟენევესკისთან და ვერლინსკისთან), იძულებული გახდა მესამე ადგილით დაკმაყოფილებულიყო. მეორე ადგილზე გამოვიდა მსცოვანი ე. ლასკერი. კაპაბლანკას უკვე ერთი წლის შემდეგ, 1927 წელს, საბედისწერო მარცხი მოუვიდა, — მსოფლიოს ჩემპიონის გვირგვინი მას ალიოხინმა წარსტაცა. ამ ტურნირმა კიდევ უფრო გააღვივა თბილისელების ინტერესი ჭადრაკისადმი.

1926 წელს თბილისში საცხოვრებლად ჩამოვიდა უკრაინის ერთ-ერთი



უძლიერესი მოჭადრაკე ნ. სოროკინი, რომელიც საბჭოთა კავშირში ჭადრაკის „თვალსუქულა“ თამაშის საუკეთესო ოსტატად ითვლებოდა. ამგვარი თამაში თბილისში უცხო სანახაობა იყო და მის პირველ სენანს ბევრი ხალხი დაესწრო. მეორე სენანს, როცა სოროკინმა სრულიად საკავშირო რეკორდი დაამყარა, მეც დავესწარი. ის ერთდროულად 16 შოწინააღმდეგეს ეთამაშებოდა დაფაზე დაუხედავად. ამას ზუთი საათი დასჭირდა. ნ. სოროკინმა 7 პარტია მოიგო, 4 — წააგო და 5 ფრედ დაამთავრა. აღსანიშნავია, რომ 1925 წ. პარიზში ა. ალიოხინმა მსოფლიო რეკორდი დამყარა: 13 საათის განმავლობაში ის ერთდროულად „თვალსუქულა“ ებრძოდა 28 მოჭადრაკეს.

ნ. ხოროკინი აქტიურად ჩაება ჩვენი ქალაქის საჭადრაკო საქმიანობაში და ხელი შეუწყო ჭადრაკის მიმართ ინტერესის გაძლიერებას.

ვიქტორ გოგლიძის თბილისში გადმოსახლება ჩვენთვის დიდად სასიხარულო ამბავი იყო. მისი სახით თბილისის და საერთოდ საქართველოს მცირერიცხოვან და დაქსაქსულ ქართველ მოჭადრაკეებს სათავეში ჩაუდგა დიდი ნიჭით და ენერგიით აღჭურვილი მოჭადრაკე. იმედით შეეყურებდით მას, როგორც მომავალ პირველ ქართველ ოსტატს. მან ბრწყინვალედ გაამართლა ჩვენი იმედები, როცა 1930 წლის საკვალიფიკაციო მატჩი მოუგო ოსტატ ნენაროკოვს. თავისი ძლიერება ვ. გოგლიძემ გამოავლინა უკვე 1926 წლის თბილისის ჩემპიონატში. ის მხოლოდ 1/2 ქულით ჩამორჩა ოსტატ სმოროდსკის და მეორე ადგილი დაიკავა. თბილისის 1926 წლის ჩემპიონატი იყო პირველი ნამდვილად სერიოზული ტურნირი იმ მხრივ, რომ ის სავსებით აკმაყოფილებდა საქალაქო ჩემპიონატის ტურნირის ყველა სავალდებულო მოთხოვნილებებსა და წესებს. პირველ 8 ადგილზე გამოსულთათვის გამოყოფილი იყო ფულადი პრიზები. სულ ამ ტურნირში თბილისის 18 უძლიერესმა მოჭადრაკემ მიიღო მონაწილეობა, მათ

შორის მხოლოდ ოთხმა ქართველმა: გოგლიძემ, ნაკაშიძემ, კავკასიძემ და მე. რა შედარებაა დღევანდელ დღესთან, როცა ჩვენი საქალაქო და რესპუბლიკური ჩემპიონატების შემადგენლობის უმეტესობას ახლა ქართველები შეადგენენ და ასობით კვალიფიცირებული მოჭადრაკე გვეგულება!

ლევან ნაკაშიძე, ცნობილ ქართველ ჟურნალისტ ილია ნაკაშიძის ძმა, კარგი მოჭადრაკე იყო, მაგრამ მაშინ უკვე ხანში შესულმა, ვერ გაუძლო ტურნირის დამაბულ თამაშს. იწყებდა კარგად, მაგრამ ბოლოს იღლებოდა და აგებდა. ექვსი ტურის შემდეგ მან უარი განაცხადა თამაშის გაგრძელებაზე.

კავკასიძემ, უდავოდ კარგმა მოთამაშემ, ამ შეჯიბრებაში მოისუსტა: 17 ქულიდან 4 მოაგროვა და პრიზიორების რიცხვში ვერ შევიდა.

მე და ხაინაცკის მერვე პრიზი გვერგო. ამის შესახებ გაზეთი „ზარია ვოსტოკა“ წერდა (გაზეთი „ზარია ვოსტოკა“, 1926 წლის 23 ივნისი): „ხაინაცკის და ერისთავს შეეძლოთ სრული უფლებით უფრო მაღალი ადგილი დაეკავებიათ. ამასთანავე ისინი აქაურ მოჭადრაკეებს შორის კომბინაციური მიმართულების ყველაზე უფრო საინტერესო მოთამაშეები არიან“.

დებიუტების არასაკმაო ცოდნამ და განსაკუთრებით გაუფრთხილებელმა თამაშმა ჩემს შედეგებზე, რა თქმა უნდა, ცუდად იმოქმედა. ასე მაგალითად, ეტლის უმართებულო შეწირვის გამო წავაგე ავამალიანთან, ამგვარადვე დაუდევრად ვეკვეთე დანილოვს.

ავამალიანი, 1925 წელს თბილისის ჩემპიონი, საინტერესო პიროვნება იყო. ახოვანი, კარგი მოლაპარაკე, ნაკითხი.

პირველი ადგილი თბილისის 1926 წლის ჩემპიონატის ტურნირში ოსტატმა სმოროდსკიმ დაიკავა, თბილისის მოჭადრაკეების მრისხანე მეტოქემ. ის წითელ არშიაში მსახურობდა. მის ლაპარაკს პოლონური კილო ემჩნეოდა.

ვახტანგ ერისთავი
მოჭადრაკის მოგონებანი

პირხმელი, დინჯი, მუდამ აუღლელებელი, ზოგჯერ ირონიულად განწყობილი, ის შიშის ზარსა ვეცემდა. ა. სმოროდსკის დიდი ამაგი მიუძღვის თბილისელთა წინაშე. ხშირად ატარებდა ერთდროული თამაშის სენსებს. მახსოვს მისი საინტერესო ლექციები 1925 წელს, სადაც ის ჭადრაკის თეორიის საკითხებს არკვევდა და სხვა ოსტატებთან გათამაშებულ საკუთარ პარტიებს არჩევდა.

1926 წლის ჩემპიონატის ტურნირის სანუგეშო მოსაგონრად დამრჩა ის, რომ ჩემს მიერ მოგებულ პარტია პოპოვთან, რომელმაც მეხუთე ადგილი დაიკავა, აღიარებულ იქნა „ერთ-ერთ ულამაზეს პარტიად ამ ტურნირში“ (ვახუთი „ზარია ვოსტოკა“, 1926 წ. 1 ივნისი). საინტერესოდ მიმდინარეობდა აგრეთვე ჩემი პარტია კასპარიანთან, ჭადრაკის მომავალ ოსტატთან და ეტიუდების ცნობილ კომპოზიტორთან. მან ჩემს წინააღმდეგ თავისი ლაზიერი ნაადრევად გამოიყვანა და მით შესაძლებლობა მომცა თანდათან ქსელი გამება მისი ლაზიერის დასაჭერად. ჩემგან დაგებულ მახეს ვერ გაექცა და იძულებული გახდა იარალი დაეყარა.

1927 წლის ტურნირისათვის მე უკეთ მომზადებული ვიყავი და უფრო ფრთხილად ვთამაშობდი. კარგ შედეგებსაც მივაღწიე.

1927 წლის გაზაფხულზე თბილისში ყველა პროფკავშირთა კლუბებისა და საჭადრაკო წრეების ფრიად საინტერესო მასობრივი ტურნირი მოეწყო, რომელშიაც 89 მოჭადრაკე ჩაება. ერთი წაგება მონაწილეს შეჯარებებიდან მექანიკურად რიცხავდა. მარტის მიწურულში დაიწყო პროფკავშირთა ფინალური ტურნირი, რომელშიაც ფინალში გასულ 11 მოთამაშის გარდა პერსონალურად მიგვიწვიეს 1926 წლის ჩემპიონატის პრიზიორები: ვეიზერი, დანილოვი, მარტიროსოვი და მე, სულ 15 კაცი. პროფკავშირთა ფინალური ტურნირი დამთავრდა 1927 წლის აპრილში. პირველი პრიზი ერგო ასოვსკის (10 ქულა), მეორე ადგილი მე დავიკა-

ვე, ჩამოვრჩი რა ასოვსკის $\frac{1}{2}$ ქულით მე-3, 4 და 5 ადგილები გაიყვეს. დანილოვმა, იცკოვიჩმა და ტარაიანმა მე-6 და მე-7 ადგილებზე გამოვიდნენ ა. ებრალიძე და მარტიროსოვი.

მახსოვს ტურნირის დამთავრების აღსანიშნავად მოწყობილი საზეიმო საღამო ცენტრალურ საჭადრაკო კლუბში. ჯილდოები და სიგელები დაგვირგეს და ტურნირის ყველა მონაწილის ფრტოსურათი გადაიღეს. ეს სურათი ამას წინათ ვიხსენებდით ნადარევილიშვილმა გამომართვა საჭადრაკო კლუბისათვის გადასაცემად.

ჩემთვის სასიამოვნო მოსაგონებელია 1927 წლის აგვისტოში „საზაფხულო კლუბში“ ჩატარებული დიდი საჭადრაკო საღამო, რომელშიაც მონაწილეობა მიიღეს თბილისში ჩამოსულმა მოსკოველმა ოსტატმა დუზ-ხოტიმირსკიმ და თბილისელმა მოჭადრაკეებმა. დუზ-ხოტიმირსკი ოთხ კონსულტანტს შეებრძოლა: ასოვსკის, ებრალიძეს, მირზოევს და მე, რამაც დამსწრე საზოგადოების დიდი ინტერესი გამოიწვია. ცალკე დაფაზე გაიმართა გოგლიძის და ტალგის ორთაბრძოლა, რომელიც ფრედ დამთავრდა. ჩვენი საკონსულტაციო პარტია (ესპანური) დუზ-ხოტიმირსკის უპირატესობით წარიმართა. ოსტატმა საქმე გავეჭიჭირა. „ცაიტნოტში“ ჩავვარდით და ბოლოს ჩვენთვის განკუთვნილ დროს გადავაცილეთ, ასე რომ, ფორმალურად პარტია წაგავით, მაგრამ დუზ-ხოტიმირსკიმ სულგრძელობა გამოიჩინა და თამაში არ შეუწყვეტია, ალბათ საბოლოო გამარჯვებაში დარწმუნებულმა. ეს სულგრძელობა ოსტატს ძვირად დაუჯდა. 28-ე სულაზე მან ფიგურა დაკარგა, ხოლო 39 სულაზე დამარცხების სიმწარე იკვამა.

1927 წლის შემდეგ სერიოზულ ტურნირებში მონაწილეობა აღარ მიმიღია. პალამედის ხელოვნებაში დაოსტატების სურვილმა ჩემში თანდათან ადგილი დაუთმო ინგლისური ფილოლოგიით ვატაკებას. მართალია, ჭადრაკს ვულაღატე, მაგრამ თავს ახლა იმით ვინუგეშებ, რომ ჩემმა ახალმა



სიყვარულმა კეთილი ნაყოფი გამო-
იყო: ვგულისხმობ 1959 წელს უცხო
ენების ლიტერატურის მოსკოვის გა-
მომცემლობის შეკვეთით ჩემს მიერ
ინგლისურ ენაზე თარგმნილს კ. გამსა-
ხურდიას „დიდოსტატის მარჯვენას“.
ეს არის პირველი და ჯერჯერობით
ერთადერთი წიგნი, რომელმაც ინგლი-
სურად მოლაპარაკე ქვეყნებს თანამე-
დროვე ქართული მხატვრული პროზის
შესანიშნავი ნიმუში გააცნო.

თუ არ ვცდები, 1929 წელს გიორგი
ნიკოლაძემ, რომელიც, როგორც ცნო-
ბილია, ჭადრაკის მოყვარული იყო და
კარგადაც თამაშობდა, თავის ბინაზე
პატარა შინაურული ტურნირი მოაწყო.
გ. ნიკოლაძე და მე მაშინ ერთ სახლში
ვცხოვრობდით (გ. ტაბიძის ქ. № 21).
მისი ოთახის ფანჯარა პირდაპირ ჩემი
ბინის აივანს დაჰყურებდა. ერთხელ
ფანჯრიდან გადმომძახა: „პატრონო ვახ-
ტანგ, ვთხოვთ ჩვენთან ამობრძანდეთ!“.
გიორგის ომბახიანი, სულში ჩამწვდენი
ხმა ჰქონდა. გ. ნიკოლაძის ოთახში ათი-
ოდე ახალგაზრდა კაცი დამხვდა, მეტ-
წილად მისი სტუდენტები. გამონაკლისს
შეადგენდნენ ა. ებრალიძე, მაშინ მგონი
სამხატვრო აკადემიის სტუდენტი და
მ. სიღამონ-ერისთავი, იუსტიციის სა-
მინისტროს მუშაკი. „პატარა შეჯიბრე-
ბას ვაწყობთ—მითხრა გ. ნიკოლაძემ—
ხომ არ ინებებთ მონაწილეობა მიი-
ღოთ“. სიამოვნებით დავთანხმდი. თვი-
თონ გიორგი ტურნირში არ მონაწილე-
ობდა, მაგრამ თავს დაგეტრიალებდა.
პირველი ადგილი მე დავიკავე, მეორე
არჩილ ებრალიძემ. მ. სიღამონ-ერის-
თავი 1915 წელს მოსკოვში გამაცნეს,
სადაც ის იურიდიულ ფაკულტეტზე

სწავლობდა. ჭადრაკის მოყვარულე
იყო და მოსკოვში მცხოვრები რამდენ-
ნიმე ქართველი სტუდენტის მონაწილე-
ობით შინაურული შეჯიბრება მოაწყო.
მახსოვს, რომ მათ შორის ყველაზე
კარგად თბილისელი აბროსიმოვი თამა-
შობდა. იმ შეჯიბრებაში მე ვავიმარჯ-
ვე. მ. სიღამონ-ერისთავმა ტურნირის
დამთავრებისას, ალბათ გულის მოსა-
ფხანად, ნისკარტი ჩამკრა: „დიდხანს
ფიქრობო“. ახლაც, გ. ნიკოლაძის და
მისი სტუდენტების გასაგონად მისაყ-
ვედურა: „შენ ძალიან დიდხანს ფიქ-
რობ, აბა, მოდი, ერთი ელვისებური
პარტია გავითამაშოთო“. მისი გამოწვე-
ვა უყოყმანოდ მივიღე, მალე მოვეუგე
და ამით დიდი ხნის ჯავრი ამოვი-
ყარე.

ა. ებრალიძე პირველად 1927 წლის
ტურნირში ვავიცანი. ჭადრაკის დიდი
ნიჭის მქონემ, მან შემდეგ ძალიან გვა-
სახელა, როცა მეორე ქართველი ოს-
ტატის მაღალი წოდება დაიმსახურა.
ჩვენდა სავალალოდ ნერვების დაავა-
დებამ საბოლოოდ დაუხშო გზა ბრწყინ-
ვალე მომავლისკენ. სიკვდილამდე ორი
თვით ადრე ლენინის მოედნის კუთხე-
ზე შემხვდა. გამაჩერა და მუსაიფი და-
მიწყო. გამოთხოვებისას მითხრა: „ვახ-
ტანგ, მაკოცეო“. უბედური არჩილი
თითქოს გრძნობდა რომ დიდი ხნის
სიცოცხლე არ ეწერა. მისმა ნაღვლიანმა
კილომ გული ამიჩქოროლა, ხელი გადა-
ხვიე და ვაკოცე. გამვლელ-გამოძვლე-
ლები ცნობისმოყვარეობით შემოგვეკე-
როდნენ.

ვახტანგ ერისთავი
მოჭადრაკის მოგონებანი



რ. ტუკერნიკი

ამასწინათ ჩვენს პრესაში გამოქვეყნდა ცნობა კუბის პირველი რუკის შესახებ, რომელიც შედგენილია მანამდე, სანამ ქრისტეფორე კოლუმბი ამერიკას აღმოაჩინდა.

იქვე ნათქვამი იყო, რომ ალმა-ატაში მცხოვრებმა საკავშირო გეოგრაფიული საზოგადოების ნამდვილმა წევრმა დ. ი. ცუკერნიკმა ისტორიული დოკუმენტის ახლებურად წაკითხვის შედეგად წამოაყენა ვარაუდი, რომ „ინდოეთის გზის“ საძებნელად გამგზავრებისას კოლუმბს ხელთ ჰქონდა რუკები და ლოციები, რასაც ის ფრიად საიდუმლოდ ინახავდა. ეს რუკები შედგენილი ყოფილა იმ ზღვაოსანთა მიერ, რომლებმაც კოლუმბამდე განვლეს იგივე გზა, მაგრამ უცნობებად დარჩნენ.

ვფიქრობთ, დ. ი. ცუკერნიკის ჰიპოთეზები და დასკვნები სადავო გახდება, მაგრამ იგი იმდენად საყურადღებოდ მივიჩინეთ, რომ ჩვენი შურნალის ფურცლები დავეთმეთ.

როგორ აღმოაჩინეს ამერიკა

ესპანელმა მემატეანეებმა ჯერ კიდევ XVI საუკუნეში მიაქციეს ყურადღება, რომ დოკუმენტებში, რომლებიც ქრისტეფორე კოლუმბის პიროვნებას და მის მოგზაურობას შეეხება, არის ბუნდოვანება, უზუსტობა და აშკარა წინააღმდეგობანი. ამან მკვლევართა შორის დიდი დავა გამოიწვია. იმაზედაც კი დავობდნენ, თუ როდის დაიბადა სახელგანთქმული გენუელი მეზღვაური.

XX საუკუნის დასაწყისში გაჩაღდა დისკუსია კოლუმბისა და ტოსკანელის მიმოწერის უეჭველობის თაობაზე, რასაც ადრე თითქმის გადამწყვეტი როლი

ეკუთვნოდა კოლუმბის ნაოსნობის ისტორიაში.

ჩვენს გამოკვლევაში დადგენილია, რომ ზემოხსენებულ დოკუმენტებში არსებული წინააღმდეგობანი მართლაც ქმნიან გარკვეულ სისტემას. შეუსაბამობათა ამ სისტემის იქით ამერიკის აღმოჩენის სულ სხვაგვარი სურათი ჩანს.

1

გავიხსენოთ საყოველთაოდ მიღებული ვერსია კოლუმბის მოგზაურობისა და ახალი ქვეყნის აღმოჩენის შესახებ. ეს ვერსია ამგვარია: ევროპელები დაყინებით ცდილობდნენ დაემყარებინათ პირდაპირი სავაჭრო კავშირი ინდოეთ-

¹ სტატია გადმობეჭდილია შურნალ „ნოვი მირიდან“



თან, ჩინეთთან და „სანელებელთა კუნძულებთან“. XV საუკუნეში პორტუგალიამ აღმოაჩინა კიდეც გზა ინდოეთისაკენ აფრიკის შემოვლით (აღმოსავლეთის გზა).

ესპანელებმა, როლებიც მეტოქეობას უწევდნენ პორტუგალიელებს, მიიღეს კოლუმბის გეგმა — მიეღწიათ ინდოეთისათვის დასავლეთიდან, ატლანტის ოკეანის გადაკურვით. დასავლეთის მიმართულებით ცურვის შედეგად კოლუმბმა აღმოაჩინა კუნძულები და შემდეგ ახალი მატერიკი, რომელიც, კოლუმბის მსგავსად, ესპანელებმა შეცდომით მიიჩნიეს ინდოეთის ნაწილად ანუ აზიის უკიდურეს მხარედ, რომელიც ღრმადაა შეჭრილი დასავლეთის ნახევარსფეროში. ამ შეცდომიდან გამომდინარეობს სახელწოდებანი „ვესტ-ინდოეთი“, „ინდიელები“ და ა. შ. სხვაგვარად რომ ვთქვათ, ამერიკა შემთხვევით აღმოაჩინეს.

ამგვარად, ტრადიციული შეხედულება ორ ურთიერთდაკავშირებულ დებულებას ემყარება:

1. კოლუმბის მოგზაურობის გეოგრაფიული მიზანი — აღმოსავლეთი აზია.
2. ამავე მისწრაფების კომერციული მიზანი — სანელებლის, ნელსურნელების, ძვირფასი ქვების, ძვირფასი მეტალებისა და ევროპელთათვის საყურადღებო სხვა აღმოსავლური საქონლის მოპოვება.

ორივე თეზისი გვხვდება იმ ეპოქის დოკუმენტებში: კოლუმბის წერილებში, ესპანეთის სამეფო კარის ოფიციალურ ბრძანებებში და სხვ.

ამავე დროს, იმავე ეპოქის დოკუმენტებში, თვით ხსენებულ პირთა დოკუმენტებში გვხვდება ცნობები, რომლებიც ეწინააღმდეგება ამ დებულებებს.

მივმართოთ ფაქტებს. მართლაც, კოლუმბის პირველი მოგზაურობის შესახებ მეფის 1493 წლის სიგელში ნათქვამად:

¹ კოლუმბის დროს ინდოეთად იწოდებოდა აღმოსავლეთ და სამხრეთ-აღმოსავლეთ აზიის მიწები.

² დასავლეთ ევროპაში ჩინეთის იმპერატორს „დიდ ხანს“ უწოდებდნენ.

მია: „ჩვენ გაგზავნეთ თქვენ, დონ ქრისტეფორე კოლუმბი, რათა აღმოაჩინოთ კუნძულები და მატერიკი, რომლებიც ინდოეთის მახლობლად მდებარეობენ.“

ამასვე ვკითხულობთ კოლუმბის მეორე ექსპედიციის მომზადებასთან დაკავშირებულ დოკუმენტებში.

ესპანეთის სამეფო კარი მესამე ექსპედიციის მზადების შესახებ 1497 წლის 22 ივნისის ბრძანებით იტყობინებოდა: „იციოდეთ, რომ ჩვენ დავავალებთ დონ ქრისტეფორე კოლუმბს, ჩვენს აღმირალს, რათა დაბრუნდეს კუნძულ ესპანიოლაზე და სხვა კუნძულებსა და მატერიკზე, რომელიც ინდოეთის მახლობლად მდებარეობენ“. ანალოგიური გამოანთქვამები გვხვდება სამეფო კანცელარიის მომდევნო წლების დოკუმენტებში.

არანაკლები გარკვეულობით იმავე აზრს გამოთქვამს თვითონ კოლუმბი. პირველი ნაოსნობის დღიურში ექსპედიციის მიზანი შემდეგნაირადაა ჩამოყალიბებული: „მე შევატყობინე თქვენს უმაღლესობას ინდოეთის მიწებისა და ერთი ხელმწიფის შესახებ, რომელსაც „დიდ ხანს“² ეძახიან, რაც ჩვენებურად „მეფეთა მეფეს“ ნიშნავს. ამ ხელმწიფეს და მის წინამორბედებს არაერთხელ გამოუგზავნიათ რომში ელჩები და უთხოვნიათ, რომ მათთან რაჯულის საქმეში ჩახედული ხალხი გაეგზავნათ. რახან ისინი დაჟინებით ითხოვდნენ, ხოლო წმიდა მამას კი ეს თხოვნა არც ერთხელ არ დაუკმაყოფილებია... და ამისათვის თქვენმა უდიდესობებულებამ გადაწყვიტა გამგზავნოს მე, ქრისტეფორე კოლუმბი, ინდოეთის ხსენებულ მიწაზე, რათა ვნახო ეს ხელმწიფე და ეს ხალხები... და ინება (თქვენმა უმაღლესობამ), რომ გავემგზავრო არა ხმელეთით, აღმოსავლეთის მიმართულებით, როგორც ჩვეულებრივ მიდიან იმ მხარეში, არამედ დასავლეთის გზით, რომლითაც, რამდენადაც

დ. ცუპკერნიკი
როგორ აღმოაჩინეს ამერიკა

ჩვენ დანამდვილებით ვიცით, ჯერ არავის უვლია. მე... გავემგზავრე თქვენი უმაღლესობის კუთვნილი კანარის კუნძულებისაკენ, რომლებიც იმავე ზღვაოკეანეში მდებარეობენ, რათა იქიდან გავემგზავრო ჩემი გეზით და ვიცურო მანამ, სანამ ინდოეთს მივალწევდე, ხოლო ადგილზე მისვლისას თქვენი უმაღლესობის სახელით გავგზავნო ელჩები იმ ხელშეწყობის და აღვასრულო ყველაფერი, რაც მიბრძანეთ“.

მოგვიანებით, 1498 წლის 22 თებერვლის ანდერძში კოლუმბი იფიცება: „წმინდა სამების სახელით, რომელმაც შთამაგონა (ის, რომ), ჩემთვის სავსებით ნათელი გახდა (სახელდობრ), რომ მე შევძლებ ესპანეთიდან საზღვაო გზით მივალწვით ინდოეთს დასავლეთის მხრიდან ზღვათა და ოკეანეთა გადაცურვით და ასევე ვაუწყებ მეფეს დონ ფერდინანდს და დედოფალს დონა იზაბელას“.

კოლუმბის ამგვარი განცხადებების მოყვანა მრავლად შეიძლება.

ოღონდ ეგაა, ეს მტკიცებანი შეუწყნარებელ წინააღმდეგობებშია იმავე კოლუმბის მოქმედებასთან. ზემოთ მოვიყვანეთ კოლუმბის სიტყვები მისი პირველი ნაოსნობის დღიურიდან, რომ მისი მიზანია მიაღწიოს ჩინეთამდე და კავშირი დაამყაროს ამ ქვეყნის მმართველებთან.

კოლუმბის ფლოტილია კი ოკეანეზე დასავლეთისკენ კანარის კუნძულების განედზე მიემართებოდა; გზაში ზომალდებმა ოდნავ გადაუხვიეს სამხრეთისაკენ და პირველ კუნძულს დაახლოებით ოცდამეხუთე განედზე მიაღწიეს. ამავე დროს შუასაუკუნეების რუკებზე სამხრეთი ჩინეთი მოთავსებული იყო დაახლოებით ხმელთაშუა ზღვის განედზე.

თუ პირველი მოგზაურობისას კოლუმბს მართლა ჩინეთამდე მიღწევა ჰქონდა განზრახული, როგორც მოხსენებულია დღიურის შესავალში, მაშინ მოსალოდნელი იყო, რომ პირველი კუნძულის შეხვედრისთანავე ზომალდებს ჩრდილო-დასავლეთისაკენ წაიყვანდა, რათა აზიის მატერიკისათვის მიედწია. მაგრამ კოლუმბი სწორედ სა-

წინააღმდეგოდ მოქმედებდა: ბაგამის კუნძულებიდან ზომალდებმა კურსი აღესამხრეთის, სამხრეთ-აღმოსავლეთის და შემდეგ აღმოსავლეთის მიმართულებით.

ზომალდების ასეთი მარშრუტი არ ეთანხმება ნაოსნობის იმ მიზანს, რომელიც ჩამოყალიბებულია ნაოსნობის დღიურის შესავალში. კიდევ მეტი, როცა ზომალდები კუბის ჩრდილო ნაპირს მიაღწენენ, დღიურში გაჩნდა ჩანაწერი. ვითომც კოლუმბი ვარაუდობდა, რომ იმ მომენტში იგი ჩინეთის ცნობილი პორტებიდან „საიტი და კისაი“ ასი ლიგის (600 კმ-მდე) დაშორებით იმყოფებოდა. თითქოს დადგა დრო, როცა კოლუმბი შეეცდებოდა შეესრულებინა ის ამოცანები, რაც დღიურის შესავალშია მოხსენებული. მოსალოდნელი იყო, რომ იგი დაუყოვნებლივ გაემართებოდა დასავლეთისაკენ (უფრო ზუსტად — ჩრდილო-დასავლეთისაკენ), რათა ზურგქარის შემწეობით გაეცურა ასი ლიგი. რაც, მისივე სიტყვით, ამორებდა ჩინეთიდან. მაგრამ კოლუმბი ასე არ მოქცეულა. ამის სანაცვლოდ მან ზომალდებს წაიყვანა საწინააღმდეგო მიმართულებით, ე. ი. ზუსტად აღმოსავლეთის კურსით. რატომ?

შესაძლოა, სანავიგაციო პირობები აფერხებდნენ მის მოძრაობას ჩრდილო-დასავლეთით, „ჩინეთისაკენ“, და ამისათვის კოლუმბმა განიზრახა საწინააღმდეგოდ, აღმოსავლეთით და სამხრეთ-აღმოსავლეთის მიმართულებით მდებარე კუნძულების გამოსაკვლევად გამოეყენებინა დრო? მაგრამ ცნობილია (ესეც აღნიშნული იყო კოლუმბის დღიურში), რომ იმ განედზე, სადაც იმ დროს კოლუმბის ფლოტილია იმყოფებოდა, გამუდმებით ჰქრის აღმოსავლეთის ქარები და იქვეა მუდმივი აღმოსავლეთის დინება — ორი ფაქტორი, რაც დასავლეთით და ჩრდილო-დასავლეთისაკენ მოძრაობისათვის ძალზე ხელსაყრელია და უკიდურესად ხელისშემშლელი იმ კურსისათვის, რომელიც კოლუმბმა ირჩია.

მაინც მთელი თვის განმავლობაში

აღმოსავლეთის ქარის წინააღმდეგ ხომალდები ძლიერდებოდა იმდროინდელ აღმოსავლეთის კურსით კუბიდან ესპანოლასაკენ (პაიტი). მერე კოლუმბი ერთი თვის განმავლობაში ისევ აღმოსავლეთისაკენ მიდიოდა, ესპანოლას ჩრდილო ნაპირის გასწვრივ; გამუდმებით უხდებოდა აღმოსავლეთის ქარისა და შემხვედრი დინების დაძლევა.

ამრიგად, ხომალდების მთელი მარშ-რუტი, განსაკუთრებით პირველ კუნძულზე მიდგომის მომენტიდან, სავსებით ეწინააღმდეგება იმ მიზანს, რომელიც ნაჩვენებია დღიურის შესავალში.

და ბოლოს, უკან დაბრუნების წინა დღეს, 1493 წლის 9 იანვარს დღიურში გაკეთებულია ჩანაწერი, სადაც ნათქვამია, რომ კოლუმბმა გადაწყვიტა ესპანეთში დაბრუნება, „რადგან მან იპოვა, რასაც ეძებდა“.

შეეცადეთ პასუხი გაცეთ კითხვას: თუ ნაოსნობის დღიურის მიხედვით ვიმსჯელებთ, როგორი იყო კოლუმბის პირველი მოგზაურობის გეოგრაფიული მიზანი, ამ კითხვაზე პასუხის გაცემა შეუძლებელია.

ახლა გადავხედოთ ტრადიციული ვერსიის მეორე პუნქტს — კოლუმბის ცურვის კომერციულ მიზანს. ჩვეულებრივ მიღებულია, რომ განზრახული იყო მოეპოვებინათ საქონელი, რომელიც ადრე სამხრეთ-აღმოსავლეთ აზიიდან შემოჰქონდათ ევროპაში: სანელებელი, ნელსურნელება, ძვირფასი მეტალები და ძვირფასი ქვები.

მართლაც, კოლუმბისა და ესპანეთის ხელისუფალთა მრავალრიცხოვანი გამოხატუებები ადასტურებს, რომ მათ აღმოაჩინეს აზიის უმდიდრესი ქვეყნები და რომ მეზღვაურები იძენენ და აგროვებენ ამ ძვირფას საქონელს ევროპაში გასაზიად. ამის შესახებ, მაგალითად, კოლუმბი 1493 წელს, პირველი ნაოსნობიდან მობრუნებისთანავე, წერს: „ესპანოლა — სასწაულია: იქ... მრავალი ვანიერი მდინარეა. წყალი გემრიელია, თანაც უმეტეს მათგანს თან მოაქვს ოქრო. ამ კუნძულზე ბევრია სანელებელი, აგრეთვე ოქროსა და სხვა მეტალე-

ბის საბადოები... ესპანოლას ყველაზე ხელსაყრელ პუნქტზე და ოქროს მთებზე პოვებლად ყველაზე მოსახერხებელ ალაგას, სადაც ხელსაყრელია ვაჭრობის გაჩაღება როგორც ამ მატერიკის მიწა-წყალზე, ისე იმასთან, რომელიც იქითა მხარეს მდებარეობს, დიდი ხანის მიწებთან (ე. ი. ჩინეთთან — დ. ც.), რომელიც აღგვითქვამს ბაზარსა და მოგებას, მე სამფლობელოდ მივიღე ერთი მოზრდილი სოფელი...“

მე მივცემ მათ (მათ უმაღლესობას) იმდენ ოქროს, რამდენიც მათ ჭირდებათ... გარდა ამისა, სანელებელსა და ბამბას, რამდენსაც მათი უმაღლესობა ინებებს. მე მივცემ აგრეთვე ნელსაემველს, ალოეს და მონებს, რამდენიც მოესურვებათ და რამდენის გაგზავნასაც მიზრძანებენ... მე მჯერა, რომ მივაკვლიე აგრეთვე რევანდს და დარიჩინს და ათას სხვა ფასეულ საგნებს, რომელსაც აღმოაჩინეს ჩემს მიერ იქ (ესპანოლაზე — დ. ც.) დატოვებულნი ხალხი“.

უამრავი ამგვარი საბუთი შემონახულია. მათი კითხვისას შეუძლებელია არ ირწმუნო, რომ კოლუმბი და მისი ხელქვეითნი გატაცებული არიან ოქროს, სანელებლის, ნელსურნელების და ა. შ. შეგროვებითა და ესპანეთში გასაგზავნი ხომალდების დატვირთვით.

თუმცა ამ საბუთების საგულდაგულოდ შესწავლა დაგვანახებს, რომ ტრიუმფები ხომალდებისა, რომლებიც კოლუმბმა ესპანეთში გაისტუმრა, სავსე იყო მხოლოდ... მონებით.

ამგვარად, 1493 წლის სექტემბერში პირველი, არსებითად საცდელი ნაოსნობის შემდეგ ესპანეთიდან ახალი მიწები-საკენ გაემგზავრა მოზრდილი ფლოტი-ლია ჩვიდმეტი ხომალდის შემადგენლობით. გემები მიადგნენ ესპანოლას და ზღვაოსნებმა გადმოსხეს ხალხი და გადმოზიდეს ქონება. 1494 წლის თებერვლის დამდეგს თორმეტი ხომალდი ესპანეთს დაბრუნდა. რა ძვირფასი ტვირთი

დ. ცუკერნიკი

როგორ აღმოაჩინეს ამერიკა

მიჰქონდა ფლოტილიას? თანამედროვე-
თა წერილებში ნათქვამია, რომ ესპა-
ნეთს მოადგა მონებით დატვირთული
ხომალდები. თვითონ კოლუმბიც 1494
წლის 30 იანვრის საიდუმლო მემორი-
ალში წერს, რომ თორმეტი ხომალდით
გაგზავნილია ინდიელები იმ ტყვეთა რი-
ცხვიდან, რომლებიც შეიპყრეს კარიბის
(მცირე ანტილი) კუნძულებსა და ესპა-
ნიოლახე.

მემორიალში კოლუმბი სახავს მის მი-
ერ დაარსებული ფაქტორიის მოქმედე-
ბის გაფართოებულ გეგმას. პირველ აღ-
გილზე აყენებს მონათვაჭრობის საქმეში
ახალი მიწების გამოყენებას. იგი წერს:
„ჩემი აზრით, კარგი იქნება ამა თუ იმ
კუნძულიდან მათი წამოყვანა და კასტი-
ლიაში გაგზავნა.“ შემდგომ კი „რაც
მეტს გაიყვანენ მათ იქ, მით უფრო კარ-
გი (იქნება)“. იქვეა გადმოცემული მო-
ნათვაჭრობის გაფართოებული გეგმა.

ყურადღებას იპყრობს, რომ მემორი-
ალში მოხსენებული ერთადერთი რეა-
ლური გეგმა მონათვაჭრობაა. ოქროზე
ლაპარაკია, როგორც შეუძომწმებელ ვა-
რაუდზე. სანელებელზე, ნელსაკმეველსა
და ა. შ. მემორიალში საერთოდ არაფე-
რია თქმული.

1495 წლის იანვრის დამდეგს ესპანე-
თიდან მოვიდნენ გემები. კოლუმბს ევა-
ლებოდა მათი უკან გაგზავნა. კუნეო,
ერთ-ერთი იტალიური სავაჭრო სახლის
წარმომადგენელი, რომელიც თან ახლ-
და აღმირალს მეორე ნაოსნობის
დროს, თავის პატრონს წერილობით ამ-
ცნობს შემდეგს: „როცა კარაველები,
რომელთაც მე უნდა გამოვყოლოდი სამ-
შობლოში, მზად იყო გამოსამგზავრებ-
ლად, შევიმწყვდიეთ ჩვენს სოფელში
1550 კაცი და ქალი, ინდიელები. მათგან
შევარჩიეთ საუკეთესონი და 1495 წლის
17 თებერვალს ხსენებულ კარაველებში
ჩავსხით 550 სული“.

უნდა ითქვას, რომ მონათვაჭრობის
გეგმის განხორციელებაში კოლუმბი და
ესპანეთის მთავრობა წააწყდნენ გადაუ-
ლახავ სიძნელეებს. ახალი მიწებიდან
წამოყვანილი მონების მეტი წილი გზა-
ში იხოცებოდა, ხოლო ვინც ესპანეთს

აღწევდა, შრომის უნარი აღარ ჰქონდა
და მალე იღუპებოდა. მაგალითად, მონ-
ების პირველი დიდი პარტიის მიღების
შემდეგ, 1494 წლის აპრილში ესპანელი
ვაჭრები წერდნენ, ინდიელები ძალზე
სუსტნი და მუშაობისათვის უვარგისნი
არიანო. ისინი არც კი გაჰყავდათ მონა-
თა ბაზარზე.

უკეთესად გამოიყურებოდნენ მეორე
გზობაზე ჩამოყვანილი მონები, რადგან
ისინი განსაკუთრებული გულმოდგინე-
ბით შეარჩიეს. ხომალდებმა გზაში დაა-
ხლოებით ორმოცდაათი დღე დაჰყვეს.
ნაოსნობის მონაწილე წერს: „როგორც
კი მოვალწიეთ ესპანეთის ზღვას (იმ ხა-
ნად ესპანეთის ანუ იბერიის ზღვას უწო-
ლებდნენ ატლანტის ოკეანის წყლებს,
პირინეის ნახევარკუნძულის დასავლეთ
სანაპიროს რომ აკრავს და ხმელთაშუა
ზღვის იმ ნაწილს, რომელიც ესპანეთის
სამხრეთ და სამხრეთ-აღმოსავლეთ სანა-
პიროს ერტყმის. — დ. კ.), ორასამდე
ინდიელი მოკვდა. ისინი ზღვაში გადავ-
ყარეთ. როცა ხომალდები კადისს მიად-
გნენ, ცოცხლად დარჩენილი მონები
„ნახევრად ავადმყოფი“ აღმოჩნდნენ“.
შემდგომ კუნეო თავის პატრონს პირდა-
პირ წერს: „თქვენდა საყურადღებოდ,
ისინი არ არიან ამტანნი და ძალიან
მგრძნობიარენი არიან სიცივის მიმართ.
ამასთან დღემოკლენი არიან“.

ცოცხლად დარჩენილი ინდიელების
შემდგომი ბედის შესახებ ცნობილია,
რომ როგორც კი შეიტყვეს მონათა ახა-
ლი პარტიის ამბავი, ესპანეთის მეფე-
დედოფალმა უმალ გასცეს მათი გაყიდ-
ვის განკარგულება. ეპისკოპოს ფონსე-
კოს სახელზე გაგზავნილ სედულში ისი-
ნი წერენ: „თქვენო უსამღვდელოესო-
ბავ მამაო ეპისკოპოსო... რაც შეეხება
იმას, რაც თქვენ შეგვატყობინეთ ხო-
მალდებით ჩამოყვანილი ინდიელების
შესახებ, ჩვენ გვგონია, რომ მათი გაყიდ-
ვა ანდალუსიაში უფრო ძვირად შეიძ-
ლება, ვიდრე სადმე სხვაგან. თქვენ გე-
ვალებათ თქვენი შეხედულებისამებრ
გაჰყიდოთ ისინი“.

იქვე სამეფო კარი აჩქარებს ფონსე-
კოს, ხელახლა გაგზავნოს გემები ესპანი-

ოლაზე. ჩანს, ამჯერად მონები უკეთესად გამოიყურებოდნენ, ვიდრე პირველ პარტიაში.

ოლონდ არც ამ მონებს ჰყოლია მუშტარი. მონები მალე იხოცებოდნენ; ესპანეთში ხომალდების მოსვლიდან ორი თვის შემდეგ ცოცხალი იყო მხოლოდ სამოცდათორმეტი კაცი. ტყუილუბრალოდ რომ არ ექმიათ პური, გადაწყვიტეს გაეგზავნათ ვალერებზე მენიხებებად.

ჩამოყვანილ მონათა შორის კოლოსა-ლურ სიკვდილიანობას ადასტურებენ თანამედროვენიც. ბერნალდესი წერს: „მან (კოლუმბმა — დ. ც.) დაიკავა ქვეყანა და შეიპყრო მრავალი (ინდიელი)... მათგან სარგებლობა მცირე იყო, რადგან თითქმის ყველანი დაიხოცნენ. ახლად აღმოჩენილი მიწებიდან ესპანეთში ჩამოყვანილ ტყვეებზე მეორე თანამედროვე ამბობს, რომ უცხო მხარეში ერთი წლის მონობის შემდეგ იხოცებოდა მონათა 90% -ზე მეტი ჩამოყვანილთა საერთო რიცხვიდან.

მონათა პირველი პარტიის დაღუპვის ცნობას არ შეუცვლია კოლუმბის გეგმები. 1496 წელს ესპანეთის მეფეებისადმი გაგზავნილ პატაკში იგი მიუთითებს, რომ კასტილიაში, არაგონში, სიცილიაში, კანარის კუნძულებზე, სადაც ფართოდ იყენებენ მონების შრომას, მათი რიცხვი მცირდება. ამრიგად, ასკენის კოლუმბი, წამოყვანილი ინდიელების გასაღება უზრუნველყოფილია. და კოლუმბი ხელახლა შეუდგა მონებზე ნადირობას. მალე ევროპელებმა ფაქტორიაში შეიმწყვდიეს ექვსასი ინდიელი. მონები გემებში ჩასხეს. ვერც კი მოასწრეს ოკეანეში გასვლა, რომ მოულოდნელად ამოვარდნილმა ქარიშხალმა ჩაძირა გემები.

1496 წელს კოლუმბი დაბრუნდა კადისში, სადაც ესპანიოლაზე გასამგზავრებლად გამზადებული სამი გემი იდგა. კოლუმბმა მითითება მისცა თავის ძმას, ბართლომე კოლუმბს, რომელიც კუნძულზე მის შემცვლელად დარჩა, გემების მოსვლისთანავე ჩაესხა მონები და გაესტუმრებინა ესპანეთში. მარტირის ჟამთააღმწერლის ცნობით, ამ ბრძანების

შესასრულებლად „შეიპყრეს სამასი კუნძულები თავიანთი უხუცესებიანად და გაგზავნეს ესპანეთს“. მონათა ამგვარი ტიპის ისეთივე ბედი ეწია, როგორც წინამორბედებს.

1498 წლის ოქტომბერში კოლუმბი ესპანიოლაზე დაბრუნდა. სანამ ხომალდებს უკან, ესპანეთში გაგზავნიდნენ, კონკისტადორებმა ახალი ნადირობა მოაწყვეს ინდიელებზე. თავის მოხსენებაში კოლუმბი ამტკიცებს, რომ მონათვაჭრობას დიდი პერსპექტივები აქვს, „რადგან კასტილიაში, პორტუგალიაში, არაგონში, იტალიაში, სიცილიაში და პორტუგალიისა და არაგონის კუნძულებსა (კოლუმბს, ალბათ, მხედველობაში ბალეარის და პითიუს კუნძულები აქვს — დ. ც.) და კანარის კუნძულებზე მრავლად იყენებენ მონებს... და მეც ვფიქრობ, გვიანადან არასაკმარისად მოჰყავთ და თუნდაც საკმაოდ მოიყვანონ, ერთი აქაური აშკარად ჯობნის სამ იქაურს“.

ამგვარად, 1498 წლის ბოლოსაც კი კოლუმბი მონათვაჭრობაში შემდგომისათვის შემოსავლის წყაროს ხედავს. თავის პატაკებში მთელ ყურადღებას ამ საკითხს უთმობს. რაც შეეხება ოქროს მოპოვების იმედს, კოლუმბი, როგორც თვითონ ამბობს, ელოდება, „თუ როდის გაუღიმებს ბედი.“

კოლუმბის მიერ ტრიუმფში მოთავსებული ტვირთის შესახებ ცნობების სისწორე ეჭვს არ იწვევს, რადგან ისინი ამოკრებილია სულ სხვადასხვა წყაროებიდან: კოლუმბის საბუთებიდან, ოფიციალური სედულებიდან, ვაჭრებისა და სხვა ესპანელ, იტალიელ და პორტუგალიელ თანამედროვეთა წერილებიდან.

მხოლოდ ერთხელ, სახელდობრ 1494 წელს, გაგზავნა კოლუმბმა ახალი მიწებიდან ბამბის ნიმუშები. „მხოლოდ ლეიში თუ გამოდგება“ — ასე ახასიათებდნენ ამ ბამბის ხარისხს ვაჭრები წერილებში. ცხადია, ასეთი ბამბა არ გამოდგებოდა საქსპორტოდ. რაც შეეხება

დ. ცუკერნიკი
როგორ აღმოაჩინეს ამერიკა

კოლუმბისა და ესპანეთის ხელისუფალთა საბუთებში არაერთხელ ნახსენებ ოქროს, თანამედროვეთა ცნობით, ეს მეტალი კუნძულებზე სულ მცირე რაოდენობით აღმოჩნდა. ხოლო სანელებელი, ნელსაკმეველი და ა. შ. ამ კუნძულებზე სულაც არ ყოფილა.

ამ შემთხვევაში წამოიჭრება კითხვა: მაშ რაღად ამტკიცებდნენ კოლუმბი და ესპანელი ჩინოვნიკები, ახალ მიწებზე ეს საქონელი უხვად მოიპოვებაო? რა არის ეს — გულწრფელი დაბნეულობა თუ შეგნებული სიცრუე? ამ კითხვაზე მხოლოდ დოკუმენტების ანალიზი ვერ გავცემს პასუხს.

იმ ეპოქის გეოგრაფიული შეხედულებების გაცნობა შესაძლებლობას მოგვცემს ავხსნათ ის წინააღმდეგობანი, რაც შეინიშნება პირველწყაროებში. თუ იმ დროს მართლა მიაჩნდათ, რომ აღმოსავლეთი აზია ახლო მდებარეობს ევროპის დასავლეთით, მაშინ, ბუნებრივია, ესპანეთის სამეფო კარი და კოლუმბი მიზნად ისახავდნენ დაემყარებინათ სავაჭრო კავშირი აღმოსავლეთის ქვეყნებთან და ამიტომ ახალი კუნძულები და მატერიკი მიიღეს აზიის მომიჯნავე მიწებად. ამ შემთხვევაში, იმ ეპოქის შეხედულებათა შესაბამისად, მათ შეეძლოთ ეფიქრათ, რომ ეს ქვეყნები მდიდარია სანელებლით, ნელსაკმეველითა და ა. შ. და ა. შ., გამოუცდლობის და ენის უცოდინარობის გამო ვერ შესძლეს დაედგინათ ნაყოფის შემოსვლის სეზონი და ძვირფასი პროდუქტების დამზადების პროცესი. შუასაუკუნეების ევროპაში საყოველთაოდ მიღებულ აზრს აღმოსავლეთი და სამხრეთ-აღმოსავლეთი აზიის ქვეყნების ძვირფასი ქვებითა და მეტალებით სიმდიდრის შესახებ შეეძლო გავლენა მოეხდინა კოლუმბისა და ესპანეთის ხელისუფალთა დასკვნებზე, რომ ახალ ქვეყნებში უხვად მოიპოვება ეს განძი. რაც შეეხება კოლუმბის მოქმედებაში ზემოაღნიშნულ ულოგიკობას, ამ შემთხვევაში შეიძლება ის განპირობებული იყო თანამედროვე მკვლევარისათვის უცნობი გარემოებით.

ხოლო თუ კოლუმბის დროინდელი ეპოქის გეოგრაფიული შეხედულებები არ იყო ამდენად მცდარი, მაშინ დადებითებით შეიძლება ითქვას, რომ კოლუმბისა და ესპანეთის ხელისუფალთა დაყენებული მტკიცება, რომ ახალი მიწები აზია არის, შეგნებული სიცრუეა.

2

თანამედროვე ისტორიულ და გეოგრაფიულ ლიტერატურაში მიჩნეულია, რომ იმ ათწლეულში, რომელიც წინ უძღოდა კოლუმბის ნაოსნობას, არსებობდა მცდარი გეოგრაფიული თვალთახედვა, რამაც განაპირობა აღმოსავლეთი აზიის ძებნა სწორედ დასავლეთის მხრიდან (ავიღოთ თუნდაც მცდარი შეხედულება ძველი სამყაროს სიდიდის შესახებ).

საყოველთაოდ მიღებულია აგრეთვე, რომ ამ შეხედულებას იზიარებდა კოლუმბი; აქედან მომდინარეობს აზიისკენ დასავლეთის გზით ცურვის გეგმა, შეცდომები ახალ მიწებთან დაკავშირებით და ა. შ. იმ ეპოქის გეოგრაფიული თვალსაზრისის შესახებ ასეთი აზრი საფუძვლად უდევს კოლუმბის მიერ ამერიკის აღმოჩენის ტრადიციულ კონცეფციას.

მაგრამ ზემოაღნიშნულმა „ულოგიკობამ“ და კოლუმბისა და ესპანელების მოქმედების არათანმიმდევრობამ და იმან, რომ მათ ვერ შეძლეს მოეცათ განმარტება, დაგვაქვია კოლუმბისდროინდელი ეპოქის გეოგრაფიული მეცნიერების შეფასების სამართლიანობაში. ამ გარემოებამ გვაფიქრებინა მიგვემართა დოკუმენტებისათვის, რათა შეგვეჯერებინა ფაქტები, რაზედაც აფუძნებს თანამედროვე მეცნიერება თავის დასკვნებს იმდროინდელი გეოგრაფიული თვალსაზრისის შესახებ. უპირატესობას ჩვენ გეოგრაფიულ რუკებს ვაძლევთ, რადგან ის გაცილებით უკეთ ასახავს პრაქტიკის, ყოველდღიური გამოცდილების შედეგს, ვიდრე შუასაუკუნეების მეცნიერთა ტრაქტატები. სიმარჯვისათვის კარტოგრაფიულ ძეგლებს დავყოფთ ორ ეტა-

პად, პირობით გამოყოფად მივიჩნევთ XV საუკუნის სამოცდაათიან წლებს.

პირველი ეტაპის კარტოგრაფიული მასალა მოიცავს რამდენიმე ასწლებულს და დაბეჭდვით ამტკიცებს, რომ შუასაუკუნეების გეოგრაფიულ მეცნიერებას საერთოდ სწორი წარმოდგენა ჰქონდა ძველი ქვეყნის სიდიდეზე გრძედებში და ამის კვალობაზე, იმ სივრცეზე, რომელიც ამორებდა დასავლეთ ევროპას აღმოსავლეთ და სამხრეთ-აღმოსავლეთ აზიისაგან.

პირველ ყოვლისა, უნდა აღინიშნოს ეგრეთ წოდებული მაკრობის რუკები (X—XVI საუკუნის დასაწყისი), რომელთაგან მრავალმა ათეულმა ჩვენამდეც მოაღწია. ამ რუკებზე აღდგენილია ის ჰიპოტეზა, რომელიც პერგამელმა მეცნიერმა კრატეს მალოსელმა გამოთქვა ჯერ კიდევ II საუკუნეში ჩვენს ერამდე. ამ კონცეფციის მიხედვით დედამიწაზე არის ოთხი უზარმაზარი ხმელეთი, რომლებიც ერთმანეთისაგან ოკეანეებითაა გამოყოფილი. ძველი ქვეყანა (ოიკუმენა) — მხოლოდ ერთი იმათგანია და უჭირავს აღმოსავლეთ ნახევარსფეროს ჩრდილო ნაწილი. კიდევ ერთი ხმელეთი, დაახლოებით ოიკუმენას ტოლი, მდებარეობს იმავე ნახევარსფეროს სამხრეთ ნაწილში. ამ ორი ხმელეთის სიმეტრიულად დასავლეთ ნახევარსფეროში მდებარეობს კიდევ ორი ანალოგიური ხმელეთი. ამრიგად, ამ კონცეფციის მიხედვით, დედამიწის ზედაპირი შედგება ოთხი უზარმაზარი ხმელეთისაგან, რომლებსაც ერთიმეორისაგან წყლის დიდი სივრცე ჰყოფს. თითოეულ ხმელეთს უჭირავს არა უმეტეს 180° გრძედში, რადგან დედამიწის ზედაპირს თითოეულ მეოთხედზე, გარდა ხმელეთისა, ერთმის აგრეთვე ერთიანი მსოფლიო ოკეანის ფართო სარტყელი.

იმ საუკუნეებში ცნობილ ძველი ქვეყ-

¹ ცხადია, არა მთლიანად აღმოსავლეთი აზია. ცენტრალური აზიისა და მონღოლეთიდან ჩრდილოეთით მდებარე ტერიტორია დასავლეთ ევროპისათვის უცნობი იყო. ამ ვრცელი მიწების გამოკვლევა რუს მოგზაურთა და სწავლულთა დამსახურებაა.

ყნის მხარეებს ამ რუკებზე უჭირავთ დაახლოებით 130°—140° (ახლანდელი გამოთვლის მიხედვით ევრაზიის მსტერიკს, მაგალითად, ლისაბონის განედზე უჭირავს 131°).

კიდევ უფრო საყურადღებო შედეგებს იძლევა XIV—XVI საუკუნის ეგრეთ წოდებული ოიკუმენის რუკების გაცნობა, რომლებზედაც გამოსახული იყო მხოლოდ ძველი ქვეყანა. ამგვარი რუკები მრავლად დგებოდა იმ დროს ხმელთაშუა ზღვის ქვეყნებში.

უპირველესად ეს რუკები გვაოცებენ არა მარტო ძველი ქვეყნის დასავლეთი ნაწილის სწორი გამოსახვით, არამედ აგრეთვე აღმოსავლეთ და სამხრეთ-აღმოსავლეთ აზიის¹ შესახებ სწორი შედარების ცნობებით.

რუკის წარწერები ადასტურებს, რომ დასავლეთ ევროპაში ცნობილი იყო აღმოსავლეთის ქვეყნების მდებარეობა, მცხოვრებთა ზნე-ჩვეულებანი, მეცნიერულთა და ცხოველთა სამყარო, იქაური ნაწარმი საქონელი. ამ რუკებს არ გააჩნიათ გრადუსთა ბადე, მაგრამ არსებობს საიმედო საშუალება, რომელიც იძლევა იმის განსაზღვრის შესაძლებლობას, თუ რა შეხედულება ჰქონდათ ამ რუკის შემდგენელთ გრძედებში ოიკუმენის სიდიდის შესახებ. ინგლისელი მკვლევარის რავენსტეინის გამოთვლის მიხედვით 1375 წლის კატალონის რუკაზე ძველი ქვეყნის ზომა 38°-ე პარალელის (ლისაბონი) გასწვრივ შეადგენს 116° (ნამდვილი ზომა — 131°), ხოლო 1457 წლის გენუის რუკაზე — 136°. ამ ძეგლების სხვა შემსწავლელნიც ანალოგიურ დასკვნამდე მივიდნენ.

ზემოჩამოთვლილი რუკები ჩვენამდე მოღწეულ იმდროინდელ ოიკუმენას რუკებს შორის ყველაზე სრული და ზუსტია. XIV—XV საუკუნეების სხვა ამგვარი ტიპის ძეგლები ჩამორჩებიან ევროპიდან დაშორებული ქვეყნების შესახებ ცნობებს სიზუსტის მხრივ. ასეთია მაგალითად, დალორტე-დულ-

დ. ცუპერნიკი
როგორ აღმოაჩინეს ამერიკა

ჩერტის ორი, 1325 და 1329 წლების რუკა, ეგრეთწოდებული ლავრენტის რუკა 1351 წლისა, ძმების პიციგანების 1361 და 1363 წლების რუკები, ანდრია ბიანკოს 1436 წლის პლანისფერო. ამ რუკებზე ძველი ქვეყნის სიდიდე გრძედებში დაახლოებით ისეთივეა, როგორიც ზემოხსენებულ რუკაზე.

ამ რუკებზე ასახული ძველი სამყაროს სიდიდებზე წარმოდგენა გამომდინარეობს, ერთი მხრივ, ანტიკური (ნაწილობრივ, რომელი მენციერების) ხანის გეოგრაფიული თვალსაზრისიდან, მეორე მხრივ აღმოსავლეთთან შუა საუკუნეების ევროპის ვაჭრობისა და გროვილი გამოცდილების წყალობით.

ცნობილია, რომ XIII საუკუნის მეორე ნახევრიდან მოკიდებული, დასავლეთ ევროპელ ვაჭრებს, განსაკუთრებით იტალიელებს, გაცხოველებული ვაჭრობა ჰქონდათ ჩინეთთან, ამასთან დაკავშირებით ისინი მოინახულებდნენ ზოლმე სამხრეთ-აღმოსავლეთ აზიასაც.

XIV საუკუნის მეორე ნახევარში დასავლეთ ევროპასა და ჩინეთს შორის კავშირი წყდება, მაგრამ XV საუკუნის კარტოგრაფიის ძეგლებში დატულია ტრადიცია და აღმოსავლეთ აზიის აღნიშვნა უცვლელადაა დატოვებული. მაინც სწორი გეოგრაფიული წარმოდგენები არ ყოფილა ერთადერთი გაბატონებული აზრი იმდროინდელ მეცნიერებაში. XV საუკუნეში დასავლეთ ევროპის ქვეყნებში გავრცელდა ანტიკური ხანის გამოჩენილი მეცნიერის პტოლემოსის გეოგრაფიული ნაშრომი, რომელშიაც მიჩნეულია, რომ ოიკუმენა (ძველი სამყარო) შეადგენს დაახლოებით 180°.

მაგრამ კარტოგრაფებმა, რომლებიც, როგორც ცნობილია, უფრო მეტად პრაქტიკულ გამოცდილებას ეყრდნობიან, არ მიიღეს პტოლემოსის კონცეფცია. ამას ადასტურებს, პირველ რიგში, თვით რუკები და, გარდა ამისა, XV საუკუნის შუა წლების გამოჩენილი კარტოგრაფის ფრა-მაურის გამოხატულებაში.

მოყვანილი ფაქტები ნებას გვაძლევს

დავასკვნათ: მოგზაურები, ზღვაოსნები, ვაჭრები სარგებლობდნენ რუკებით რომლებიც დაფუძნებული იყო გამოცდილებაზე, ხოლო პტოლემოსის და სხვა ანტიკური ავტორიტეტების გეოგრაფიული წარმოდგენები გაიზიარეს შუა საუკუნეების მეცნიერებმა, რომლებიც პრაქტიკულ გამოცდილებას მხედველობაში არ იღებდნენ.

შეიძლებოდა თუ არა იმ ეპოქის გეოგრაფიული თვალსაზრისის შუქზე დასავლეთის გზა აზიისაკენ მიზანშეწონილად მიეჩნიათ?

სავსებით ცხადია, რომ გეოგრაფებმა და ზღვაოსნებმა იცოდნენ, რომ დასავლეთიდან აღმოსავლეთ აზიის ქვეყნებამდე ცურვით უნდა დაეფარათ დიდი მანძილი, დაახლოებით 230°, ესე იგი დედამიწის გარშემოწერილობის თითქმის ორი მესამედი.

იყო თუ არა საერთოდ რეალური იმ დროს აღმოსავლეთ აზიასთან სავაჭრო კავშირის დამყარება დასავლეთის გზით? იძლეოდა თუ არა იმ დროის არსებული გემთმშენებლობისა და ხომალდმართვის ტექნიკა ამგვარი გეგმის განხორციელების საშუალებას?

ამ ამოცანის გადასაწყვეტად არაა აუცილებელი მივმართოთ დაწვრილებით კვლევას. საკმარისია ითქვას, რომ პირველმა ფლოტილიამ, რომელმაც მიადწია აღმოსავლეთ აზიას დასავლეთის გზით—მაგელანის ექსპედიციამ (1519—1521) მართალია შეასრულა თავისი ამოცანა, მაგრამ გზად დაჰკარგა თითქმის მთელი პირადი შემადგენლობა. მაგელანის ექსპედიცია ხომ გზას მხოლოდ მას შემდეგ გაუდგა, როცა უკვე ცნობილი იყო მიწები, რომლებსაც ახლა ამერიკას უწოდებენ, სადაც ზღვაოსნებს შეეძლოთ შეევისოთ სასმელი წყლისა და სურსათის მარაგი.

მაგელანის ექსპედიციის შედეგები დამაჯერებლად გვიჩვენებს, რომ იმ დროს მარტოოდენ წყლის იმხელა სივრცის დაძლევა, როგორცაა წყნარი ოკეანე, განსაკუთრებით ძნელი საქმე იყო. მეორეც, მექსიკის დაპყრობის შემდეგაც კი, ესპანელთა მრავალმა

ცდამ, — დამყარებინათ რეგულარული ურთიერთობა მექსიკის დასავლეთ ნაპირებსა და აღმოსავლეთ და სამხრეთ-აღმოსავლეთ აზიის ქვეყნებს შორის, წარუმატებლად ჩაიარა. შეიძლებოდა თუ არა XV საუკუნეში, ჯერ კიდევ შუაღელდური ბაზების უქონლობის დროს, სერიოზული ლაპარაკი ამგვარი ნაოსნობის რეალობაზე?

ბუნებრივია დასკვნა, რომ როცა არსებობდა სწორი შეხედულებები ძველი ქვეყნის სიდიდის შესახებ, რასაც ადასტურებს XIV—XV საუკუნის რუკები (XV საუკუნის 50-იანი წლების ჩათვლით), ევროპასა და აღმოსავლეთ აზიას შორის დასავლეთის გზით სავაჭრო ურთიერთობის დამყარება უსათუოდ უტოპიად მოეჩვენებოდათ.

მაგრამ გეოგრაფიის, ისტორიკოსთა და კარტოგრაფიის მკვლევართა ერთსულოვანი აზრით, XV საუკუნის 70—80-იან წლებში, ესე იგი იმ ათწლეულში, რომელიც წინ უსწრებს კოლუმბის მოგზაურობას, გეოგრაფიულმა თვალსაზრისმა განიცადა სერიოზული ცვლილებები, უეცრად მოხდა სწორი შეხედულებიდან მცდარ შეხედულებებზე გადასვლა. გეოგრაფიულ რუკებზე შეინიშნება განსაკვირებელი სახეცვლილებანი: აღმოსავლეთ და სამხრეთ-აღმოსავლეთ აზიის ქვეყნები რუკებზე უზომოდ გადიდებულია და გადატანილია სულ უფრო და უფრო შორს, აღმოსავლეთისაკენ, სულ უფრო უახლოვდება დასავლეთ ევროპის ნაპირებს. აზიის ქვეყნების კონფიგურაციის ამ საოცარ ცვლილებებთან ერთად იცვლება ცნობილი მდინარეების კალაპოტი, იღებენ უზარმაზარ და ზიგზაგისებურ ფორმას. რუკებზე გაჩნდა სრულიად არარსებული მდინარეები, ტბები, მთები, და რალაც ჯადოსნური ქვეყნები.

ყველა ამ ცვლილებამ, ბუნებრივია, გამოიწვია ძველი ქვეყნის ზომის გადიდება გრძედებში. საშუალო ციფრის 130°-ის ნაცვლად, მაგალითად ლისაბონის განედზე, რაც დამახასიათებელია წინანდელი რუკებისათვის, კარტოგრაფიის უფრო გვიანდელი ძეგლები აჩვენებენ

225° — 230°-ს, ხოლო მოგვიანებით 250°-საც კი. რახან ერთხელვე დაიწყო, ეს პროცესი გრძელდება თითქმის XVI საუკუნის ნახევრამდე.

„დედამიწის შესახებ ადამიანის შეხედულებათა განვითარების საოცარი თავი“ — ასე უწოდა ამ უცნაურ მოვლენას ინგლისელმა ბიზილიმ. პოლონელმა მეცნიერმა ლელეველმა კარგად დაახასიათა კაცობრიობის გეოგრაფიული თვალსაზრისის „სამწუხარო დეგრადაციის“ მოვლენა.

რამაი საქმე? რა არის მიზეზი გეოგრაფიული თვალსაზრისის კატასტროფული გარდატეხისა?

ამ უცნაურმა ამბავმა მიიპყრო XIX—XX საუკუნეების მკვლევართა ყურადღება. შეხედულებები გაიყო. ერთნი ანტიკური მეცნიერის პტოლემოსის გავლენას მიაწერდნენ ყველაფერს, მეორენი — მეორე ანტიკური გეოგრაფის მარინ ტირსკის კონცეფციას. ორივე შეხედულება, ჩვენი აზრით, არაღამაჯერებელია.

მართლაც, აქ რომ პტოლემოსის ავტორიტეტის გავლენას ჰქონდეს ადგილი, მაშინ ძველი ქვეყნის სიდიდისათვის უნდა მიეღოთ მისი ციფრი — 180°, მაგრამ, როგორც ვნახეთ, გეოგრაფიულ თვალსაზრისთა გარდატეხის დროს ლაპარაკი იყო 225° — 230°-ზე, შემდგომ 250°-ზე. ერთი შეხედვით შეიძლება სწორი მოგვიჩვენოს განმარტება, რომ ყველაფერში დამნაშავეა მარინ ტირსკი. ბოლოს და ბოლოს აქი მას მიიჩნდა, რომ ევროპა-აზია-აფრიკას უკავია განედებში 225°, ციფრი, რომელიც ზოგჯერ მართლაც გვხვდება გეოგრაფიული თვალსაზრისის გარდატეხის პირველ ეტაპზე.

მაგრამ ფაქტების უფრო ახლო გაცნობა გვიძლევს უკუუვადოთ მსგავსი დაშვება. საქმე ისაა, რომ მარინის თხზულებებს არ მოუღწევია შუა საუკუნეებამდე. ზუსტად ცნობილია, რომ მისი კონცეფციის შესახებ ცნობები შე-

დ. ცუკერნიკი
როგორ აღმოაჩინეს ამერიკა

მოგვენახა მხოლოდ ბტოლემეოსის „გეოგრაფიის“ წყალობით, რომელმაც იქვე დამაჯერებლად დაამტკიცა, რომ მარინმა მცდარად ახსნა მოგზაურთა ცნობები, რაც საფუძვლად დაედო მის შეხედულებებს და, გარდა ამისა, გამოთვლისას უხეში შეცდომები დაუშვა. საკითხავია, შეიძლება თუ არა გაეზიარებინათ კონცეფცია, თუ მან მოაღწია მხოლოდ სხვა ავტორის გადმოცემით, რომელიც იქვე ამტკიცებს ამ კონცეფციის მცდარობას? რა თქმა უნდა, არა. მერე კიდევ — შეიძლება თუ არა გეოგრაფიულ შეხედულებათა დამახინჯება მარინის გავლენით, თუ ის თვლიდა, რომ ოიკუმენა მოიცავს 225°, ხოლო შემდგომ ჩვენ ვპოულობთ სულ სხვა ციფრებს — 230°, 250°, 260°?

თუმცა ძირითად მოსაზრებას, რამაც გვაიძულა არ გავგეზიარებინა ისტორიკოსების განმარტება შუა საუკუნეების გეოგრაფიასა და კარტოგრაფიაზე, მეთოდოლოგიური ხასიათი აქვს, კარტოგრაფიის ისტორიაზე დაკვირვებას მივყავართ უცილობელ დასკვნამდე: კარტოგრაფია პრაქტიკასთან მჭიდროდ დაკავშირებული მეცნიერებაა, იგი ორიენტაციას იღებდა უშუალო გამოცდილებაზე და არა ძველი ავტორიტეტების კონცეფციაზე. ამიტომ გეოგრაფიული თვალსაზრისის გარდატეხის მიზეზი უნდა ვეძიოთ მოგზაურთა ცნობებში. ერთი ლაშქრობის შედეგი ვერ სძლევდა მტკიცედ დამკვიდრებულ ტრადიციას. მაგრამ ყველა ცდა, რომ აღმოგვეჩინა ცნობები მოგზაურობათა შესახებ, რასაც შეეძლო განეპირობებია გეოგრაფიული თვალსაზრისის გარდატეხა 70—80-იან წლებზე ადრე, ამაო გამოდგა.

დაუჯერებელია, რომ ჩვენამდე არ მოუღწევია არავითარ ცნობას იმ მოგზაურობათა შესახებ, რომელმაც აიძულა ყველა კარტოგრაფი რადიკალურად შეეცვალა თავისი შეხედულებანი.

ეს გვაიძულებს ეჭვი შევიტანოთ მეცნიერული აზრის სამართლიანობაში, რომ თითქოს იმ პერიოდში, რომელიც წინ უსწრებს კოლუმბის ნაოსნობას, მართლაც შეიძლებოდა გეოგრაფიულ

წარმოდგენათა მოულოდნელი და აუხსნელი გარდატეხა. ისღა დაგვჩვენებდნენ რომ ასლებურ ანალიზს დავუქვემდებაროთ ის ფაქტები, რომელთა საფუძველზედაც გეოგრაფები ასაბუთებდნენ, რომ გეოგრაფიულ წარმოდგენათა დეგრადაცია მოხდა XV საუკუნეში.

ქრონოლოგიურ წყობაში ეს ფაქტები ამგვარად განლაგდებიან: ტოსკანელის წერილი და რუკა — 1474 წელი, ბეგარმის გლობუსი — 1492 წელი, შემდეგ მოდის კოლუმბის გეოგრაფიული თვალსაზრისი.

3

ტოსკანელის რუკა, ჩვეულებრივ, დათარიღებულია 1474 წლით. ამ რუკას ჩვენამდე არ მოუღწევია; მის შესახებ ყველაზე ადრეულმა ცნობებმა მოაღწია XVI საუკუნის ესპანელი მემატანიეების წყალობით. მათ იგი უნახავთ კოლუმბის ქალაქებში. თანამედროვე მეცნიერებას ხელთა აქვს ტოსკანელის წერილი პორტუგალიელი მარტინესისადმი, აგრეთვე ქრისტეფორე კოლუმბისადმი. წერილს საილუსტრაციოდ ახლდა ჩვენთვის საინტერესო რუკა. წერილში არსებული ცნობები საშუალებას იძლევა ადვადგინოთ რუკა. ეს მუშაობა განხორციელდა ჯერ კიდევ XIX საუკუნეში და მის უარსაყოფად საფუძველი არ არსებობს.

წერილში ნათქვამია, რომ დასავლეთის გზით მანძილი ლისაბონსა და აზიის აღმოსავლეთ ნაპირებს შორის უდრის დაახლოებით დედამიწის ერთ მესამედს. ეს მანძილი გრადუსებში არაა გამოხატული. მაგრამ წერილის ავტორის მტკიცების საფუძველზე, რომ რუკაზე მანძილი — ლისაბონი — ჩინეთი აღნიშნულია 26 სპაციაზე, მკვლევარები მივიდნენ ერთსულოვან დასკვნამდე, რომ თითოეული სპაცია უდრის 5°. ამის კვალობაზე, მანძილი ლისაბონიდან აზიის აღმოსავლეთ ნაპირებამდე (დასავლეთის გზით) რუკაზე უდრის 130°. ეს ნიშნავს, რომ ძველ ქვეყანას ლისაბონის განედზე ეჭირა 230° (ნაცვლად 130°-ისა, რაც აღინიშნებოდა მსოფლიო რუ-

ებზე გეოგრაფიული შეხედულებების „დეგრადაციამდე“). ამიტომ წერილის ავტორი დაჟინებით ურჩევდა არა აღმოსავლეთის, არამედ დასავლეთის გზას აღმოსავლეთ აზიისაკენ, რომელიც გაცილებით მოკლე და იოლია.

წერილში აღტაცებული ტონით აღწერილია აღმოსავლეთ აზიის ქვეყნების სიმდიდრენი. ნათქვამია, რომ ეს სიმდიდრე ხელუხლებლად ძვეს მხოლოდ იმიტომ, რომ ევროპელებმა არ იციან ამ ქვეყნებისკენ გზა, თუმცა „იქ მოხვედრა სულ იოლია.“ გარდა ამისა, ავტორი ირწმუნება, რომ ადგილობრივი მკვიდრნი ევროპელებს სულში ჩაიძვრენენ.

საყოველთაოდ მიღებული ვერსიის მიხედვით, ტოსკანელის რუკამ და წერილმა კოლუმბზე უდიდესი გავლენა მოახდინა და განსაზღვრა მისი გადაწყვეტილება—წასულიყო აზიაში დასავლეთის გზით, რამაც მიიყვანა ამერიკის აღმოჩენამდე. სწორედ ამიტომ XIX საუკუნის ბოლოს ფლორენციაში ტოსკანელის ძეგლი აუგეს — „ამერიკის აღმოჩენის შთამაგონებელს“ — ასე ჟღერს წარწერა კვარცხლბეკზე.

გამოკვლევებმა გვიჩვენა, რომ ტოსკანელის წერილი (ავრეთვე რუკაც) არააუთენტურია, სანდო არაა. პირველ ყოვლისა, წერილში გვხვდება ფრაზა, რომელიც შეიძლება თქმულიყო წერილის დაწერიდან (1474 წელი) სულ ცოტა ოცდახუთი წლის შემდეგ და სახელგანთქმული მეცნიერის გარდაცვალებიდან (ტოსკანელი გარდაიცვალა

1482 წელს) 17 წლის შემდეგ. შემდგომ ტოსკანელის პირადი საბუთები ამტკიცებენ, რომ ფლორენციელი მეცნიერი ყბადაღებულ „ტოსკანელის წერილში“ გამოთქმულ მცდარ შეხედულებებს დედამიწის სიდიდის შესახებ მხარს არ უჭერდა. გარდა ამისა, ჩვენ გავარკვეით, რომ ტოსკანელის წერილის შედგენით დინტერესებულნი იყვნენ და რომ პირველი წერილი შედგენილია XVI საუკუნის დასაწყისში, ფლორენციელი მეცნიერის გარდაცვალებიდან სულ ცოტა, ორი ათეული წლის შემდეგ.

რაც შეეხება მეორე ძეგლს, სადაც ჩანს ზემოხსენებული შეხედულება ძველი ქვეყნის სიდიდის შესახებ — ბეგაიმის გლობუსს — საბუთების მიხედვით დადასტურებულია, რომ გლობუსი მართლაც 1492 წელს დაუმზადებიათ. ოღონდ გამოსახულება, რომელიც გლობუსზეა, გვამცნობს, რომ შემდგომ ძირფესვიანად გადაუკეთებიათ. ასე მაგალითად, გლობუსზეა თარიღიანი წარწერა—1106. შემდეგ: მდინარეებს, რომლებიც კასპიის ზღვას ერთვის, გლობუსზე ჰქვიათ ემბა, სირ, ამუ. ეს მაშინ, როცა ცნობილია, რომ დასავლეთ ევროპაში XV საუკუნეში და XVI საუკუნის დასაწყისში ამ მდინარეებს ერქვათ დაიკს, იაკსარტეს, ოკსუს. ბოლოს, ამ გლობუსის ნიურნბერგელი ქამთალმწერლის გარტამან შედილის აღწერა ნათელს ჰფენს, რომ ძეგლის შედგენის დროს გამოხატული იყო არა მარინის, არამედ მაკრობის კონცეფცია.

თარგმან ნათელა ჟღერტმა

გაგრძელება იქნება



იუმორი

ციხვი და ტურა

— ტურავ, რასა სწერ?
— რაღა რას,
სიმართლეს ვემსახურები,
მგელი ახალ სახლს რომ იგებს,
საიდანა აქვს ფულები?!
ციყვმა მიუგო: — ხვალ ნახავ
და გაუცინებ სახეში,
თუ წამგლეჯია მგელუკა,
თვით გაეზმება მახეში.
სხვებმა თქვან, მესმის! შენც იტყვი
მგლის მეზობელი მეც ვარო,
შენ ვისზე რა გაქვს სატყმელი,
შე ქვეყნის დამაქცევარო?!
შენს თავს მიხედო, სჯობია,
თუ გსურს, ეგ არის სისწორე,
სხვებზე რომ ზრუნავ, ბიძია,
ჯერ თავი გამოისწორე!

☆ —————

მამალი.

— შენი ჭირიმე, მამალო,
მამალო, გენაცვალეში,
რისთვის იკეთებ სათვალეს,
ხომ არა გტკივა თვალეში?!
— რისთვის და ჩემო ცუგრია,
პროფესორს დავემგვანები!

☆ —————

ბახალეზი

ბახალას შეხვდა ბახალა
და ეს ამბავი ახარა:
— რომ დაგვცინოდნენ, ხომ გახსოვს,
ამბობდნენ — საფრთხობელაო, —
ისეთი მოდა მოსულა,
ახლა ჩვენ გვბაძავს ყველაო!



ჭორიკანა

— ოფოფო, საით იჩქარი,
რატომ არ გინდა მისმინო,
ხვალიდან თავის საკბილოდ
მსურს რომ გაგვხადოს მიმინომ.
— აბა, რას ამბობ, კაჭკაჭო,
ჭორებით რას იხარჯები,
თუ ასე არის, გაფრინდი,
მე კი ამ ტყეში დავრჩები!



ფრთხილი

— რევიზორები მოდიან,
რატომ არ ჰყვივი, მამალო?
— ვყვივი კი არა, ვარიკავ,
იქნება სადმე დამმალო!
გინდა მომაგნონ ყვივლზე,
ფეხები გავაფიჩინო?
უნდა იცოდე: ეგ თავი,
სად, როდის გამოიჩინო!



☆ იბაგები
☆ მუხომი ბუბიაფილი

აპსტრიცა

ბურგბამბარის იუპილი

ამას წინათ ვენის თეატრმა ბურგტეატრმა იზეიმა თავისი 75 წლის იუბილე. საიუბილეოდ ადაღინეს გრილპარცერის პიესა „ესთერი“, რომლითაც დაიწყო ამ თეატრმა თავისი მოღვაწეობა. საიუბილეო საღამოზე წარმოდგენილი იქნა აგრეთვე პირველი პიესა თეატრის მიერ განზრახული სერიიდან — „მსოფლიო დრამატურგიის ციკლი“. ამ ციკლში შევა დოსტოევსკის რომანების ინსცენირება; ჰაუპტმანის „მზის ჩასვლის წინ“, უნგრელი დრამატურგის მადანის „ადამიანური ტრაგედია“, შილერის „მარია სტიუარტი“, დიურენმატის „ფიზიკოსები“ და მსოფლიო დრამატურგიის სხვა შედეგები. იუბილესთან დაკავშირებით თეატრმა გამოსცა „ბურგტეატრის აღმანახი“, რომლის ტექსტი და ფოტოები გვაცნობენ თეატრის განვითარების გზას. აღმანახში დაბეჭდილია თეატრის ერთ-ერთი უბუცესი წევრის, ცნობილი მსახიობისა და რეჟისორის ოტო ტრესლერის მოკონებები სცენაზე თავისი მწიფი გამოვლის შესახებ. თეატრი რაღა ვენური თეატრი იქნებოდა, თუ აღმანახში არ შეიტანდა ყველა ანეგდოტს, რომელიც კი შეთხზულა ბურგტეატრის შესახებ.

ა უ უ

როზოტის იუპილი

უკვე ერთი წელი შესრულდა, რაც ბალტიმორის უნივერსიტეტის შენობაში დადის ავტომატი, რომელიც სავსებით დამოუკიდებელ არსებობას ეწევა. ის ღამურას მსგავსად პაწია რადარის მეშვეობით პოულეობს ორიენტაციას, არავის არ უშლის და მარჯვედ უვლის გვერდს ყოველგვარ დაბრკოლებას. როცა რომოტი გრძნობს, რომ საცაა ენერგია გაუთავდება, ის მანამდე შინგავს ფათურით კედელს, ვიდრე არ იპოვოს ელექტროჩამრთველს. წინათ ის დღისითა და ღამით მოგზაურობდა უნივერსიტეტის შენობაში, მერე კი მის ელექტრულ „ტვინს“ დაუშინეს დადლილობის ცენტრი და ახლა 8 საათის სეირნობის შემდეგ ის თვითონვე წვება ხოლმე დასასვენებლად. მისი უმთავრესი მტერია კიბე: კისერი რომ არ მოიტეხოს კიბეზე, ის აღჭურვეს მოწყობილობით, რომელიც უკან მოატრიალებს ხოლმე, თუკი თუნდაც ექვსი ფეხიდან ერთ-ერთი პაერში დაეკიდება. ამ რომოტის გონებრივი დონე, მისი შემქმნელი ინჟინრის დალტონის აზრით, ჰიანჰველას ინტელექტის დონეზე დგას. ამ ტიპის რომოტი უნდა მოემსახუროს უცნობი პლანეტების გამოკვლევის საქმეს და რეცინირებთ არ თვლიან საქმე როდ, რომ ის ადამიანს დაანსგავსონ. რომოტი წააგავს შლა-

პის კოლოფს, კისერი უირაფინაქვს, ხოლო თავის ნაცვლად პატარა კასრი ადგას.

ბარლაცივალა კიბერნემტიკის მამამთავარი

შვეიციაში სალექციო ტურნეს დროს სტოკჰოლმში გარდაიცვალა კიბერნეტის მამამთავარი პროფესორი ნორბერტი ვინერი. როგორც აღორძინების ეპოქის მოაზროვნეთა უმრავლესობა, ვინერი აერთიანებდა ფართო მათემატიკურ აზროვნებას და ინტუიტიური ფანტაზიის მეთოდს. თავისი პირველი წიგნით კიბერნეტის შესახებ მან საფუძველი ჩაუყარა თეორიას, რომ ადამიანი არის სისტემა, დაფუძნებული მართვისა და ინფორმაციის პრინციპებზე. თავის მომდევნო წიგნში — „კიბერნეტია და საზოგადოება“, სხვა შესანიშნავ იდეებთან ერთად, მან წამოაყენა ფანტასტიური აზრი იმის შესახებ, რომ თეორიულად შესაძლებელია ადამიანის გადაგზავნა ტელეგრაფით, ამასთან მიუთითა ცოცხალი არსების მათემატიკურ აღგორბმად გადაყვანის პრობლემაზე. ვინერმა საფუძველი ჩაუყარა კიბერნეტის, რომლის ცნებებია — მართვა, ინფორმაცია, ენთროპია და სხვ. კიბერნეტია იქცა თანამედროვე მეცნიერების მნიშვნელოვან, საკმაოდ უნივერსალურ ელემენტად. კიბერნეტია არის მეცნიერება, რომელმაც ეს-ნება დაიწყო განვითარება, მაგრამ უკვე გადაგვიშალა უმდიდრესი პერსპექტივები. ვინერის აზროვნების მეთოდით, რომელიც

აერთიანებს სიწესტესა და ფანტაზიას, სპეციალიზაციას და უხივრებლობას, გზავლობას მნიშვნელოვან მექანიკურებად, რომელიც დაუტოვა კაცობრიობას ამ დიდმა მეცნიერმა.

რომანი პრემიუმების არჩევნების შესახებ

იუჯინ ბარდიკმა, რომლის კალამს ეკუთვნის პოლიტიკური რომანები — „საზოლარი ამერიკელი“ და „ნაღლი ჩაფლავება“, დაწერა ახალი რომანი — „480“. ესაა ფანტასტიკური ამბავი იმისა, თუ ელექტროლი სათვლელი მაშინის მეთონებით როგორ ხდება ამერიკის პრეზიდენტის არჩევა.

პროგრესული პატი

რასობრივი დისკრიმინაციის წინააღმდეგ პროტესტის ნიშნად ამერიკელი მუსიკოსების ერთმა ჯგუფმა გადაწყვიტა არ გამოვიდნენ იმ ქალაქებში, სადაც წანგებს აკრძალული აქვთ კონცერტებზე დასწრება. ეს მუსიკოსები არიან ვლადიმირ შორავიცი, ლეონარდ ბერნსტაინი, იაზი ზეიფიცი, ისაკ სტრინი, ავრეთვი მომდერლუნი უილიამ უორფილდი და ლეონტინა პრაისი.

უხირო ფილმების სახიროსო

თურმე ყოვლად უხირო ფილმებსაც შეუძლია სარგებლობის მოტანა. ამერიკის სამხედრო ფლოტმა შესყიდა პოლიფილმის ყველაზე სუსტი ფილმები და იყენებს მას, როგორც „ფსიქოლოგიურ მცველ სარქველს“ ატომური წყალქვეშა ნაგების ექსპერიმენტისთვის. ეს არაჩვეულებრივად პრიყველი ფილმები სამხედრო მეზღვაურებს ისე აღაშფოთებს, ხოლმე, რომ ისინი იგინებან, უხტყენენ, ყვირიან, იშუქრებიან და ა. შ.; ამის წყალობით ისე იქანცებიან, რომ მერე შევბახაც კი გრძნობენ, როცა ას-

რულებენ თავიანთ მიმიე სამსახურს, ხოლო ხანდახან სარიკო დავალებებსაც წღვის ხიღრმეში.

ამერიკული სიკვდილის წესი

ასე ეწოდება ამას წინათ გამოხულ ამერიკულ ბესტსელერს — ჯ. მიტფორდის წიგნს, რომელიც ამხილებს ამერიკის ტრესტთაგან ყველაზე საზოლარს—დამკრძალვი ცერემონიების ტრესტს. ოსკარ უაილდის ზუმრობა — დასამარხი ფული არა მაქვსო, ახლა ამერიკელებისთვის აღარაა ზუმრობა. მათ ქვეყანაში დამკრძალვ საქმეთა მენაგებებმა ეს პროფესია აქციეს შრეწველობად, რომელიც დღითიდღე იფურჩქნება. დაკრძალვის საშუალო ღირებულება 1935 წლის 350 დოლარიდან გაიზარდა დღევანდელ 1.400 დოლარამდე. დასაკრძალავი ხარჯები მთელი ქვეყნის მასშტაბით გაცილებით უფრო დიდია, ვიდრე პოლიციის ბიუჯეტი და მნიშვნელოვნად სჭარბობს სახანძრო დაცვის ხარჯებს. მიტფორდის წიგნის გამოქვეყნებამ დიდად შეაშფოთა ისინი, ვინც სიკვდილით მდიდრდებიან. დავა-გამარტესტების პროცესში „დაკრძალვითა ამერიკულ მოამბეში“ გაჩნდა შემდეგი სიტყვები: „კომუნისტები ძირს უთხრიან დაკრძალვის ამერიკულ წესჩვეულებებს, რათა უყვი გამოუთხარონ ძირი ჩვენი ქვეყნის კანონმდებლობას!“

ბელგია

უნებლიე რეკლამა

ბელგიის ტელევიზიამ კამოაცხნდა, რომ ნაჩვენები იქნება ფრანგი კინორეისორის უანლიუკ გოდარის ტელეფილმი — „უყანასკნელ ამოსუნთქვამდე“, მაგრამ რამდენიმე თვე გავიდა, ფილმი კი ვერ აჩვენეს ტელემაყურებლებს, ვინაიდან ბელგიის კათოლიკურმა პრესამ გააჩაღა გააფთრებული კამპანია

ფილმის წინააღმდეგ. არაკათოლიკურმა წრეებმა პროტესტი განაცხადეს ამ დიქტატურის წინააღმდეგ და ფილმს, როგორც იქნა, ეღიბსა გამოსვლა ცისფერ ეკრანზე; ეკრანს უამრავი ტელემაყურებელი მიეტანა. მაგრამ აღმოჩნდა, რომ მათ ენახათ ათასჯერ უფრო ამორალური სცენები, ხოლო თვით ფილმი საკმაოდ ბანალური გამოდგა: უხირო დეტექტიური ინტერესი, ცინიკოს ახალგაზრდა განგსტერისა და გარყვნილი ახალგაზრდა ქალის მოყრქეპული ტიპები — აი რა ნახეს მათ. ამრიგად, „მორალის დამცველებმა“ საკმაოდ საშუალო ფილმს შეუქმნეს დაუმსახურებელი სენსაციური რეკლამა.

ბ. ფ. რ.

ახალი სპანდალი

ისტორიკოსთა ასოციაციამ, რომლის მთავარი მიზანია ჰიტლერის მის რეაბილიტაცია და ქების შესხმა, ახალი შესაზარი შესტი მოიმოქმედა. „ისტორიის მკვლევართა საზოგადოებაში“, როგორც უწოდებენ თავის თავს ნაცოზმს დანატრული ეს „მეცნიერები“, პრემია მიანიჭა ამერიკელ პროფესორს დევიდ ჰოგანს წიგნისათვის — „იძულებითი ომი“. ამ „საბოშოში“ ავტორი ცდილობს თავიდან ააშოროს ჰიტლერსა და ნაცისტებს მეორე მსოფლიო ომის წამოწყების პასუხისმგებლობა. გერმანიის პრეზერტა ფედერაციამ გაასტესტა ეს საქციელი, როგორც პროვოკაციული, და მოუწოდა ფერ-ს მშრომელებს მოეწყით დემონსტრაცია. ამის თაობაზე ფედერაციულმა მოავრობამ გამოთქვა თავისი „უკმაყოფილება“, მაგრამ ამავდროს განცხადდა, არავითარი „კანონიერი საშუალება“ არა გვაქვს, რომ ხელი შევეშალოთ პრემიის მინიჭებასო.

ეს იქნება ბესტსელმარი

ზანს ჰახსმა, რომელიც უკვე 25 წელია ითვლება ამერიკის

ერთ-ერთ საუკეთესო მცოდნედ, მიუღწევნი და ერთდროულად 18 სხვა ქვეყანაში გამოსცა წიგნი — „სიკვდილი ტენასში“. როგორც ამბობენ, ესაა ამაღლევბელი რეპორტაჟი ამერიკის პოლიტიკური და სალიბერო ცხოვრების შესახებ.

იაკონი

ვენერა მილოსელი სტუმრად

ერთ თვეზე მეტი ხნის მოგზაურობის შემდეგ ვენერა მილოსელის სახელგანთქმულმა ქანდაკებამ ლუვრიდან იაპონიაში ჩააღწია. იაკოვამას ნავსადგურში მას, წესისამებრ, დახვდა იაპონელი სილამაზის დედოფალი. გადატანისას ვენერა მილოსელის ტანსაცმელს ჩამოეშტვრა რამდენიმე ნატები, რომელსაც სპეციალისტები აღადგენენ. ეს მოგვაგონებს ამ მშვენიერი ქანდაკების სხვა, უფრო დიდ დაზიანებას — ორივე ხელის დაკარგვას. ეს ამბავი ასე მოხდა: საფრანგეთის ელჩმა სტამბოლში მარკოზ დე-რივიერმა 1820 წელს შეიტყო, საბერძნეთის კუნძულ მილოსზე გლეხმა ძველბერძნული ქანდაკება იპოვნო. ის გაეგზავრა, რათა საფრანგეთისთვის შეეძინა ეს იშვიათი ნაპოვნი. როცა ყიდვისა ვერაფერი გაახერხა, ძალით წაართვა ქანდაკება და ამ შტაქების დროს დვთაბერძენ ვენერას ორივე ხელი მოტყდა. მას უკან ვინ არ ეძება ღმერთქალის დაკარგული ხელები, მაგრამ დღემდე ვერაფერს მიაკვლიეს. ხოლო ისინი, ვისაც ეს ქანდაკება მილიანი სახით უნახავს, ამბობდნენ, რომ აწუხულ მარცხენა ხელში მას პქონდა ვაშლი, მარჯვენაში კი ტანსაცმლის კალთა ეჭირა.

ინგლისი

90 წლის სომერსეტ მომბი

უილიამ სომერსეტ მოემმა ამას წინათ იზეიმა თავისი 90-ე წლისთავი. ის კარგა ხანია საფრანგეთის რივიერაზე ცხოვრობს, კაპ ფერატში. თუმცა

მოემი ცუდად ხედავს, თითქმის არ ესმის და ბევრი რამ აღარ ახსოვს, მაგრამ წერა არ დავიწყებია. თავისი 90 წლის-თავისთვის მან დაწერა, თუ 1847 წელს როგორ იქმნებოდა მისი პირველი რომანი — „ღამ-ბეტელი ლოზ“. მაშინ ის ექიმად მუშაობდა. მოემს ბევრი ახალგაზრდა მწერალი მიმართავს რჩევისათვის, როგორ ვწეროთო, მაგრამ მოემი მათ უარჩევს მხოლოდ ერთადერთ რამეს — შეისწავლო მედიცინა, ვინაიდან საოპერაციო მაგიდაზე თუ ავადმყოფის საწოლში აღამიანები შეშით არიან შეპყრობილნი, იხსნიან ნიღაბს და მათი ცხოვრება ჩანს ისეთი, როგორიც სინამდვილეშია — არავითარი სიყალბე და თვალთმაქცობა. მოემმა თქვა, მეგობრები არ მივიწყებენ, ხშირად მნახულობდნო. ხშირად ჩაიდოდა მისი უახლოესი მეგობარი უან კოტოცი, რომელზეც მოემმა თქვა: არ მეგონა, თუ მის სიკვდილს მე მოვესწრებოდიო. ხშირად ჩამოდიან უურნალისტიცი. ამას წინათ მასთან ინტერვიუსთვის გამოცხადდა ერთი ლონდონელი უურნალისტი, რომელიც არწმუნებდა მწერალს: პორტფელში მიწყვია ყოველნაირი ცნობა თქვენი ცხოვრებისა და გარემოს შესახებო. მოემი დეპქვდა, ამას ჩემი ნეკროლოგიც მზად ექნებაო და არ მოეშვა, ვიდრე უურნალისტი მართლაც არ წააკითხა ნეკროლოგი. მწერალმა თხოვა ცოტა უფრო თბილად დაწერეთ, ეს ძალზე გულცვადაო და დაწერილიო. მოემმა დავაცხადა, რომ სიბერეს აქვს უპირატესობანიც, ვინაიდან მის ცხოვრებას გარკვეული მხრით ჩამოშორდა აღამიანური წვრილმანობა, შური, სიმბდალე და შინაგანი შეშფოთება. აღამიანს თვალები ღია აქვს, ის აკვირდება გარემოს და გულიანად ერთობა, როცა ხედავს სხვათა აღამიანური სისუსტეს. რაც მთავარია, ის შეუპოვარის ცხოვრების უკანასკნელ ჯილდოს — ნათელ სიმშვიდეს.

ჩაპლინი მემუარებში დაბრუნდა

ჩაპლინი მემუარებში დაბრუნდა

ჩარლზ სენსერ ჩაპლინი-როგორც იქნა დაასრულა თავისი მემუარები და მალე გამოვა ლონდონში. წიგნი მოიცავს 570 გვერდს. სახელმძღვანელომ მასხობა განაცხადა: „უცვილობად, რაც შეიძლება გულწრფელი ვყოფილიყავი. მე სრული სიმართლე დავწერე ჩემს შესახებაც და იმათ შესახებაც, ვისთან შეხვედრაც მხვდა ცხოვრებაში, არაფერი არ დამიმაღავს“. წიგნის გამოცემას ამ წლის ბოლოსთვის ვარაუდობენ.

უმაღლესი ჯილდო

ინგლისის კინემატოგრაფიის ინსტიტუტმა ფრანგი კინორეჟისორის ალენ რენეს ფილმს „მითრიელ“ მიანიჭა „ამ წლის საბატოლად ყველაზე ძვირფასი და უველაზე ორიგინალური ფილმის“ წოდება. სიგელი და ამ წოდების მინიჭება უველაზე მაღალი ჯილდოა, რომელიც კი შეუძლია მიიღოს კინორეჟისორმა ინგლისში.

რიჩარდსონის ბბალი ფილის წარმატება

ახალგაზრდა ინგლისელმა კინორეჟისორმა, მრავალი მოსაწონი ფილმის ავტორმა ტონი რიჩარდსონმა (ჩვენი მაჟორებილი იცნობს მის ფილმს — „გვა მაღალი საზოგადოებისა-ტენი“), კვლავ მოპოვა დიდი წარმატება. მან გადაიღო XVII საუკუნის რომანის ინსცენირება — მენრი ფილდინგის „ტომ ჯონსი“. პოლიგულში ამ ფილმმა ერთდროულად მიიღო ოსკარის ოთხი პრემია — საუკეთესო ფილმისათვის, საუკეთესო სცენარისათვის, საუკეთესო მონაცემებისათვის და საუკეთესო ექრანებზე ფილმის დემონსტრაციას მუდამ თან ახლავს კრიტიკოსების მოწონება და კინომაჟორებელთა ინტერესი.

„ამერიკული სიზინძურა“ ინგლისში

ინგლისის უმაღლესმა საეკლესიო პირებმა შექმნეს სპეციალური „უწმაწურობასთან ბრძოლის კომიტეტი“, რომელიც იბრძოლებს ამერიკული პორნოგრაფიული ლიტერატურის შემოტანის აკრძალვისათვის. უკანასკნელი სამი წლის მანძილზე ინგლისის სახელმწიფო დაავაჯა 1.155.000 პატარ-პატარა წიგნი და ჟურნალი, აღსავსე „ამერიკული სიზინძურით“, როგორც უწოდებენ აქ ამერიკელ გამომცემელთა გამრყენელ, უწმაწურ პროდუქციას. კომიტეტმა, რომელიც შედგება კათოლიკური, პროტესტანტული და ებრაული ეკლესიების უმაღლეს სასულიერო პირთაგან, გადაწყვიტა მიაღწიოს პორნოგრაფიული „ლიტერატურის“ და ფოტოსურათების შემოშენთან სასამართლოზე გადაცემას.

მნათებების პროტესტი

ინგლისელი მნათეების კავშირმა, რომელიც 40.000 წევრს მოიცავს, თავის ამასწინანდელ კონფერენციაზე გამოთქვა სასტიკი პროტესტი ინგლისის ეკლესიების მოღერნოების წინააღმდეგ. მათს პროფესიას სერიოზულ საფრთხეს უქმნის ტექნიკური სიახლის — ეკლესიის ზარების რეკვის მავნიტოფონური ჩანაწერების შემოღება. მნათეების პროტესტს, ცხადია, მხარი დაუჭირებს ზარის ფაბრიკების მეპატრონეებმა.

იტალია

პროგრესული გამომცემლობის იუბილე

წელს იტალიის პროგრესული გამომცემლობა „ეინალი“ აღნიშნავს თავის 80 წლის თავს. დაარსების დღიდანვე ამ გამომცემლობას მჭიდრო კავშირი ჰქონდა მარქსისტულად მოაზროვნე ადამიანებთან. მისი დამაარსებლის, ცნობილი ეკო-

ნომისტის ლუიჯი ეინალის, ურნალ „როფორმა სოციალის“ რედაქტორის ირგვლივ თავი მოიყარეს ინტელიგენციის პროგრესულმა წარმომადგენლებმა, მათ შორის მარქსისტებმაც. ფაშისმის დროს ბევრი მათგანი დააპატიმრეს, სოლო მეორე მსოფლიო ომის დროს მრავალი მეთაურობდა წინააღმდეგობის მოძრაობას ჩრდილოეთ იტალიაში.

გამომცემლობის ახლანდელი დირექტორი ჯულიო ეინალიც იტალიის საზოგადოებრივი ცხოვრების პროგრესული წარმომადგენელია. „ესპანეთის წინააღმდეგობის დროინდელი ახალი სიმღერების“ გამოცემის გამო ფრანკისტულმა მთავრობამ მას აუკრძალა ჩასვლა ესპანეთში, სადაც მიწვეული იყო ფორმენტორის საერთაშორისო პრემიის ჟიურის წევრად.

ამჟამად ეს გამომცემლობა იტალიის ერთ-ერთი ყველაზე უფრო ცნობილი და ავტორიტეტული გამომცემლობაა. აქ გამოდის უწინარეს ყოვლისა მხატვრული ლიტერატურა; აგრეთვე ფილოსოფიური, პოლიტიკური და საზოგადოებრივ-მეცნიერული ნაშრომები. მათ მიერ გამომცემულ სხვადასხვა სერიაში დაბეჭდილია მსოფლიო კულტურის თვალსაჩინო ნაწარმოებები, ამასთან ავტორთა სია ძალზე მრავალფეროვანია. მავალითად, გამოვიდა იტალიის კომპარტიის დამაარსებლის ანტონი გრამსის ნაშრომები, სოლო წელს გამოვიდა ნ. ს. ხრუშჩოვის იმ სიტყვების კრებული, სადაც საბჭოთა მთავრობის მეთაური ლაპარაკობს ზალხთა მშვიდობიანი თანაარსებობის შესახებ.

ჯინას ფოტოგრაფიკული ცენტრი

ჯინა ლოლოზიჯიდა ვატა-ცემული ფოტომოყვარულია მის ფოტოსურათებს სწორად ბეჭედვდა იტალიისა და საფრანგეთის მრავალი ჟურნალი. მაგრამ, ჯინას აზრით, ამას იმიტომ ჩადიოდნენ, რომ ის კინოვარსკვლავია. ახლა მას გან-

ზრახული აქვს მიიღოს კვალიფიკაცია, ჩააბაროს გამოცდები და იმუშაოს, როგორც ოფიციალურმა ფოტორეპორტიორმა.

კანადა

„პირდაპირი ფილმი“

ახლამ მიმართულებამ კინემატოგრაფიაში — „პირდაპირმა ფილმმა“, ე. ი. დოკუმენტურმა ფილმმა, რომელიც აღბეჭდავს რეალურ ადამიანთა კერძო ცხოვრებას, თავის შესაძლებლობათა დადასტურება ჰპოვა რეჟისორ მიშელ ბროს ფილმში; მან საფრანგეთის კანადაში გადაიღო ფილმი კანადელი გლეხკაცობის ყოველდღიურ ცხოვრებაზე. ამისთვის გადამღები ჯგუფი დასახლდა ერთ პატარა სოფელში, დაუახლოვდა გლეხებს და მსუბუქი პორტრეტიული კინოპარტიკისა და ძალზე მგრძნობიარე ფირის მეოხებით ყოველდღე იღებდნენ სოფლის ცხოვრების, ოჯახური ცხოვრების, გლეხთა ლაპარაკისა თუ ჩხუბის სცენებს, აგრეთვე სცენებს ეკლესიაში, მინდვრად მუშაობისას, თევზაობისას და სხვ. გლეხები ისე მიეჩვივნენ მათს ყოფნას, რომ აღარ ამჩნევდნენ, თუ იღებდნენ. ამიტომ ფილმი უჩვეულოდ ცხოვრებისეული და სარწმუნო გამოვიდა.

საფრანგეთი

პრემია „ანტი-რომანს“

დასავლეთის 19 მსხვილი გამომცემლობის მიერ დაარსებული საერთაშორისო პრემია 10.000 დოლარის რაოდენობით წელს ჟიურიმ მიანიჭა 80 წლის ფრანგ მწერალ ქალს ნატალი საროტი მისი უკანასკნელი რომანისათვის — „ოქროს ნაყოფი“.

ნატალი საროტი ცნობილი წარმომადგენელია „ახსტრაქტული რომანისა“ ანუ „ანტი-რომანისა“ — საფრანგეთის ამ მოდური ლიტერატურა-

ლი მიმართულებიან. სარო-
ტის რომანში არ არიან რო-
მანისათვის ჩვეული გმირე-
ბი ან მოქმედი პირები და
არსებითად არც რაიმე მოქ-
მედება ხდება. მაგალითად,
„ოქროს ნაყოფში“ უცნობი და
უსახელლო პიროვნებები კამა-
თობენ ამავე სახელწოდების
რომანზე, მაგრამ მათი ლაპა-
რაკიდან მკითხველი თითქმის
ვერაფერს ტყობილობს ამ რო-
მანის შესახებ. მიუხედავად
ექვემოთხანელი ლიტერატურუ-
ლი ნიჭიერებისა, მიუხედავად
იმისა, რომ მწერალს საუცხოო-
ოდ ეხერხება პერსონაჟთა
რთული, გადახლარ თ უ ლ ი
გრძნობების ანალიზი, საროტის
წიგნები აბსოლუტურად არა-
ფერს მატებს მკითხველს.

ახალი ფილმი ახალგაზრ- დობის შესახებ

ამას წინათ საფრანგეთის
ეკრანებზე გამოჩნდა რეჟისორ
ბერტრან ბლიეს (მსახიობ ბერ-
ნარ ბლიეს ვაჟი) ფილმი —
„თანატოლები“. მის პირველ,
მწვავე და პოლემიკურ
ფილმს — „პიტლერი?.. მე მას
არ ვიცნობ!“ — კრიტიკამ საუ-
კეთესო შეფასება მისცა. ახა-
ლი ფილმიც ეძღვნება თანამე-
დროვე ახალგაზრდობას. 800
ჯაბუკა და ქალიშვილში რე-
ჟისორმა შეარჩია 11 კაცი,
რომლებიც ფილმში საკუთარ
თავს თამაშობენ. ისინი ძალზე
განსხვავებულნი არიან — აქ
შეხვედებით მანეკენად მომუშა-
ვე ქალებს, ღამის დაწესებუ-
ლებების ატმოსფეროთი გაზრ-

წნილებს, თავის პროფესიას
შეყვარებულ მუშას, განსხვავ-
რებულ ქალიშვილს, გიგანტურ
წამლაუნჯებ იცვლის საყვარ-
ლებს.

ფილმი ორიგინალურადაა ჩა-
ფიქრებული და აგებულია იმ
ადამიანთა დილოგზე, რომლე-
ბიც მანამდე არასოდეს შეხვედ-
რიან ერთმანეთს. ხოლო ფილ-
მის სიუჟეტური ქარგა მოი-
ცავს გმირთა მოქმედებას, მათს
დამოკიდებულებას მშობლები-
სადმი, მუშაობისადმი, ოჯახის
მიტოვებას, გატაცებებს, სიყვა-
რულს, გეგმებს. ფილმი საინ-
ტერესოა, როგორც „კოლექტი-
ური პორტრეტი“ საფრანგე-
თის იმ ახალგაზრდობისა, რო-
მელსაც შეუძლია თქვას „რო-
ლიტიკა?.. მე მას არ ვიცნობ!“



მხატვრული რედაქტორი ტიტე შევილაძე

ტექნიკური რედაქტორი მადეა შონია

რედაქციის მისამართი: თბილისი, პლენარის პრესა. № 91.

ტელეფონები: რედაქტორის — 5-08-75, პ/მ მდინისი — 5-80-86, განყოფილებების: პრი-
ტივისა და კუბლიცინის — 5-08-85, კოფეინისა და პროზის — 5-08-85.

ხელმოწერილია დასაბეჭდად 18/VIII-64 წ. ფიზიკურ ფორმათა რაოდენობა 10. პირობით
ფორმათა რაოდენობა 13,7. შეკვ. № 824. უე 08317. ქაღალდის ზომა 70×108. ტირაჟი 8 000.

ბეჭდვითი სიტყვის კომბინატი, თბილისი, მარჯანიშვილის ქ. № 5.

Комбинат печати. Тбилиси, ул. Марджанишвили, 5.

147055391
0162000033






სკოლის ოსტატი სპარაუტო
სკოლაში ლარისა ვრემაშვილი

საპედაგოგო დღესასწაული
თბილისში

ფოტო ა. თურქიახი



თბილისის ზღვაზე

ՀԻՆՈՒ ԵՐ ԿԵՆ.



ЕЖЕМЕСЯЧНЫЙ ХУДОЖЕСТВЕННО-
ЛИТЕРАТУРНЫЙ ЖУРНАЛ

„ՇԻՏԿԱՐԻ“

ИЗДАТЕЛЬСТВО
„ЛИТЕРАТУРА ԴՆ ԽԵԼՈՎՆԵԲՆ“

ИНДЕКС 76236